

Je² cjoa⁴xi³ qui³s[?]in³ je² pa²stro⁴

Je² xi³ N[?]ai³-na¹ qui³si³s[?]e³nqui³, je² Espíritu Santo

¹ Ji³-lai²³ Teófilo, je² xon⁴ xi³ ti¹tjon² qui³squi³-le²³ ya⁴ qui³nchja²t[?]a³ nca³yi³je³ cjoa⁴ xi³ Jesús tsa³c[?]e¹ts[?]ia⁴cao⁴ nca³ c[?]oa⁴qui³s[?]in³, c[?]oa⁴ nca³ qui³s[?]in³, cao⁴ nca³ tsa³ca³co¹ya³,

² sa³?nta³ je² ni⁴čhjin³ nca³ qui³tjo³ve¹ ja⁴nc[?]a¹. Xi³ to⁴t[?]a³ts[?]e⁴ je² Espíritu Santo Jesús je³qui³tsjoa³-le⁴ cjoa⁴-te¹xo³ma³ je² pa²stro⁴ xi³ tsa³cja³?a¹jⁱⁿ³.

³ C[?]ia⁴ nca³ je³tsa³cja³?a¹ cjoa⁴ñ[?]ain³, Jesús tsa³ca³co¹-le⁴ yao³-le⁴ nca³ ti¹jna³con³. Li² to⁴c[?]oa⁴cji³ ncjin² cjoa⁴ xi³ tsa³ca³co¹, nca³ ña³qui³ c[?]oa⁴2tjin¹ nca³ ti¹jna³con³. Ña³chan² ni⁴čhjin³ Jesús coan³tsen³-ni³le⁴ pa²stro⁴-le⁴, c[?]oa⁴ tsa³cja¹cao⁴ xi³ t[?]a³ts[?]e⁴ cjoa⁴te¹xo³ma³-le⁴ Ni³na¹.

⁴ C[?]ia⁴ nca³ Jesús ti¹jna³cao⁴-sa³ je² pa²stro⁴, tsa³c[?]e¹ne²-le⁴ nca³ tsi² tsa² coi⁴tjo³-ni³ Jerusalén, to⁴nca³ ca²ta³co³ya³-le⁴ je² xi³ N[?]ai³-na¹ qui³si³s[?]e³nqui³-le⁴ nca³ je². Jesús c[?]oi⁴qui³tso²-le⁴: Coi³ xi³ qui³no²ya²-ni³nao¹³.

⁵ Ña³qui³ cjoa⁴qui²xi⁴ nca³ Juan tsa³ca³te¹nta¹-ni³cao⁴ na³nta¹, to⁴nca³ ma³čhian³-le⁴ ni⁴čhjin³ nca³ jon² sa⁴te²nta¹-nio³ cao⁴ je² Espíritu Santo.

Jesús qui³tjo³ve¹ ja⁴nc[?]a¹

⁶ C[?]ia⁴ nca³ tjo¹xco¹, qui³tsi²na³nqui³-le⁴: Señor, a³ c[?]oe¹nta³ya³ nqui²jnc³c[?]a²-lai⁴ cho⁴ta⁴ Israel je² cjoa⁴te¹xo³ma³ coi³ ni⁴čhjin³-vi⁴.

7 Jesús c⁷oa⁴qui³tso²-le⁴: Li²coi³ jon² v⁷a³cao⁴-no³ nca³ jchao⁴³ c⁷ia⁴-ni³ a³xo⁴ jo³ chon³-ni³. Je² N⁷ai³-na¹ to⁴je² to⁴jnc³ tsa³c⁷e¹jna³-le⁴ yao³-le⁴ cjoa⁴te¹xo³ma³.

8 To⁴nca³ tjoe¹-no³ nca³n⁷ion¹ c⁷ia⁴ nca³ je² Espíritu Santo cjoa⁴⁷ai¹-no³. Jon² coaon⁴³ testigo-na⁴ i⁴ Jerusalén, cao⁴ nca³qui³jnta² na³nqui³ Judea, cao⁴ ya⁴ Samaria, cao⁴ jña³ sa³⁷nta³ nca³ fe^{3t7}a³son³⁷nte³.

9 C⁷ia⁴ nca³ Jesús je³c⁷oa⁴qui³tso², tjen⁴ nca³ je² pa²stro⁴ tjio¹co³tseⁿ³-le⁴, Jesús qui³tjo³ve¹ ja⁴nc⁷a¹. Qui³cha³j³in³ yo³jvi³. Pa²stro⁴ li²coi³ ti⁴tsa³ve³-ni³ Jesús.

10 Tjen⁴ nca³ tjio¹co³tseⁿ³nc⁷a¹ pa²stro⁴, nca³ ti¹fi² Jesús, jao² cho^{4ta4}x⁷in⁴ tsa³qui³ncha^{3t7}a³-le⁴ pa²stro⁴. Na³jño³çho^{a3} y⁷a³cja¹.

11 Je² cho^{4ta4} xo⁴cjoan³-ve⁴ c⁷oa⁴qui³tso²-le⁴: Jon² cho^{4ta4}x⁷in⁴ galileos, a¹-ni³ nca³ ti³ncha³nto³-nio³, nca³ ti³cho²tseⁿ³-lao⁴³ nc⁷a³jmi³. Ti⁴je²-ni³ Jesús xi³ ji³tjo³xin²-no³, xi³ qui³ nc⁷a¹, ti⁴c⁷oa⁴-s⁷in² cjoa⁴⁷ai¹-ni³, jo³-s⁷in² nca³ ca²⁷yao³ nca³ ca²fi²mi³ nc⁷a¹.

Matías coan³xqui⁴cao⁴ xi³ te³jnc³ pa²stro⁴

12 C⁷ia⁴ ji³nçho^{a3}-ni³ ni³nto³ jña³ nca³ Olivar ⁷mi² xi³ ti¹jna³çhian³-le⁴ Jerusalén, jo³-s⁷in² nca³ tjo³⁷nte³-le⁴ fi² jña³ çhian³ c⁷ia⁴ nca³ ni⁴çhjin³ ni²cja¹ya³. Ja³⁷ai³-ni³ Jerusalén.

13 Ja³⁷a³s⁷en³ Jerusalén. Qui³mi³ cuarto xi³ ma³jao²jco³-ni³ jña³ nca³ tjio¹ Pedro, Jacobo, Juan, Andrés, Felipe, Tomás, Bartolomé, Mateo, Jacobo ⁷nti¹-le⁴ Alfeo, Simón Zelote, Judas nts^{2e4} Jacobo.

14 Je² nca³ts⁷i³ pa²stro⁴-vi⁴ cao⁴ ya¹nchjin¹, cao⁴ María na⁴-le⁴ Jesús, c⁷oa⁴ cao⁴ nts⁷e⁴, to⁴jnc³ cjoa⁴fa³⁷ai³tsjen³-le⁴, c⁷oa⁴ to⁴jnc³ tjio¹. Nchaon³nchaon³ tjio¹v⁷e¹ts⁷oa³-le⁴ Ni³na¹.

15 C⁷ia⁴ ni⁴čhjin³-ve⁴ Pedro tsa³qui³so¹tjen⁴jjin³-le⁴ nts⁷e⁴. (Je² nca³ts⁷i³ cho⁴ta⁴ xi³ coan³xco¹ jnc³ ciento cao⁴ can³-la⁴ ma³-ni³.) Pedro qui³tso²-le⁴:

16 Nca³ts⁷io³ ?nti¹nts⁷e³, coan³chjen¹ nca³ ji³tjo³son² xon⁴ Escritura jo³ qui³tso² nca³s⁷a⁴ xi³ t⁷a³ts⁷e⁴ Judas, je² xi³ qui³ca³co¹-le⁴ je² xi³ qui³tsoa³ Jesús. Je² Espiritu Santo xo⁴ qui³tso² cao⁴ ts⁷oa³ David.

17 Je² cho⁴ta⁴-ve⁴ coan³xqui⁴ cao⁴ ña¹-vi⁴. Qui³ts⁷ai²-le⁴ ?nte³ nca³ qui³si³cji³tjo³son² xa¹-vi⁴.

18 Je²-vi⁴?ni³ tsa³ca³tse³ jnc³ ?nte³ cao⁴ je² taon⁴ xi³ qui³njen²-ni³le⁴ cjoa⁴ts⁷en⁴-le⁴. Qui³sca³tsa³cjan² t⁷a³na³nqui³. Qui³tjo³⁷ai² ts⁷oa⁴, nca³yi³je³ n⁷o¹y⁷e⁴-le⁴ qui³tsao³va³.

19 Tsa³ve³ nca³ts⁷i³ xi³ tsa³ca³tio² ya⁴ Jerusalén. Coi³ cjoa⁴ Acéldama ?mi² je² ?nte³-ve⁴ nca³ en¹-le⁴ xi³ tso²-ni³ ?nte³njin¹.

20 Ya⁴ tji¹t⁷a³ libro xi³ salmos ?mi²: Ca²ta³vi³xo²ya³ ni³⁷ya³-le⁴, ni⁴⁷ya³-jin² cho⁴ta⁴ xi³ ca²ta³va³tio². Cja⁴⁷ai¹ cho⁴ta⁴ xi³ ca²ta³v⁷ai²-le⁴ xa¹-le⁴.

21 Ma³chjen¹-la⁴⁷ni³ jnc³ xi³ testigo ca²ta³ma³ cao⁴ ña¹ nca³ Cristo ja³⁷a²ya³-le⁴,

22 jnc³ xi³ ts⁷e⁴ je² cho⁴ta⁴x⁷in⁴ xi³ tjio¹cao⁴-na¹ nca³ntsjai² ni⁴čhjin³ c⁷ia⁴ nca³ je² Nai³-na¹ Jesús tsa³c⁷e²jna³jjin³-na¹, sa³⁷nta³ ni⁴čhjin³ nca³ Juan tsa³ca³te¹nta¹, c⁷oa⁴ sa³⁷nta³ ni⁴čhjin³ nca³ qui³tjo³ve¹jjin³-na¹ Jesús ja⁴nc⁷a¹.

23 C⁷ia⁴ jao² cho⁴ta⁴ tsa³cja³⁷a¹j³in³: Jnco³ xi³ Matías, jnco³ xi³ José xi³ Barsabás ⁷mi², nqui²jnco³ jan³⁷ain¹ tjin¹-le⁴ Justo ⁷mi².

24 Tsa³c⁷e¹ts⁷oa³: Ji³ Señor xi³ ⁷yai³ ni⁴ma⁴-le⁴ nca³ts⁷i³, ta⁴co²-na³j³in⁴ jña³-le⁴ xi³ chja³⁷a²j³in³ nca³ jao²-vi⁴,

25 jme¹-ni³ nca³ je² scoe¹-si¹ni³ xa¹-le⁴ pa²stro⁴ xi³ qui³tsjion³ Judas nca³ tsa³ca³j³nqui³ je¹. Je³qui³ jña³ ⁷nte³ ts⁷a³cao⁴-le⁴.

26 Qui³si³sca¹cao⁴. Je² Matías qui³njen²-le⁴. Coan³xqui⁴cao⁴ xi³ te³jnco³ pa²stro⁴.

2

1 C⁷ia⁴ nca³ ji³cho² ni⁴čhjin³-le⁴ s⁷oi¹ Pentecostés, nca³ts⁷i³ to⁴jnco³ tjio¹.

2 Nti⁴ton⁴ ja³⁷ai³-ni³ nc⁷a³jmi³ jnco³ xi³ fa³ne³, jo³-ni³ ntjao⁴ xi³ n⁷ion¹ fa³⁷a³. Ja³ne³ya³ nca³yi³je³ ni³⁷ya³ jña³ nca³ tjio¹.

3 Coan³tsen³-le⁴ jo³-ni³ tsa² ni⁴jen⁴¹i¹ xi³ coan³jao²ya³. Jnco¹jnco¹ qui³tsao³son²-le⁴.

4 C⁷ia⁴ cjai¹nca³ to⁴qui³s⁷e³j³in³ ni⁴ma⁴-le⁴ nca³ts⁷i³ je² Espíritu Santo. Tsa³c⁷e¹ts⁷ia⁴cao⁴ nca³ cja⁴⁷ai¹ en¹ qui³nchja⁴, jo³-s⁷in² nca³ je² Espíritu qui³tsjoa³-le⁴ nca³ qui³nchja⁴ya³.

5 Coi³ ni⁴čhjin³ tjio¹ ya⁴ Jerusalén cho⁴ta⁴ judíos, cho⁴ta⁴x⁷in⁴ xi³ ve³xcon¹ Ni³na¹. Ja³⁷ai³-ni³ nca³qui³jnta² ⁷nte³ xi³ tjin¹ son³⁷nte³-vi⁴.

6 C⁷ia⁴ coan³xco¹ nca³ts⁷i³ cho⁴ta⁴ncjin²-ve⁴ nca³ qui³nčh⁷oe¹ je²-ve⁴. Jo³ to⁴coan³xcon¹-le⁴ nca³ jnco¹jnco¹ qui³nčh⁷oe¹-le⁴ nca³ qui³nchja⁴ xi³ ti⁴ts⁷e⁴-ni³ en¹.

7 Jo³ to⁴c⁷oa⁴coan³-le⁴, jo³ to⁴coan³xcon¹-le⁴. Qui³tso²: A³ tsi² tsa² cho⁴ta⁴ galileo je² nca³ts⁷i³ xi³ tjio¹nchja⁴.

8 Jo¹ ma³-ni³⁷ni³ nca³ no²⁷ya²-le⁴² nca³jnco¹jncoa¹ je² en¹-na¹ xi³ qui³tsin³coa⁴².

9 Cho⁴ta⁴ partos, cho⁴ta⁴ medos, cho⁴ta⁴ elamitas, nca³ts⁷ia³² xi³ ti³yoa³² ya⁴ Mesopotamia, i⁴ Judea, ya⁴ Capadocia, ya⁴ Ponto, ya⁴ Asia,

10 ya⁴ Frigia, ya⁴ Panflia, ya⁴ Egipto, je² ?nte³ Africa xi³ tjio¹ntai³-le⁴ na³nqui³ Cirene, cho⁴ta⁴ romanos xi³ to⁴ja³⁷ai³ co³tsen³, cho⁴ta⁴ judíos cao⁴ je² xi³ qui³si³c⁷a³ntjai²ya³ yao³-le⁴ nca³ judío coan³,

11 cho⁴ta⁴ cretenses cao⁴ cho⁴ta⁴ árabes, no²⁷ya²-le⁴² nca³ nchja⁴ xi³ ti⁴tsan⁴²-nia³² en¹ je² cjoa⁴xcon¹ xi³ ts⁷e⁴ Ni³na¹.

12 Jo³ to⁴c⁷oa⁴coan³-le⁴ nca³ts⁷i³, to⁴qui³jma²-le⁴. C⁷oi⁴qui³tso²-le⁴ nca³ i⁴ nca³ jan¹ xi¹ncjin¹: Jme¹ xi³ tso²ya³-ni³le⁴ je²-vi⁴.

13 C⁷oa⁴ xi³c⁷a³ to⁴tsa³qui³jno²que³, c⁷oi⁴qui³tso²: Cjai¹-la² nca³ tse³ xan¹ ca²⁷vi³-vi⁴.

Pedro qui³nchja⁴ya³jin³-le⁴ cho⁴ta⁴

14 C⁷ia⁴ Pedro tsa³ca³sen²nto³jin³-le⁴ cao⁴ xi³ te³jnco³ pa²stro⁴, n⁷ion¹ qui³nchja⁴cao⁴, c⁷oa⁴ qui³nchja⁴ya³jin³-le⁴: N⁷ai³ judíos, c⁷oa⁴ nca³ts⁷io³ xi³ ti³yo³ i⁴ Jerusalén, na¹nta³ ?yao³ je²-vi⁴, c⁷oa⁴ ti⁴no¹⁷yao²³ en¹-na⁴.

15 Je² cho⁴ta⁴-vi⁴ a³li² ch⁷i⁴-jin², jo³-s⁷in² nca³ ni²cja³⁷ai³tsjaon³, nca⁴ s⁷a⁴coan³ jan² hora-le⁴ ni⁴chjin³.

16 To⁴nca³ je²-vi⁴ xi³ c⁷oa⁴qui³tso² Joel, je² xi³ qui³nchja⁴ya³ t⁷a³ts⁷e⁴ Ni³na¹:

17 C²oa⁴tso² Ni³na¹ nca³ c²oa⁴coan⁴ c²ia⁴ nca³ cjo⁴t⁷a³-ni³ ni⁴čhjin³. Je² Espíritu Santo-na⁴ si³c²a³vi¹son²-le⁴ nca³ts⁷i³ cho⁴ta⁴. Je² xti³x⁷in⁴-no³, c²oa⁴ je² xti³ya¹nchjin¹-no³ coi⁴nchja⁴ya³. Je² cho⁴ta⁴x⁷i³-no³ scoe⁴ cjoa⁴xcon¹, c²oa⁴ je² cho⁴ta⁴jchi¹nca³-no³ c²oai⁴-le⁴ ni³jña¹.

18 Xi³ cjoa⁴qui²xi⁴, c²ia⁴ ni⁴čhjin³-ve⁴ je² cho⁴nta³-na⁴ xi³ x⁷in⁴ cao⁴ xi³ ya¹nchjin¹ si³c²a³vi¹son²-le⁴ Espíritu Santo-na⁴. C²oa⁴-s⁷in² coi⁴nchja⁴ya³.

19 Coa³coa³ cjoa⁴xcon¹ ya⁴ nc²a³jmi³, c²oa⁴ i⁴ son³n⁷e³-vi⁴ tsjoa³ choa⁴ xi³ njin¹ cao⁴ l⁷i¹ cao⁴ ni⁴nti⁴.

20 Je² ts⁷oi¹ coan⁴njion²-ni¹, c²oa⁴ je² sa¹ njin¹ coan⁴, to⁴nqui³-ni³ nca³ cjoa⁴ai¹ ni⁴čhjin³-le⁴ Nai³-na¹. N⁷ion¹ tse³ cjoa⁴ xi³ coan⁴tsen³ coi³ ni⁴čhjin³-ve⁴.

21 C²oa⁴coan⁴ nca³ je² nca³ts⁷i³ xi³ coi⁴nchja⁴-le⁴ Jesucristo je² Nai³-na¹ cao⁴ jan³ain¹-le⁴ coi⁴tjo³ntjai²-ni¹.

22 Nca³ts⁷io³ n⁷ai³ israelitas, ti⁴no¹yao²³ je² en¹-vi⁴: Jesús cho⁴ta⁴ nazareno, cho⁴ta⁴x⁷in⁴ xi³ Ni³na¹ ja³ai³-ni³ xi³ coan³qui²xi⁴ya³j³in³-no³ xi³ to⁴t⁷a³ts⁷e⁴ nca³n⁷ion¹-le⁴, cao⁴ cjoa⁴xcon¹, cao⁴ choa⁴. Je² cjoa⁴-vi⁴ xi³ Ni³na¹ qui³si³nta³ cao⁴ Jesús nqui³xcon³ nca³ jon², jo³-s⁷in² nca³ c²oa⁴-ti⁴ yao³ nca³ jon².

23 Je² Jesús qui³ni²ntsja³, jo³-s⁷in² nca³ Ni³na¹ to⁴nqui³-ni³ qui³sco³son²-ni³le⁴, c²oa⁴ to⁴nqui³-ni³ tsa³ve³. Jon² qui³nto³vao³ qui³ni²c⁷en³-nio³ cao⁴ ntsja³ cho⁴ta⁴je¹. Tsa³cja³t⁷ao³ cro².

24 Je² Jesús Ni³na¹ qui³sco²mi³tjen⁴, tsa³cja³a¹xin²-le⁴ je² cjoa⁴ñ⁷ain³ xi³ ts⁷e⁴ cjoa⁴vi³ya³. Li²coi³ coan³ nca³ ntia³ qui³s⁷e³jna³n⁷ion¹ cjoa⁴vi³ya³ Jesús.

25 Je² David qui³tso² xi³ t'a³ts'e⁴: Tsa³ve³-nia¹³ je² Nai³-na¹ nca³ntsjai² nqui³xcoan³. I⁴ ntsa⁴qui²xi⁴ ti¹jna³, jme¹-ni³ nca³ tsi² cjoa⁴tse¹xcon¹-si¹nia³.

26 Coi³ cjoa⁴ ni⁴ma⁴-na⁴ coan³tsjoa³-le⁴, c'oa⁴ ni³jen³ to⁴tsjoa³ coan³-le⁴. C'oa⁴-ti⁴ yao³-na⁴ nta³ si⁴²cja¹ya³ nca³ ti¹co³ya³cao⁴cjoa⁴.

27 Li²coi³ si⁴c'e¹jnai³ ni⁴ma⁴-na⁴ nqui³ cjoa⁴te¹xo³ma³-le⁴ cjoa⁴vi³ya³. Li²coi³ c'oi⁴⁷nte³-lai⁴ Cristo xi³ nti¹tsje³-li⁴ nca³ cjo⁴⁷nto³.

28 Tsa³c'in²ya³-nai¹³ ntia⁴²-le⁴ cjoa⁴vi³jna³chon³. Cjai¹nca³ to⁴tsjoa³ coan⁴ ni⁴ma⁴-na⁴ c'ia⁴ nca³ ti³jna³cao⁴-nai¹³.

29 Nca³ts'io³ nti¹nts'e³, tjo³⁷nte³-na³ nca³ fa³cao⁴tsen³-no³ xi³ t'a³ts'e⁴ je² cho⁴ta⁴jchi¹nca³-na¹ David xi³ c'en³, c'oa⁴ xi³ qui³s'e³ñai³. Je² tsjo¹-le⁴ ti¹jna³cao⁴-na¹ sa³⁷nta³ nt'ai⁴-vi⁴.

30 Je² David xi³ qui³nchja⁴ya³ tsa³ve³ nca³ c'oa⁴-s'in² Ni³na¹ qui³tsjoa³ ts'oa³ nca³ ña³qui³ cjoa⁴qui²xi⁴ c'oe¹jna³ne² ya¹xi²le⁴-le⁴ jnco³ xi³ cjo⁴nchoa³-ni³ ntje⁴-le⁴, je² Cristo.

31 C'oa⁴-s'in² David to⁴nqui³-ni³ tsa³ve³, c'oa⁴ qui³nchja⁴ xi³ t'a³ts'e⁴ cjoa⁴fa³⁷a²ya³-le⁴ Cristo, nca³ tsi² tsa² ya⁴ qui³s'e³jna³ ni⁴ma⁴-le⁴ nqui³ cjoa⁴te¹xo³ma³-le⁴ cjoa⁴vi³ya³, ni⁴je²-jin² yao³-le⁴ ji³⁷nto³.

32 Je² Jesús xi³ Ni³na¹ qui³si³cja³⁷a¹ya³-le⁴. Nca³ts'i³-jin⁴ testigo ni¹⁴-jin⁴ xi³ t'a³ts'e⁴ je²-vi⁴.

33 Ni³na¹ qui³si³quin³nc'a³ Jesús, qui³si³c'e¹jna³ ya⁴ nca³qui²xi⁴-le⁴. Jesús qui³tjoe¹-le⁴ je² Espíritu Santo xi³ N'ai³-na¹ qui³tsjoa³ ts'oa³ nca³ tsjoa¹-le⁴. C'oa⁴-s'in² Jesús qui³si³c'a³vi¹son² je² cjoa⁴-vi⁴ xi³

ʔyao³ xi³ no^{2ʔ}yao²³ nt^ʔai⁴-vi⁴.

³⁴ Je² David li²coi³ qui³mi³ nc^ʔa³jmi³, to⁴nca³ je² c^ʔoa⁴qui³tso²: Je² Nai³-na¹ qui³tso²-le⁴ Nai³-na⁴, ti⁴jnai³ nca³qui²xi⁴-na⁴,

³⁵ sa^{3ʔ}nta³ nca³ si³c^ʔe¹jna³nquia³ ntso⁴coi³ co²ntran⁴-li⁴.

³⁶ Cjai¹nca³ nta³ ca²ta³ve³ nca³ts^ʔi³ cho⁴ta⁴ Israel nca³ je² Jesús xi³ jon² tsa³cja³t^ʔao³ cro², Ni³na¹ tsa³ca³sen¹nta³ Nai³-na¹ c^ʔoa⁴ Cristo.

³⁷ C^ʔia⁴ nca³ qui³nch^ʔoe¹ en¹ xo⁴ tso²-ve⁴, cho⁴ta⁴ qui³si³cja¹jⁱⁿ³ ni⁴ma⁴-le⁴, c^ʔoa⁴qui³tso²-le⁴ Pedro cao⁴ xi³c^ʔa³ pa²stro⁴: Nca³ts^ʔio³ ʔnti¹nts^ʔai³⁴-jⁱⁿ⁴, jme¹-ni³ xi³ s^ʔiain⁴-jⁱⁿ⁴ nt^ʔai⁴.

³⁸ C^ʔia⁴ Pedro qui³tso²-le⁴: Ti⁴c^ʔa³ntjai²yao³ cjoa⁴fa³⁷ai³tsjen³-no³, ca²ta³sa³te¹ntao¹³ nca³ts^ʔio³ nca³ cho⁴ta⁴-le⁴ Cristo coaon⁴³, jme¹-ni³ nca³ cha⁴t^ʔa³-si¹ni³ je¹-no³, c^ʔoa⁴ tjoe¹-no³ je² cjoa⁴tjao² xi³ je² Espíritu Santo.

³⁹ Tsaon⁴³-nio¹³ je² xi³ Ni³na¹ qui³tsjoa³-no³ ts^ʔoa³ cao⁴ xti³-no³ cao⁴ nca³ts^ʔi³ xi³ cjin³ tjio¹, jo³ tjⁱⁿ¹ ma³-ni³ xi³ je² Nai³-na¹, je² Ni³na¹-na¹, coi⁴nchja⁴-le⁴.

⁴⁰ A³li² to⁴c^ʔoa⁴cji³ en¹ xi³ cja⁴ai¹ xi³ qui³nchja⁴ Pedro nca³ qui³tsjoa³ en¹ nca³ tsa³c^ʔe¹ne²-le⁴, c^ʔoa⁴qui³tso²: Ch^ʔa⁴sje³ntjai²-lao⁴³ yao³-no³ cho⁴ta⁴ts^ʔen⁴ xi³ tjⁱⁿ¹ nt^ʔai⁴-vi⁴.

⁴¹ Je² xi³ qui³scoe¹ en¹-le⁴ qui³sa³te¹nta¹-ni³. Jan²-la⁴ jmi³ ma³-ni³ cho⁴ta⁴ xi³ ja^{3ʔ}a³s^ʔen³t^ʔa³-le⁴ coi³ ni⁴chjⁱⁿ³-vi⁴.

⁴² Nchaon³nchaon³ to⁴coi³ qui³tjen⁴nqui³-le⁴ je² en¹ jo³-s^ʔin² qui³tso²ya³ pa²stro⁴, c^ʔoa⁴ nca³ to⁴jnc³ coan³xco¹, c^ʔoa⁴ nca³ qui³si³xcoa⁴ nio⁴xti²la⁴, c^ʔoa⁴

nca³ tsa³c²e¹ts²oa³.

C²oa⁴qui³s²in³ cho⁴ta⁴-le⁴ Cristo

43 Nca³ts²i³ cho⁴ta⁴ qui³tso³cjon¹-le⁴. Cjai¹nca³ to⁴ncjin² cjoa⁴xcon¹ cao⁴ choa⁴ xi³ qui³s²in³ je² pa²stro⁴.

44 Je² nca³ts²i³ xi³ coan³cjain¹-le⁴ ña³qui³ tsa³ca³tio²jtin¹-ni¹. To⁴jnco³ tjin¹-le⁴ nca³yi³je³ tso³jmi²-le⁴.

45 Tso³jmi²-le⁴ cao⁴ na³nqui³-le⁴ tsa³ca³te¹na³-ni¹. Qui³si³c²a³vi¹-le⁴ nca³ts²i³ jo³-s²in² nca³ coan³chjen¹-le⁴ nca³ jnco¹jnco¹.

46 Nchaon³nchaon³ qui³si³sin³ nca³ts²i³ ya⁴ya³ yo⁴nc⁴, c²oa⁴ ya⁴ ni³ya³-le⁴ qui³si³xcoa⁴ nio⁴xti²la⁴. Ña³tjen⁴ tsa³cjen² cao⁴ cjoa⁴tsjoa³ nca³ ña³qui³ tjio¹jnco³con³ ni⁴ma⁴-le⁴.

47 Cjai¹nca³ to⁴je³ya³ ts²a³sje³ Ni³na¹, c²oa⁴ nca³ts²i³ cho⁴ta⁴ na⁴xi⁴na³nta¹ cjai¹nca³ to⁴nta³ ts²a³sje³ nca³ je². Nchaon³nchaon³ je² Nai³-na¹ qui³si³cja³a³s²en³t²a³-le⁴ je² cho⁴ta⁴-le⁴ Cristo je² xi³ coi⁴tjo³ntjai².

3

1 Pedro cao⁴ Juan ña³tjen⁴ qui³mi³ ya⁴ yo⁴nc⁴, choa⁴-le⁴ nca³ v²e¹ts²oa³ cho⁴ta⁴, las tres nca³ ma³xon².

2 Cho⁴ta⁴ ya⁴ ja³ai³cao⁴ jnco³ cho⁴ta⁴x²in⁴ xi³ chi⁴nque¹ jo³ sa³nta³ nca³ qui³tsin³. Nchaon³nchaon³ ya⁴ qui³si³c²e¹jna³ jcho³ xo⁴ntjoa⁴-le⁴ yo⁴nc⁴, coi³ xo⁴ntjoa⁴ xi³ na⁴sca¹ cji³ mi². Ya⁴ qui³si³je¹-le⁴ limosna je² xi³ fa³a³s²en³.

3 Je² cho⁴ta⁴ chi⁴?nque^{1-vi⁴} c[?]ia⁴ nca³ tsa³ve³
Pedro cao⁴ Juan nca³ tjio¹fa³?a³s[?]en³ ya⁴yo⁴nco⁴,
tsa³c[?]e¹ts[?]oa³-le⁴ nca³ ca²ta³tsjoa¹ jo³ tjin¹-le⁴
limosna.

4 Pedro cao⁴ Juan qui³sco³?a² qui³tso²:
Cho¹tsen³?a²-na³jina⁴.

5 C[?]oa⁴ je² cho⁴ta⁴-ve⁴?ni³ qui³sco³?a³jnta².
Ti¹co³ya³ tsa² jme³ xi³ tsjoa¹ i⁴tse¹-le⁴.

6 C[?]oi⁴qui³tso² Pedro: Tsin²-na³ taon⁴cho³, tsin²-
na³ taon⁴si³ne², to⁴nca³ je² xi³ tjin¹-na³, tsjoa³-
le²³. Cao⁴ jan³ain¹-le⁴ Jesucristo xi³ Nazaret ts[?]e⁴,
ti²so⁴tjain⁴ to¹mjain³.

7 Qui³scoe¹ ntsja³ nca³qui²xi⁴ qui³sco²mi³tjen⁴.
C[?]ia⁴ qui³s[?]e³ nti⁴ton⁴-le⁴ nca³n[?]ion¹ ntso⁴co⁴ cao⁴
ya¹sin³ntso⁴co⁴.

8 C[?]ia⁴ qui³squi²nc[?]a³, tsa³ca³sen²nto³,
tsa³c[?]a³mjen³. Ja³?a³s[?]en³ yo⁴nco⁴ cao⁴ Pedro cao⁴
Juan. Tso²va³, cji²nc[?]a³, jo³ v[?]a³sje³je³ya³ Ni³na¹.

9 Nca³ts[?]i³ cho⁴ta⁴ na⁴xi⁴na³nta¹ tsa³ve³ nca³
tso²va³ nca³ v[?]a³sje³je³ya³ Ni³na¹.

10 Ve³ nca³ts[?]i³ nca³ je² ?nti¹cho⁴ta⁴ xo⁴cji³-ve⁴
je² ni¹ xi³ qui³si³je¹ limosna, xi³ tsa³c[?]e²jna³ jcho³
xo⁴ntjoa⁴-le⁴ yo⁴nco⁴ xi³ na⁴sca¹ cji³ ?mi². Jo³ nca³
to⁴coan³xcon¹-le⁴, jo³ to⁴qui³tso³cjon¹ je² cjoa⁴ xi³
coan³-le⁴.

Pedro c[?]oi⁴qui³tso²-le⁴ na⁴xi⁴na³nta¹

11 Je² cho⁴ta⁴ chi⁴?nque¹ xi³ coan³nta³-ni³
qui³tsoa³ Pedro cao⁴ Juan. Nca³ts[?]i³ cho⁴ta⁴
na⁴xi⁴na³nta¹ ji³cho²nch[?]oe² ya⁴nqui³ corredor
jña³ nca³ Salomón ?mi². To⁴coan³xcon¹-le⁴ nca³ts[?]i³.

12 C⁷ia⁴ nca³ Pedro tsa³ve³, c⁷oi⁴qui³tso²-le⁴ cho⁴ta⁴ na⁴xi⁴na³nta¹: Cho⁴ta⁴x⁷in⁴ israelitas, a¹-ni³ nca³ ma³xcon¹-si¹ni³no³ je²-vi⁴. A¹-ni³ nca³ cho²tsen³a²-si¹ni³na³jin⁴ jo³-ni³ tsa² jin⁴-jin⁴ xi³ qui³ni²c⁷a³mjain³-jin⁴ je² cho⁴ta⁴-vi⁴ cao⁴ nca³n⁷ion¹, c⁷oa⁴ cao⁴ cjoa⁴nta³ xi³ ti⁴tsain⁴-ni³jin⁴.

13 Je² Ni³na¹-le⁴ Abraham cao⁴ Isaac cao⁴ Jacobo, je² Ni³na¹-le⁴ n⁷ai³jcha¹cjin³-na¹ tsa³c⁷a³sje³je³ya³ Jesús xi³ n⁷nti¹-le⁴, je² xi³ jon² qui³ni²ntsja³. A³li² tsain⁴-jin²jin⁴ tsa³qui³xon¹³ nqui³xcon⁴ Pilato, c⁷ia⁴ nca³ je² qui³si³cja³ai³tsjen³ nca³ si⁴²c⁷e¹jna³ntai¹.

14 Jon² tsa³c⁷e²⁷mao³ je² xi³ tsje³, xi³ tj¹in¹-le⁴ cjoa⁴qui²xi⁴. Qui³ni²jao¹³ nca³ qui³ts⁷ai²-no³ jnc³ cho⁴ta⁴ xi³ c⁷en³ qui³tjen⁴-le⁴.

15 C⁷oa⁴ qui³ni²c⁷aon³ je² xi³ tsjoa¹ cjoa⁴vi³jna³chon³, je² xi³ Ni³na¹ qui³si³cja³a¹ya³jin³-ni³le⁴ xi³ c⁷en³. Testigo ni¹⁴-jin⁴ nca³ts⁷i³-jin⁴ xi³ t⁷a³ts⁷e⁴ je²-vi⁴.

16 Jesús qui³si³nta³ je² cho⁴ta⁴-vi⁴ xi³ ti³⁷yao³ xi³ y⁷a³xcon³, nca³ ma³cjain¹-na³jin⁴ xi³ t⁷a³ts⁷e⁴ Jesús. To⁴coi³ nca³ ma³cjain¹-na³jin⁴ t⁷a³ts⁷e⁴ Jesús, coi³ nca³ ca²v⁷ai²-ni³le⁴ cjoa⁴nta³ je² cho⁴ta⁴-vi⁴ nca³ ña³qui³ ca²ma³nta³-ni³ nqui³xcon³ nca³ jon².

17 Nt⁷ai⁴-vi⁴ntai⁴, n⁷nti¹nts⁷e³, je³⁷ve³ nca³ to⁴cjoa⁴njon²-no³ nca³ c⁷oa⁴qui³n⁷iaon²³. Ti⁴c⁷oa⁴qui³s⁷in³-ni³ cho⁴ta⁴ti¹tjon²-no³.

18 To⁴nca³ c⁷oa⁴-s⁷in² Ni³na¹ je³qui³si³tjo³son² je² en¹-le⁴ xi³ qui³tso² nca³ Cristo cjoa⁴⁷a² cjoa⁴ñ⁷ain³. Coi³ xi³ to⁴nqui³-ni³ qui³tso²ts⁷i³ cho⁴ta⁴-le⁴ xi³ qui³nchja⁴ya³.

19 Ti⁴c⁷a³ntjai²yao³ tso²c⁷oa⁴ cjoa⁴fa³⁷ai³tsjen³-no³,

ca²ta³v⁷a³ntjai²ya³-nio³, jme¹-ni³ nca³ cha⁴t⁷a³-si¹ni³ je¹-no³, jme¹-ni³ nca³ cjoa⁴ai¹-si¹ni³ ni⁴čjin³ nca³ coi⁴njen⁴ nch⁷an¹ jo³-s⁷in² Ni³na¹ coa⁴te²xo³ma³,

20 c⁷oa⁴jme¹-ni³ nca³ Ni³na¹ si⁴ca³sen¹-si¹ni³ Jesu-
cristo, xi³ qui³sa³sen²nta³-no³.

21 To⁴nca³ cjoa⁴qui²xi⁴ nca³ ma³chjen¹ nca³ c⁷oe¹jna³ Jesucristo ya⁴ nc⁷a³jmi³, jo³ sa³nta³ nca³ cjo⁴cho³ ni⁴čjin³ nca³ coan⁴cho⁴tse⁴ya³ nca³yi³je³, jo³-s⁷in² qui³tso² Ni³na¹ cao⁴ ts⁷oa³ cho⁴ta⁴-le⁴ xi³ tsje³ xi³ qui³nchja⁴ya³ sa³nta³ coa²tse³.

22 Je² Moisés c⁷oi⁴qui³tso²-le⁴ n⁷ai³jcha¹cjin³-na¹:
Je² Nai³-no³ Ni³na¹-no³ sco¹mi³tjen⁴jjin³-le⁴ nts⁷ao³
jnco³ xi³ coi⁴nchja⁴ya³ t⁷a³ts⁷e⁴ Ni³na¹ jo³-ni³ an³.
Je² xi³ coi⁴no¹ya²-lao⁴3 nca³yi³je³ jo³ coi⁴tso⁴-no³.

23 Je² nca³ts⁷i³ xi³ tsi² cjo⁴i⁴nč⁷oe¹-le⁴ je² cho⁴ta⁴
xi³ coi⁴nchja⁴ya³ t⁷a³ts⁷e⁴ Ni³na¹, ña³qui³ ntia³
tjo¹xin²-ni¹.

24 Nca³ts⁷i³ cho⁴ta⁴ xi³ qui³nchja⁴ya³ t⁷a³ts⁷e⁴
Ni³na¹ sa³nta³ c⁷ia⁴ ni⁴čjin³ Samuel, c⁷oa⁴ je²
nca³ts⁷i³ xi³ ji³nčhoa³-sa³ni³ xi³ qui³nchja⁴, ña³qui³
je² tsa³c⁷i¹ma³ tso²ya³ jme³ xi³ coan⁴ coi³ ni⁴čjin³-
vi⁴.

25 Jon² nio¹3 xi³ xti³-le⁴ je² xi³ qui³nchja⁴ya³
t⁷a³ts⁷e⁴ Ni³na¹, c⁷oa⁴ tsaon⁴3 je² cjoa⁴ xi³ Ni³na¹
tsa³c⁷e¹n⁷ion¹ cao⁴ n⁷ai³jcha¹cjin³-na¹. Ni³na¹
c⁷oa⁴qui³tso²-le⁴ Abraham: Nca³ts⁷i³ xi²nqui⁴ xi³
tjin¹ son³nte³ coan⁴chi³con³t⁷ain³ xi³ to⁴t⁷a³ts⁷e⁴
ntje⁴-li⁴.

26 Ni³na¹ qui³sco²mi³tjen⁴ ?nti¹-le⁴. C⁷ia⁴ jon²
nio¹3 xi³ ti¹tjon²cjoa²la² Ni³na¹ qui³si³ca³sen¹-no³
je² ?nti¹-le⁴, jme¹-ni³ nca³ si⁴chi³con³t⁷ain³-si¹ni³no³

nca³ si⁴²c⁷a³ntjai²ya³ntia⁴²-no³nca³jnc¹jnc¹³nca³
li²coi³ti⁴c⁷oa⁴s⁷ian⁴-nio³cjoa⁴ts⁷en⁴-no³.

4

Qui³sca³ni¹ nto⁴ya¹ Pedro cao⁴ Juan

1 Je² Pedro cao⁴ Juan tjio¹fa¹cao⁴ cho⁴ta⁴
na⁴xi⁴na³nta¹ c⁷ia⁴ nca³ ji³cho²ne²-le⁴ na⁴⁷mi³ cao⁴
nai³-le⁴ yo⁴nco⁴, cao⁴ cho⁴ta⁴ saduceos.

2 Cjai¹nca³ to⁴jt³ coan³-le⁴ nca³ Pedro cao⁴ Juan
c⁷oa⁴-s⁷in² tsa³ca³co¹ya³-le⁴ cho⁴ta⁴ na⁴xi⁴na³nta¹.
Qui³nchja⁴ya³j³in³-le⁴ nca³ cho⁴ta⁴ cjoa⁴⁷a¹ya³j³in³-
ni³le⁴ c⁷en³ jo³-s⁷in² nca³ Cristo ja³⁷a²ya³-ni³le⁴.

3 C⁷ia⁴ qui³tsoa³ Pedro cao⁴ Juan. Qui³sca³ni¹
nto⁴ya¹ sa³⁷nta³ coan³nchaon³-ni³, nca⁴
je³coan³xon².

4 Ncjin² xi³ qui³nch⁷oe¹ je² en¹ coan³cjain¹-le⁴.
Aon²-la⁴ jmi³ ma³-ni³ xi³ cho⁴ta⁴x⁷in⁴.

C⁷oi⁴qui³tso²-le⁴ cho⁴ta⁴xa¹ Pedro

5 Xi³ coan³nchaon³-ni³ coan³xco¹ cho⁴ta⁴xa¹,
cho⁴ta⁴jchi¹nca³, cho⁴ta⁴ scribano ya⁴ Jerusalén.

6 Coan³xco¹ Anás xi³ na⁴⁷mi³ti¹tjon², Caifás, Juan,
Alejandro, cao⁴ nca³ts⁷i³ xi³ xi¹ncjin¹ na⁴⁷mi³.

7 Qui³si³qui³ncha²va³sen³ Pedro cao⁴ Juan, c⁷oa⁴
qui³sco²na³nqui³-le⁴: Jña¹-le⁴ nca³n⁷ion¹, ⁷ya¹ xi³
ca²tsjoa¹⁷nte³ nca³ c⁷oa⁴ca²n⁷iaon²³ je²-vi⁴.

8 C⁷ia⁴ cjai¹nca³ to⁴ti¹jna³j³in³ ni⁴ma⁴-le⁴ Pedro
je² Espíritu Santo, c⁷oa⁴qui³tso²-le⁴: Nca³ts⁷io³
cho⁴ta⁴xa¹-le⁴ na⁴xi⁴na³nta¹ cao⁴ cho⁴ta⁴jchi¹nca³-
le⁴ cho⁴ta⁴ Israel,

9 ti¹chjo²na³nqui³-na³jin⁴ nt⁷ai⁴-vi⁴ xi³ t⁷a³ts⁷e⁴ je² cjoa⁴nta³ xi³ ca²n⁷ian²-lai⁴jin⁴ jnco³ cho⁴ta⁴ xi³ ti¹m⁷en³, jo³-s⁷in² nca³ ca²ma³nta³-ni³ je²-vi⁴.

10 Na¹nta³yo³ nca³ts⁷io³ cao⁴ nca³ts⁷i³ na⁴xi⁴na³nta¹ Israel nca³ je² cho⁴ta⁴-vi⁴ ti¹jna³ nqui³xcon³, c⁷oa⁴ je³coan³nta³-ni³ xi³ to⁴t⁷a³ts⁷e⁴ je² xi³ Jesucristo ⁷mi², xi³ Nazaret ts⁷e⁴, je² xi³ tsa³cja³t⁷ao³ cro², c⁷oa⁴ je² xi³ Ni³na¹ qui³si³cja³a¹ya³jin³-ni³le⁴ c⁷en³.

11 Jesucristo, je² ni¹ je² la⁴jao⁴ xi³ ca²ya³taon³ nca³ jon² xi³ ma³-no³ chjo¹mi³tjen⁴ ni³ya³, to⁴nca³ nt⁷ai⁴-vi⁴ntai⁴ s⁷e³jna³ ti¹tjon² ya⁴ xi⁴nqui⁴-le⁴.

12 Ni⁴to⁴ya³-jin²sa³ xi³ v⁷a³sje³ntjai²-na¹, nca³ tsi² xi³ cja⁴ai¹ xi³ tjio¹ i⁴ son³nte³-vi⁴ xi³ ma³-le⁴ v⁷a³sje³ntjai²-na¹.

13 C⁷ia⁴ coan³xcon¹-le⁴ nca³ts⁷i³ nca³ qui³sco²tsen³-le⁴ cjoa⁴n⁷ion¹to³con²-le⁴ Pedro cao⁴ Juan. Ve³ts⁷i³ nca³ to⁴xquia⁴ ⁷nti¹cho⁴ta⁴ ni¹, xi³ tsi² tsa² tse³ qui³sco²t⁷a³ya³. Tsa³ve³xcon³ nca³ tsa³ca³tio²cao⁴ Jesús.

14 Qui³sco²tsen³-le⁴ je² cho⁴ta⁴x⁷in⁴ xi³ coan³nta³-ni³, xi³ ya⁴ ti¹jna³cao⁴. A³li²coi³ coan³ nca³ qui³nchja⁴ co²ntran⁴ xi³ t⁷a³ts⁷e⁴.

15 C⁷ia⁴ tsa³ca³te¹xo³ma³-le⁴ nca³ ca²ta³vi³tjo³jin³-le⁴ cho⁴ta⁴ xi³ ti¹jna³-le⁴ junta. C⁷ia⁴ je² cho⁴ta⁴xa¹-ve⁴ni³ tsa³cjao¹ya³-ni³.

16 C⁷oi⁴qui³tso²: Jme¹ xi³ ni²coa⁴ cho⁴ta⁴ xo⁴cjoan³-ve⁴. Cjoa⁴qui²xi⁴ ni¹ tsen³ choa⁴ xi³ qui³tsjoa³. Ve³ nca³ts⁷i³ xi³ tjio¹ i⁴ Jerusalén. A³li²coi³ coan⁴ c⁷oe¹ma³-le⁴.

17 N⁷ion¹ c⁷oe¹ne²-le⁴ nca³ li²ya³ xi³ ti⁴cjoa⁴cao⁴-ni³ cao⁴ je² jan³ain¹-vi⁴ nt⁷ai⁴-vi⁴ c⁷oa⁴ xi³ fi²-

sa³ni³, jme¹-ni³ nca³ tsi² coai⁴son²-sa³ni³le⁴ cho⁴ta⁴
na⁴xi⁴na³nta¹ je² cjoa⁴-ve⁴.

18 C⁷ia⁴ qui³nchja⁴-le⁴ Pedro cao⁴ Juan.
Tsa³ca³te¹xo³ma³-le⁴ nca³ ni⁴i⁴tse¹-jin² coan⁴
coi⁴nchja⁴, ni⁴coa⁴co²ya³-jin² cao⁴ jan³ain¹-le⁴
Jesús.

19 C⁷ia⁴ Pedro cao⁴ Juan c⁷oi⁴qui³tso²-le⁴:
Cho¹son²-ni³lao⁴ a³ nta³ tj¹in¹ nqui³xcon⁴ Ni³na¹
tsa² jon² xi³ no²ya²-no³ a³xo⁴ Ni³na¹ xi³ no²ya²-le⁴.

20 A³li²coi³ coan⁴ nca³ jyo¹ coi⁴yoi³jin⁴ xi³
t⁷a³ts⁷e⁴ xi³ tsa³yai³jin⁴, xi³ qui³no²yai²jin⁴.

21 C⁷ia⁴ cho⁴ta⁴xa¹-ve⁴ qui³sca³ni¹ntai¹ Pedro
cao⁴ Juan. Ch⁷ao³-s⁷in² tsa³c⁷e¹ne²-le⁴. A³li²coi³
qui³sa³co³sjai³-le⁴ jo³-s⁷in² nca³ tsjoa¹-le⁴
cjoa⁴ñ⁷ain³ to⁴t⁷a³ts⁷e⁴ cho⁴ta⁴ na⁴xi⁴-na³nta¹, nca⁴
nca³ts⁷i³ ts⁷a³sje³je³ya³ Ni³na¹ jña³-le⁴ xi³ coan³.

22 Ts⁷a³to³ ña³chan² no¹-le⁴ je² cho⁴ta⁴ xi³ c⁷oa⁴-
s⁷in² coan³nta³-ni³ cao⁴ je² cjoa⁴xcon¹-vi⁴.

Cho⁴ta⁴-le⁴ Cristo qui³si³je¹ cjoa⁴n⁷ion¹ta³con²

23 Xi³ je³to⁴tjen⁴ntai¹ Pedro cao⁴ Juan, qui³con³-
le⁴ mi²yo⁴-le⁴. Tsa³c⁷e¹ na⁴jmi¹ jo³ qui³tso²-le⁴
cho⁴ta⁴ti¹tjon²-le⁴ na⁴mi³ cao⁴ cho⁴ta⁴jchi¹nca³.

24 C⁷ia⁴ nca³ qui³nch⁷oe¹, to⁴jnc³o³ta² qui³tsjoa³-
le⁴ cjoa⁴nta³ Ni³na¹, c⁷oi⁴qui³tso²-le⁴: Señor, ji³ ni¹
Ni³na¹ xi³ qui³ni²ntai³ nc⁷a³jmi³ cao⁴ son³nte³ cao⁴
nta¹chi³con³ cao⁴ nca³yi³je³ xi³ tj¹in¹-le⁴ nca³ je².

25 Ji³ xi³ c⁷oi⁴qui³si³ cao⁴ ts⁷oa³ David,
je² cho⁴nta³-li⁴: A¹-ni³ nca³ c⁷oa⁴-s⁷in²
to⁴qui³squi³ntia¹-si¹ni³ cho⁴ta⁴ son³nte³,
c⁷oa⁴ je² cho⁴ta⁴ na⁴xi⁴na³nta¹ a¹-ni³ nca³

qui³si³cja³⁷ai³tsjen³-si¹ni³ cjoa⁴ xi³ tsi²jme³ chji¹-le⁴.

26 Je² cho⁴ta⁴ti¹tjon²-le⁴ xi³ tjin¹ son³⁷nte³ tsa³qui³so¹tjen⁴, c⁷oa⁴ je² xi³ va³te¹xo³ma³ to⁴jnc³coan³xco¹ co²ntran⁴-le⁴ Nai³-na¹, c⁷oa⁴ co²ntran⁴-le⁴ Cristo xi³ ts⁷e⁴.

27 Herodes cao⁴ Poncio Pilato, cao⁴ cho⁴ta⁴ xi³ li² judío jin², cao⁴ na⁴xi⁴na³nta¹-le⁴ Israel, cjoa⁴qui²xi⁴ nca³coan³xco¹i⁴na⁴xi⁴na³nta¹je³co²ntran⁴-le⁴ Jesús ⁷nti¹-li⁴ xi³ tsje³, xi³ tsa³c⁷ai²-lai⁴ cjoa⁴te¹xo³ma³.

28 Je² coan³xco¹co²ntran⁴-le⁴ nca³ c⁷oa⁴s⁷in⁴² jo³-s⁷in² to⁴nqui³-ni³ qui³cho²son²-ni³lai⁴ cao⁴ nca³n⁷ion¹-li⁴ nca³ c⁷oa⁴-s⁷in² c⁷oa⁴coan⁴.

29 Nt⁷ai⁴-vi⁴ntai⁴, Señor, cho¹tsen³-lai⁴ jo³-s⁷in² nca³ ch⁷ao³-s⁷in² v⁷e¹ne²-na³jjin⁴. Cho¹x⁷a¹⁷nte³-lai⁴ cho⁴⁷nta³-li⁴ nca³ tsi² tsa² ca²ta³fi²cja³⁷a¹ cjoa⁴jcon³ nca³ coi⁴nchja⁴ en¹-li⁴.

30 Tjain³ ntsai⁴, jme¹-ni³ nca³ coan⁴nta³-si¹ni³ ch⁷in³. Choa⁴ cao⁴ cjoa⁴xcon¹ ca²ta³ma³ xi³ to⁴⁷a³ts⁷e⁴ jan³⁷ain¹-le⁴ Jesús ⁷nti¹-li⁴ xi³ tsje³.

31 C⁷ia⁴ nca³ je³tsa³c⁷e¹ts⁷oa³, ja³⁷a³ chaon¹ ya⁴ ⁷nte³ jña³ nca³ coan³ña³. Espíritu Santo qui³s⁷e³jjin³ ni⁴ma⁴-le⁴ nca³ts⁷i³. Li²coi³ qui³tsa³cjon¹ nca³ qui³nchja⁴ en¹-le⁴ Ni³na¹.

Ts⁷e⁴ nca³ts⁷i³ nca³yi³je³ xi³ tjin¹-le⁴

32 Je² nca³ts⁷i³ xi³ coan³cjin¹-le⁴ to⁴jnc³coan³ ni⁴ma⁴-le⁴ cao⁴ cjoa⁴fa³⁷ai³tsjen³-le⁴. Ni⁴jnc³-jin² xi³ qui³tso²-le⁴ xi¹-ncjin¹: Ts⁷an⁴ nia¹³ tso³jmi² xi³ tjin¹-na³.

33 A³li² to⁴c⁷oa⁴cji³ nca³n⁷ion¹ qui³s⁷e³-le⁴ pa²stro⁴ nca³ qui³tsjoa³ en¹ nca³ ja³⁷a²ya³-ni³le⁴ Nai³-na¹

Jesús. A³li² to⁴c⁷oa⁴cji³ cjoa⁴nta³ xi³ qui³s⁷e³-le⁴ nca³ts⁷i³.

³⁴ Ni⁴⁷ya³-jin² xi³ ni⁴jme³-jin² xi³ coan³tsin²-le⁴. Nca³ts⁷i³ xi³ tjin¹-le⁴ na³nqui³, c⁷oa⁴ tsa² ni³⁷ya³, c⁷oa⁴-s⁷in² tsa³ca³te¹na³. Ja³⁷ai³ ca³ni¹ nca³yi³je³ taon⁴-le⁴ tso³jmi² xi³ qui³sa³te²na³.

³⁵ Ya⁴nqui³ ntso⁴co⁴ pa²stro⁴ tsa³ca³tio¹ taon⁴. Ts⁷a³vi¹-le⁴ nca³ jnco¹jnco¹ cho⁴ta⁴ jo³ tjin¹ xi³ ma³chjen¹-le⁴.

³⁶ C⁷ia⁴ tjin¹ jnco³ cho⁴ta⁴ levita xi³ José ⁷mi². Je² pa²stro⁴ Bernabé qui³tso²-le⁴ (xi³ tso²-ni³ ⁷nti¹-le⁴ cjoa⁴ni²je³con³). Ya⁴ ⁷nte³-le⁴ Chipre ts⁷e⁴ je² cho⁴ta⁴-ve⁴.

³⁷ Tjin¹-le⁴ na³nqui³ xi³ tsa³ca³te¹na³. Ja³⁷ai³cao⁴ taon⁴-le⁴. Ya⁴ tsa³c⁷e¹jna³ nqui³ ntso⁴co⁴ pa²stro⁴.

5

Ananías cao⁴ Safira

¹ To⁴nca³ jnco³ cho⁴ta⁴x⁷in⁴ xi³ Ananías ⁷mi², cao⁴ chjon⁴²-le⁴ xi³ Safira ⁷mi², tsa³ca³te¹na³ jnco³ na³nqui³-le⁴.

² Tsa³cja³⁷a¹xin²t⁷a³ chji¹-le⁴ xi³ t⁷a³ts⁷e⁴ yao³-le⁴. C⁷oa⁴-ti⁴ tsa³ve³ chjon⁴²-le⁴. Je² xi³ ts⁷a³nqui³-le⁴ ja³⁷ai³cao⁴. Tsa³c⁷e¹jna³ nqui³ ntso⁴co⁴ pa²stro⁴.

³ Pedro qui³tso²: Ananías, a¹-ni³ nca³ ya⁴ ti¹jna³jin³-si¹ni³ ni⁴ma⁴-li⁴ Satanás nca³ en¹nti³so³ chja²coai⁴ Espíritu Santo, nca³ ti³chja³⁷a²xin²t⁷a³-ni¹ je² chji¹-le⁴ na³nqui³-li⁴.

⁴ C⁷ia⁴ nca³ qui³s⁷e³jna³-li², a³ tsi² tsi⁴ ni¹. C⁷ia⁴ nca³ je³qui³sa³te²na³, a³ tsi² tsa² ji³ xi³

qui³s⁷e³jna³ya³ ntsai⁴ taon⁴-ve⁴. A¹-ni³ nca³ c⁷oa⁴-s⁷in² tsa³c⁷e²-ni³ ni⁴ma⁴-li⁴. A³li² cho⁴ta⁴-jin² xi³ tsa³ca³sen²nti³so³-lai⁴, je² Ni³na¹.

5 C⁷ia⁴ nca³ qui³nch⁷oe¹ Ananías je² en¹ xo⁴ tso²-ve⁴, c⁷ia⁴ qui³sca³ts⁷o³tjen⁴, je³c⁷en³. A³li² to⁴c⁷oa⁴cji³ qui³tso³cjon¹ nca³ts⁷i³ xi³ qui³nch⁷oe¹ nca³ c⁷en³.

6 Cho⁴ta⁴x³ti³ tsa³qui³ncha³nto³, tsa³ca¹jte¹ yao³-le⁴ Ananías. Tsa³c⁷a³sje³, tsa³c⁷e¹ñai³.

7 C⁷ia⁴ nca³ je³coan³ jo³-ni³ jan² hora, ja³⁷a³s⁷en³ chjon⁴²-le⁴. A³li²coi³ ve³ jme³-ni³ xi³ ca²ma³.

8 C⁷ia⁴ Pedro c⁷oa⁴qui³tso²-le⁴: C⁷oa⁴t⁷in²-nai¹³, a³ c⁷oa⁴tjin¹ tsa³ca³te²na³-nio³ je² na³nqui³-no³. C⁷oa⁴ je² c⁷oi⁴qui³tso²: Jaon³, c⁷oa⁴tjin¹.

9 Pedro c⁷oi⁴qui³tso²-le⁴: A¹-ni³ nca³ c⁷oa⁴-s⁷in² qui³cho³va²ya³-si¹nio³ nca³ qui³ch⁷a²na⁴cha⁴-lao⁴³ je² Espíritu xi³ ts⁷e⁴ Nai³-na¹. Coe⁴-ni³ ya⁴ ncha³ jcho³ xo⁴ntjoa⁴-ve⁴ je² xi³ ca²v⁷e¹ñai³ x⁷in⁴-li⁴. C⁷oa⁴-ti⁴ c⁷oa⁴sje³-li².

10 Nti⁴ton⁴ chjon⁴²-ve⁴ qui³sca³ts⁷o³tjen⁴ ya⁴nqui³ ntso⁴co⁴ Pedro. Je³c⁷en³. C⁷ia⁴ ja³⁷a³s⁷en³ cho⁴ta⁴x³ti³. Tsa³ve³ nca³ qui³jna³c⁷en³ chjon⁴²-ve⁴. Nti⁴ton⁴ tsa³c⁷a³sje³ tsa³c⁷e¹ñai³t⁷a³-le⁴ x⁷in⁴-le⁴.

11 A³li² to⁴c⁷oa⁴cji³ qui³tso³cjon¹ nca³ts⁷i³ xi³ ts⁷e⁴ na⁴xi⁴na³nta¹-le⁴ Cristo cao⁴ nca³ts⁷i³ xi³ qui³nch⁷oe¹ je² en¹-vi⁴.

Ncjin² ma³-ni³ cjoa⁴xcon¹ xi³ qui³s⁷in³

12 A³li² to⁴c⁷oa⁴cji³ choa⁴ cao⁴ cjoa⁴xcon¹ xi³ qui³s⁷in³ pa²stro⁴ cao⁴ ntsja³ ja⁴j³in³-le⁴ cho⁴ta⁴ na⁴xi⁴na³nta¹. Nca³ts⁷i³ to⁴j³nco³ cjoa⁴fa³⁷ai³tsjen³-le⁴, c⁷oa⁴ to⁴j³nco³ tjio¹ ya⁴nqui³ corredor-le⁴ Salomón.

13 Je² xi³c²a³ ni⁴jnc³-jin²la² coan³n⁷ion¹con³ nca³ qui³t⁷a³-le⁴ pa²stro⁴. To⁴nca³ je² cho⁴ta⁴ na⁴xi⁴na³nta¹ cjai¹nca³ to⁴nta³ tsa³c⁷a³sje³ pa²stro⁴.

14 Je² xi³ coan³cjain¹-le⁴ t⁷a³ts⁷e⁴ Jesús to⁴sin³ to⁴nta³ coan³ncjin². A³li² to⁴c⁷oa⁴cji³ ncjin² ma³-ni³ cao⁴x⁷in⁴ cao⁴ya¹nchjin¹.

15 Ts⁷a³sje³ xi³ tjio¹m⁷en³ ya⁴³ ntia⁴², c⁷oa⁴ qui³si³ca¹yo³son² ya¹na⁴chan³ cao⁴ ni³jña³, jme¹-ni³ nca³ c⁷oa⁴cao⁴c⁷a³-si¹ni³le⁴ nta³ to⁴nc⁷ian¹-le⁴ Pedro c⁷ia⁴ nca³ cjoa⁴⁷ai¹.

16 C⁷oa⁴ti⁴ je² cho⁴ta⁴ xi³ ts⁷e⁴ na⁴xi⁴na³nta¹ xi³ tjio¹ntai³, a³li² to⁴c⁷oa⁴cji³ ji³cho² ya⁴ Jerusalén. Ja³⁷ai³cao⁴ xi³ tjio¹m⁷en³, cao⁴ cho⁴ta⁴ xi³ nai⁴² tjio¹jin³ ni⁴ma⁴-le⁴. Ña³qui³ ji³tjo³xin²-le⁴ ch⁷in³-le⁴ nca³ts⁷i³.

Tsa³nca³tjen⁴nqui³co²ntran⁴-le⁴ Pedro cao⁴ Juan

17 C⁷ia⁴ tsa³qui³so¹tjen⁴ na⁴⁷mi³ti¹tjon² cao⁴ nca³ts⁷i³ xi³ tjio¹cao⁴ xi³ cho⁴ta⁴ saduceos. A³li² to⁴c⁷oa⁴cji³ coan³chi⁴ni⁴que³.

18 Qui³tsoa³ je² pa²stro⁴. Qui³sca³ni¹ nto⁴ya¹-le⁴ na⁴xi⁴-na³nta¹.

19 Xi³ je³coan³njon² jnc³ a²ncje⁴-le⁴ Nai³-na¹ qui³sco³⁷ai² xo⁴ntjoa⁴-le⁴ nto⁴ya¹. Tsa³c⁷a³sje³ je² pa²stro⁴-ve⁴, c⁷oa⁴qui³tso²-le⁴.

20 Ta³nquin¹ qui³yo³ ya⁴³ yo⁴nco⁴. C⁷oa⁴t⁷in²-lao⁴³ nca³ts⁷i³ cho⁴ta⁴ na⁴xi⁴na³nta¹ nca³yi³je³ en¹ xi³ t⁷a³ts⁷e⁴ je² cjoa⁴vi³-jna³chon³.

21 C⁷ia⁴ nca³ qui³nch⁷oe¹ jña³-le⁴ xi³ tsa³c⁷in²-le⁴, ja³⁷a³s⁷en³ yo⁴nco⁴ nca³ qui³s⁷e³sen¹. Tsa³ca³co¹ya³. C⁷ia⁴ ja³⁷ai³ je² na⁴⁷mi³ti¹tjon² cao⁴ nca³ts⁷i³ xi³ tjio¹cao⁴. Qui³nchja⁴-le⁴ cho⁴ta⁴xa¹ cao⁴

nca³ts⁷i³ cho⁴ta⁴jchi¹nca³ xi³ ts⁷e⁴ ntje⁴-le⁴ Israel. Qui³si³ca³sen¹cja³a¹ pa²stro⁴-ve⁴ ya⁴ nto⁴ya¹.

22 C⁷ia⁴ nca³ ji³cho² policia, li²coi³ qui³sa³co³sja³-le⁴je² pa²stro⁴-ve⁴ ya⁴ nto⁴ya¹. Qui³si³c⁷o¹fa³ya³-ni³, c⁷oa⁴ tsa³c⁷e¹ na⁴jmi¹.

23 C⁷oa⁴qui³tso²: C⁷ia⁴ nca³ ca²fi³choi³jin⁴, ca²yai³jin⁴ nca³ cjai¹nca³ n⁷ion¹ tji¹chjoa² nto⁴ya¹. Je² cho⁴ta⁴ xi³ ya⁴ tjio¹ma³ si¹coi²nta⁴ tjio¹ ya⁴jcho³ xo⁴ntjoa⁴. C⁷ia⁴ nca³ qui³cho³ai²jin⁴, ni⁴ya³-jin² xi³ tjin¹ ya⁴ nto⁴ya¹.

24 C⁷ia⁴ nca³ qui³nch⁷oe¹ en¹ xo⁴ tjin¹-vi⁴, je² na⁴mi³ti¹tjon² cao⁴ je² nai³-le⁴ yo⁴nco⁴, cao⁴ cho⁴ta⁴ti¹tjon²-le⁴ na⁴mi³, a³li²coi³ tsa³ve³ jo³ coan⁴ je²-vi⁴.

25 C⁷ia⁴ ja³ai³ jnco³ xi³ tsa³c⁷e¹-le⁴ na⁴jmi¹: Coe⁴-ni³ je² cho⁴ta⁴ xi³ qui³cha²nio²³ nto⁴ya¹, i⁴ tjio¹ ya⁴ yo⁴nco⁴, tjio¹va³co¹ya³-le⁴ cho⁴ta⁴.

26 C⁷ia⁴ qui³ nai³-le⁴ yo⁴nco⁴ cao⁴ policia. Ja³ai³cao⁴-la²nta³, nca⁴ qui³tso³cjon¹-le⁴ cho⁴ta⁴ na⁴xi⁴na³nta¹, tsa² lao⁴ coa⁴sen²-le⁴.

27 C⁷ia⁴ nca³ ja³ai³cao⁴, qui³si³ca³tio²va³sen³ junta. Je² na⁴mi³ti¹tjon² qui³sco²na³nqui³-le⁴:

28 A³ tsi² tsa² c⁷oa⁴-s⁷in² n⁷ion¹ sta³c⁷e²ne²-lai²jin⁴, nca³ tsi² tsa² coa⁴co²yao³ cao⁴ je² jan³ain¹. Coe⁴-ni³ jo³ ti³cha³ni²son²³ nca³qui³jnta² Jerusalén je² en¹ xi³ ti³va³co²yao³. C⁷oa⁴ me³-no³ cha³ni²ne²-na³jin⁴ je² njin¹-le⁴ cho⁴ta⁴ xo⁴cji³-ve⁴.

29 C⁷ia⁴ c⁷oi⁴qui³tso² Pedro cao⁴ nca³ts⁷i³ pa²stro⁴: Nqui²-sa⁴ ma³chjen¹ nca³ ni²cji³tjo³son²-le⁴² Ni³na¹ cao⁴-ni³ tsa² cho⁴ta⁴son³nte³.

30 Je² Ni³na¹-le⁴ n⁷ai³jcha¹cjin³-na¹ qui³sco²mi³tjen⁴

Jesús. Je² xi³ jon² qui³ni²c²aon³, ya⁴ tsa³cjen³t²ao³ jnco³ ya¹.

31 Je²-vi⁴ xi³ Ni³na¹ qui³si³quin³nc²a³ ya⁴ nca³qui²xi⁴-le⁴. Je²-vi⁴ xi³ cho⁴ta⁴ti¹tjon²-na¹, c²oa⁴ xi³ v²a³sje³ntjai²-na¹, jme¹-ni³ nca³ tsjoa¹-si¹ni³le⁴ cjoa⁴nta³ cho⁴ta⁴ Israel nca si⁴2c²a³ntjai²ya³ cjoa⁴fa³ai³tsjen³-le⁴, nca³ cha⁴t²a³-le⁴ je¹-le⁴.

32 Jin⁴ ni¹⁴-jin⁴ testigo xi³ t²a³ts²e⁴ je² cjoa⁴. C²oa⁴ testigo je² Espíritu Santo xi³ Ni³na¹ qui³tsjoa³-le⁴ je² xi³ si¹cji³tjo³son²-le⁴.

33 C²ia⁴ nca³ qui³nč²oe¹ je²-vi⁴, n²ion¹ coan³jti³-le⁴, tsa³cjao¹ya³-ni³ nca³ me³-le⁴ si⁴2c²en³.

34 C²ia⁴ tsa³ca³sen²nto³j³in³-le⁴ cho⁴ta⁴junta jnco³ cho⁴ta⁴ fariseo xi³ Gamaliel ²mi², je² xi³ va³co¹ya³ cjoa⁴te¹xo³ma³. Nca³ts²i³ cho⁴ta⁴ na⁴xi⁴na³nta¹ cjai¹nca³ ve³xcon¹. Je² Gamaliel tsa³ca³te¹xo³ma³ nca³ jnco³ tjo² ca²ta³vi³tjo³ je² pa²stro⁴.

35 C²oi⁴qui³tso²-le⁴: Nca³ts²io³ xi³ cho³ta³ israeli-tas, cho¹tsen³-lao⁴³ yao³-no³ xi³ t²a³ts²e⁴ je² cho⁴ta⁴ xo⁴cjoan³-ve⁴, jo³-s²in² cho¹son²-ni³lao⁴³.

36 Nca³s²a⁴ nca³ ni⁴č²j³in³ jchi¹nca³ ji³so¹tjen⁴ jnco³ xi³ Teudas ²mi². C²oi⁴qui³tso²: An³-vi⁴, an³ nqui²sa⁴-vi⁴. Ño³-la⁴ ciento ma³-ni³ cho⁴ta⁴x²in⁴ xi³ qui³t²a³-le⁴. To⁴nca³ qui³ni²c²en³-ni¹ je² Teudas. Nca³ts²i³ xi³ qui³t²a³-le⁴ qui³tsao³va³. Li²jme³ xi³ ti⁴coan³ qui³s²in³-ni³.

37 C²ia⁴ nca³ je³ja³a³to³ xo⁴cjoan³-ve⁴, ji³so¹tjen⁴ Judas, je² cho⁴ta⁴ galileo, je² ni⁴č²j³in³ nca³ qui³s²e³nta³ padrón. A³li² to⁴c²oa⁴cji³ cho⁴ta⁴ na⁴xi⁴na³nta¹ xi³ je² qui³cao⁴. C²oa⁴-ti⁴ c²en³ nca³ je². Nca³ts²i³ xi³ je² qui³t²a³-le⁴ ña³qui³ qui³tsao³va³.

38 Nt²ai⁴-vi⁴ntai⁴ c²oa⁴xin³-no³: Ca²ta³v⁷e²-la²no³, to⁴c²oa⁴-la²s⁷in² ti⁴ca³tio¹ je² cho⁴ta⁴x⁷in⁴-vi⁴. Je² cjoa⁴ xi³ tji¹nta³-le⁴, c²oa⁴ je² xa¹-vi⁴ tsa² ts⁷e⁴ cho⁴ta⁴x⁷in⁴, si⁴²cha³.

39 To⁴nca³ tsa² ts⁷e⁴ Ni³na¹ ni¹, a³li²coi³ coan⁴-no³ jo³ si⁴cao⁴³. Ti⁴coi²ntao⁴³ yao³-no³ tsa² coi³ ni⁴čjin³ coi⁴yo³ta²ja³-lao⁴³ Ni³na¹.

40 Cho⁴ta⁴junta tjio¹j³in³con³ cao⁴ je² Gamaliel. Qui³nchja⁴-le⁴ pa²stro⁴. C⁷ia⁴ nca³ je³tsa³ca¹-le⁴, ch⁷ao³-s⁷in² tsa³c²e¹ne²-le⁴ nca³ tsi² tsa² cao⁴ jan³⁷ain¹-le⁴ Jesús coi⁴nchja⁴. C²oa⁴ qui³sca³ni¹ntai¹-⁷ni³.

41 Je² pa²stro⁴-ve⁴ ji³tjo³j³in³-le⁴ cho⁴ta⁴junta. Cjai¹nca³ to⁴tsjoa³-le⁴ nca³ c²oa⁴-s⁷in² tsa³quin²-le⁴ nca³ qui³ch⁷a²sje³nqui³ xi³ t⁷a³ts⁷e⁴ jan³⁷ain¹-le⁴ Jesús.

42 Nca³ntsjai² ni⁴čjin³ ya⁴³ yo⁴nco⁴ ya⁴³ ni³⁷ya³-le⁴ ni⁴to⁴c⁷ia³-j³in² tsa³ca³tio²jyo¹ nca³ tsa³ca³co¹ya³, c²oa⁴ nca³ qui³nchja⁴ya³ t⁷a³ts⁷e⁴ Jesús je² Cristo.

6

Ña³to³ ma³-ni³ cho⁴ta⁴ xi³ tsa³cja³⁷a¹j³in³

1 C⁷ia⁴ ni⁴čjin³-ve⁴ cjai¹nca³ coan³njin²ya³ cho⁴ta⁴-le⁴ Cristo. Je² cho⁴ta⁴ griegos cjai¹nca³ to⁴ch⁷ao³ tsa³ca³tio²-le⁴con³ cho⁴ta⁴ hebreos nca³ je² ya¹nchjin¹-le⁴ xi³ je³c⁷en³ x⁷in⁴-le⁴ li²coi³ c²oa⁴-s⁷in² ts⁷a³cao⁴-le⁴ je² tso³jmi² xi³ v⁷a³vi¹-le⁴ nchaon³nchaon³.

2 C⁷ia⁴ je² xi³ te³jao² pa²stro⁴ qui³nchja⁴ma³ña³-le⁴ nca³ts⁷i³ cho⁴ta⁴-le⁴ Cristo, c²oa⁴qui³tso²-le⁴: A³li²coi³ nta³ tjin¹ nca³ jin⁴-jin⁴ c⁷oe¹jnai³⁴-jin⁴ je² en¹-le⁴ Ni³na¹ nca³ c⁷oe¹yai³⁴-jin⁴ t⁷a³ ya¹mi²xa⁴.

3 Chja⁴⁷a²jion³ xi²nquio⁴³, [?]nti¹nts[?]e³, ña³to³ cho⁴ta⁴x[?]in⁴ xi³ [?]ya³-le⁴ nca³ nta³ cho⁴ta⁴, xi³ cjai¹nca³ to⁴tjin¹jjin³ ni⁴ma⁴-le⁴ je² Espíritu Santo, c[?]oa⁴ xi³ tjin¹-le⁴ cjoa⁴⁷i³sen³-ta³con². Je² xi³ c[?]oai⁴-le⁴² je² xa¹-vi⁴.

4 Jin⁴-jin⁴ to⁴jo³ c[?]oe¹ts[?]oa³ ntsjai²-ni¹⁴jjin⁴, coa⁴co²ya³ ntsjai²-ni¹⁴jjin⁴ en¹-le⁴ Ni³na¹.

5 Je² en¹ xi³ qui³tso² je² pa²stro⁴ cjai¹nca³ nta³ qui³sa³sen³-le⁴ nca³ts[?]i³ cho⁴ta⁴-ve⁴. C[?]ia⁴ tsa³cja³⁷a¹jjin³ Esteban, jnco³ cho⁴ta⁴x[?]in⁴ xi³ cjai¹nca³ nta³ ma³cjain¹-le⁴, c[?]oa⁴ xi³ cjai¹nca³ to⁴tjin¹jjin³ ni⁴ma⁴-le⁴ je² Espíritu Santo. C[?]oa⁴-ti⁴ tsa³cja³⁷a¹jjin³ Felipe, Prócoro, Nicanor, Timón, Parmenas, cao⁴ Nicolás xi³ ja³⁷ai³t[?]a³-le⁴, xi³ ya⁴ Antioquía ts[?]e⁴.

6 Je² xi³ ña³to³-ve⁴ tsa³qui³ncha³va³sen³ nqui³xcon⁴ pa²stro⁴. Je² pa²stro⁴ tsa³c[?]e¹ts[?]oa³ tsa³ca¹yo³son²-le⁴ ntsja³.

7 Cjai¹nca³ qui³son² je² en¹-le⁴ Nai³-na¹. N[?]ion¹ coan³ncjin²ya³ cho⁴ta⁴-le⁴ ya⁴ Jerusalén. C[?]oa⁴-ti⁴ cjai¹nca³ ncjin² ma³-ni³ na⁴⁷mi³ xi³ c[?]oa⁴-s[?]in² coan³cjain¹-le⁴.

Qui³tsoa³ Esteban

8 Je² Esteban cjai¹nca³ to⁴qui³s[?]e³-le⁴ cjoa⁴nta³ cao⁴ nca³n[?]ion¹. A³li² to⁴c[?]oa⁴cji³ cjoa⁴xcon¹ c[?]oa⁴ choa⁴ xi³ qui³s[?]in³ jin³-le⁴ cho⁴ta⁴.

9 C[?]ia⁴ qui³sco²mi³tjen⁴ yao³-le⁴ c[?]a³ cho⁴ta⁴ xi³ ts[?]e⁴ nt[?]ia³ sinagoga-le⁴ cho⁴ta⁴ xi³ c[?]oa⁴⁷mi²-le⁴ cho⁴ta⁴ntai¹, cao⁴ xi³ ts[?]e⁴ cho⁴ta⁴ cireneos, cao⁴ xi³ ts[?]e⁴ cho⁴ta⁴ alejandrinos, cao⁴ xi³ ts[?]e⁴ Cilicia, cao⁴ xi³ ts[?]e⁴ Asia. Tsa³cjao¹ti³ya³-ni³ cao⁴ je² Esteban.

10 To⁴nca³ li²coi³ coan³ tsa³ca³tio²ta²ja³-le⁴ je² cjoa⁴i³sen³ta³con²-le⁴ cao⁴ je² Espíritu xi³ je² Esteban qui³nchja⁴ya³-ni³.

11 C⁷ia⁴ qui³tso²ya³ma³ c⁷a³ cho⁴ta⁴ xi³ c⁷oa⁴coi⁴tso⁴ nca³ qui³nch⁷oe¹-le⁴ Esteban nca³ qui³nchja⁴aon³-le⁴ Moisés cao⁴ Ni³na¹.

12 Qui³si³qui³so¹tjen⁴ cjoa⁴si³ jin³-le⁴ cho⁴ta⁴ na⁴xi⁴na³nta¹ cao⁴ cho⁴ta⁴jchi¹nca³ cao⁴ cho⁴ta⁴ scribano. Ji³cho²con³-le⁴, qui³tsoa³che¹. Ji³cho²cao⁴ ya⁴jña³ nca³ tjio¹ cho⁴ta⁴ junta.

13 C⁷ia⁴ tsa³ca³sen¹va³sen³-le⁴ testigos nti³so³ xi³ c⁷oa⁴qui³tso²: Je² cho⁴ta⁴ xo⁴cji³-ve⁴ a³li²coi³ v⁷e²jna³jyo¹ nca³ c⁷oa⁴-s⁷in² ti¹nchja⁴aon³-le⁴ je² ⁷nte³tsje³-vi⁴ cao⁴ je² cjoa⁴-te¹xo³ma³.

14 Qui³no²ya²-lai⁴jin⁴ nca³ c⁷oa⁴qui³tso² nca³ je² Jesús xi³ Nazaret ts⁷e⁴ si⁴2qui³xo¹ya³ je² ⁷nte³-vi⁴, si⁴2c⁷a³ntjai²ya³ je² cjoa⁴ xi³ n⁷ian² xi³ qui³tsjjoa³-na¹ Moisés.

15 C⁷ia⁴ je² nca³ts⁷i³ cho⁴ta⁴junta qui³sco³a² Esteban. Tsa³ve³ ncjain¹ jo³-ni³ xi³ ts⁷e⁴ jnco³ a²ncje⁴.

7

1 C⁷ia⁴ je² na⁴mi³ti¹tjon² c⁷oa⁴qui³tso²: A³ cjoa⁴qui²xi⁴ nca³ c⁷oa⁴tjin¹ je²-vi⁴.

2 C⁷ia⁴ Esteban qui³tso²: Nca³ts⁷io³ ⁷nti¹nts⁷e³ cao⁴ xi³ n⁷ao³, ti⁴no¹ya²23: Je² Ni³na¹ xi³ tjin¹-le⁴ cjoa⁴je³ya³ ts⁷a³tsen³-le⁴ cho⁴ta⁴jchi¹nca³-na¹ Abraham, c⁷ia⁴ nca³ ti¹jna³ Mesopotamia. Cje³-sa³ fi³cho¹-jin² ya⁴ Harán.

3 Ni³na¹ c⁷oa⁴qui³tso²-le⁴: Ti²tjo⁴-ni³ na³nqui³-li⁴. Ca²ta³va³tio² xi²nqui⁴. T⁷in³ ya⁴ na³nqui³ jña³ nca³ coa³co³-le²3.

4 C'ia⁴ ji³tjo³-ni³ na³nqui³-le⁴ cho⁴ta⁴ caldeos. Ya⁴ ji³cho²c²e²jna³ ya⁴ Harán. C'ia⁴ nca³ c'en³ n'ai³-le⁴, Ni³na¹ qui³si³c'a³ntjai²ya³-le⁴ nte³. Ja³ai³cao⁴ i⁴ nte³-vi⁴ jña³ nca³ ti³yo³ nt'ai⁴-vi⁴.

5 Ni³na¹ li²coi³ qui³tsjoa³cjoa⁴tjao²-le⁴ na³nqui³, ni⁴sa³nta³ jña³ nca³ coa⁴sen² jnco³ ntso⁴co⁴. To⁴nca³ Ni³na¹ qui³tsjoa³ ts'o³a³ nca³ tsjoa¹-le⁴ xi³ ti⁴ts'e⁴-ni³, cao⁴ xi³ ts'e⁴ ntje⁴-le⁴ xi³ scan³-le⁴ nca³ je² cjoa⁴ai¹, nta³ tsa² cje³ tjín¹-jin²le⁴ nti¹.

6 Ni³na¹ c'oi⁴qui³tso²-le⁴: Je² ntje⁴-li⁴ c'oi¹ma³son² nte³ xi³ cja⁴ai¹ ts'e⁴, jña³ nca³ to⁴cho⁴nta³ coan⁴, c'o⁴a⁴ to⁴taon³ jcha⁴ ño³ ciento no¹.

7 Ni³na¹ qui³tso²: To⁴nca³ an³ tsjoa³-le⁴ cjoa⁴ñain³ je² na⁴xi⁴na³nta¹ jña³ nca³ cho⁴nta³ coan⁴. Coan⁴scan³-ni³ coi⁴tjo³xin²-ni¹, c'o⁴a⁴ i⁴ nte³-vi⁴ scoe⁴xcon¹-na³.

8 Ni³na¹ tsa³c'e¹n'ion¹-le⁴ Abraham je² cjoa⁴ circuncisión. C'o⁴a⁴-s'in² Abraham qui³s'e³-le⁴ Isaac. Xi³ coan³jín³-ni³ ni⁴čhjin³ cjoa⁴ circuncisión qui³tsjoa³-le⁴. C'o⁴a⁴ je² Isaac qui³s'e³-le⁴ Jacob. C'o⁴a⁴ je² Jacob qui³s'e³-le⁴ je² cho⁴ta⁴jchi¹nca³ xi³ te³jao² ma³-ni³.

9 To⁴coi³ cjoa⁴ nca³ coan³xin²con³que³, je² cho⁴ta⁴jchi¹nca³-ve⁴ tsa³ca³te¹na³-le⁴ José cho⁴ta⁴ xi³ qui³cao⁴ ya⁴ Egipto. To⁴nca³ Ni³na¹ ti¹jna³cao⁴ José.

10 Ts'a³sje³ntjai² José nca³yi³je³ cjoa⁴ñain³ xi³ tjín¹-le⁴. Qui³tsjoa³-le⁴ cjoa⁴nta³ cao⁴ cjoa⁴i³sen³ta³con² ya⁴ nqui³xcon⁴ Faraón xi³ cho⁴ta⁴ti¹tjon² ya⁴ na³nqui³ Egipto. Faraón tsa³ca³sen¹ José nca³jco⁴-le⁴ Egipto, c'o⁴a⁴ nca³jco⁴-

le⁴ nca³yi³je³ nt²ia³-le⁴.

11 C⁷ia⁴ ja³⁷ai³ cji³ncha¹ nca³qui³jnta² Egipto cao⁴ na³nqui³ Canaán. A³li² to⁴c⁷oa⁴cji³ cjoa⁴ñ⁷ain³ tsa³cja³⁷a¹ cho⁴ta⁴. Je² n⁷ai³jcha¹cjin³-na¹ li²coi³ qui³sa³co³-le⁴ xi³ qui³squi³ne³.

12 C⁷ia⁴ nca³ qui³nch⁷oe¹ Jacob nca³ tjin¹ na⁴jme¹ ya⁴ Egipto, ya⁴ qui³si³ca³sen¹ je² n⁷ai³jcha¹cjin³-na¹ nca³ ti¹tjon².

13 C⁷ia⁴ nca³ coan³ jao² c⁷a³-ni³, José tsa³ca³co¹-le⁴ yao³-le⁴ nts⁷e⁴. C⁷oa⁴-s⁷in² Faraón tsa³ve³ xi¹ncjin¹ José.

14 José qui³si³ca³sen¹ qui³nchja⁴-le⁴ Jacob je² n⁷ai³-le⁴ cao⁴ nca³ts⁷i³ xi¹ncjin¹. Jan²can³ cao⁴-ni³ čha³⁷aon² ma³-ni³ cho⁴ta⁴.

15 C⁷oa⁴-s⁷in² Jacob qui³jen³ ya⁴ Egipto jña³ c⁷en³ nca³ je², cao⁴ nca³ts⁷i³ n⁷ai³jcha¹cjin³-na¹.

16 Qui³cao⁴ yao³-le⁴ n⁷ai³jcha¹cjin³-na¹ ya⁴ Siquem. Ya⁴ qui³s⁷e³ñai³ ya⁴ tsjo¹ xi³ Abraham tsa³ca³tse³-ni³ cao⁴ taon⁴ je² xti³-le⁴ Hamor xi³ Siquem ts⁷e⁴.

17 C⁷ia⁴ nca³ je³coan³čhian³ je² ni⁴čhjin³ xi³ Ni³na¹ qui³tsjoa³-le⁴ ts⁷oa³ Abraham, je² cho⁴ta⁴ na⁴xi⁴na³nta¹ coan³ncjin²ya³, c⁷oa⁴ qui³s⁷e³-le⁴ nca³n⁷ion¹ ya⁴ Egipto,

18 sa³⁷nta³ ji³so¹tjen⁴ nqui²jnc³ cho⁴ta⁴ti¹tjon² xi³ tsi² tsa² ve³xcon³ José.

19 Je²-vi⁴⁷ni³ cjai¹nca³ to⁴tse³ cjoa⁴ma²ña⁴ qui³cja³⁷a¹-le⁴ nca³ tsa³c⁷e¹xa¹-le⁴ xi²nquia⁴². Ch⁷ao³ qui³si³cao⁴ je² n⁷ai³jcha¹cjin³-na¹, jo³ sa³⁷nta³ nca³ cjoa⁴n⁷ion¹ ts⁷a³sje³jjin³sen¹ nca³ts⁷i³ n⁷ti¹xti³-le⁴, jme¹-ni³ nca³ cha⁴-si¹ni³ ntje⁴-le⁴.

20 Ti⁴je²-ni³ ni⁴čhjin³ qui³tsin³ Moisés. C⁷oa⁴ je²

cjai¹nca³ na³sca¹ qui³s⁷e³ nqui³xcon⁴ Ni³na¹. Jan² sa¹ qui³ni²jcha¹ ya⁴³ ni³⁷ya³-le⁴ n'ai³-le⁴.

21 C'ia⁴ nca³ ts'a³sje³jin³sen¹ je² tso²ti³-le⁴ Faraón qui³scoe¹. Je² qui³si³jcha¹ jo³-ni³ tsa² ʔnti¹ xi³ ts⁷e⁴.

22 Tsa³ca³co¹ya³-le⁴ Moisés nca³yi³je³ cjoa⁴chji⁴ne⁴ xi³ ts⁷e⁴ cho⁴ta⁴ egipcios. A³li² to⁴c⁷oa⁴cji³ nc⁷a³ tsa³c⁷e²jna³ cao⁴ nca³yi³je³ xi³ qui³tso², cao⁴ nca³yi³je³ xi³ qui³s⁷in³.

23 C'ia⁴ nca³ je³tjin¹-le⁴ ña³chan² no¹, ja³⁷ai³-le⁴ jnco³ cjoa⁴fa³⁷ai³tsjen³ nca³ coan³me³-le⁴ nca³ qui³con³-le⁴ nts⁷e⁴, je² xti³-le⁴ Israel.

24 C'ia⁴ nca³ tsa³ve³ jnco³ xi³ to⁴ch⁷ao³ ti¹ni²cao⁴, je² Moisés qui³si³toan¹ntjai², c⁷oa⁴ qui³si³nca³jao³-ni³ je² xi³ ch⁷ao³ ti¹ni²cao⁴ nca³ qui³si³qui²⁷aon³ je² cho⁴ta⁴ egipcio.

25 Moisés qui³si³cja³⁷ai³tsjen³ nca³ je² nts⁷e⁴ coan⁴cho⁴ya³-le⁴ nca³ Ni³na¹ ti¹tsjoa¹-le⁴ cjoa⁴vi³tjo³ntjai² cao⁴ ntsja² Moisés, to⁴nca³ je² nts⁷e⁴ li²coi³ coan³cho⁴ya³-le⁴.

26 Xi³ coan³nchaon³-ni³ tjio¹cjan¹ jao² nts⁷e⁴. C'ia⁴ Moisés ja³⁷ai³con²-le⁴, coan³me³-le⁴ nca³ qui³si³ca³tio¹jyo², c⁷oa⁴qui³tso²-le⁴: Nts⁷e³² cho⁴vao²³ nca³ jon². A¹-ni³ nca³ c⁷oa⁴-s⁷in² ch⁷ao³ ni²cao⁴-si¹nio³ xi²nquio⁴³.

27 C'ia⁴ je² xi³ ch⁷ao³ ti¹si¹cao⁴ xi³jnco³, qui³sca³ni¹tsja qui³tso²-le⁴ Moisés: ʔya¹-ni³ xi³ cho⁴ta⁴ti¹tjon² ca²va³sen¹jna³-li². ʔya¹-ni³ xi³ xca²le⁴ ca²tso²-li² xi³ t⁷a³tsain⁴-jin⁴.

28 A³ me³-li² nca³ si⁴c⁷en³-nai¹³, jo³-s⁷in² nca³ qui³ni²c⁷ain³ je² cho⁴ta⁴ egipcio nco²jña⁴.

29 C'ia⁴ nca³ je³c⁷oa⁴qui³tso², Moisés tsa³nca³-ni¹,

jo³-ni³ cho⁴ta⁴ xi³ cao⁴ cjoa⁴n⁷ion¹ qui³chon³sje³jín³-ni³ [?]nte³-le⁴. Qui³c⁷e²jna³ ya⁴ nqui²jncó³ [?]nte³ jña³ nca³ Madián [?]mi², jña³ nca³ qui³s⁷e³jao²-le⁴ [?]nti¹xti³.

30 Coan³son²-le⁴ ña³chan² no¹ ya⁴ [?]nte³-ve⁴. Jncó³ a²ncje⁴ coan³tsen³-le⁴ Moisés ya⁴ [?]nte³t⁷a³xin²t⁷a³ jña³ nca³ ni³nto³ Sinaí [?]mi². Jncó³ ya¹xca⁴cha³ ti¹ti². Ya⁴l⁷i¹-le⁴ ts⁷a³tsen³-jin³ je² a²ncje⁴.

31 C⁷ia⁴ Moisés qui³sco²tsen³. To⁴coan³xcon¹-le⁴ jme³ xi³ tsa³ve³. Qui³čhian³ jme¹-ni³ nca³ nta³ scoe⁴-si¹ni³. C⁷ia⁴ je² Nai³-na¹ tsa³cja¹cao⁴:

32 An³ nia¹³ Ni³na¹-le⁴ n⁷ai³jcha¹cjin³-li², Ni³na¹-le⁴ Abraham, Ni³na¹-le⁴ Isaac, Ni³na¹-le⁴ Jacob. To⁴nca³ Moisés to⁴qui³tso³cjon¹-ni¹. A³li²coi³ coan³n⁷ion¹con³ nca³ qui³sco²tsen³.

33 C⁷ia⁴ je² Nai³-na¹ c⁷oa⁴qui³tso²-le⁴ Moisés: Chja⁴a²xin²³ jte¹ xi³ cja³ ntso⁴coi³. Je² [?]nte³ jña³ nca³ ti³vi³sen²nai²³-vi⁴ [?]nte³tsje³xcon¹ ni¹.

34 Tsa³⁷ve³, tsa³⁷ve³-nia¹³ je² cjoa⁴ñ⁷ain³ xi³ tjín¹-le⁴ je² cho⁴ta⁴-na⁴ xi³ tjio¹ ya⁴ Egipto. Qui³nč⁷oe³-nia¹³ nca³ tjio¹cji³⁷ntia¹va³. Coi³ xa¹ ca²vi²tjo⁴jen³-nia³, nca³ c⁷oa³sje³ntje²³. Nčhoai¹³ nt⁷ai⁴, ya⁴ sca³ni³-le²³ ya⁴ Egipto.

35 Je² Moisés xi³ cho⁴ta⁴ Israel to⁴tsa³cja³⁷a¹xin² nca³ qui³tso²: [?]ya¹-ni³ xi³ cho⁴ta⁴ti¹tjon² ca²va³sen¹jna³-li². [?]ya¹-ni³ xi³ xca²le⁴ ca²tso²-li². Je²-vi⁴ xi³ Ni³na¹ qui³si³ca³sen¹ nca³ cho⁴ta⁴ti¹tjon², nca³ c⁷oa⁴sje³ntjai² cao⁴ ntsja³ a²ncje⁴ xi³ coan³tsen³jín³ ya¹xca⁴cha³.

36 Moisés tsa³c⁷a³sje³ cho⁴ta⁴ Israel. Ña³chan² no¹ n⁷ion¹ tse³ cjoa⁴xcon¹ cao⁴ choa⁴ xi³ qui³s⁷in³ ya⁴ na³nqui³ Egipto, cao⁴ ya⁴ na³nta¹ Mar Rojo, cao⁴ ya⁴

ʔnte³tʔa³xin²tʔa³.

37 Je²-vi⁴je² Moisés xi³ qui³tso²-le⁴ nca³tsʔi³xti³-le⁴ Israel: Je² Nai³-no³ Ni³na¹-no³ sco¹mi³tjen⁴jin³-no³ jnco³ ntsʔao³ xi³ coi⁴nchja⁴ya³jin³-no³ jo³-ni³ an³, je² xi³ coi⁴no¹ya²-lao⁴³.

38 Je² cho⁴ta⁴ xo⁴⁷mi²-ve⁴ je² ni¹ xi³ tsa³cʔe²jna³cao⁴ je² na⁴xi⁴na³nta¹-le⁴ Ni³na¹ ya⁴ʔnte³tʔa³xin²tʔa³, cao⁴ je² a²ncje⁴ xi³ tsa³cja¹cao⁴ ya⁴ ni³nto³ Sinaí, cao⁴ je² nca³tsʔi³ nʔai³jcha¹cjin³-na¹. Je² Moisés xi³ tsa³cʔai²-le⁴ je² en¹ xi³ tsʔe⁴ cjoa⁴vi³jna³chon³ jme¹-ni³ nca³ tsjoa¹-si¹ni³na¹.

39 Je² nʔai³jcha¹cjin³-na¹ coan³cai³-le⁴ nca³ qui³si³tjo³son²-le⁴ Moisés, to⁴sa³ tsa³cja³⁷a¹xin²-le⁴. Coan³me³-le⁴ ni⁴ma⁴-le⁴ nca³ qui³-nca¹ni³ ya⁴ Egipto.

40 Cʔoa⁴qui³tso²-le⁴ Aarón: Ti⁴nta³-na³jin⁴ ni³na¹ xi³ ca²ta³fi² ti¹tjon²-na³jin⁴. Je² Moisés xi³ tsa³cʔa³sje³-na³jin⁴ ya⁴ na³nqui³ Egipto, a³li²coi³ʔyai³⁴-jin⁴ jme³-ni³ xi³ coan³-le⁴.

41 Cʔia⁴ qui³si³nta³ jnco³ toro ʔnti¹. Qui³tsjoa³tʔa³-le⁴ cjoa⁴tjao² je² xco¹son²-ve⁴. A³li² to⁴cʔoa⁴cji³ tsjoa³ coan³-le⁴ cho⁴ta⁴ Israel cao⁴ je² xa¹ xi³ coan³-le⁴ ntsja³.

42 To⁴nca³ Ni³na¹ tsa³cja³⁷a¹xin² yao³-le⁴. Cʔoa⁴-sin² qui³sca³ni¹ cho⁴ta⁴ Israel nca³ scoe⁴xcon¹ tsʔoi¹ cao⁴ sa¹ cao⁴ ni³ño³, jo³-sʔin² tji¹tʔa³ ya⁴ libro-le⁴ cho⁴ta⁴ xi³ qui³nchja⁴ya³: A³ cʔoa⁴-sʔin² tsa³cʔai²tʔa³-nao¹³ cho⁴cʔen³ cao⁴ cjoa⁴tjao² ya⁴ ʔnte³tʔa³xin²tʔa³ ña³chan² no¹.

43 To⁴nca³ qui³chʔao²³ je² ntʔia³na³jño³ xi³ tsʔe⁴ Moloc, cao⁴ je² ni³ño³-le⁴ je² ni³na¹-no³

Renfán. Je² ni¹ xco¹son² xi³ jon² qui³ni²ntao³ nca³ tsa³ya³xcon¹³. To⁴sa³ sca³ni³-no³ jan¹, jña³ cjin³-sa³le⁴ Babilonia.

44 Ya⁴ nte³t²a³xin²t²a³ je² n²ai³jcha¹cjin³-na¹ qui³s²e³-le⁴ je² nt²ia³na³jño³ xi³ tjia¹ en¹-le⁴ Ni³na¹. C²oa⁴-s²in² c²ia⁴ nca³ tsa³cja¹cao⁴ Moisés, Ni³na¹ tsa³ca³te¹xo³ma³ nca³ c²oa⁴-s²in² ca²ta³si¹nta³ nt²ia³na³jño³ jo³ cji³ nca³ tsa³ve³.

45 C²ia⁴ nca³ je³qui³s²e³-le⁴ nt²ia³na³jño³ je² n²ai³jcha¹cjin³-na¹, c²oa⁴-ti⁴ ja³ai³cao⁴ c²ia⁴ nca³ ja³a³s²en³ cao⁴ Josué ya⁴ nte³-le⁴ cho⁴ta⁴ xi³ li² judío-jin². Ni³na¹ tsa³cja³a¹xin² je² cho⁴ta⁴ xi³ li² judío-jin² nqui³xcon⁴ n²ai³jcha¹cjin³-na¹, sa³nta³ ni⁴chjin³-le⁴ David.

46 Je² David qui³sa³co³-le⁴ cjoa⁴nta³ nqui³xcon⁴ Ni³na¹. Qui³si³je¹ nca³ ca²ta³sa³co¹-le⁴ jnco³ ni³ya³ xi³ t²a³ts²e⁴ je² Ni³na¹-le⁴ Jacob.

47 To⁴nca³ Salomón qui³si³nta³-le⁴ ni³ya³.

48 To⁴nca³ je² Ni³na¹ xi³ nc²a³ ti¹jna³, li²coi³ v²e²jna³ya³ ni³ya³ xi³ ntsja³ cho⁴ta⁴ ma³nta³-ni³. Je² xi³ qui³nchja⁴ya³ t²a³ts²e⁴ Ni³na¹ tso²:

49 Je² nc²a³jmi³ je² ni¹ ya¹xi²le⁴-na⁴, c²oa⁴ je² son³nte³ je² ni¹ jña³ nca³ si³cja¹ya³ne²³ ntso⁴coa³. Jña¹-le⁴ ni³ya³ xi³ ni²nta³-nao¹³, tso² Nai³-na¹, a³xo⁴, jña¹-ni³ nte³ jña³ nca³ si³cja¹ya³ nca³ an³.

50 A³ tsi² tsa² je² ntsa⁴ xi³ qui³si³nta³ nca³yi³je³ je²-vi⁴.

51 Jon² cja¹nca³ to⁴xi¹j¹in³ jco³. Jon² jo³-ni³ tsa² cho⁴ta⁴ xi³ tsin²-le⁴ cjoa⁴ circuncisión, a³li²coi³ va³sen²sin³-nao¹³ cao⁴ ni⁴ma⁴-no³, c²oa⁴ cao⁴ xo⁴ño³. To⁴ña³qui³ c²oa⁴-s²in² vi³yo³ta²ja³-lao³ je² Espíritu Santo. Je² xi³ qui³s²in³ n²ai³jcha¹cjin³-no³, c²oa⁴²-ti⁴

ti³n⁷ian²-ncao¹³ nca³ jon².

52 Je² n⁷ai³jcha¹cjin³-no³, jña¹-le⁴ cho⁴ta⁴ xi³ qui³nchja⁴ya³ xi³ tsi² tsa² tsa³nca³tjen⁴nqui³ co²ntran⁴-le⁴. Ña³qui³ qui³si³c⁷en³-ni¹ je² xi³ to⁴nqui³-ni³ qui³nchja⁴ya³ nca³ cjoa⁴⁷ai¹ jnco³ xi³ tjin¹-le⁴ cjoa⁴qui²xi⁴. Je²-vi⁴ xi³ jon² qui³nto³vao²³ nt⁷ai⁴-vi⁴, c⁷oa⁴ xi³ qui³ni²c⁷aon³.

53 Qui³s⁷e³-no³ je² cjoa⁴te¹xo³ma³ xi³ qui³ts⁷ai²-ni³no³ cao⁴ a²ncje⁴, c⁷oa⁴ li²coi³ qui³ni²tjo³son²³.

54 C⁷ia⁴ nca³ cho⁴ta⁴ qui³nch⁷oe¹ en¹ xo⁴ tso²-ve⁴, a³li² to⁴c⁷oa⁴cji³ jti³ coan³-le⁴ ni⁴ma⁴-le⁴. Jo³ qui³squi³ne³ne² ni⁴⁷ño⁴ nca³ jti³ coan³-le⁴ xi³ t⁷a³ts⁷e⁴ Esteban.

55 To⁴nca³ je² Esteban, a³li² to⁴c⁷oa⁴cji³ Espíritu Santo xi³ tjin¹j³ni⁴ma⁴-le⁴. Qui³sco²tsen³nc⁷a³jmi³. Tsa³ve³ cjoa⁴je³ya³-le⁴ Ni³na¹, c⁷oa⁴ tsa³ve³ Jesús xi³ sen¹nto³t⁷a³ nca³qui²xi⁴-le⁴ Ni³na¹.

56 Esteban c⁷oa⁴qui³tso²: Coe⁴-ni³, ti²⁷ve³-nia¹³nc⁷a³jmi³ nca³ ti⁴x⁷a⁴, c⁷oa⁴ je² ⁷nti¹-le⁴ cho⁴ta⁴ xi³ ya⁴ sen¹nto³t⁷a³ nca³qui²xi⁴-le⁴ Ni³na¹.

57 C⁷ia⁴ a³li² to⁴c⁷oa⁴cji³ qui³squi³⁷ntia¹xa¹ nca³ts⁷i³. Tsa³c⁷e¹chjoa² xo⁴ño³. Nca³ts⁷i³ qui³to²ca³ne²-le⁴ co²ntran⁴-le⁴.

58 Tsa³c⁷a³sje³j³in³ na⁴xi⁴na³nta¹. Tsa³c⁷e¹-le⁴ la⁴jao⁴. Je² xi³ coan³ testigo ya⁴ qui³si³ca³tio¹ na³jño³-le⁴ nqui³ ntso⁴co⁴ jnco³ cho⁴ta⁴x⁴ti³ xi³ Saulo ⁷mi².

59 A³li² to⁴c⁷oa⁴cji³ la⁴jao⁴ xi³ tsa³c⁷e¹-le⁴ Esteban. To⁴nca³ qui³nchja⁴-le⁴ Cristo: Señor Jesús, chjoe¹tjoai²³ ni⁴ma⁴-na⁴.

60 Tsa³ca³sen²xco¹nch⁷in³ Esteban, n⁷ion¹

qui³nchja⁴: Señor a³li² je¹ xo⁴tjin¹-vi⁴jjin²
mi³chon³t⁷a³-lai⁴ je² cho⁴ta⁴-vi⁴. Xi³ je³c⁷oa⁴qui³tso²,
qui³s⁷e³fe²-ni¹.

8

*Saulo tsa³nca³tjen⁴nqui³ co²ntran⁴-le⁴
na⁴xi⁴na³nta¹-le⁴ Cristo*

¹ Saulo tsa³ca¹cjao³jco⁴ nca³ qui³ni²c⁷en³ Este-
ban. C⁷oa⁴ tsa³c⁷a³-ni³ je² ni⁴čhjin³-vi⁴ nca³ ña³qui³
tsa³nca³tjen⁴nqui³ co²ntran⁴-le⁴ je² na⁴xi⁴na³nta¹-le⁴
Cristo xi³ tjio¹ ya⁴ Jerusalén. Nca³ts⁷i³ qui³tsao³va³
nca³qui³jnta² na³nqui³ Judea cao⁴ Samaria. To⁴je²-
sa³ pa²stro⁴ xi³ tsi² tsa² qui³tsao³va³.

² Cho⁴ta⁴ xi³ tsa³ve³xcon¹ Ni³na¹, qui³c⁷e¹ñai³ Es-
teban. A³li² to⁴c⁷oa⁴cji³ qui³squi³⁷ntia¹t⁷ain³ nca³
je².

³ C⁷ia⁴ je² Saulo qui³si³qui³xo²ya³ na⁴xi⁴na³nta¹-le⁴
Cristo. C⁷oa⁴ ja³⁷a³s⁷en³ ni³⁷ya³-le⁴ nca³ jnco¹jnco¹,
tsa³ca¹jve³ x⁷in⁴ cao⁴ ya¹nchjin¹. Qui³sca³ni¹ nto⁴ya¹.

Felipe qui³nchja⁴ya³ya⁴ Samaria

⁴ To⁴nca³ je² nca³ts⁷i³ xi³ qui³tsao³va³, qui³
nca³qui³jnta², qui³nchja⁴ya³ je² en¹-le⁴ Ni³na¹.

⁵ C⁷ia⁴ Felipe qui³jen³ jnco³ na⁴xi⁴na³nta¹ ya⁴
Samaria. C⁷oa⁴ qui³nchja⁴ya³jjin³-le⁴ xi³ t⁷a³ts⁷e⁴
Cristo.

⁶ Ña³qui³ nta³ qui³nčh⁷oe¹ cho⁴ta⁴ nca³yi³je³ cjoa⁴
xi³ qui³tso² Felipe. Tjio¹nčh⁷oe¹-le⁴, c⁷oa⁴ tjio¹ve³
nca³yi³je³ choa⁴ xi³ ti¹tsjoa¹.

⁷ Ncjin² cho⁴ta⁴ xi³ ntjao⁴ xi³ nta³jjin³ tjio¹jjin³
ni⁴ma⁴-le⁴, ji³tjo³-le⁴ ntjao⁴-ve⁴, qui³squi³⁷ntia¹cao⁴.

Cjai¹nca³ ncjin² cho⁴ta⁴yo⁴ma⁴, cao⁴ je² xi³
chi⁴?nque¹, xi³ coan³nta³.

8 Coi³ cjoa⁴ nca³ cjai¹nca³ tse³ cjoa⁴tsjoa³ xi³ tjin¹
ya⁴ na⁴xi⁴na³nta¹.

9 Ti¹jna³ jnco³ cho⁴ta⁴x⁷in⁴ xi³ Simón ?mi², xi³
nca³s⁷a⁴ ma³-le⁴ v⁷e¹nta³ ya⁴ na⁴xi⁴na³nta¹-ve⁴.
Tsa³c⁷a³na⁴cha⁴-le⁴ cho⁴ta⁴ xi³ Samaria ts⁷e⁴ nca³
c⁷oa⁴qui³tso²-le⁴ yao³-le⁴ nca³ n⁷ion¹ cho⁴ta⁴xcon¹.

10 Nca³ts⁷i³ ña³qui³ nta³ qui³nch⁷oe¹-le⁴, jo³
sa³nta³ ?nti¹xti³, jo³ sa³nta³ cho⁴ta⁴jchi¹nca³.
C⁷oa⁴qui³tso²: Je²-vi⁴ xi³ tjin¹-le⁴ je² nca³n⁷ion¹-le⁴
Ni³na¹ xi³ n⁷ion¹ tse³.

11 Cho⁴ta⁴ ña³qui³ nta³ qui³nch⁷oe¹-le⁴ nca⁴
ncjin² no¹ tsa³qui³ncha³xcon¹-le⁴ cho⁴ta⁴ cao⁴
cjoa⁴v⁷e²nta³-le⁴.

12 C⁷ia⁴ nca³ cho⁴ta⁴ coan³cjain¹-le⁴ Felipe
xi³ qui³nchja⁴ya³ je² en¹nta³ xi³ t⁷a³ts⁷e⁴
cjoa⁴te¹xo³ma³-le⁴ Ni³na¹, c⁷oa⁴ xi³ t⁷a³ts⁷e⁴
Jesucristo, qui³sa³te¹nta¹ xi³ ya¹nchjin¹-ve⁴, xi³
x⁷in⁴-ve⁴.

13 Sa³nta³ ti⁴je²-ni³ Simón c⁷oa⁴-ti⁴ coan³cjain¹-
le⁴. C⁷ia⁴ nca³ je³qui³sa³te¹nta¹, qui³t⁷a³-le⁴ Fe-
lipe. Tsa³ve³ je² choa⁴ cao⁴ cjoa⁴xcon¹ xi³ cji³ma³,
to⁴coan³xcon¹-le⁴.

14 Je² pa²stro⁴ xi³ tjio¹ ya⁴ Jerusalén qui³nch⁷oe¹
nca³ ya⁴ Samaria qui³tjoe¹ je² en¹-le⁴ Ni³na¹. C⁷ia⁴
qui³si³ca³sen¹-le⁴ Pedro cao⁴ Juan.

15 C⁷ia⁴ nca³ ji³cho² Pedro cao⁴ Juan,
tsa³c⁷e¹ts⁷oa³ntjai² cho⁴ta⁴, jme¹-ni³ nca³ tjoe¹-
si¹ni³le⁴ je² Espíritu Santo.

16 (Nca³ cje³ fa³a³s⁷en³jjin³-jin²le⁴.
To⁴qui³sa³te¹nta¹-ni³ xi³ t⁷a³ts⁷e⁴ jan³ain¹-le⁴ Nai³-

na¹ Jesús.)

17 C⁷ia⁴ Pedro cao⁴ Juan tsa³ca¹yo³son²-le⁴ ntsja³.
C⁷oa⁴ je² qui³tjoe¹-le⁴ je² Espíritu Santo.

18 C⁷ia⁴ nca³ tsa³ve³ Simón nca³ to⁴je² ntsja³
pa²stro⁴ coa¹jna³son²-le⁴ cho⁴ta⁴ nca³ tsjoa¹-le⁴
Espíritu Santo, c⁷ia⁴ coan³me³-le⁴ nca³ tsjoa¹-le⁴
taon⁴ je² pa²stro⁴.

19 C⁷oa⁴qui³tso² Simón: T⁷ai²-nao¹³ an³ je²
cjoa⁴te¹xo³ma³ je²-vi⁴, jme¹-ni³ nca³ to⁴ya³-ni³ve⁴
xi³ ntsa⁴ cjoa³son²-le⁴ tjoe¹-si¹ni³le⁴ je² Espíritu
Santo.

20 C⁷ia⁴ Pedro c⁷oa⁴qui³tso²-le⁴: Je² taon⁴-li⁴
ca²ta³m⁷en³coai⁴, nca³ ni²cja³ai³tsjain³ nca³ je²
cjoa⁴tjao²-le⁴ Ni³na¹ ma³ vi³nta³-ni³ taon⁴.

21 Ji³ tsin²-li² nte³-jin² xi³ t⁷a³ts⁷e⁴ xa¹ xo⁴tjin¹-vi⁴,
nca⁴ je² ni⁴ma⁴-li⁴ li²coi³ qui²xi⁴ t⁷a³ts⁷e⁴ Ni³na¹.

22 Ti⁴c⁷a³ntjai²yai³ cjoa⁴fa³ai³tsjen³-li⁴ xi³ t⁷a³ts⁷e⁴
je² cjoa⁴ts⁷en⁴-li⁴. T⁷e²ts⁷oa³-lai⁴ Ni³na¹ tsa² coan⁴-
sa³ nca³ si⁴cha³t⁷a³-li² je² cjoa⁴fa³ai³tsjen³-le⁴
ni⁴ma⁴-li⁴.

23 ve³ nca³ je² xi³ sja³ ti¹jna³jjin³-li², c⁷oa⁴
ti³jna³jjin³ cjoa⁴ñ⁷ain³ xi³ to⁴t⁷a³ts⁷e⁴ cjoa⁴ts⁷en⁴-
li⁴.

24 C⁷ia⁴ Simón c⁷oa⁴qui³tso²: T⁷ian⁴-nao¹³
cjoa⁴nta³, t⁷e²ts⁷oa³lao⁴³ je² Nai³-na¹ xi³ t⁷a³ts⁷an⁴,
jme¹-ni³ nca³ ni⁴jnc³-jin² cjoa⁴ xi³ ti³mi²-nao¹³ve⁴
nchoa³ne²-si¹ni³na³.

25 C⁷ia⁴ nca³ je² pa²stro⁴ je³qui³tsjoa³ en¹-le⁴, c⁷oa⁴
je³qui³nchja⁴ en¹-le⁴ Ni³na¹, c⁷ia⁴ qui³-nca¹ni³ ya⁴
Jerusalén. Cjai¹nca³ ncjin² nte³-le⁴ cho⁴ta⁴ samar-
itanos jña³ qui³nchja⁴ya³ je² en¹nta³ xi³ t⁷a³ts⁷e⁴
Cristo.

Felipe cao⁴ cho⁴ta⁴ Etiope

26 To⁴nca³ jnco³ a²ncje⁴-le⁴ Nai³na¹ c⁷oi⁴qui³tso²-le⁴ Felipe: Ti⁴so¹tjain⁴, t⁷in³ jña³ nca³ nca³qui²xi⁴-le⁴ son³⁷n³te³, je² ntia⁴² xi³ fi²jen³-ni³ Jerusalén, xi³ fi³cho¹-ni³ Gaza jña³ nca³ n⁷te³t⁷a³xin²t⁷a³.

27 C⁷ia⁴ Felipe ji³so²tjen⁴, qui³. Coe⁴-ni³ jnco³ cho⁴ta⁴ eti³ope xi³ cho⁴ta⁴nti⁴, c⁷oa⁴ xi³ gobernador xi³ ts⁷e⁴ Candace je² reina-le⁴ cho⁴ta⁴ eti³opes. Je² cho⁴ta⁴-ve⁴ v⁷e²jna³⁷nta³ nca³yi³je³ cjoa⁴nchi⁴na¹-le⁴. Cho⁴ta⁴ xo⁴cji³-ve⁴ ja³⁷ai³ que³xcon¹ Ni³na¹ ya⁴ Jerusalén.

28 Ji³n³choa³-nca¹ni³, ti¹jna³ya³ carro-le⁴. Ti¹v⁷e¹xquia⁴ xon⁴-le⁴ Isaías je² xi³ qui³nchja⁴ya³ t⁷a³ts⁷e⁴ Ni³na¹.

29 Je² Espíritu Santo c⁷oa⁴qui³tso²-le⁴ Felipe: Ña³tjen⁴ t⁷in³coai⁴ je² carro-ve⁴.

30 Felipe qui³to²ca³con³-le⁴ cho⁴ta⁴-ve⁴. Qui³n³ch⁷oe¹-le⁴ nca³ ti¹v⁷e¹xquia⁴ xon⁴-le⁴ Isaías. C⁷oa⁴qui³tso²-le⁴: A³ma³cho⁴ya³-li²xi³ti³v⁷e²xquia⁴.

31 Cho⁴ta⁴-ve⁴ qui³tso²: Jo¹-s⁷in² coan⁴-ni³na³, tsa² tsi² ya³ xi³ coi⁴tso⁴ya³-na³. C⁷ia⁴ tsa³c⁷e¹ts⁷oa³-le⁴ Felipe nca³ ca²ta³fi²quin³ya³ carro-le⁴, nca³ ya⁴ ca²ta³v⁷e²jna³t⁷a³-le⁴ nca³ je².

32 Je² xi³ tji¹t⁷a³ xon⁴ Escritura xi³ ti¹v⁷e¹xquia⁴, je² je²-vi⁴: Jo³-ni³ tsa² va³rre² xi³ qui³cha³-ni³ nca³ si⁴c⁷en³, c⁷oa⁴ jo³-ni³ tsa² va³rre² n⁷ti¹ xi³ tsi²coi³ cji³⁷ntia¹ nca³ ti¹jna³t⁷a³-le⁴ xi³ v⁷e¹jon³-le⁴, c⁷oa⁴-s⁷in² li²coi³ qui³sco³⁷ai² ts⁷oa³ nca³ qui³nchja⁴.

33 C⁷ia⁴ nca³ tsa³cja³⁷a¹ cjoa⁴ñ⁷ain³, a³li²jme³ cao⁴ cjoa⁴qui²xi⁴ xi³ qui³s⁷e³nta³j³in³-ni³le⁴. Je² na⁴xi⁴na³nta¹-le⁴ ya¹-ni³ xi³ coan⁴ coa⁴co² jo³

coan³ cjoan³. Ji³tjo³xin²-le⁴ son³nte³-vi⁴ je² cjoa⁴vi³jna³chon³-le⁴.

34 C⁷ia⁴ je² cho⁴ta⁴nti⁴-ve⁴ qui³tso²-le⁴ Felipe: Tjin¹-li² cjoa⁴nta³, ⁷ya¹ ni¹³ xo⁴ tso²-le⁴ je²-vi⁴ nca³ c⁷oa⁴qui³tso²je² xi³ qui³nchja⁴ya³t⁷a³ts⁷e⁴ Ni³na¹. A³ je² xo⁴ tso²-le⁴ yao³-le⁴, a³xo⁴ cja⁴ai¹ ni¹.

35 C⁷ia⁴ Felipe tsa³c⁷e¹ts⁷ia⁴ nca³ qui³nchja⁴. Tsa³c⁷e¹ts⁷ia⁴cao⁴ sa³nta³ je² xon⁴ escritura-vi⁴, c⁷oa⁴qui³tso²-le⁴ je² en¹nta³ xi³ t⁷a³ts⁷e⁴ Jesús.

36 C⁷ia⁴ nca³ tjio¹fi² ya⁴³ ntia⁴², ji³cho² jña³ tjin¹ na³nta¹. C⁷oa⁴qui³tso² je² cho⁴ta⁴nti⁴-vi⁴: Tjin¹ na³nta¹ i⁴-vi⁴. A¹-ni³ nca³ tsi² coan⁴-ni³ nca³ sa³te¹nta¹ an³-vi⁴.

37 Je² Felipe c⁷oa⁴qui³tso²: Tsa² cao⁴ nca³yi³je³ ni⁴ma⁴-li⁴ ma³cjain¹-li², coan⁴-jin²ni³. Cho⁴ta⁴nti⁴-ve⁴ c⁷oa⁴qui³tso²: Ma³cjain¹-na³ nca³ Jesucristo je² ni¹ ⁷nti¹-le⁴ Ni³na¹.

38 Tsa³ca³te¹xo³ma³ nca³ qui³si³ca³sen¹jna³ je² carro-le⁴. Ji³tjo³jen³jin³ na³nta¹ nca³ jao², Felipe cao⁴ cho⁴ta⁴nti⁴-ve⁴. Felipe tsa³ca³te¹nta¹ cho⁴ta⁴nti⁴-ve⁴.

39 C⁷ia⁴ nca³ ji³tjo³jin³-ni³ na³nta¹, je² Espíritu-le⁴ Nai³-na¹ tsa³cja³a¹xin² Felipe. Je² cho⁴ta⁴nti⁴-ve⁴ li²coi³ ti⁴tsa³ve³-ni³ Felipe. Tsjoa³ tjin¹con³ nca³ qui³ ntia⁴²-le⁴.

40 To⁴nca³ je² Felipe ya⁴ ti¹jna³ ya⁴ Azoto. C⁷ia⁴ nca³ ts⁷a³mjen³ ya⁴³ ntia⁴² qui³tso²ya³ je² en¹nta³ xi³ t⁷a³ts⁷e⁴ Cristo nca³qui³jnta² na⁴xi⁴na³nta¹, sa³nta³ nca³ ji³cho² ya⁴ Cesarea.

*Saulo qui³si³c²a³ntjai²ya³ cjoa⁴fa³ai³tsjen³-le⁴
(Hechos 22:6-16; 26:12-18)*

1 Saulo to⁴jo³ c²oa⁴tso²-sa³ nca³ si⁴2c²en³ cho⁴ta⁴-le⁴ Nai³-na¹. Ji³cho²nč⁷oe² je² na⁴7mi³ti¹tjon².

2 Qui³si³je¹-le⁴ xon⁴nca³n⁷ion¹-le⁴ xi³ c²oa⁴-le⁴ je² nt⁷ia³ sinagogas ya⁴ Damasco, jme¹-ni³ nca³ cjoa⁴7ai¹cao⁴-ni³ presos ya⁴ Jerusalén, tsa² nka³ sa⁴co²sjai³-le⁴ cho⁴ta⁴x⁷in⁴ a³xo⁴ ya¹nchjin¹ xi³ c²oa⁴-s⁷in² ma³cjain¹-le⁴.

3 C⁷ia⁴ nca³ ti¹fi² ja⁴ya³ ntia⁴2, c⁷ia⁴ nca³ ji³cho² čhian³ Damasco, to⁴ña³cjoan¹ ja³7a³ nca³ coan³7i³sen³ntai³-le⁴ jnco³l⁷i¹ xi³ nc⁷a³jmi³ji³nčhoa³-ni³.

4 Saulo qui³sca³t⁷a³ na³nqui³, qui³nč⁷oe¹-le⁴ jnco³ xi³ qui³nchja⁴: Saulo, Saulo, a¹-ni³ nca³ an³ 7mi³tjen⁴nqui³ co²ntran⁴-si¹ni³nai¹³.

5 C⁷ia⁴ Saulo qui³tso²: 7ya¹-ni³ ji³, Señor. C⁷ia⁴ je² qui³tso²: An³ nia¹³ Jesús xi³ ti³7mi³tjen⁴nqui³ co²ntran⁴-nai¹³. To⁴si⁴qui²oain³ yao³-li⁴, tsa² coi⁴njon¹-lai⁴ ya¹ xi³ yao³xcon¹ cji³.

6 C⁷ia⁴ Saulo ja³tse³, cjai¹nca³ to⁴qui³tso³cjon¹, c²oa⁴qui³tso²: Señor, jme¹-ni³ xi³ me³-li² nca³ s⁷ian³ an³. Je² Nai³-na¹ c²oa⁴qui³tso²-le⁴: Ti⁴so¹tjain⁴, ti⁴tja¹s⁷ain³ na⁴xi⁴na³nta¹-vi⁴. Ya⁴ c²oa⁴c⁷oin¹-li² jña³-le⁴ xi³ ma³chjen¹-li² nca³ c²oa⁴s⁷ia⁴in⁴.

7 Je² cho⁴ta⁴x⁷in⁴ xi³ tjen⁴cao⁴ Saulo tsa³qui³ncha³jyo¹-ni¹, to⁴coan³xcon¹-le⁴. Qui³nč⁷oe¹ jta⁴-le⁴ xi³ ti¹nchja⁴, to⁴nca³ li²7ya³ xi³ tsa³ve³.

8 C⁷ia⁴ Saulo ji³so²tjen⁴t⁷a³-ni³ na³nqui³. Qui³sco³7ai² xcon⁴, a³li²coi³ ti⁴coan³tsen³-ni³le⁴. Cho⁴ta⁴ to⁴qui³tsoa³ ntsja³ nca³ qui³s⁷en³cao⁴ ya⁴

Damasco.

9 Jan² ni⁴čhjin³ ya⁴ tsa³c⁷e²jna³ nca³ ni⁴?i⁴tse¹-jin² tsen³-le⁴. A³li²coi³ tsa³cjen², li²jme³ xi³ tsa³c⁷i³.

10 Jnco³ cho⁴ta⁴-le⁴ Cristo ti¹jna³ ya⁴ Damasco xi³ Ananías ?mi². Je² Nai³-na¹ c⁷oa⁴qui³tso²-le⁴ ya⁴ya³ ni³;jña¹-le⁴: Ananías. C⁷oa⁴ je²-?ni³ c⁷ia⁴ qui³nchja⁴: I⁴ ti²jna⁴-vi⁴, Señor.

11 Je² Nai³-na¹ c⁷oa⁴qui³tso²-le⁴: Ti⁴so¹tjin⁴, t⁷in³⁷nchoi²³ calle jan¹ jña³ nca³ qui²xi⁴ ?mi². Chjo¹na³nqui³ ya⁴³ nt⁷ia³-le⁴ Judas jnco³ xi³ Saulo ?mi². Tarso ts⁷e⁴. Coe⁴-ni³ ti¹v⁷e¹ts⁷oa³.

12 Je³tsa³ve³ ya⁴ya³ ni³;jña¹-le⁴ jnco³ cho⁴ta⁴x⁷in⁴ xi³ Ananías ?mi², xi³ cjoa⁴⁷ai¹con³-le⁴, coa⁴²jna³son²-le⁴ ntsja³, jme¹-ni³ nca³ nqui²jnco³c⁷a² coan⁴tsen³-si¹ni³le⁴.

13 C⁷ia⁴ qui³nchja⁴ je² Ananías: Señor, cjai¹nca³ to⁴ncjin² cho⁴ta⁴ xi³ qui³nčh⁷oe³-le⁴ xi³ t⁷a³ts⁷e⁴ je² cho⁴ta⁴-ve⁴, jo³ nca³ ch⁷ao³ qui³si³cao⁴ cho⁴ta⁴-li⁴ ya⁴ Jerusalén.

14 Sa³⁷nta³ i⁴-vi⁴ y⁷a³-sa³ cjoa⁴te¹xo³ma³ xi³ t⁷a³ts⁷e⁴ cho⁴ta⁴ti¹tjon²-le⁴ na⁴⁷mi³ nca³ tsoa³ nca³ts⁷i³ xi³ jan³⁷ain¹-li⁴ nchja⁴.

15 C⁷ia⁴ je² Nai³-na¹ c⁷oa⁴qui³tso²-le⁴ Ananías: T⁷in³. Je² cho⁴ta⁴-vi⁴ tsa³cja³⁷a³jian³, nca³ coan⁴chjen¹-na³ jme¹-ni³ nca³ coai⁴cao⁴-ni³ jan³⁷ain¹-na⁴ nqui³xcon⁴ cho⁴ta⁴ xi³ li² judío-jin², cao⁴ cho⁴ta⁴ti¹tjon², cao⁴ xti³-le⁴ Israel.

16 An³ coa³co³-le⁴ nca³yi³je³ cjoa⁴ñ⁷ain³ xi³ ma³chjen¹ nca³ cjoa⁴⁷a³ntjai² xi³ to⁴t⁷a³ts⁷e⁴ jan³⁷ain¹-na⁴.

17 C⁷ia⁴ Ananías qui³, ja³⁷a³s⁷en³ ni³⁷ya³. Tsa³ca¹jna³son²-le⁴ ntsja³, c⁷oa⁴qui³tso²: Saulo

ʔnti¹nts²e³, je² Nai³-na¹ Jesús xi³ coan³tsen³-li² nca³ ja²⁷ai⁴ ya⁴³ ntia⁴², qui³si³ca³sen¹-na³ jme¹-ni³ nca³ coan⁴tsen³ nqui²jnc³c²a²-si¹ni³li², c²oa⁴ nca³ tse³ s²e⁴jⁱⁿ³-si¹ni³ ni⁴ma⁴-li⁴ Espiritu Santo.

18 Nti⁴ton⁴ je² xi³ c²oa⁴cjoan³ čhjoa⁴tse¹ cjoan³ ji³tjo³xin²-le⁴ xcon⁴ Saulo. Coan³tsen³-ni³le⁴. C²ia⁴ nca³ ji³so²tjen⁴, qui³sa³te¹nta¹.

19 Xi³ je³tsa³cjen² Saulo, qui³s²e³-le⁴ nca³n²ion¹.

Saulo qui³nchja⁴ya³ ya⁴ Damasco To⁴jo³ tjⁱⁿ¹ ni⁴čhjin³ tsa³c²e²jna³cao⁴ je² cho⁴ta⁴-le⁴ Cristo xi³ tjio¹ ya⁴ Damasco.

20 Nti⁴ton⁴ ya⁴³ nt²ia³ sinagogas qui³nchja⁴ya³ Saulo xi³ t²a³ts²e⁴ Cristo. C²oa⁴qui³tso² nca³ je² ni¹ xi³ ʔnti¹-le⁴ Ni³na¹.

21 Nca³ts²i³ xi³ qui³nč²oe¹-le⁴ to⁴coan³xcon¹-le⁴, c²oa⁴qui³tso²: A³ tsi² je²-vi⁴ xi³ ya⁴ Jerusalén qui³si³c²en³ je² xi³ qui³nchja⁴ je² jan³⁷ain¹-le⁴ Cristo. Coi³ xa¹ ja³⁷ai³ i⁴-vi⁴ nca³ coi⁴cao⁴ preso jña³ tjio¹ cho⁴ta⁴ti¹tjon²-le⁴ na⁴⁷mi³.

22 To⁴nca³ Saulo to⁴nqui²sa⁴-sa³ n²ion¹ qui³s²e³-le⁴ nca³n²ion¹. Je² cho⁴ta⁴ judíos xi³ tjio¹ ya⁴ Damasco qui³tso²-le⁴ nca³ coan³sca¹ya³-le⁴. Ña³qui³ qui³si³qui²xi⁴ Saulo nca³ Jesús je² Cristo.

23 Xi³ je³ja³⁷a³to³ ncjin² ni⁴čhjin³, je² cho⁴ta⁴ judíos tsa³cja¹ya³-ni³ jo³-s²in² nca³ si⁴²c²en³ Saulo.

24 To⁴nca³ Saulo qui³nč²oe¹ jo³-s²in² nca³ me³-le⁴ si⁴²c²en³che¹. Cho⁴ta⁴ judíos ña³qui³ qui³si³coi²nta⁴ xo⁴ntjoa⁴ nca³ ni⁴čhjin³ nca³ ni⁴tjen⁴, nca³ me³-le⁴ nca³ si⁴²c²en³.

25 C⁷ia⁴ cho⁴ta⁴-le⁴ Cristo qui³scoe¹ Saulo nca³ njion². Qui³si³c⁷e¹jna³ya³ jnco³ ni⁴sin⁴ya¹ nc⁷a³. Qui³sca³ni¹jen³jton³ xjao¹ xi³ tji¹ntai³.

Jerusalén ti¹jna³ Saulo

26 Xi³ je³ja³⁷ai³ ya⁴ Jerusalén, me³-le⁴ nca³ coan⁴ña³t⁷a³-le⁴ cho⁴ta⁴-le⁴ Cristo. To⁴nca³ nca³ts⁷i³ qui³tso³cjon¹-le⁴ Saulo. A³li²coi³ coan³cjain¹-le⁴ tsa² c⁷oa⁴-ti⁴ cho⁴ta⁴-le⁴ Cristo nca³ je².

27 C⁷ia⁴ Bernabé qui³scoe¹ Saulo. Ja³⁷ai³cao⁴-le⁴ pa²stro⁴. Tsa³c⁷e¹-le⁴ na⁴jmi¹ jo³-s⁷in² nca³ tsa³ve³ Nai³-na¹ ya⁴ya³ ntia⁴², c⁷oa⁴ jo³-s⁷in² nca³ je² Nai³-na¹ tsa³cja¹cao⁴, c⁷oa⁴ jo³-s⁷in² nca³ to⁴nta³ coan³n⁷ion¹con³ nca³ qui³nchja⁴ya³ xi³ t⁷a³ts⁷e⁴ jan³⁷ain¹-le⁴ Jesús ya⁴ Damasco.

28 C⁷oa⁴-s⁷in² Saulo tsa³c⁷e²jna³jjin³-le⁴ pa²stro⁴ ya⁴ Jerusalén.

29 Cjai¹nca³ to⁴nta³ coan³n⁷ion¹con³ nca³ qui³nchja⁴ya³ xi³ t⁷a³ts⁷e⁴ jan³⁷ain¹-le⁴ Nai³-na¹. Tsa³cjao¹ya³-ni³ cao⁴ cho⁴ta⁴ griegos. To⁴nca³ je²-vi⁴⁷ni³ coan³me³-le⁴ nca³ si⁴²c⁷en³.

30 C⁷ia⁴ nca³ cho⁴ta⁴nts⁷e⁴ tsa³ve³, ña³tjen⁴ qui³cao⁴ Saulo ya⁴⁷nta³ Cesarea. Ya⁴ qui³si³ca³sen¹ ya⁴ Tarso.

31 Nca³qui³jnta² Judea cao⁴ Galilea cao⁴ Samaria ña³qui³ nch⁷an¹ tjio¹ na⁴xi⁴na³nta¹-le⁴ Cristo. Li²jme² cjoa⁴si³ xi³ tjin¹-le⁴. Qui³s⁷e³-sa³le⁴ nca³n⁷ion¹ nca³ c⁷oa⁴-s⁷in² tjio¹ma³, nca³ qui³tsa³cjon³que³ Nai³-na¹. Je² Espíritu Santo tsa³ca³sen²cao⁴, c⁷oa⁴-s⁷in² coan³ncjin²ya³.

Coan³nta³ Eneas

32 C⁷oa⁴coan³ nca³ Pedro tsa³c⁷a³mjen³son² nca³ts⁷i³ cho⁴ta⁴-le⁴ Cristo. C⁷oa⁴-ti⁴ ja³⁷ai³con²-le⁴ je² cho⁴ta⁴-le⁴ Cristo xi³ tjio¹ ya⁴ Lida.

33 Ya⁴ qui³sa³te³cjao³ jnco³ xi³ Eneas ⁷mi². Coan³ jin³ no¹ nca³ ti¹qui³jna³, nca³ tsi² ti⁴ma³ si¹tin²ya³-ni³ yao³-le⁴.

34 Pedro c⁷oi⁴qui³tso²-le⁴: Eneas, Jesucristo si⁴²nta³-li². Ti⁴so¹tjain⁴, tja³xco¹yai³ ni³jña³-li⁴. Ji³so²tjen⁴ nti⁴ton⁴.

35 Tsa³ve³ nca³ts⁷i³ cho⁴ta⁴ xi³ tjio¹ ya⁴ Lida cao⁴ ya⁴ Sarón. Qui³t⁷a³-le⁴ Nai³-na¹.

Qui³s²e³-nca¹ni³le⁴ cjoa⁴vi³jna³chon³ Dorcas

36 Ya⁴ Jope ti¹jna³ jnco³ chjon⁴² xi³ c⁷oa⁴-ti⁴ cho⁴ta⁴-le⁴ Cristo. Tabita ⁷mi², xi³ tso²-ni³ Dorcas. A³li² to⁴c⁷oa⁴cji³ nta³ chjon⁴² je²-vi⁴. Cjai¹nca³ nta³ tjjin¹ xa¹-le⁴, c⁷oa⁴ tse³ limosna xi³ tsjoa¹.

37 C⁷oa⁴coan³ je² ni⁴čhjin³-ve⁴ nca³ coan³⁷aon³-le⁴. C⁷oa⁴ c⁷en³. C⁷ia⁴ nca³ je³qui³si³ca³nco¹ya³, qui³si³ca¹jna³ yao³-le⁴ ya⁴ cuarto jña³ nc⁷a³.

38 Je² na⁴xi⁴na³nta¹ xi³ Lida ⁷mi² ti¹jna³čhian³-le⁴ Jope. Je² cho⁴ta⁴-le⁴ Cristo qui³nč⁷oe¹ nca³ Pedro ya⁴ ti¹jna³. Jao² cho⁴ta⁴x⁷in⁴ qui³sca³niln¹nč⁷oe², tsa³c⁷e¹ts⁷oa³-le⁴: A³li² ni²tse³ya²-jin²³, nti⁴ton⁴ nčhoa¹chon³-ni³na³jin⁴.

39 C⁷ia⁴ Pedro ji³so²tjen⁴, qui³cao⁴ nca³ je². Xi³ je³ji³cho², qui³cao⁴ ya⁴ cuarto jña³ nc⁷a³. Jo³ tsa³qui³ncha³t⁷a³-le⁴ ya¹nchjin¹ xi³ je³c⁷en³ x⁷in⁴-le⁴. Tjio¹cji³⁷ntia¹, tjio¹va³co¹-le⁴ na³jño³ ch⁷o¹tji³ xi³ Dorcas qui³si³nta³ c⁷ia⁴ nca³ ti¹jna³cao⁴-sa³.

40 C⁷ia⁴ Pedro qui³ts⁷aon³sje³ nti³tsin³ nca³ts⁷i³. Tsa³ca³sen²xco¹nch⁷in³, tsa³c⁷e¹ts⁷oa³.

Qui³sco²tsen³-le⁴ yao³-le⁴ c'en³-ve⁴, c'oi⁴qui³tso²:
Tabita ti⁴so¹tjain⁴. C'oa⁴ je²-vi⁴ni³ qui³sco³ai²nqui³
xcon⁴. C'ia⁴ nca³ tsa³ve³ Pedro, tsa³c'e²jna³qui²xi⁴.

41 Pedro qui³tsjoa³-le⁴ ntsja³, qui³si³qui³so¹tjen⁴.
C'ia⁴ qui³nchja⁴-le⁴ nca³ts'i³ cho⁴ta⁴-le⁴ Cristo cao⁴
je² ya¹nchjin¹ xi³ c'en³ x'in⁴-le⁴. Tsa³ca³co¹-le⁴ Dor-
cas nca³ ti¹jna³con³.

42 A³li² to⁴c'oa⁴cji³ qui³son² je²-vi⁴ nca³qui³jnta²
ya⁴ Jope. A³li² to⁴c'oa⁴cji³ cho⁴ta⁴ xi³ coan³cjain¹-le⁴
xi³ t'a³ts'e⁴ Nai³-na¹.

43 C'oa⁴coan³ nca³ ncjin² ni⁴čhjin³ tsa³c'e²jna³
Pedro ya⁴ Jope, ya⁴ nt'ia³-le⁴ jnco³ Simón
chji⁴ne⁴čhjoa⁴.

10

Pedro cao⁴ Cornelio

1 Ya⁴ Cesarea ti¹jna³ jnco³ cho⁴ta⁴x'in⁴ xi³ Cor-
nelio 'mi². Je²-vi⁴ xi³ nca³jco⁴-le⁴ jnco³ ciento
so³nta²do⁴ xi³ Italiana 'mi².

2 A³li² to⁴c'oa⁴cji³ tsa³ve³xcon¹, cao⁴ nca³yi³je³
nt'ia³-le⁴ qui³tsa³cjon³que³ Ni³na¹. A³li² to⁴c'oa⁴cji³
limosna tsjoa¹-le⁴ cho⁴ta⁴ na⁴xi⁴na³nta¹, c'oa⁴
ña³qui³ v'e¹ts'oa³ntsjai²-le⁴ Ni³na¹.

3 Tjin¹ xi³ tsa³ve³ Cornelio nca³ tsa³c'ai²-le⁴
ni³jña¹, jo³-ni³ tsa² las tres nca³ ma³xon². Jnco³
a²ncje⁴-le⁴ Ni³na¹ ji³cho²nčh'oe², c'oa⁴qui³tso²-le⁴:
Cornelio.

4 C'oa⁴ je²-vi⁴ qui³sco³a², jo³ to⁴qui³tso³cjon¹-ni¹,
c'oa⁴qui³tso²: Jme¹ ni¹³, Señor. C'oi⁴qui³tso²-le⁴:
Je² xi³ ti³v'e²ts'oai³, cao⁴ je² limosna xi³ ti³v'ai²³,
ji³cho² ca³t'a³-le⁴ cjoa⁴fa³ai³tsjen³-le⁴ Ni³na¹.

5 Nt⁷ai⁴-vi⁴ ti⁴ca³sain¹³ x⁷in⁴ ya⁴ Jope. Ca²tji³cja³a¹ jnco³ Simón. Pedro ⁷mi² je² jan³⁷ain¹-le⁴ xi³ ma³jao²-ni³.

6 Pedro ti¹jna³ nt⁷ia³-le⁴ jnco³ Simón chji⁴ne⁴čhjoa⁴. Ja⁴ntai³ nta¹chi³con³ qui³jna³ ni³⁷ya³-le⁴. Je² c⁷oa⁴coi⁴tso⁴-li² jña³-le⁴ xi³ ma³chjen¹ nca³s⁷ia⁴.

7 Qui³ je² a²ncje⁴ xi³ ti¹fa¹cao⁴ Cornelio. C⁷ia⁴ Cornelio qui³nchja⁴-le⁴ jao² cho⁴⁷nta³-le⁴ cao⁴ jnco³ so³nta²do⁴ xi³ ve³xcon¹ Ni³na¹, xi³ ti⁴je²-ni³ so³nta²do⁴-le⁴ xi³ si¹chjen¹ntsjai².

8 Xi³ je³tsa³c⁷e¹-le⁴ na⁴jmi¹ nca³yi³je³, qui³si³ca³sen¹ ya⁴ Jope.

9 Xi³ coan³nchaon³-ni³ c⁷ia⁴ nca³ tjio¹fi² ya⁴³ ntia⁴², c⁷ia⁴ nca³ ji³cho²čhian³ na⁴xi⁴na³nta¹-ve⁴, jo³-ni³ tsa² nchi³sen³, Pedro qui³tsin³ ya⁴ son²nc⁷a³ ni³⁷ya³ nca³ c⁷oe⁴²ts⁷oa³.

10 A³li² to⁴c⁷oa⁴cji³ coan³vao³-le⁴, coan³me³-le⁴ nca³ tsa³cjen². C⁷ia⁴ nca³ s⁷a⁴ ti¹s⁷e³nta³-le⁴ tso³jmi² xi³ squi⁴ne⁴, tsa³c⁷ai²jnco³-le⁴ ni³jña¹.

11 Tsa³ve³ nc⁷a³jmi³ nca³ ti⁴x⁷a⁴. Ya⁴ ji³nčhoa³jen³-ni³ jnco³ tso³jmi², jo³-ni³ tsa² jnco³ na³jño³ xi³ n⁷ion¹ te³, xi³ tjin¹n⁷ion¹tjon² nca³ ño³ xi⁴nqui⁴-le⁴. Ji³nčhoa³jen³ t⁷a³na³nqui³.

12 Ya⁴ ja³⁷ai³ya² nca³yi³je³ jco⁴ya³ cho⁴ xi³ ño³ ma³ ntso⁴co⁴ xi³ tjin¹ i⁴ son³⁷nte³-vi⁴, cao⁴ cho⁴ xi³ fi²jve³, cao⁴ ni⁴se³ xi³ fi²tjen⁴nc⁷a¹.

13 Pedro qui³nčh⁷oe¹ jnco³ xi³ qui³nchja⁴-le⁴: Ti⁴so¹tjain⁴ Pedro, ti⁴c⁷ain³, chi⁴nai⁴.

14 C⁷ia⁴ c⁷oi⁴qui³tso² Pedro: Ma³jain² Señor. Ni⁴to⁴c⁷ia³-jin²la² qui³squi²ne⁴ tso³jmi² xi³ xcon¹,

a³xo⁴ xi³ ch⁷ao³ cjoan³.

15 Nqui²jnc³c⁷a² ti⁴qui³nč⁷oe¹-nca¹ni³ je² jta⁴:
Je² xi³ Ni³na¹ qui³si³tsje³, a³li² tso³jmi²xcon¹-jin²
mi²-lai⁴.

16 Jan² c⁷a³ nca³ c⁷oa⁴-s⁷in² coan³. Je² na³jño³
qui³tjoe¹ nqui²ntia³-ni³ ya⁴ nc⁷a³jmi³.

17 Pedro li²coi³ ma³cho⁴ya³-le⁴ jme³ xi³ tso²ya³-ni³
je² ni³jña¹-ve⁴ xi³ ca²v⁷ai²-le⁴. Coe⁴-ni³ ji³cho² je²
cho⁴ta⁴ xi³ qui³si³ca³sen¹ Cornelio. Qui³tsi²na³nqui³
ni³ya³-le⁴ Simón. Ja³⁷ai³jcho³ xo⁴ntjoa⁴.

18 C⁷ia⁴ qui³tsi²na³nqui³ tsa² ti¹jna³ ya⁴-ve⁴ jnc³
Simón xi³ tjin¹-le⁴ nqui²jnc³ jan³⁷ain¹ xi³ Pedro
mi².

19 C⁷ia⁴ nca³ ti¹si¹cja³⁷ai³tsjen³ Pedro je² ni³jña¹ xi³
ca²v⁷ai²-le⁴, je² Espíritu c⁷oi⁴qui³tso²-le⁴: Coe⁴-ni³ i⁴
tjio¹-vi⁴ jan² cho⁴ta⁴x⁷in⁴ xi³ va¹sjai³-li².

20 Ti⁴so¹tjain⁴ nt⁷ai⁴, t⁷in³jain⁴, a³li² jao²-jin²
v⁷ai²to³coi²³ nca³ c⁷oin¹coai⁴. An³ ca²si³ca³sen¹³
je² cho⁴ta⁴-ve⁴.

21 C⁷ia⁴ Pedro qui³jen³con³-le⁴ cho⁴ta⁴ xi³ Cor-
nelio qui³si³ca³sen¹, c⁷oa⁴qui³tso²: An³ nia¹³ xi³
vi³jnchi³sjai³-nao¹³. Jme¹ ni¹³ cjoa⁴ xi³ tjin¹ nca³
ca²nchoa³-si¹nio³.

22 Cho⁴ta⁴-ve⁴ qui³tso²: Ni²xa¹-lai⁴jín⁴ Cornelio,
je² xi³ nca³jco⁴-le⁴ jnc³ ciento so³nta²do⁴, c⁷oa⁴
cho⁴ta⁴cjoa⁴qui²xi⁴ xi³ ve³xcon¹ Ni³na¹, c⁷oa⁴
xi³ nta³ cho⁴ta⁴ tso²-le⁴ nca³ts⁷i³ na⁴xi⁴na³nta¹
judío. Jnc³ a²ncje⁴-le⁴ Ni³na¹ qui³si³qui³nč⁷oe¹
nca³ ca²ta³si¹ca³sen¹cja³⁷a¹-li² ni³⁷ya³-le⁴, nca³
ca²ta³nč⁷oe¹-li² je² en¹ xi³ ti³v⁷ai²³.

23 C⁷ia⁴ Pedro qui³si³cja³⁷a³s⁷en³ ni³⁷ya³-
le⁴ cho⁴ta⁴-ve⁴, c⁷oa⁴ qui³tsjoa³-le⁴ nte³. Xi³

coan³nchaon³-ni³ ji³so²tjen⁴, qui³cao⁴ cho⁴ta⁴-ve⁴. Tjin¹ c⁷a³ cho⁴ta⁴nts⁷e⁴ xi³ tjio¹ ya⁴ Jope xi³ c⁷oa⁴-ti⁴ qui³cao⁴.

24 Xi³ coan³nchaon³-ni³ ja³⁷a³s⁷en³ ya⁴ Cesarea. Cornelio ti¹co³ya³-le⁴. Je³qui³nchja⁴-le⁴ nca³ts⁷i³ xi¹ncjin¹ cao⁴ mi²yo⁴-le⁴ xi³ nqui²sa⁴ nta³ fao¹.

25 C⁷ia⁴ nca³ ja³⁷a³s⁷en³ Pedro, ji³tjo³cja³⁷a¹ Cornelio. Tsa³ca³sen²xco¹nch⁷in³t⁷a³-le⁴, tsa³ve³xcon¹ Pedro.

26 To⁴nca³ Pedro qui³si³qui³so¹tjen⁴, c⁷oa⁴qui³tso²: Ti⁴so¹tjain⁴. C⁷oa⁴-ti⁴ an³-je⁴ cho⁴ta⁴ nia¹³.

27 Pedro tsa³cja¹cao⁴, c⁷oa⁴ ja³⁷a³s⁷en³. N⁷ion¹ ncjin² cho⁴ta⁴ qui³sa³co³-le⁴ xi³ coan³xco¹.

28 C⁷oi⁴qui³tso²-le⁴: ⁷ya³-nio¹³ nca³ jon²-vi⁴ nca³ tsi² tsa² tjo³⁷nte³ nca³ jnco³ cho⁴ta⁴ judío si¹jnco³ yao³-le⁴, a³xo⁴ fi²con³-le⁴ cho⁴ta⁴ xi³ li² judío-jin². To⁴nca³ Ni³na¹ qui³tso²ya³-na³ nca³ ni⁴jnco³-jin² cho⁴ta⁴ xi³ xcon¹, a³xo⁴ xi³ ch⁷ao³ cjoan³ xin¹-le⁴.

29 Coi³ cjoa⁴ c⁷ia⁴ nca³ qui³no²cjoa⁴-nai¹³, ja²⁷ai⁴ nti⁴toan⁴. C⁷oa⁴-s⁷in² nt⁷ai⁴ cjo³na³nquia³, a¹-ni³ nca³ an³ qui³no²cjoa⁴-si¹ni³nao¹³.

30 C⁷ia⁴ Cornelio c⁷oa⁴qui³tso²: Coan³ño³-na³ ni⁴čhjin³ nca³ ti²jna⁴nchjan³ coi³-la⁴ hora-vi⁴. Las tres nca³ ma³xon², ti²v⁷e³ts⁷oa²³ i⁴ ni³⁷ya³-na⁴. Coe⁴-ni³ jnco³ cho⁴ta⁴ tsa³ca³sen² nqui³xcoan³. Fa³te³ cji³ na³jño³-le⁴.

31 C⁷oa⁴qui³tso²: Cornelio, je² xi³ ti³v⁷e²ts⁷oai³, qui³no²⁷ya²-li², c⁷oa⁴ je² limosna xi³ ti³v⁷ai²³, ji³cho² ca³t⁷a³-le⁴ cjoa⁴fa³⁷ai³tsjen³-le⁴ Ni³na¹.

32 Ti⁴ca³sain¹³ cho⁴ta⁴ ya⁴ Jope, ca²tji³cja³⁷a¹ jnco³ Simón. Pedro ⁷mi² je² jan³⁷ain¹-le⁴ xi³ ma³jao²-ni³.

Ti¹jna³ nt⁷ia³-le⁴ jnco³ Simón chji⁴ne⁴čhjoa⁴. Ja⁴ntai³ nta¹chi³con³ qui³jna³ ni³⁷ya³-le⁴. C⁷ia⁴ nca³ cjoa⁴⁷ai¹, cjoa¹cao⁴-li².

33 C⁷oa⁴-s⁷in² nti⁴ton⁴ qui³si³ca³sen¹-le²³. C⁷oa⁴ ji³-⁷ni³, cjai¹nca³ nta³ ca²ⁿ7iain²³ nca³ ca²ⁿčhoai¹³. Nt⁷ai⁴-vi⁴ntai⁴ nca³ts⁷i³-jin⁴ i⁴ ti³yoi³⁴-jin⁴ nqui³xcon⁴ Ni³na¹, nca³ coi⁴no²⁷yai²⁴-jin⁴ nca³yi³je³ xi³ c⁷oa⁴qui³tso²-li² Ni³na¹.

34 C⁷ia⁴ Pedro tsa³c⁷e¹ts⁷ia⁴ nca³ qui³nchja⁴: Cjoa⁴qui²xi⁴ ni¹, ti²⁷ve³-nia¹³ nca³ Ni³na¹ to⁴nco¹son² fi²cao⁴ nca³ts⁷i³.

35 To⁴jña³-ni³ son³⁷n³te³, je² xi³ tso³cjon¹que³ Ni³na¹, xi³ s⁷in¹ xi³ cjoa⁴qui²xi⁴, Ni³na¹ tjao²que³-ni¹.

36 Jon² 7ya³-nio¹³ je² en¹ xi³ Ni³na¹ qui³si³ca³sen¹-le⁴ xti³-le⁴ Israel. Qui³nchja⁴ya³ je² en¹nta³ xi³ tso² nca³ Cristo si¹qui³njen³nch⁷an¹ ni⁴ma⁴-na¹. Je²-vi⁴ Nai³-le⁴ nca³ts⁷i³.

37 Jon² 7ya³-nio¹³ je² en¹ xi³ qui³son² nca³qui³jnta² Judea. Qui³ts⁷ia³-ni³ Galilea coan³scan³-ni³ nca³ Juan qui³nchja⁴ya³ je² cjoa⁴sa³te¹nta¹.

38 Jon² 7ya³-nio¹³ je² en¹ xi³ t⁷a³ts⁷e⁴ Jesús xi³ Nazaret ts⁷e⁴, jo³-s⁷in² nca³ Ni³na¹ qui³tsj³oa³-le⁴ xa¹ cao⁴ Espíritu Santo cao⁴ nca³ⁿ7ion¹. Je² Jesús xi³ tsa³c⁷a³mjen³ nca³ to⁴cjoa⁴nta³ qui³s⁷in³, c⁷oa⁴ qui³si³nta³ nca³ts⁷i³ xi³ je² nai⁴² qui³si³cja³⁷a¹ cjoa⁴ñ⁷ain³, nca⁴ Ni³na¹ ti¹jna³cao⁴ Jesús.

39 Jin⁴-jin⁴ testigo ni¹⁴-jin⁴ nca³yi³je³ jme³-ve⁴ cjoa⁴ xi³ c⁷oa⁴qui³s⁷in³ i⁴ na³nqui³ Judea cao⁴ Jerusalén. Je² xi³ cho⁴ta⁴ Judea qui³si³c⁷en³ nca³ tsa³c⁷e¹tjen⁴ v⁷a³nqui³t⁷a³ jnco³ ya¹.

40 Je²-vi⁴ xi³ Ni³na¹ qui³sco²mi³tjen⁴ nca³

coan³jan²-ni³ ni⁴čhjin³, c⁷oa⁴ xi³ qui³si³c⁷a³t³sen³.

41 A³li²coi³ qui³si³c⁷a³t³sen³-le⁴ nca³ts⁷i³ cho⁴ta⁴ na⁴xi⁴na³nta¹, to⁴jⁱⁿ⁴ qui³si³c⁷a³t³sen³-na³jⁱⁿ⁴ xi³ testigo tsa³qui³ncha¹-na³jⁱⁿ⁴ nca³s⁷a⁴, jⁱⁿ⁴-jⁱⁿ⁴ xi³ tsa³qui³chi³coai⁴-jⁱⁿ⁴, xi³ qui³yo²coai⁴-jⁱⁿ⁴, coan³scan³-ni³ nca³ je³ja³a³ya²jⁱⁿ³-ni³le⁴ c⁷en³.

42 Tsa³ca³te¹xo³ma³-na³jⁱⁿ⁴ nca³ coi⁴no²cjoa⁴ya³-lai⁴jⁱⁿ⁴ cho⁴ta⁴ na⁴xi⁴na³nta¹, c⁷oa⁴ nca³ c⁷oi⁴-jⁱⁿ⁴ en¹-na⁴jⁱⁿ⁴ nca³ je² ni¹ xi³ Ni³na¹ tsa³ca³sen¹ jo³-ni³ tsa² Juez xi³ v⁷e¹nta³-jⁱⁿ³ cjoa⁴-le⁴ cho⁴ta⁴ xi³ tjio¹con³ cao⁴ xi³ c⁷en³.

43 Nca³ts⁷i³ xi³ qui³nchja⁴ya³ tsjoa¹ en¹ xi³ t⁷a³ts⁷e⁴, nca³ nca³ts⁷i³ xi³ coan⁴cjain¹-le⁴ xi³ t⁷a³ts⁷e⁴ Jesús cha⁴t⁷a³-le⁴ je¹-le⁴ xi³ to⁴t⁷a³ts⁷e⁴ Jesús.

44 To⁴jo³ ti¹nchja⁴-sa³ Pedro je² en¹ xo⁴ tso²-ve⁴, c⁷ia⁴ nca³ je² Espíritu Santo ja³a³s⁷en³jⁱⁿ³ ni⁴ma⁴-le⁴ nca³ts⁷i³ xi³ tjio¹nč⁷oe¹ en¹-vi⁴.

45 Je² cho⁴ta⁴ xi³ tjen⁴cao⁴ Pedro, xi³ coan³cjain¹-le⁴, xi³ ti⁴je²-ni³ cho⁴ta⁴-le⁴ cjoa⁴circuncisión coan³xcon¹-le⁴ nca³ je² cjoa⁴tjao² xi³ je² Espíritu Santo c⁷oa⁴-ti⁴ ja³ai³jⁱⁿ³ ni⁴ma⁴-le⁴ cho⁴ta⁴ xi³ li² judío-jin².

46 Qui³nč⁷oe¹-le⁴ nca³ nchja⁴ xi³ cja⁴ai¹ en¹-je⁴, c⁷oa⁴ nca³ cjai¹nca³ nta³ v⁷a³sje³je³ya³ Ni³na¹.

47 C⁷ia⁴ qui³nchja⁴ Pedro, a³ tjⁱⁿ¹-ni³ cho⁴ta⁴ xi³ coa⁴te²chjoa² na³nta¹-ve⁴, jme¹-ni³ nca³ tsi² sa⁴te¹nta¹-si¹ni³ je²-vi⁴ xi³ c⁷oa⁴-ti⁴ ca²tjoe¹-le⁴ Espíritu Santo, jo³-s⁷in² nca³ ña¹ qui³tjoe¹-na¹.

48 C⁷ia⁴ Pedro tsa³ca³te¹xo³ma³-le⁴ nca³ sa⁴te¹nta¹ cao⁴ jan³ain¹-le⁴ Nai³-na¹ Jesús. Cho⁴ta⁴

tsa³c⁷e¹ts⁷oa³-le⁴ nca³ c⁷oe¹jna³-sa³ nqui² jo³ tj¹n¹
ni⁴čhjin³.

11

Pedro v²e¹-le⁴ na⁴jmi¹ ya⁴ Jerusalén

¹ Ya⁴ Judea je² pa²stro⁴ cao⁴ nts⁷e⁴ xi³ ma³cjain¹-le⁴
qui³nč⁷oe¹ nca³ c⁷oa⁴-ti⁴ je² cho⁴ta⁴ xi³ li² judío-jin²
qui³scoe¹tjao² en¹-le⁴ Ni³na¹.

² C⁷ia⁴ nca³ Pedro qui³mi³ ya⁴ Jerusalén, cho⁴ta⁴-
le⁴ cjoa⁴circuncisión tsa³cjao¹ti³ya³-ni³.

³ C⁷oa⁴qui³tso²: A¹-ni³ c⁷oa⁴-s⁷in² ca²mi³s⁷en³-
si¹ni³ ni³ya³-le⁴ cho⁴ta⁴ xi³ tsi² cjoa⁴circuncisión
coan³-le⁴, c⁷oa⁴ ca²vi³chi³coai⁴.

⁴ C⁷ia⁴ tsa³c⁷e¹ts⁷ia⁴ Pedro, ntia³ntia³ qui³tso²ya³-
le⁴jme³ xi³ coan³:

⁵ C⁷ia⁴ nca³ ti²jna⁴ ya⁴ na⁴xi⁴na³nta¹ Jope nca³
ti²v⁷e³ts⁷oa²³, tsa³c⁷ai²jnc³-na³ ni³jña¹. Tjin¹ xi³
tsa³ve³. Jnc³ tso³jmi² jo³-ni³ tsa² jnc³ na³jño³ xi³
n⁷ion¹ te³, xi³ tj¹n¹n⁷ion¹tjon² nca³ ño³ xi⁴nqui⁴-le⁴,
ji³nčhoa³jen³-ni³ nc⁷a³-jmi³. Ja³ai³ nta³ jña³ ti²jna⁴.

⁶ C⁷ia⁴ nca³ qui³sco²tsen³, tsa³ve³-nia¹³
cho⁴son³nte³ xi³ ño³ ma³ ntso⁴co⁴, cao⁴ cho⁴jña¹,
cao⁴ cho⁴ xi³ fi²jve³, cao⁴ ni⁴se³ xi³ fi²tjen⁴nc⁷a¹.

⁷ Qui³nč⁷oe³ jnc³ xi³ qui³tso²-na³: Ti⁴so¹tjin⁴
Pedro, ti⁴c⁷ain³, chi⁴nai⁴.

⁸ C⁷oi⁴qui³xian³: Ma³jain² Señor. Ni⁴to⁴c⁷ia³-jin²la²
qui³si³cja³a³s⁷en³ ntso⁴va³ tso³jmi² xi³ xcon¹, a³xo⁴
xi³ ch⁷ao³ cjoan³.

⁹ Nqui²jnc³c⁷a² je² jta⁴ qui³nchja⁴-ni³na³
nc⁷a³jmi³: Je² xi³ Ni³na¹ qui³si³tsje³, a³li²
tso³jmi²xcon¹-jin² mi²-lai⁴.

10 Jan² c⁷oa³ nca³ c⁷oa⁴-s⁷in² coan³. Nca³yi³je³ tso³jmi²-ve⁴ qui³tjoe¹ nqui²ntia³-ni³ ya⁴ nc⁷a³jmi³.

11 C⁷oa⁴ c⁷ia⁴-⁷ni³ jan² cho⁴ta⁴x⁷in⁴ ja³⁷ai³ ya⁴ ni³⁷ya³ jña³ nca³ ti²jna⁴. Jnco³ cho⁴ta⁴ ya⁴ Cesarea qui³si³ca³sen¹con³-na³.

12 Je² Espíritu Santo c⁷oa⁴qui³tso²-na³ nca³ ya⁴ cjo¹coa⁴, nca³ tsi² tsa² jao² c⁷oe³coan³. C⁷oa⁴-ti⁴ qui³cao⁴-na³ je² jaon³ nts⁷e⁴. Ji³tja³s⁷ain³-jin⁴ ni³⁷ya³-le⁴ je² cho⁴ta⁴x⁷in⁴-ve⁴.

13 Je² cho⁴ta⁴x⁷in⁴-ve⁴ tsa³c⁷e¹-na³jin⁴ na⁴jmi¹ nca³ tsa³ve³ jnco³ a²ncje⁴ xi³ tsa³ca³sen²jna³ ya⁴³ ni³⁷ya³-le⁴, c⁷oa⁴qui³tso²-le⁴: Ti⁴ca³sain¹³ x⁷in⁴ ya⁴ Jope. Ca²tji³cja³⁷a¹ jnco³ Simón. Pedro ⁷mi² je² jan³⁷ain¹-le⁴ xi³ ma³jao²-ni³.

14 Je² xi³ c⁷oa⁴coi⁴tso⁴-li² en¹ jo³-s⁷in² nca³ coi²tjo⁴ntjai² cao⁴ nca³ts⁷i³ xi³ ts⁷e⁴ nt⁷ia³-li⁴.

15 C⁷ia⁴ nca³ an³ tsa³c⁷e³ts⁷ia⁴ nca³ qui³nchja²³, je² Espíritu Santo ja³⁷ai³jin³ ni⁴ma⁴-le⁴ nca³ je², jo³-s⁷in² nca³ ja³⁷ai³jin³ ni⁴ma⁴-na¹ nca³ ña¹ nca³s⁷a⁴.

16 C⁷ia⁴ ja³⁷ai³tsjen³-na³ en¹-le⁴ Nai³-na¹, jo³ qui³tso²: Cjoa⁴qui²xi⁴ Juan tsa³ca³te¹nta¹-ni³ cao⁴ na³nta¹, to⁴nca³ jon² sa⁴te¹nta¹-nio³ cao⁴ Espíritu Santo.

17 C⁷oa⁴-s⁷in²⁷ni³, tsa² Ni³na¹ qui³tsjoa³-le⁴ nca³ je² ti⁴je²-ni³ cjoa⁴tjoa², jo³-s⁷in² qui³tsjoa³-na¹ nca³ ña¹ xi³ coan³cjain¹-na¹ xi³ t⁷a³ts⁷e⁴ Nai³-na¹ Jesucristo, ⁷ya¹-ni³ an³ nca³ coan⁴ coa²te⁴jna³n⁷ion¹-le⁴ Ni³na¹.

18 C⁷ia⁴ nca³ qui³nch⁷oe¹ nca³yi³je³ xo⁴ tso²-ve⁴, tsa³ca³tio²jyo¹. Cjai¹nca³ to⁴je³ya³ ts⁷a³sje³ Ni³na¹. C⁷oa⁴qui³tso²: Cjoa⁴qui²xi⁴-⁷ni³ nca³ Ni³na¹ c⁷oa⁴-ti⁴ qui³tsjoa³-le⁴ cjoa⁴nta³ sa³⁷nta³ cho⁴ta⁴ xi³ li² judío-

jin² nca³ si⁴²c⁷a³ntjai²ya³ cjoa⁴fa³⁷ai³tsjen³-le⁴ nca³ s⁷e⁴-le⁴ cjoa⁴vi³jna³chon³ nca³ntsjai².

Bernabé qui³ya⁴⁷nta³ Antioquía

19 Nca³ts⁷i³ xi³ qui³tsao³va³ xi³ to^{4t}a³ts⁷e⁴ je² cjoa⁴ñ⁷ain³ xi³ ja³⁷ai³ c⁷ia⁴ nca³ tsa³c⁷e²jna³ Esteban, tsa³c⁷e²ma³ ya⁴⁷nta³ Fenicia cao⁴ Chipre cao⁴ Antioquía. Qui³nchja⁴ya³ en¹-le⁴ Ni³na¹, to⁴nca³ to⁴je² cho⁴ta⁴ judíos xi³ c⁷oa⁴-s⁷in² qui³tso²-le⁴, ni⁴⁷ya³-jin²sa³ xi³ cja⁴⁷ai¹.

20 Ya⁴ tjio¹j³in³-le⁴ c⁷a³ cho⁴ta⁴ xi³ ts⁷e⁴ Chipre cao⁴ cho⁴ta⁴ xi³ ts⁷e⁴ Cirene. C⁷ia⁴ nca³ ja³⁷a³s⁷en³ ya⁴ Antioquía, je²-vi⁴ tsa³cja¹cao⁴ cho⁴ta⁴ griegos, c⁷oa⁴ qui³nchja⁴ya³ en¹nta³ xi³ t⁷a³ts⁷e⁴ Nai³-na¹ Jesús.

21 Je² Nai³-na¹ qui³tsjoa³nca³n⁷ion¹-le⁴. Ncjin² coan³ xi³ coan³cjain¹-le⁴, c⁷oa⁴ qui³t⁷a³-le⁴ Nai³-na¹.

22 Qui³son² je² cjoa⁴-vi⁴ sa³⁷nta³ je² na⁴xi⁴na³nta¹-le⁴ Cristo xi³ tjio¹ ya⁴ Jerusalén. C⁷ia⁴ qui³si³ca³sen¹ Bernabé nca³ coai⁴ ya⁴⁷nta³ Antioquía.

23 C⁷ia⁴ nca³ Bernabé ji³cho², tsa³ve³ cjoa⁴nta³-le⁴ Ni³na¹, coan³tsjoa³-le⁴. Tsa³c⁷e¹ne² nca³ts⁷i³ nca³ cao⁴ nca³yi³je³ ni⁴ma⁴-le⁴ ca²ta³va³tio²t⁷a³-le⁴ Nai³-na¹.

24 Cjai¹nca³ to⁴nta³ cho⁴ta⁴ Bernabé, cjai¹nca³ to⁴tjin¹j³in³ ni⁴ma⁴-le⁴ je² Espíritu Santo, n⁷ion¹ nta³ ma³cjain¹-le⁴. A³li² to⁴c⁷oa⁴cji³ ncjin² cho⁴ta⁴ xi³ ya⁴ ja³⁷a³s⁷en³t⁷a³-le⁴ je² Nai³-na¹.

25 C⁷ia⁴ qui³ Bernabé ya⁴ Tarso, qui³ ca¹sjai³ Saulo. C⁷ia⁴ nca³ qui³sa³co³sjai³-le⁴, ji³n⁷choa³cao⁴ ya⁴ Antioquía.

26 Jnco³ no¹ ya⁴ coan³ña³t⁷a³-le⁴ na⁴xi⁴na³nta¹-le⁴ Cristo. Ncjin² cho⁴ta⁴ tsa³ca³co¹ya³-le⁴. C⁷oa⁴

cho⁴ta⁴-le⁴ Cristo cristianos tsa³c²in² nca³ ti¹tjon² ya⁴ Antioquía.

27 C²ia⁴ ni⁴čjin³-ve⁴ ji³tjo³jen³-ni³ Jerusalén cho⁴ta⁴ xi³ qui³nchja⁴ya³ t²a³ts²e⁴ Ni³na¹. Ja³⁷ai³ ya⁴ Antioquía.

28 Jnco³ xi³ Agabo [?]mi² tsa³qui³so¹tjen⁴jⁱⁿ³. Tsa³ca¹ya³con³ nca³ n[?]ion¹ tse³ cji³nčha¹ xi³ coan⁴ nca³qui³jnta² son³⁷nte³, nca⁴ je² Espíritu Santo xi³ c²oa⁴-s²in² qui³tso²-le⁴. C²oa⁴coan³ je² ni⁴čjin³ c²ia⁴ nca³ tsa³c²e²jna³ jnco³ xi³ tsa³ca³te¹xo³ma³ xi³ Claudio [?]mi².

29 C²ia⁴ je² cho⁴ta⁴-le⁴ Cristo qui³si³cja³⁷ai³tsjen³ nca³ tsjoa¹nca³n[?]ion¹-le⁴ jo³-s²in² tjⁱⁿ¹-le⁴ nca³ jnco¹jnco¹. C²oa⁴-s²in² tsa³qui³ncha³cao⁴ nts²e⁴ xi³ tjio¹ ya⁴ Judea.

30 C²oa⁴-ti⁴s²in² qui³s²in³, qui³si³ca³sen¹-le⁴ cho⁴ta⁴jchi¹nca³. Bernabé cao⁴ Saulo qui³cao⁴.

12

Qui³nto³va² preso Pedro

1 Ti⁴c²ia³-ni³ je² cho⁴ta⁴ti¹tjon² Herodes tsa³ca³te¹xo³ma³ nca³ ch²ao³ qui³si³cao⁴ c²a³ cho⁴ta⁴ na⁴xi⁴na³nta¹-le⁴ Cristo.

2 Cuchillo qui³si³c²en³-ni³ Jacobo nts²e⁴ Juan.

3 C²ia⁴ nca³ qui³sa³sen³c²a³-le⁴ cho⁴ta⁴ judío, c²oa⁴-ti⁴ coan³me³-le⁴ nca³ qui³tsoa³ Pedro. Coi³ ni⁴čjin³-ve⁴ c²ia⁴ nca³ nio⁴xti²la⁴ xi³ tsin²-le⁴ na⁴yo⁴san³-jin².

4 C²ia⁴ nca³ qui³nto³va² preso Pedro, Herodes qui³si³cja³⁷a³s²en³ nto⁴ya¹. Qui³sca³ni¹t²a³-le⁴ čja³⁷aon²jnco³ so³nta²do⁴ xi³ qui³si³coi²nta⁴.

Herodes me³-le⁴ nca³ c⁷oa⁴sje³-le⁴ cho⁴ta⁴ na⁴xi⁴na³nta¹, c⁷ia⁴ nca³ je³ja³⁷a³to³s⁷oi¹pa²xco⁴.

5 C⁷oa⁴-s⁷in² Pedro tsa³c⁷e²jna³tjao²⁷ya³ ya⁴³ nto⁴ya¹. To⁴nca³ je² na⁴xi⁴na³nta¹-le⁴ Cristo li²coi³ va³tio²jyo¹, to⁴jo³ ña³qui³ n⁷ion¹ tjio¹v⁷e¹ts⁷oa³-le⁴ Ni³na¹ xi³ t⁷a³ts⁷e⁴ Pedro.

Ji³tjo³ntjai² Pedro

6 C⁷ia⁴ nca³ me³-le⁴ c⁷oa⁴sje³ Pedro je² Herodes, ti⁴je²-ni³ ni⁴tjen⁴ Pedro ti¹qui³jna³fe²⁷ncho²-le⁴ jao² so³nta²do⁴. Jao² cadena tji¹t⁷a³n⁷ion¹-ni³. Je² xi³ tjio¹ma³ si¹coi²nta⁴ nto⁴ya¹ ya⁴ncha³ j³cho³ xo⁴ntjoa⁴-le⁴ nto⁴ya¹.

7 To⁴nca³ coe⁴-ni³ je² a²ncje⁴-le⁴ Nai³-na¹ ji³cho². Coan³⁷i³sen³son² ya⁴³ nto⁴ya¹. Je² a²ncje⁴-ve⁴ qui³si³cao⁴ Pedro t⁷a³jni¹-le⁴, qui³si³cja³⁷a¹-le⁴, c⁷oi⁴qui³tso²-le⁴: Xa¹ti¹ ti⁴so¹tjain⁴. C⁷ia⁴ je² cadena xi³ tji¹t⁷a³ ntsja³ Pedro qui³tjo³ca³t⁷a³.

8 A²ncje⁴ c⁷oa⁴qui³tso²-le⁴ Pedro: T⁷e²n⁷ioin¹³ n⁷o¹cja¹ntia³-li⁴, tja³yai³ jte¹-li⁴. C⁷oa⁴qui³s⁷in³ Pedro. A²ncje⁴ c⁷oi⁴qui³tso²-le⁴: Ch⁷a⁴cjai¹³ tso⁴nca⁴-li⁴, n⁷choa¹tjen⁴nqui³-nai¹³.

9 C⁷ia⁴ ji³tjo³ Pedro, qui³tjen⁴nqui³-le⁴ a²ncje⁴-ve⁴. Li²coi³ ve³ tsa² cjoa⁴qui²xi⁴ xi³ qui³s⁷in³ je² a²ncje⁴. Qui³si³cja³⁷ai³tsjen³ nca³ to⁴ni³jña¹ xi³ qui³ts⁷ai²-le⁴.

10 Ja³⁷a³t⁷a³-le⁴ xi³ se¹jna³ti¹tjon², c⁷oa⁴ xi³ ma³jao²-ni³ xi³ tjio¹ma³ si¹coi²nta⁴ nto⁴ya¹. Ji³cho² jña³ nca³ xo⁴ntjoa⁴qui⁴cha⁴, jña³ nca³ vi³tja¹s⁷en³-nia¹ na⁴xi⁴na³nta¹. To⁴qui³tjo³⁷ai² to⁴je². Ji³tjo³, ja³⁷a³⁷ncho² jnco³ calle. C⁷ia⁴ a²ncje⁴-ve⁴ ji³tjo³xin² nti⁴ton⁴-le⁴.

11 C'ia⁴ Pedro qui³si³cja³⁷ai³tsjen³nta³, c'oi⁴qui³tso²: Nt⁷ai⁴-vi⁴ntai⁴ ña³qui³ ma³cjain¹-na³ nca³ je² Nai³-na¹ ca²si¹ca³sen¹ a²ncje⁴-le⁴, ca²fa³⁷a¹xin²-na³ ja⁴ya³ ntsja³ Herodes cao⁴ nca³ts⁷i³ cho⁴ta⁴ judíos xi³ tjio¹ma³ co³ya³-na³.

12 C'ia⁴ nca³ je³qui³sco³son²-ni³le⁴ je²-vi⁴, Pedro ji³cho² ya⁴ ni³⁷ya³-le⁴ María, na⁴-le⁴ Juan. Je² xi³ Marcos ?mi² jan³⁷ain¹-le⁴ xi³ ma³jao²-ni³. Ya⁴ ni³⁷ya³-le⁴ María ncjin² cho⁴ta⁴ tjio¹jtjn¹, c'oa⁴ tjio¹v⁷e¹ts⁷oa³.

13 Pedro qui³si³cja³ne³t⁷a³ xo⁴ntjoa⁴ ni³⁷ya³. Ji³tjo³ jnco³ tso²ti³ nca³ cjo⁴nč⁷oe¹. Rode ?mi² tso²ti³-ve⁴.

14 C'oa⁴ je²-vi⁴⁷ni³ qui³nč⁷oe¹ jta⁴-le⁴ Pedro. Coan³tsjao³-le⁴ sa³⁷nta³ li²coi³ qui³sco³⁷ai² xo⁴ntjoa⁴. To⁴ja³⁷a³s⁷en³ to³ca³-ni¹ ya⁴ya³ ni³⁷ya³. Tsa³c⁷e¹ na⁴jmi¹ nca³ je² Pedro ya⁴ se¹jna³ jčho³ xo⁴ntjoa⁴.

15 Cho⁴ta⁴-ve⁴ C'oa⁴qui³tso²-le⁴: Sca¹-la⁴li². To⁴nca³ tso²ti³ to⁴jo³ c'oa⁴-s⁷in² ti¹tso² nca³ ña³qui³ je². C'ia⁴ c'oa⁴qui³tso² cho⁴ta⁴-ve⁴: Je²-la⁴ a²ncje⁴-le⁴.

16 C'oa⁴ Pedro to⁴jo³ ti¹si¹cja³ne³. C'ia⁴ nca³ qui³tjo³⁷ai²-le⁴, tsa³⁷ya³-le⁴ nca³ je². To⁴coan³xcon¹-le⁴ cho⁴ta⁴.

17 To⁴nca³ Pedro qui³sco²mi³tjen³ ntsja³ nca³ jyo¹ ca²ta³tio². Tsa³c⁷e¹ na⁴jmi¹ jo³-s⁷in² ts⁷a³sje³-ni³ nto⁴ya¹ Nai³-na¹. C'oa⁴qui³tso²: C'oa⁴-s⁷in² t⁷e²-lao⁴³ na⁴jmi¹ Jacobo cao⁴ nca³ts⁷i³ nts⁷e³². C'ia⁴ ji³tjo³ qui³jña³ nca³ xin².

18 C'ia⁴ nca³ qui³s⁷e³sen¹, cjai¹ to⁴qui³s⁷e³-le⁴ cjoa⁴si³ so³nta²do⁴ xi³ t⁷a³ts⁷e⁴ jo³-s⁷in² ca²ma³-ni³

nca³ ca²vi³tjo³-ni³ Pedro.

19 C⁷oa⁴ Herodes tsa³ca¹sja³, to⁴nca³ li²coi³ coan³sja³-le⁴. Qui³tsi²na³nqui³-le⁴ nca³ts⁷i³ xi³ tjio¹ma³ si¹coi²nta⁴. Tsa³ca³te¹xo³ma³ nca³ coai⁴ ni²c⁷en³. C⁷ia⁴ Herodes qui³jen³-ni³ ya⁴ Judea, ji³cho² ya⁴ Cesarea, ya⁴ tsa³c⁷e²jna³.

Qui³ni²c⁷en³ Herodes

20 Herodes a³li² to⁴c⁷oa⁴cji³ jti³ coan³-le⁴ cao⁴ cho⁴ta⁴ xi³ ts⁷e⁴ Tiro cao⁴ Sidón. To⁴nca³ nca³ts⁷i³ cho⁴ta⁴-ve⁴ to⁴jnc³ ja³⁷ai³con²-le⁴. Tsa³c⁷e¹chji¹⁷ma³ Blasto, je² xi³ qui³si³sin³-le⁴ cho⁴ta⁴ti¹tjon²-ve⁴. C⁷ia⁴ qui³si³je¹ nca³ ca²ta³njen³nch⁷an¹ cjoa⁴si³, nca⁴je² xi³ qui³squi³ne³ cho⁴ta⁴-ve⁴ ja³⁷ai³-ni³ na³nqui³-le⁴ cho⁴ta⁴ti¹tjon²-ve⁴.

21 Jnc³ ni⁴chjin³ xi³ qui³s⁷e³jna³choa⁴, Herodes tsa³c⁷a³cja¹ na³jño³ xi³ ts⁷e⁴ cho⁴ta⁴ti¹tjon², tsa³c⁷e²jna³ne² ya¹xi²le⁴-le⁴, qui³nchja⁴ya³j³in³-le⁴ na⁴xi⁴na³nta¹.

22 N⁷ion¹ qui³squi³ntia¹ cho⁴ta⁴ na⁴xi⁴na³nta¹: Je²-la⁴ve⁴jta⁴-le⁴ Ni³na¹, a³li² tsa²je²xi³ts⁷e⁴cho⁴ta⁴.

23 Nti⁴ton⁴ a²ncje⁴-le⁴ Nai³-na¹ tsa³c⁷e¹-le⁴ Herodes, to⁴coi³ cjoa⁴ nca³ Herodes li²coi³ qui³tsjoa³-le⁴ cjoa⁴je³ya³ Ni³na¹. Ya¹ja⁴ qui³s⁷e³-le⁴, c⁷oa⁴-s⁷in²c⁷en³.

24 To⁴nca³ je² en¹-le⁴ Nai³-na¹ a³li² to⁴c⁷oa⁴cji³ qui³son², coan³ncjin²ya³ xi³ coan³cjain¹-le⁴.

25 Bernabé cao⁴ Saulo ji³nchoa³ nqui²ntia³-ni³ ya⁴ Jerusalén, nca³ je³qui³si³jnc³ xa¹-le⁴. C⁷oa⁴-ti⁴ ji³nchoa³cao⁴ Juan, je² xi³ Marcos ⁷mi² jan³⁷ain¹-le⁴ xi³ ma³jao²-ni³.

13

Ma³jnc³-ni³ c²a³nca³ qui³ni²ca³sen¹ Bernabé cao⁴ Saulo

1 Ja⁴jⁱⁿ³-le⁴ na⁴xi⁴na³nta¹-le⁴ Cristo xi³ ma³ña³ ya⁴ Antioquía, tjin¹ cho⁴ta⁴ xi³ nchja⁴ya³ cao⁴ xi³ va³co¹ya³: Bernabé, cao⁴ Simón xi³ Niger [?]mi², cao⁴ Lucio xi³ ts⁷e⁴ Cirene, cao⁴ Manaén, je²-vi⁴ coan³jcha¹ cao⁴ Herodes je² cho⁴ta⁴ti¹tjon², cao⁴ Saulo.

2 Nca³ts⁷i³ cho⁴ta⁴-vi⁴ qui³si³xa¹t⁷a³-le⁴ Nai³-na¹, tsa³ca³tio²nchjan³-ni¹. C⁷ia⁴ qui³tso² Espiritu Santo: Chja⁴7a²xin²-nao¹³ Bernabé cao⁴ Saulo xi³ t⁷a³ts⁷e⁴ xa¹ xi³ an³ qui³nchja²³-ni³le⁴.

3 C⁷ia⁴ tsa³ca³tio²nchjan³, c⁷oa⁴ tsa³c⁷e¹ts⁷oa³ cho⁴ta⁴-ve⁴. Tsa³ca¹yo³son² ntsja³ Bernabé cao⁴ Saulo, qui³si³ca³sen¹.

4 C⁷oa⁴ je²-vi⁴7ni³ qui³ni²ca³sen¹ nca³ je² Espiritu Santo xi³ c⁷oa⁴qui³tso², ji³cho²jen³ ya⁴ Seleucia. Ya⁴ qui³son²nta¹ sa³7nta³ ya⁴ Chipre.

5 C⁷ia⁴ nca³ ji³cho² ya⁴ Salamina, qui³nchja⁴ya³ en¹-le⁴ Ni³na¹ ya⁴³ nt⁷ia³ sinagoga xi³ ts⁷e⁴ cho⁴ta⁴ judío. C⁷oa⁴-ti⁴ qui³ Juan, tsa³ca³sen¹cao⁴ Bernabé cao⁴ Saulo.

6 Qui³ nca³qui³jnta² [?]nte³ ya⁴ Chipre xi³ isla (jña³ tjio¹-jin³ tse³jti³ na³nqui³ nta¹chi³con³). Ji³cho² sa³7nta³ Pafos. Ya⁴ qui³sa³te³jⁱⁿ³ jnc³ cho⁴ta⁴ xi³ tji³7e³ cjoan³, jnc³ cho⁴ta⁴ judío xi³ to⁴7en¹nti³so³ nchja⁴ya³. Barjesús [?]mi².

7 Ya⁴ ti¹jna³cao⁴ je² cho⁴ta⁴ti¹tjon² xi³ [?]mi² Sergio Paulo, jnc³ cho⁴ta⁴x⁷in⁴ xi³ cjai¹nca³ nta³ tjin¹

cjoa⁴fa³⁷ai³tsjen³-le⁴. Je²-vi⁴ xi³ qui³nchja⁴-le⁴ Bernabé cao⁴ Saulo. Me³-le⁴ nca³ cjoia⁴nch⁷oe¹ en¹-le⁴ Nai³-na¹.

⁸ To⁴nca³ tsa³c⁷e²jna³n⁷ion¹-le⁴ je² Elimas xi³ cho⁴ta⁴chji⁴ne⁴ tso²-ni³. Me³-le⁴ nca³ cjoa⁴⁷a²xin² je² xi³ ti¹fa³⁷a³s⁷en³j³in³ ni⁴ma⁴-le⁴ cho⁴ta⁴ti¹tjon².

⁹ C⁷ia⁴ Saulo, xi³ c⁷oa⁴-ti⁴ Pablo ⁷mi², cjai¹nca³ nta³ qui³s⁷e³j³in³ ni⁴ma⁴-le⁴ je² Espíritu Santo. Qui³sco³⁷a²-ni¹ Elimas.

¹⁰ C⁷oi⁴qui³tso²-le⁴: Ja⁴! A³li² to⁴c⁷oa⁴cji³ cjoa⁴ch⁷a¹na⁴-cha⁴ cjoa⁴taon³ xi³ tjin¹-li², ji³ xi³ ⁷nti¹-le⁴ nai⁴², co²ntran⁴-le⁴ ji³ nca³yi³je³ xi³ cjoa⁴qui²xi⁴. A³ tsi² tsa² coi⁴jna³jyoi¹³ nca³ c⁷oa⁴-s⁷in² ni²qui³xo¹yai³ je² ntia⁴² xi³ qui²xi⁴ xi³ ts⁷e⁴ Nai³-na¹.

¹¹ Ne³ nt⁷ai⁴-vi⁴ntai⁴, je² ntsja³ Nai³-na¹ co²ntran⁴ coai⁴-li². Coan⁴xcai⁴, li²coi³ jchai⁴ ts⁷oi¹ jo³ tjin¹ ni⁴chjin³. Nti⁴ton⁴ coan³njon²xa⁴-le⁴ xcon⁴, c⁷ia⁴ ña³qui³ n⁷ion¹ coan³njon²-le⁴ son³⁷nte³ je² Barjesús. Tsa³c⁷a³mjen³ntai³, tsa³ca¹sjai³ ⁷ya³-ni³ve⁴ xi³ coai⁴cao⁴-ni³ ntsja³.

¹² C⁷ia⁴ nca³ je² cho⁴ta⁴ti¹tjon² tsa³ve³ jme³-ve⁴ xi³ coan³, coan³cjai¹-le⁴. To⁴coan³xcon¹-le⁴ je² cjoa⁴ xi³ tsa³ca³co¹ya³ xi³ ts⁷e⁴ Nai³-na¹.

Pablo qui³nchja⁴ya³ya⁴ Antioquía

¹³ Pablo cao⁴ mi²yo⁴-le⁴ xi³ tjen⁴cao⁴ ji³tjo³-ni³ ya⁴ Pafos. Ja³⁷ai³ ya⁴ Perge xi³ ts⁷e⁴ na³nqui³ Panfilia. C⁷ia⁴ Juan ji³tjo³xin²t⁷a³-le⁴. Qui³ nqui²ntia³-ni³ ya⁴ Jerusalén.

¹⁴ Je² xi³c⁷a³ to⁴ja³⁷a³to³-ni¹ Perge. Ji³cho² ya⁴ Antioquía xi³ ts⁷e⁴ na³nqui³ Pisidia. Jnco³ ni⁴chjin³

ni²cja¹ya³ ja³a³s⁷en³ ya⁴³ nt⁷ia³ sinagoga. Ya⁴ tsa³ca³tio².

15 C⁷ia⁴ nca³ je³qui³s⁷e³xquia⁴ je² cjoa⁴te¹xo³ma³cao⁴ je² xon⁴ xi³ ts⁷e⁴ je² xi³ qui³nchja⁴ya³ t⁷a³ts⁷e⁴ Ni³na¹, je² cho⁴ta⁴ti¹tjon²-le⁴ nt⁷ia³ sinagoga qui³nchja⁴-le⁴ Pablo cao⁴ mi²yo⁴-le⁴, c⁷oa⁴qui³tso²: Nca³ts⁷io³ ⁷nti¹nts⁷e³, tsa² tj¹in¹-no³ jme³-ve⁴ en¹ xi³ c⁷oe¹ne²-lao⁴³ na⁴xi⁴na³nta¹, ti⁴no²cjoao⁴³.

16 C⁷ia⁴ Pablo tsa³ca³sen²nto³, qui³sco²mi³tjen⁴ntsja³ nca³ jyo¹ ca²ta³tio², c⁷oa⁴qui³tso²: Nca³ts⁷io³ cho⁴ta⁴ israelitas, c⁷oa⁴ jon² xi³ jcon³chao³ Ni³na¹, ti⁴no¹⁷yao²³.

17 Je² Ni³na¹-le⁴ cho⁴ta⁴ israelitas tsa³cja³a¹j³in³ n⁷ai³jcha¹cjin³-na¹, qui³si³quin³nc⁷a³ je² cho⁴ta⁴-ve⁴ c⁷ia⁴ nca³ ji³cho²ca³tio² jo³ tj¹in¹ ni⁴čhjin³ ya⁴ na³nqui³ Egipto. To⁴nca³ Ni³na¹ qui³sco²mi³tjen⁴čhja³-le⁴ nca³ tsa³ca³sen¹cao⁴, ts⁷a³sje³xin²-ni³ ⁷nte³-ve⁴ cho⁴ta⁴ israelitas.

18 Ña³chan²-la⁴ no¹ qui³si³cjain¹ Ni³na¹ jo³-s⁷in² qui³cao⁴ yao³-le⁴ cho⁴ta⁴ israelitas ya⁴ ⁷nte³t⁷a³xin²t⁷a³.

19 Ña³to³ ⁷nte³ qui³si³qui³xo²ya³ ya⁴ na³nqui³ Canaán. To⁴qui³si³c⁷a³vi¹ cjoa⁴tjao²-le⁴ cho⁴ta⁴ israelitas je² ⁷nte³-ve⁴.

20 Ño³ ciento cao⁴-ni³ ña³chan²te³ no¹ Ni³na¹ qui³tsjoa³-le⁴ cho⁴ta⁴ israelitas xca²le⁴ti¹tjon² xi³ tsa³ca³te¹xo³ma³ sa³⁷nta³ Samuel xi³ qui³nchja⁴ya³ t⁷a³ts⁷e⁴ Ni³na¹.

21 C⁷ia⁴ qui³si³je¹ cho⁴ta⁴ti¹tjon². Ni³na¹ qui³tsjoa³-le⁴ jnco³ xi³ Saúl ⁷mi², ⁷nti¹-le⁴ Cis, jnco³ x⁷in⁴ xi³ ntje⁴-le⁴ Benjamín. Ña³chan² no¹ tsa³ca³te¹xo³ma³.

22 C⁷ia⁴ nca³ je³ji³tjo³xin² je²-vi⁴, c⁷ia⁴ qui³sa³sen³

xa¹ cho⁴ta⁴ti¹tjon² David. Xi³ t⁷a³ts⁷e⁴ David Ni³na¹ qui³tsjoa³ en¹, nca³ c⁷oi⁴qui³tso²: Je³qui³sa³co³-na³ David, ⁷nti¹-le⁴ Isaí, jnco³ cho⁴ta⁴x⁷in⁴ xi³ tjin¹jnco³-le⁴ con³ ni⁴ma⁴-na⁴, xi³ c⁷oa⁴s⁷in⁴² nca³yi³je³ jo³-s⁷in² me³-na³.

23 Ya⁴ ntje⁴-le⁴ David ja³⁷ai³-ni³ Jesús xi³ c⁷oa⁴sje³ntjai² cho⁴ta⁴ israelitas, jo³-s⁷in² nca³ Ni³na¹ qui³tsjoa³ ts⁷oa³.

24 To⁴nqui³-ni³ nca³ ja³⁷ai³ Jesús, Juan qui³nchja⁴ya³jjin³-le⁴ nca³ts⁷i³ cho⁴ta⁴ israelitas nca ca²ta³sa³te¹nta¹ je² cho⁴ta⁴ xi³ qui³si³c⁷a³ntjai²ya³ cjoa⁴fa³⁷ai³tsjen³-le⁴.

25 C⁷ia⁴ nca³ Juan ti¹fe³t⁷ain³ xa¹ xi³ tso²⁷va³-ni³, c⁷oa⁴qui³tso²: ⁷ya¹ nia¹³ an³, jo¹ vi³xon¹³. A³li² an³-jian²³ xi³ Cristo. To⁴nca³ coe⁴-ni³ jnco³ xi³ n⁷choa¹tjen⁴nqui³-na³, sa³⁷nta³ li²coi³ va³quin²-na³ nca³ sco³jnta¹³ ⁷hjoa⁴xin¹jte¹-le⁴.

26 Nca³ts⁷io³ ⁷nti¹nts⁷e³, ⁷nti¹xti³-le⁴ xi³ ntje⁴-le⁴ Abraham, c⁷oa⁴ jon² xi³ ti³yo³jion³-vi⁴, xi³ jcon³chao³ Ni³na¹, jon² nio¹³ xi³ ja³⁷ai³-no³ je² en¹-vi⁴, jo³-s⁷in² vi²tjo⁴ntje².

27 Nca³ts⁷i³ cao⁴ cho⁴ta⁴ti¹tjon²-le⁴ xi³ tjio¹ ya⁴ Jerusalén, li²coi³ tsa³ve³ Jesús, c⁷oa⁴ li²coi³ qui³n⁷ch⁷oe¹ en¹-le⁴ cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹, nta³ tsa² jin³jjin³ ni⁴⁷hjin³ nca³ ni⁴⁷hjin³ ni²cja¹ya³ s⁷e³xquia⁴ xon⁴-le⁴. C⁷oa⁴-s⁷in² cho⁴ta⁴ ya⁴ Jerusalén qui³si³cji³tjo³son² en¹-le⁴ cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹ nca³ qui³si³cja³⁷a¹ cjoa⁴n⁷ain³ Jesús.

28 Nta³ tsa² tsi²jme³ je¹ xi³ coan³sjai³-le⁴ cho⁴ta⁴ xi³ t⁷a³ts⁷e⁴ Jesús, nta³ tsa² tsi²coi³ va³quin²-le⁴ nca³

c⁷oa⁴-s⁷in² qui³ni²c⁷en³-ni³, cho⁴ta⁴ qui³si³je¹-le⁴ Pi-
lato nca³ si⁴²c⁷en³.

²⁹ C⁷ia⁴ nca³ je³qui³si³tjo³son² nca³yi³je³ cjoa⁴ xi³
c⁷oa⁴-s⁷in² tji¹t⁷a³ t⁷a³ts⁷e⁴ Jesús, tsa³cja³⁷a¹xin²t⁷a³
cro², c⁷oa⁴ qui³ ca¹jna³ya³ tsjo¹.

³⁰ To⁴nca³ Ni³na¹ qui³sco²mi³tjen⁴jⁱⁿ³-ni³le⁴ c⁷en³.

³¹ Ncjin² ni⁴čhjin³ tsa³⁷ya³-ni³le⁴. Je² xi³ tsa³ve³,
je² ni¹ xi³ ji³nčhoa³mi³cao⁴-ni³ Galilea sa³⁷nta³
Jerusalén. Je² ni¹ xi³ testigo-le⁴ Jesús, c⁷oa⁴ xi³ v⁷e¹-
le⁴ na⁴jmi¹ cho⁴ta⁴ na⁴xi⁴na³nta¹.

³² C⁷oa⁴-ti⁴ jin⁴-jin⁴ c⁷oa⁴-s⁷in² no²cjoa⁴ya³jⁱⁿ³-
lai²⁴jⁱⁿ⁴ je² en¹nta³ xi³ t⁷a³ts⁷e⁴ je² xi³ Ni³na¹
qui³tsjoa³-le⁴ ts⁷oa³ je² n⁷ai³jcha¹cjin³-na¹.

³³ Coi³ xi³ Ni³na¹ ña³qui³ qui³si³qui³tjo³son²-na¹
xi³ xti³-le⁴ n⁷ai³jcha¹cjin³-na¹, nca³ qui³si³cja³⁷a¹ya³-
ni³le⁴ Jesús, jo³-s⁷in² tji¹t⁷a³ ya⁴ salmo xi³ ma³jao²-
ni³: Ji³ ni¹³ ⁷nti¹-na⁴, nt⁷ai⁴-vi⁴ ji³ xi³ c⁷oa⁴-s⁷in² ⁷nti¹-
na⁴ xin³-le²³.

³⁴ Ni³na¹ qui³sco²mi³tjen⁴jⁱⁿ³-ni³ xi³ c⁷en³ Jesús,
nca³ tsi² c⁷ia³ cjo⁴⁷nto³ yao³-le⁴. C⁷oa⁴qui³tso²:
An³ tsjoa³-no³ nca³ jon² je² cjoa⁴nta³ xi³ ña³qui³
c⁷oa⁴tjin¹ xi³ qui³tsjoa³ ntso⁴⁷va³ t⁷a³ts⁷e⁴ David.

³⁵ Coi³ nca³ c⁷oa⁴-ti⁴ tso² jña³ tji¹t⁷a³-sa³: Li²coi³
c⁷oi⁴⁷nte³-lai⁴ ⁷nti¹-li⁴ xi³ tsje³ nca³ cjo⁴⁷nto³ yao³-
le⁴.

³⁶ Cjoa⁴qui²xi⁴, c⁷ia⁴ nca³ David je³coan³chjen¹-
le⁴ na⁴xi⁴na³nta¹-le⁴ qui³si³tjo³son² jo³-s⁷in² me³-
le⁴ Ni³na¹, David qui³s⁷e³fe². Qui³tjoe¹tjao²t⁷a³-le⁴
n⁷ai³jchi¹nca³-le⁴, yao³-le⁴ ji³⁷nto³.

³⁷ To⁴nca³ li²coi³ ji³⁷nto³ yao³-le⁴ je² xi³ Ni³na¹
qui³sco²mi³tjen⁴.

³⁸ Ca²ta³⁷yao³ nca³ts⁷io³ ⁷nti¹nts⁷e³ nca³

to³t⁷a³ts⁷e⁴ Jesús c⁷oa⁴-s⁷in² no²cjoa⁴ya³j³in³-no³ nca³ cha³t⁷a³-no³ je¹-no³.

39 Xi³ to⁴t⁷a³ts⁷e⁴ Jesús nca³ts⁷i³ xi³ ma³cjain¹-le⁴ fe³t⁷a³-le⁴ je¹-le⁴. Je² cjoa⁴te¹xo³ma³ xi³ tsa³c⁷e¹jna³-no³ Moisés li²coi³ qui³si³cje³t⁷a³-no³ je¹.

40 Ti⁴coi²ntao⁴3 yao³-no³ tso²c⁷oa⁴, jme¹-ni³ nca³ tsi² c⁷oa⁴coan³t⁷ain³-si¹nio³ jo³ qui³tso² cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹.

41 Cho¹t⁷saon³ jon² xi³ taon³ yao³, ca²ta³ma³xcon¹-no³, ca²ta³chao³. An³ c⁷oa⁴s⁷ian³ jnco³ xa¹ je² ni⁴čhjin³-no³, jnco³ xa¹ xi³ tsi² coi³ coan⁴cjain¹-no³ tsa² jnco³ xi³ c⁷oe⁴2-no³ na⁴jmi¹.

42 C⁷ia⁴ nca³ Pablo cao⁴ mi²yo⁴-le⁴ ji³tjo³-ni³ nt⁷ia³ sinagoga xi³ ts⁷e⁴ cho⁴ta⁴ judíos, cho⁴ta⁴ xi³ li² judío-jin² tsa³c⁷e¹ts⁷oa³-le⁴ nca³ ti⁴ca²ta³tso²ya³-nca¹ni³le⁴ je² en¹ je² ni⁴čhjin³ ni²cja¹ya³ xi³jnco³.

43 C⁷ia⁴ nca³ qui³si³xa³t⁷a³ xi¹ncjin¹ nca³ts⁷i³ xi³ coan³ña³-ve⁴, ncjin² cho⁴ta⁴ judíos cao⁴ cho⁴ta⁴ xi³ qui³t⁷a³-le⁴ cho⁴ta⁴ judíos qui³tjen⁴nqui³-le⁴ Pablo cao⁴ Bernabé. Pablo cao⁴ Bernabé tsa³cja¹cao⁴, n⁷ion¹ tsa³c⁷e¹ne²-le⁴ nca³ ca²ta³v⁷e²jna³j³in³ntsja² ni⁴ma⁴-le⁴ je² cjoa⁴nta³-le⁴ Ni³na¹.

44 C⁷ia⁴ nca³ ni⁴čhjin³ ni²cja¹ya³ xi³jnco³, a³li² to⁴c⁷oa⁴cji³ coan³ña³ cho⁴ta⁴ na⁴xi⁴na³nta¹, nca³ qui³nč⁷oe¹ je² en¹-le⁴ Ni³na¹.

45 To⁴nca³ cja¹nca³ coan³chi⁴ni⁴ cho⁴ta⁴ judíos, c⁷ia⁴ nca³ tsa³ve³ nca³ n⁷ion¹ ncjin² cho⁴ta⁴ coan³ña³. C⁷oa⁴qui³tso² nca³ li²coi³ c⁷oa⁴tjin¹ je² en¹-le⁴ Pablo. Qui³nchja⁴aon³-le⁴.

46 C⁷ia⁴ Pablo cao⁴ Bernabé coan³n⁷ion¹con³, c⁷oa⁴qui³tso²: Cjoa⁴qui²xi⁴ coan³chjen¹-cjoa²la² nca³

qui³nchja⁴ya³j³in³-no³ nca³ jon² je² en¹-le⁴ Ni³na¹.
To⁴nca³ coi³ nca³ cai³-no³, c⁷oa⁴ ni²cja³ai³tsjaon³
nca³ tsi² coi³ va³quin²-no³ cjoa⁴vi³jna³chon³
nca³ntsjai², coe⁴-ni³, coa⁴nquin¹chon³-lai⁴j³in⁴
cho⁴ta⁴ xi³ li² judío-jin².

47 C⁷oa⁴-s⁷in² tsa³ca³te¹xo³ma³-na³j³in⁴ Nai³-na¹,
c⁷oa⁴qui³tso²: Ji³ tsa³c⁷e³jna²-le²³ xa¹ nca³ ni⁴?i³sen³-
lai⁴ cho⁴ta⁴ xi³ li² judío-jin², jme¹-ni³ nca³ c⁷oa⁴-s⁷in²
coi⁴tjo³ntjai²-ni³ cho⁴ta⁴ jña³ sa³nta³ fe³t⁷a³-ni³
son³nte³.

48 C⁷ia⁴ nca³ je² cho⁴ta⁴ xi³ li² judío-jin²
qui³nch⁷oe¹ en¹ xo⁴ tjin¹-vi⁴, a³li² to⁴c⁷oa⁴cji³
coan³tsjoa³-le⁴. Ts⁷a³sje³je³ya³ je² en¹-le⁴ Nai³-na¹.
Coan³cjain¹-le⁴ nca³ts⁷i³ xi³ qui³si³ncha³nta³ xi³
t⁷a³ts⁷e⁴ cjoa⁴vi³jna³chon³ nca³ntsjai².

49 C⁷oa⁴ je² en¹-le⁴ Nai³-na¹ qui³son² nca³qui³jnta²
je² na³nqui³-ve⁴.

50 To⁴nca³ cho⁴ta⁴ judíos tsa³qui³ncha¹?a³
cho⁴ta⁴ti¹tjon²-le⁴ na⁴xi⁴na³nta¹-ve⁴ cao⁴ ya¹nchjin¹
xi³ n⁷ion¹ fi² yo⁴nco⁴, c⁷oa⁴ xi³ ya¹nchjin¹-le⁴
cho⁴ta⁴ti¹tjon². C⁷oa⁴-s⁷in² qui³sco²mi³tjen⁴ cjoa⁴si³
nca³ co²ntran⁴ qui³-le⁴ Pablo cao⁴ Bernabé. Ña³qui³
tsa³cja³?a¹xin² ya⁴?nte³-le⁴.

51 Pablo cao⁴ Bernabé tsa³c⁷e¹tsao³jne³ chao³-
le⁴ ntso⁴co⁴. C⁷oa⁴-s⁷in² qui³tsjoa³ en¹ co²ntran⁴-le⁴
cho⁴ta⁴-ve⁴. Ja³?ai³ ya⁴ Iconio.

52 Cho⁴ta⁴-le⁴ Cristo a³li² to⁴c⁷oa⁴cji³ coan³tsjoa³-
le⁴. Cjai¹nca³ nta³ qui³s⁷e³j³in³ ni⁴ma⁴-le⁴ je² Espíritu
Santo.

Pablo cao⁴ Bernabé qui³nchja⁴ya³ya⁴ Iconio

1 C⁷oa⁴coan³ ya⁴ Iconio nca³ Pablo cao⁴ Bernabé ja³⁷a³s⁷en³ nt⁷ia³ sinagoga xi³ ts⁷e⁴ cho⁴ta⁴ judíos. A³li² to⁴c⁷oa⁴cji³ nta³ qui³nchja⁴, sa³nta³ n⁷ion¹ ncjin² ma³-ni³ cho⁴ta⁴ judíos cao⁴ cho⁴ta⁴ griegos xi³ coan³cjain¹-le⁴.

2 To⁴nca³ cho⁴ta⁴ judíos xi³ tsi² tsa² coan³cjain¹-le⁴ tsa³qui³ncha¹⁷a³, c⁷oa⁴ ch⁷ao³-s⁷in² qui³si³c⁷e¹yo³ ni⁴ma⁴-le⁴ cho⁴ta⁴ xi³ li² judío-jin² nca³ co²ntran⁴ qui³-le⁴ je² nts⁷e⁴.

3 Nta³ tsa² c⁷oa⁴coan³t⁷ain³, tse³ tsa³ca³tio² ya⁴-ve⁴. Coan³n⁷ion¹con³ nca³ qui³nchja⁴ya³ t⁷a³ts⁷e⁴ Nai³-na¹. C⁷oa⁴je²Nai³-na¹ qui³si³qui²xi⁴ya³t⁷a³ts⁷e⁴ en¹ xi³ ts⁷e⁴ cjoa⁴nta³-le⁴ nca³ qui³tsjoa³ nca³ to⁴ntsja³ Pablo cao⁴ Bernabé coan³ni³le⁴ choa⁴ cao⁴ cjoa⁴xcon¹.

4 Jao² ya³ coan³ cho⁴ta⁴ na⁴xi⁴na³nta¹. Jnco³ c⁷a² xi³ cho⁴ta⁴ judíos tjio¹cao⁴, c⁷oa⁴ je² xi³ nqui²jnc³ c⁷a² pa²stro⁴ tjio¹cao⁴.

5 Cho⁴ta⁴ judíos, cao⁴ cho⁴ta⁴ xi³ li² judío-jin², cao⁴ cho⁴ta⁴ti¹tjon²-le⁴ ña³qui³ qui³ne²-ni¹ Pablo cao⁴ Bernabé. Coan³me³-le⁴ nca³ ch⁷ao³ si⁴²cao⁴, c⁷oa⁴ nca³ coa⁴sen²-le⁴ la⁴jao⁴.

6 C⁷ia⁴ nca³ coan³cho⁴ya³-le⁴ jme³-ve⁴ xi³ coan⁴t⁷ain³, Pablo cao⁴ Bernabé tsa³nca³ ya⁴ Listra cao⁴ ya⁴ Derbe, na⁴xi⁴na³nta¹ xi³ ts⁷e⁴ na³nqui³ Licaonia, c⁷oa⁴ cao⁴ ya⁴ nca³qui³jnta² ?nte³ xi³ ja⁴ntai³-le⁴.

7 Ya⁴-ve⁴ qui³nchja⁴ya³ je² en¹nta³ xi³ t⁷a³ts⁷e⁴ Cristo.

Tsa³ca³sen¹-le⁴ la⁴jao⁴ Pablo

8 Ya⁴ Listra ti¹jna³ jnco³ cho⁴ta⁴x⁷in⁴ xi³ tsi² tsa² ma³ fi². Chi⁴7nque¹ cji³ jo³ sa³7nta³ nca³ qui³tsin³. Ni⁴to⁴c⁷ia³-jin² coan³ ts⁷a³mjen³.

9 Je²-vi⁴ qui³nch⁷oe¹-le⁴ Pablo nca³ qui³nchja⁴. C⁷ia⁴ nca³ Pablo qui³sco³a², tsa³ve³ nca³ coan³cjain¹-le⁴ nca³ coan⁴nta³.

10 C⁷ia⁴ n⁷ion¹ qui³nchja⁴ Pablo: Ti⁴so¹tjain⁴, ti⁴sen⁴jna³qui²xi⁴-ni³ ntso⁴coi³. C⁷oa⁴ je² cho⁴ta⁴-ve⁴7ni³ ña³qui³ qui³squi²4nc⁷a³-ni¹. Coan³ ts⁷a³mjen³.

11 C⁷ia⁴ nca³ tsa³ve³ nca³ts⁷i³ jme³-ve⁴ xi³ qui³s⁷in³ Pablo, n⁷ion¹ qui³nchja⁴ nca³ en¹ licaónica: Ni³na¹ xi³ c⁷oa⁴cjoan³ jo³ cjoan³ cho⁴ta⁴x⁷in⁴ ca²vi³tjo³jen³con³-na¹.

12 Bernabé, Júpiter qui³tso²-le⁴. C⁷oa⁴ Pablo, Mercurio qui³tso²-le⁴, nca⁴ je² ni¹ xi³ qui³nchja⁴ya³ en¹.

13 Xco¹son²-le⁴ Júpiter se¹jna³ntai³ na⁴xi⁴na³nta¹, c⁷oa⁴ je² na⁴7mi³-le⁴ ja³7ai³cao⁴ ncha⁴ja⁴ cao⁴ corona ya⁴ xo⁴ntjoa⁴-le⁴ nch⁷oa¹-le⁴ na⁴xi⁴na³nta¹. Me³-le⁴ cao⁴ nca³ts⁷i³ cho⁴ta⁴ na⁴xi⁴na³nta¹ nca³ si⁴2c⁷en³t⁷a³-le⁴ Pablo cao⁴ Bernabé.

14 C⁷ia⁴ nca³ qui³nch⁷oe¹ je² pa²stro⁴ Bernabé cao⁴ Pablo, ña³qui³ tsa³ca³sen¹jnta³ na³jño³-le⁴, qui³to²ca³jín³-le⁴ cho⁴ta⁴ncjin²-ve⁴, qui³squi³7ntia¹xa¹-le⁴ nca³ts⁷i³.

15 C⁷oa⁴qui³tso²: Nca³ts⁷io³ ?nti¹n⁷ai³, a¹-ni³ nca³ c⁷oa⁴n⁷ian²-si¹nio³. C⁷oa⁴-ti⁴ jin⁴ cho⁴ta⁴ ni¹4-jin⁴, jo³ ti³ncha³sa³yo³ nca³ jon². C⁷oa⁴-s⁷in² ti³no²cjoa⁴ya³jín³-lai²4jin⁴ nca³ ni⁴to⁴jme³-jin² chji¹-le⁴ je² cjoa⁴ xi³ ti³n⁷iaon²3. Ti⁴njion¹3 je² cjoa⁴ je²-vi⁴, c⁷oa⁴ ta³nquin¹t⁷a³-lao⁴3 je² Ni³na¹ xi³ ti¹jna³con³, xi³ qui³si³nta³ nc⁷a³jmi³, cao⁴ son³7nte³,

cao⁴ nta¹chi³con³, cao⁴ nca³yi³je³ jme³-sa³ xi³ ya⁴ tjín¹.

16 Je² ni⁴čhjin³ xi³ je³ja³a³to³, Ni³na¹ qui³tsjoa³nte²-le⁴ nca³ts⁷i³ cho⁴ta⁴ nca³ tsa³c⁷e²ma³ ntia⁴xi³ ti⁴ts⁷e⁴-ni³.

17 To⁴nca³ Ni³na¹ li²coi³ qui³tsjion³con³ yao³-le⁴, nca tsi² tsa² jme³ testigo qui³s⁷e³-le⁴. Cjai¹nca³ nta³ qui³s⁷in³. Qui³tsjoa³-no³ jtsi¹ xi³ nc⁷a³jmi³ nčhoa³-ni³, c⁷oa⁴ ni⁴čhjin³ jo³-s⁷in² nca³ ma³jcha¹ tso³jmi²ntje². Qui³tsjoa³-no³ je² tso³jmi² xi³ vi³yo³chon³-nio³, cao⁴ cjoa⁴tsjoa³ xi³ s⁷e³jna³-jin³ ni⁴ma⁴-no³.

18 C⁷ia⁴ nca³ Pablo cao⁴ Bernabé c⁷oa⁴qui³tso² je²-vi⁴, to⁴c⁷ia⁴ tsa³ca³te³cja¹ya³ i⁴tse¹-le⁴ cho⁴ta⁴ na⁴xi⁴na³nta¹, jme¹-ni³ nca³ tsi² coi³ qui³tsjoa³-si¹ni³le⁴ je² cho⁴xi³ si⁴2-c⁷en³t⁷a³-le⁴.

19 C⁷ia⁴ ji³cho² c⁷a³ cho⁴ta⁴ judíos xi³ ji³nčhoa³-ni³ ya⁴ Antioquía cao⁴ ya⁴ Iconio. Tsa³qui³ncha¹a³ cho⁴ta⁴ na⁴xi⁴na³nta¹, tsa³ca³sen¹-le⁴ la⁴jao⁴ Pablo, tsa³ca¹jve³t⁷a³xin² na⁴xi⁴na³nta¹-ve⁴. Je³-la⁴ c⁷en³, qui³tso² cho⁴ta⁴.

20 To⁴nca³ cho⁴ta⁴-le⁴ Cristo coan³ña³ntai³-le⁴ Pablo. Pablo ji³so²tjen⁴ nqui²ntia³-ni³, ja³a³s⁷en³ nqui²ntia³ na⁴xi⁴-na³nta¹. Xi³ coan³nchaon³-ni³ qui³cao⁴ Bernabé ya⁴ Derbe.

21 C⁷ia⁴ nca³ je³qui³nchja⁴ya³-le⁴ je² en¹nta³ xi³ t⁷a³ts⁷e⁴ Cristo ya⁴ na⁴xi⁴na³nta¹-ve⁴, c⁷oa⁴ nca³ je³tsa³ca³co¹ya³-le⁴ ncjin² cho⁴ta⁴, qui³-nca¹ni³ ya⁴ Listra, ya⁴ Iconio, ya⁴ Antioquía.

22 Qui³tsjoa³-le⁴ nca³n⁷ion¹ ni⁴ma⁴-le⁴ cho⁴ta⁴-le⁴ Cristo. Tsa³c⁷e¹ne²-le⁴ nca³ c⁷oa⁴-s⁷in² ca²ta³tio²cao⁴-ntsjai² xi³ ma³cjain¹-le⁴. Qui³tso²-

le⁴ nca³ cjai¹nca³ ma³chjen¹ nca³ tse³ cjoa⁴ñ²ain³
chja⁴a² nca³ coi⁴tja¹s²en³2 ya⁴ cjoa⁴te¹xo³ma³-le⁴
Ni³na¹.

23 Nca³ jnco¹jnc¹ ?nte³ jña³ tjin¹ na⁴xi⁴na³nta¹-
le⁴ Cristo, Pablo cao⁴ Bernabé tsa³qui³ncha¹nta³-
le⁴ cho⁴ta⁴jchi¹nca³. C⁷ia⁴ nca³ je³t³sa³c²e¹ts²oa³
nca³ tsa³ca³tio²nchjan³, qui³si³ca³tio²cao⁴ je² Nai³-
na¹ nca³ je³coan³cjain¹-le⁴ xi³ t²a³ts²e⁴.

Qui³son²nta¹ sa³nta³ Antioquía

24 Ja³a³to³ ya⁴ na³nqui³ Pisidia. Ji³cho²-nca¹ni³ ya⁴
na³nqui³ Panfilia.

25 C⁷ia⁴ nca³ je³qui³nchja⁴ya³ je² en¹-le⁴ Ni³na¹ ya⁴
Perge, qui³jen³ ya⁴ Atalia.

26 Ya⁴ qui³son²nta¹ sa³nta³ ya⁴ Antioquía jña³
qui³ni²ca³sen¹t²a³-le⁴ je² cjoa⁴nta³-le⁴ Ni³na¹ xi³
t²a³ts²e⁴ je² xa¹ xi³ qui³si³cje³t²a³.

27 C⁷ia⁴ nca³ je³ji³cho², tsa³c²e¹xco¹ na⁴xi⁴na³nta¹-
le⁴ Cristo. Pablo cao⁴ Bernabé tsa³c²e¹-le⁴ na⁴jmi¹
nca³yi³je³, jme³-ve⁴ xi³ Ni³na¹ tsa³c²e¹nta³ xi³
t²a³ts²e⁴, c²oa⁴ jo³-s²in² Ni³na¹ qui³sco³ai²nte²-le⁴
cho⁴ta⁴ xi³ li² judío-jin² nca³ coan⁴cjain¹-le⁴.

28 Ncjin² ni⁴čhjin³ ya⁴ tsa³ca³tio²cao⁴ cho⁴ta⁴-le⁴
Cristo Pablo cao⁴ Bernabé.

15

Coan³ña³ pa²stro⁴ cao⁴ cho⁴ta⁴jchi¹nca³ ya⁴ Jerusalén

1 C⁷ia⁴ tjin¹ c²a³ xi³ ja³ai³-ni³ ya⁴ Judea
xi³ c²oa⁴-s²in² tsa³ca³co¹ya³-le⁴ je² nts²e⁴: Tsa²
tsi² je² cjoa⁴circuncisión xi³ coan⁴-no³, jo³

tso² cjoa⁴te¹xo³ma³-le⁴ Moisés, li²coi³ coan⁴ coi²tjo⁴ntjao²³.

² C⁷oa⁴-s⁷in² jao² ya³ coan³, c⁷oa⁴ Pablo cao⁴ Bernabé tsa³cjao¹ti³ya³-ni³ cao⁴ xi³c⁷a³. C⁷oa⁴-s⁷in² tsa³cjao¹ya³-ni³ nca³ ca²ta³fi²mi³-ni³ Pablo cao⁴ Bernabé ya⁴ Jerusalén, cao⁴ c⁷a³ xi³ cja⁴⁷ai¹. Ca²ta³fi²nč⁷oe² pa²stro⁴ cao⁴ cho⁴ta⁴jchi¹nca³ xi³ t⁷a³ts⁷e⁴ cjoa⁴ je²-vi⁴.

³ Je² na⁴xi⁴na³nta¹-le⁴ Cristo qui³ ca³ni¹ya³ntia³ Pablo cao⁴ Bernabé cao⁴ xi³c⁷a³. Ja³⁷a³to³ ya⁴ Fenicia cao⁴ Samaria. Tsa³c⁷e¹ na⁴jmi¹ jo³-s⁷in² nca³ qui³si³c⁷a³ntjai²ya³ yao³-le⁴ nca³ qui³t⁷a³-le⁴ Cristo je² cho⁴ta⁴ xi³ li² judío-jin². A³li² to⁴c⁷oa⁴cji³ tsjoa³ coan³-le⁴ nca³ts⁷i³ xi³ nts⁷e⁴.

⁴ C⁷ia⁴ nca³ ji³cho² ya⁴ Jerusalén, a³li² to⁴nta³ qui³scoe¹tjao² na⁴xi⁴na³nta¹-le⁴ Cristo cao⁴ pa²stro⁴ cao⁴ cho⁴ta⁴jchi¹nca³. Tsa³c⁷e¹-le⁴ na⁴jmi¹ nca³yi³je³ jme³-ve⁴ cjoa⁴ xi³ Ni³na¹ tsa³c⁷e¹nta³ xi³ t⁷a³ts⁷e⁴.

⁵ To⁴nca³ tjin¹ c⁷a³ xi³ c⁷oa⁴-ti⁴ coan³cjain¹-le⁴, xi³ cho⁴ta⁴ fariseos, xi³ tsa³qui³ncha³nto³ c⁷oi⁴qui³tso²: Cjai¹nca³ to⁴ma³chjen¹ nca³ cjoa⁴circuncisión coan⁴-le⁴ nca³ s⁷e³ne²-le⁴ nca³ ca²ta³si¹tjo³son² je² cjoa⁴te¹xo³ma³ xi³ qui³tsjoa³ Moisés.

⁶ Coan³ña³ pa²stro⁴ cao⁴ cho⁴ta⁴jchi¹nca³, nca³ sco¹son²-ni³le⁴ cjoa⁴ xo⁴ tjin¹-vi⁴.

⁷ A³li² to⁴c⁷oa⁴cji³ tse³ tsa³cjao¹ya³-ni³. C⁷ia⁴ tsa³ca³sen²nto³ Pedro c⁷oi⁴qui³tso²: Nca³ts⁷io³ ʔnti¹nts⁷e³, jon² ʔya³-nio¹³ nca³ je³coa²tse³ Ni³na¹ tsa³cja³⁷a¹jjin³-na³ nca³ je² cho⁴ta⁴ xi³ li² judío-jin² cjo⁴nč⁷oe¹-ni³ ntso⁴⁷va³ je² en¹nta³ xi³ t⁷a³ts⁷e⁴ Cristo, c⁷oa⁴ coan⁴cjain¹-le⁴⁷ni³.

8 C^ooa⁴ Ni³na¹ xi³ ve³ ni⁴ma⁴-na¹ qui³tsjoa³ en¹-le⁴ xi³ t²a³ts²e⁴, nca³ c^ooa⁴-ti⁴ qui³tsjoa³-le⁴ nca³ je² Espíritu Santo, jo³-s²in² qui³tsjoa³-na¹ nca³ ña¹.

9 Ni³na¹ to⁴nco¹son²-s²in² qui³cao⁴-na¹ nca³ts²ia³²cao⁴ ña¹ cao⁴ je². Qui³si³tsje³-ni³ ni⁴ma⁴-le⁴ c^oia⁴ nca³ coan³cjain¹-le⁴.

10 Nt²ai⁴-vi⁴, a¹-ni³ nca³ c^ooa⁴-s²in² cho¹t²a³-si¹nio³ Ni³na¹, nca³ c^ooa⁴-s²in² ni²ch²a¹nao²³ cjoa⁴xi³ ñ²ain³ tj¹in¹ cho⁴ta⁴-le⁴ Cristo. Sa³²nta³ ni⁴je²-jin² n²ai³jcha¹cjin³-na¹ ni⁴ña¹-jian² qui³jcho¹cjoa⁴-na¹ je²-vi⁴.

11 C^ooa⁴-s²in² ma³cjain¹-na¹ nca³ coi²tjo⁴ntje² to⁴t²a³ts²e⁴ cjoa⁴nta³-le⁴ Nai³-na¹ Jesús jo³-ni³ c^ooa⁴-ti⁴ je².

Cjoa⁴fa³²ai³tsjen³-le⁴ Jacobo

12 C^oia⁴ nca³ts²i³ cho⁴ta⁴ tsa³ca³tio²jyo¹. Qui³nch²oe¹-le⁴ Bernabé cao⁴ Pablo nca³ tsa³c²e¹-le⁴ na⁴jmi¹, jo³-s²in² nca³ tse³ choa⁴ cao⁴ cjoa⁴xcon¹xi³ Ni³na¹ tsa³c²e¹nta³ jin³-le⁴ cho⁴ta⁴ xi³ li² judío-jin² xi³ to⁴²a³ts²e⁴.

13 C^oia⁴ nca³ je³tsa³ca³tio²jyo¹ Bernabé cao⁴ Pablo, c^oia⁴ Jacobo c^ooa⁴qui³tso²: Nca³ts²io³ ?nti¹nts²e³, ti⁴no¹²ya²-nao¹³.

14 Je² Simón c^ooa⁴-s²in² tsa³c²e¹ na⁴jmi¹ jo³-s²in² Ni³na¹ nca³ ti¹tjon² ji³cho²con³-le⁴ cho⁴ta⁴ xi³ li² judío-jin², nca³ cjoa⁴²a²jin³ cho⁴ta⁴ xi³ c^ooin¹-le⁴ nca³ ts²e⁴.

15 C^ooa⁴ je² en¹ xo⁴ tso²-ve⁴ c^ooa⁴-s²in² nco¹son² tso²ya³ cao⁴ en¹-le⁴ je² xi³ qui³nchja⁴ya³ t²a³ts²e⁴ Ni³na¹, xi³ tj¹t²a³ xon⁴.

16 Xi³ coan⁴scan³-ni³ cjoe²⁷e⁴-nia¹³, qui³tso² je² Nai³-na¹, c⁷oa⁴ c⁷oe³nta³ya³-nia¹³ je² nt⁷ia³-le⁴ David xi³ je³chi³xo²ya³. C⁷oa⁴ nqui²jnc³ c⁷a² c⁷oe³nta³-nia³ xjao¹jto³-le⁴, c⁷oa⁴-s⁷in² nqui²jnc³ c⁷a² sco³mi³tjen⁴-nia³,

17 jme¹-ni³ nca³ c⁷oa⁴-s⁷in² coa⁴²sjai³-si¹ni³ je² Nai³-na¹ cho⁴ta⁴ xi³c⁷a³, cao⁴ nca³ts⁷i³ cho⁴ta⁴ xi³ li² judío-jin², jña³-le⁴ xi³ y⁷a³ jan³⁷ain¹-na⁴.

18 C⁷oa⁴tso² je² Nai³-na¹ xi³ tsa³ca³co¹son²tsen³-le⁴ nca³yi³je³ cjoa⁴-vi⁴ sa³⁷nta³ coa²tse³. Je² Ni³na¹ tsa³ve³ nca³yi³je³ xa¹-le⁴, jo³ sa³⁷nta³ qui³s⁷e³ son³⁷nte³.

19 Coi³ nca³ an³ xian³ nca³ li²coi³ si⁴jti³-le⁴² je² nca³ts⁷i³ cho⁴ta⁴ xi³ li² judío-jin² xi³ si¹c⁷a³ntjai⁷ya³ yao³-le⁴ nca³ fi²t⁷a³-le⁴ Ni³na¹.

20 To⁴nca³ chji¹-le⁴² nca³ ca²ta³vi³ncha³xin²-le⁴ tso³jmi² xi³ v⁷ai²t⁷a³-le⁴ xco¹son², ca²ta³vi³ncha³xin²-le⁴ cjoa⁴cha³jnqui³, cao⁴ yao³-le⁴ cho⁴ xi³ qui³cho³⁷nto¹sin³, cao⁴ njin¹.

21 Sa³⁷nta³ coa²tse³ tj¹in¹ xi³ nchja⁴ya³ xi³ t⁷a³ts⁷e⁴ Moisés nca³ jnc³o¹jnc³o¹ na⁴xi⁴na³nta¹ ya⁴³ nt⁷ia³ sin-agoga. Ya⁴ s⁷e³xquia⁴ xon⁴-le⁴ nca³ntsjai² ni⁴čhjin³ ni²cja¹ya³.

22 C⁷ia⁴ nta³ qui³sa³sen³-le⁴ pa²stro⁴, cao⁴ cho⁴ta⁴jchi¹nca³, cao⁴ nca³ts⁷i³ na⁴xi⁴na³nta¹-le⁴ Cristo, nca³ tsa³cja³⁷a¹j¹in³ cho⁴ta⁴x⁷in⁴ xi³ ts⁷e⁴ cho⁴ta⁴ti¹tjon²-le⁴ nts⁷e⁴, je² Judas xi³ tj¹in¹-le⁴ jan³⁷ain¹ xi³ nqui²jnc³ xi³ Barsabás ⁷mi², cao⁴ Silas. Qui³sca³ni¹ ya⁴ Antioquía cao⁴ Pablo cao⁴ Bernabé.

23 Je² xon⁴ xi³ qui³squi³-ni³ cao⁴ ntsja³: Je² pa²stro⁴ cao⁴ cho⁴ta⁴jchi¹nca³, cao⁴ nts⁷e⁴ ti³ni²ti²⁷nta³-

lai²⁴jin⁴ nca³ts⁷io³ xi³ nts⁷ai⁴-jin⁴ xi³ cho⁴ta⁴ xi³ li²
judío-jin², xi³ ti³yo³ ya⁴ Antioquía cao⁴ ya⁴ Siria cao⁴
ya⁴ Cilicia.

24 C⁷oa⁴-s⁷in² qui³no²⁷yai²⁴-jin⁴ nca³ tj¹in¹ c⁷a³
xi³ ji³tjo³jin³-ni³na³jin⁴ xi³ to⁴si³ si¹cao⁴-no³ cao⁴
en¹. Tjio¹si¹qui³tson¹ nqui²jnco³c⁷a²-ni³ ni⁴ma⁴-no³
nca³ v⁷e¹ne²-no³ nca³ cjoa⁴ circuncisión c⁷oai⁴-
no³, nca³ c⁷oa⁴-s⁷in² si⁴tjo³son²³ je² cjoa⁴te¹xo³ma³.
Li²coi³ c⁷oa⁴-s⁷in² tsa³ca³te²xo³ma³-lai⁴jin⁴ cho⁴ta⁴
xo⁴cjoan³-ve⁴.

25 Nta³ qui³sa³sen³-na³jin⁴ nca³ tsa³c⁷e²xcoi¹⁴-jin⁴
yao³-na⁴jin⁴, nca³ qui³chja³⁷a²jin³-jin⁴ cho⁴ta⁴x⁷in⁴
xi³ qui³cha³ni²chon³-lai²⁴jin⁴, cao⁴ je² Bernabé cao⁴
Pablo xi³ tsjoa³chai³⁴-jin⁴.

26 Je² cho⁴ta⁴x⁷in⁴ tsa³c⁷e¹jnco³con³ nca³ qui³tsjoa³
ni⁴ma⁴-le⁴ t⁷a³ts⁷e⁴ Nai³-na¹ Jesucristo.

27 C⁷oa⁴-s⁷in² qui³cha³ni²⁴-jin⁴ je² Judas cao⁴ Silas.
Je² xi³ ti⁴coi³-ni³ en¹ xi³ tji¹t⁷a³ xon⁴ coi⁴tso⁴ya³-no³
nca³ to⁴⁷en¹.

28 Nta³ qui³sa³sen³-le⁴ je² Espíritu Santo, c⁷oa⁴
cao⁴ jin⁴-jin⁴, nca³ tsi² to⁴jo³ tse³ ch⁷a¹ c⁷oe¹ne²-
lai²⁴jin⁴. To⁴je² je²-vi⁴ xi³ n⁷ion¹ ma³chjen¹.

29 C⁷oa⁴-s⁷in² chja³⁷a²xin²-lao⁴³ yao³-no³ je²
nca³yi³je³ tso³jmi² xi³ v⁷ai²t⁷a³-le⁴ xco¹son², cao⁴
njin¹, cao⁴ yao³-le⁴ cho⁴ xi³ qui³cho³⁷nto¹sin³, cao⁴
cjoa⁴cha³jnqui³. Tsa² chja³⁷a²xin²-lao⁴³ yao³-no³ je²
nca³yi³je³ cjoa⁴-vi⁴, cjai¹nca³ to⁴nta³ s⁷iaon⁴³. Nta³
ca²tji³-no³ ni⁴čhjin³.

30 C⁷ia⁴ qui³sca³ni¹ Pablo cao⁴ Bernabé, cao⁴
Judas cao⁴ Silas. Ji³cho²jen³ ya⁴ Antioquía.
Tsa³c⁷e¹xco¹ nca³ts⁷i³ cho⁴ta⁴. Qui³tsjoa³ xon⁴ xi³

y⁷a³.

31 C⁷ia⁴ nca³ tsa³c⁷e¹xquia⁴, cjai¹nca³ to⁴coan³tsjoa³-le⁴ nca³ ji³cho²-le⁴ je² cjoa⁴nta³.

32 Je² Judas cao⁴ Silas c⁷oa⁴-ti⁴ coan³-le⁴ qui³nchja⁴ya³. A³li² to⁴c⁷oa⁴cji³ qui³si³je³con³ je² nts⁷e⁴. Qui³tsjoa³-le⁴ nca³n⁷ion¹.

33 Ya⁴ tsa³ca³tio² jo³ tjin¹ ni⁴čhjin³. C⁷ia⁴ je² nts⁷e⁴ qui³sca³ni¹con³-le⁴ je² pa²stro⁴ nca³si⁴ti²nta³.

34 To⁴nca³ Silas nta³ qui³sa³sen³-le⁴ nca³ tsa³c⁷e²jna³ya⁴-ve⁴.

35 Pablo cao⁴ Barnabé ya⁴ tjio¹ ya⁴ Antioquía. Tjio¹va³co¹ya³ je² en¹-le⁴ Nai³-na¹. C⁷oa⁴ tjio¹nchja⁴ya³ je² en¹nta³ xi³ t⁷a³ts⁷e⁴ Cristo cao⁴ ncjin² xi³c⁷a³.

Pablo cao⁴ Bernabé tsa³cja³⁷a¹xin²t⁷a³-le⁴ yao³-le⁴ xi¹ncjin¹

36 C⁷ia⁴ nca³ coan³ jnco³jao²-ni³ ni⁴čhjin³, Pablo c⁷oi⁴qui³tso²-le⁴ Bernabé: Tjin³chon¹ nqui²ntia³-le⁴ je² nts⁷e³², nca³qui³jnta² na⁴xi⁴na³nta¹ jña³ nca³ qui³no²cjoa⁴ya³² je² en¹nta³ xi³ t⁷a³ts⁷e⁴ Nai³-na¹. Jo³-la²xo¹s⁷in² tjio¹ nt⁷ai⁴-vi⁴.

37 Bernabé coan³me³-le⁴ nca³ c⁷oa⁴-ti⁴ ca²ta³fi² Juan, je² xi³ tjin¹-le⁴ jan³⁷ain¹ xi³ ma³jao²-ni³ xi³ Marcos ⁷mi².

38 To⁴nca³ Pablo li²coi³ qui³sa³sen³-le⁴ nca³ coai⁴cao⁴ je² xi³ tsa³cja³⁷a¹xin²-le⁴ yao³-le⁴ sa³⁷nta³ Panfilia, nca³ tsi² tsa² qui³cao⁴ je² xa¹ xi³ tjio¹ma³-ni³.

39 Cjoa⁴si³ qui³s⁷e³-le⁴. Tsa³cja³⁷a¹xin²t⁷a³-le⁴ yao³-le⁴ xi¹-ncjin¹. Bernabé qui³cao⁴ Marcos. Qui³son²nta¹ cao⁴ barco ya⁴ ⁷nta³ Chipre.

40 Pablo tsa³cja³a¹jin³ Silas, c⁷oa⁴ji³tjo³. Je²nts⁷e⁴ qui³si³ca³tio²cao⁴cjoa⁴nta³-le⁴ Nai³-na¹.

41 Ya⁴ tsa³c⁷e²ma³ ya⁴ Siria cao⁴ ya⁴ Cilicia. Qui³tsj³oa³-le⁴ nca³n⁷ion¹ na⁴xi⁴na³nta¹-le⁴ Cristo.

16

Timoteo qui³cao⁴ Pablo cao⁴ Silas

1 C⁷ia⁴ ja³a¹i³ Pablo ya⁴ Derbe, c⁷oa⁴ ya⁴ Listra. Coe⁴-ni³ ya⁴ ti¹jna³ jnco³ cho⁴ta⁴-le⁴ Cristo xi³ Timoteo ⁷mi², ⁷nti¹-le⁴ jnco³ chjon⁴2 judía xi³ ma³cjain¹-le⁴, to⁴nca³ je² n⁷ai³-le⁴ cho⁴ta⁴ griego ni¹.

2 Nca³ts⁷i³ nts⁷e⁴ xi³ ya⁴ tjio¹ ya⁴ Listra cao⁴ ya⁴ Iconio, cjai¹nca³ to⁴nta³ ts⁷a³sje³ je² cho⁴ta⁴-vi⁴.

3 Pablo coan³me³-le⁴ nca³ je² Timoteo coai⁴cao⁴. C⁷oa⁴ qui³scoe¹-⁷ni³ qui³tsj³oa³-le⁴ cjoa⁴circuncisión xi³ to⁴t⁷a³ts⁷e⁴ je² cho⁴ta⁴ judío xi³ tjio¹ je² ⁷nte³-ve⁴, nca⁴ nca³ts⁷i³ ve³-ni¹ nca³ cho⁴ta⁴ griego n⁷ai³-le⁴.

4 C⁷ia⁴ nca³ ja³a¹to³ ya⁴ na⁴xi⁴na³nta¹, c⁷oa⁴-s⁷in² qui³tso²-le⁴, nca³ ca²ta³si¹tjo³son² je² cjoa⁴te¹xo³ma³ xi³ c⁷oa⁴-s⁷in² tsa³c⁷e¹nta³ pa²stro⁴, cao⁴ cho⁴ta⁴jchi¹nca³ xi³ tjio¹ ya⁴ Jerusalén.

5 C⁷oa⁴-s⁷in²ni³ je² na⁴xi⁴na³nta¹-le⁴ Cristo nca³qui³jnta² qui³ni²n⁷ion¹jin³ nca³ ma³cjain¹-le⁴. Ña³qui³ nca³ nchaon³nchaon³ coan³ncjin²ya³ cho⁴ta⁴.

Tjin¹ xi³ tsa³ve³ Pablo ya⁴3 ni³jña¹-le⁴

6 C⁷ia⁴ nca³ je³ja³a³ ya⁴nte³ Frigia, c⁷oa⁴ ya⁴ na³nqui³ Galacia, je² Espíritu Santo li²coi³ qui³tsj³oa³nte²-le⁴ nca³ coi⁴nchja⁴ya³ je² en¹-vi⁴ ya⁴ Asia.

7 C⁷ia⁴ nca³ ja³ai³qui²xi⁴cja¹-le⁴ ya⁴ [?]nte³ Misia, coan³me³-le⁴ nca³ qui³ ya⁴ na³nqui³ Bitinia, to⁴nca³ je² Espíritu Santo li²coi³ qui³tsjoa³nte²-le⁴.

8 C⁷ia⁴ nca³ ja³a³chian³ ya⁴ Misia, ja³a³jen³ ya⁴ Troas.

9 Tjin¹ xi³ tsa³ve³ Pablo ya⁴ni³jña¹-le⁴. Jnco³ cho⁴ta⁴ xi³ Macedonia ts[?]e⁴, tsa³ca³sen² nqui³xcon⁴ Pablo, tsa³c[?]e¹ts[?]oa³-le⁴ c[?]oi⁴qui³tso²: Ti⁴tjai¹³ i⁴ Macedonia, ti⁴sen⁴cao⁴-na³jin⁴.

10 C⁷ia⁴ nca³ Pablo tsa³ve³, nti⁴ton⁴ tsa³cja³sjai³⁴-jin⁴ jo³-s[?]in² coa⁴nquin¹⁴-jin⁴ ya⁴ Macedonia. C[?]oa⁴tsa³qui³xoin¹⁴-jin⁴ nca³ Ni³na¹ xi³ qui³nchja⁴-na³jin⁴, jme¹-ni³ nca³ coi⁴no²cjoa⁴ya³jin³-lai⁴jin⁴ je² en¹nta³ xi³ t[?]a³ts[?]e⁴ Cristo.

Qui³sca³ni¹ nto⁴ya¹ Pablo cao⁴ Silas ya⁴ Filipos

11 C⁷ia⁴ nca³ ji²tjo⁴-ni³jin⁴ ya⁴ Troas, tsa³nquin¹jin³nta¹qui²xi⁴-jin⁴ ya⁴ [?]nta³ Samotracia. Xi³ coan³nchaon³-ni³ ji³choi³⁴-jin⁴ ya⁴ Neápolis.

12 C[?]oa⁴ xi³ ya⁴-ve⁴ tsa³nquin¹⁴-jin⁴ ya⁴ Filipos, xi³ na⁴xi⁴na³nta¹ ti¹tjon² ya⁴ [?]nte³ xi³ ts[?]e⁴ Macedonia, c[?]oa⁴ xi³ nchja⁴-ni³ Roma, ya⁴ tsa³qui³yoi³⁴-jin⁴ jo³ tjin¹ ni⁴chjin³.

13 Jnco³ ni⁴chjin³ ni²cja¹ya³, ya⁴ ji²tjo⁴-ni³jin⁴ xo⁴ntjoa⁴-le⁴ na⁴xi⁴na³nta¹, ya⁴ tsa³nquin¹-ni³jin⁴ jnco³ [?]nte³ xi³ ti¹jna³ntai³ xo⁴nca¹, jña³ nca³ c[?]oa⁴-s[?]in² ve³ cho⁴ta⁴ nca³ v[?]e¹ts[?]oa³. Ya⁴ tsa³qui³yoi³⁴-jin⁴ qui³chja²coai⁴-jin⁴ nca³ts[?]i³ ya¹nchjin¹ xi³ coan³xco¹.

14 C⁷ia⁴ jnco³ chjon⁴² xi³ Lidia [?]mi², xi³ va³te¹na³ na³jño³ni², xi³ ya⁴ na⁴xi⁴na³nta¹ Tiatira ts[?]e⁴, tsa³ve³xcon¹ Ni³na¹, ti¹nch[?]oe¹. Je² Nai³-na¹

qui³sco³⁷ai² ni⁴ma⁴-le⁴, tsa³ca³sen¹ xo⁴ño³ jme¹-ni³ nca³ qui³nch⁷oe¹-si¹ni³ xi³ qui³tso² Pablo.

15 C⁷ia⁴ nca³ je³qui³sa³te³nta¹ cao⁴ nca³ts⁷i³ xi³ ts⁷e⁴ nt⁷ia³-le⁴, c⁷oa⁴-s⁷in² tsa³c⁷e¹ts⁷oa³-na³jin⁴: Tsa²cjoa⁴qui²xi⁴ nca³ ca²ni²cja³⁷ai³tsjaon³ nca³ an³ nta³ fi³t⁷a³-le⁴ Nai³-na¹, ti⁴tja¹s⁷aon³ ni³⁷ya³-na⁴, ya⁴ ti⁴yo³. Jo³ cjoa⁴n⁷ion¹ qui³s⁷in³-na³jin⁴.

16 Jnco³ c⁷a³ nca³ c⁷oi⁴coan³ c⁷ia⁴ nca³ tsa³nquin¹⁴-jin⁴ ñña³ nca³ v⁷e²ts⁷oa³, jnco³ tso²ti³ xi³ tj¹in¹-le⁴ ntjao⁴ xi³ nta³jin³ xi³ ma³-le⁴ co³t⁷a³-ni³ suerte qui³sa³te³jin³-jin⁴. A³li² to⁴c⁷oa⁴cji³ taon⁴ njen³-le⁴ nai³-le⁴, nca³ tso²ti³-ve⁴ ma³-le⁴ ch⁷a²sje³ suerte.

17 Je² tso²ti³-vi⁴ qui³tjen⁴nqui³-le⁴ Pablo cao⁴ jin⁴-jin⁴. N⁷ion¹ qui³nchja⁴, c⁷oi⁴qui³tso²: Je² cho⁴ta⁴-vi⁴ cho⁴⁷nta³-le⁴ Ni³na¹ xi³ ti¹jna³ nc⁷a¹. Je²-vi⁴ xi³ nchja⁴ya³jin³-no³ jo³-s⁷in² vi²tjo⁴ntje².

18 Ncjin² ni⁴chjin³ nca³ c⁷oa⁴qui³s⁷in³ tso²ti³-ve⁴. To⁴nca³ je² Pablo coan³ji³-le⁴, qui³si³c⁷o¹fa³, c⁷oi⁴qui³tso²-le⁴ je² ntjao⁴ xi³ nta³jin³ xi³ tj¹in¹-le⁴ tso²ti³-ve⁴: C⁷oa⁴-s⁷in² v⁷e³ne²-le²³ cao⁴ jan³⁷ain¹-le⁴ Jesucristo, ti²tjo⁴xin²-lai⁴ tso²ti³-vi⁴. Ti⁴coi³-ni³ hora ji³tjo³xin²-le⁴.

19 Je² nai³-le⁴ tsa³ve³ nca³ ji³tjo³xin²-le⁴ je² cjoa⁴ma⁴ xi³ tj¹in¹-le⁴. Qui³tsoa³ Pablo cao⁴ Silas, c⁷oa⁴ ji³cho²cao⁴ nti⁴tsin⁴ ya⁴ nqui³xcon⁴ cho⁴ta⁴xa¹.

20 Tsa³ca³sen¹jna³va³sen³ cho⁴ta⁴xa¹, c⁷oi⁴qui³tso²: Je² cho⁴ta⁴ xo⁴cjoan³-ve⁴ cho⁴ta⁴ judío ni¹. Fa³⁷ai³ c⁷e¹jna³ cjoa⁴si³ i⁴ tsan⁴² na⁴xi⁴na³nta¹.

21 Je² costumbre xi³ tjio¹tso²ya³ li²coi³ nta³ tj¹in¹ nca³ ñña¹ chjoe¹. Ni⁴c⁷oa⁴-jin² s⁷ian⁴², nca³ cho⁴ta⁴ romano nia¹ nca³ ñña¹.

22 Ña³qui³ coan³jtin¹ne² cho⁴ta⁴ na⁴xi⁴na³nta¹, qui³ co²ntran⁴-le⁴ Pablo cao⁴ Silas. Je² cho⁴ta⁴xa¹ tsa³ca³sen¹jnta³jon³ na³jño³-le⁴. Tsa³ca³te¹xo³ma³ nca³ coa⁴²-le⁴ cao⁴ ya¹jti³.

23 Cjai¹nca³ tsa³ca¹-le⁴ ya¹jti³. C⁷ia⁴ nca³ je³qui³si³qui²⁷aon³, qui³sca³ni¹ nto⁴ya¹. C⁷oa⁴-s⁷in² tsa³c⁷e¹ne²-le⁴ je² xi³ si¹coi²nta⁴ nto⁴ya¹, nca³ n⁷ion¹ nta³ ca²ta³vi³ncha³⁷ya³.

24 C⁷ia⁴ nca³ je³c⁷oa⁴tsa³c⁷in²-le⁴, qui³sca³ni¹s⁷en³ nto⁴ya¹ jña³ nqui²sa⁴ cjin³ ncho². Tsa³ca¹t⁷a³n⁷ion¹ t⁷a³ya¹ ntso⁴co⁴.

25 C⁷ia⁴ nca³ ji³cho² va³sen³ni⁴tjen⁴, Pablo cao⁴ Silas tjio¹v⁷e¹ts⁷oa³, tjio¹se³-le⁴ Ni³na¹. Je² cho⁴ta⁴ xi³c⁷a³ xi³ tjio¹ cjoa^{4ñ}ain³, tjio¹nch⁷oe¹.

26 Nti⁴ton⁴ ja³⁷a³ jnco³ chaon¹ xi³ n⁷ion¹, jo³ sa³⁷nta³ qui³tin²ya³ xjao¹ja⁴ma⁴-le⁴ nto⁴ya¹. C⁷ia⁴ qui³tjo³⁷ai² nti⁴ton⁴ nca³yi³je³ xo⁴ntjoa⁴. Ña³qui³ qui³tjo³xin²-le⁴ cadena nca³ts⁷i³ xi³ tjio¹ cjoa^{4ñ}ain³.

27 Je² xi³ si¹coi²nta⁴ nto⁴ya¹ ja³⁷a³-le⁴. Tsa³ve³ nca³ ti⁴x⁷a⁴ xo⁴ntjoa⁴-le⁴ nto⁴ya¹. Ts⁷a³sje³ qui⁴cha⁴nto³-le⁴, nca³ me³-le⁴ nca³ si⁴²c⁷en³ yao³-le⁴. Je³-la⁴ qui³ preso, c⁷oi⁴qui³tso².

28 To⁴nca³ n⁷ion¹ qui³nchja⁴ Pablo: Li²jme³-jin² xi³ ni²coai⁴ yao³-li⁴. I⁴ ti³yoi³⁴-jin⁴ nca³ts⁷i³-jin⁴.

29 C⁷ia⁴ je² xi³ si¹coi²nta⁴ nto⁴ya¹ qui³si³je¹ l⁷i¹, qui³to²ca³s⁷en³. Jo³ ti¹fa³tse¹. Qui³si³c⁷a³tjen⁴ yao³-le⁴ nqui³ntso⁴co⁴ Pablo cao⁴ Silas.

30 C⁷oa⁴ tsa³c⁷a³sje³ Pablo cao⁴ Silas. C⁷oa⁴qui³tso²-le⁴: Jon²-ve⁴, jme¹-ni³ xi³ ma³chjen¹ nca³ c⁷oa⁴s⁷ian³ nca³ coi²tjo⁴ntje²³ an³-vi⁴.

31 C⁷oa⁴ Pablo cao⁴ Silas qui³tso²: Ca²ta³ma³cjain¹-

li² t⁷a³ts⁷e⁴ Nai³-na¹ Jesucristo, c⁷oa⁴ coi²tjo⁴ntjai²-ni¹ nca³ ji³ cao⁴ nca³ts⁷i³ xi³ ts⁷e⁴ ni³⁷ya³-li⁴.

32 Tsa³cja¹cao⁴ je² en¹-le⁴ Nai³-na¹, cao⁴ nca³ts⁷i³ xi³ tjio¹ ni³⁷ya³-le⁴.

33 C⁷ia⁴ ti⁴coi³-ni³ hora nca³ njion² je² xi³ si¹coi²nta⁴ nto⁴ya¹ qui³cao⁴ Pablo cao⁴ Silas. Tsa³ca³ne¹jon³ jña³ nca³ qui³s⁷e³-le⁴ ya¹jti³. C⁷ia⁴ qui³sa³te³nta¹ nti⁴ton⁴ nca³ je², cao⁴ nca³ts⁷i³ xi³ tjio¹ ni³⁷ya³-le⁴.

34 Qui³cao⁴ ni³⁷ya³-le⁴, tsa³ca³sen¹jna³-le⁴ ya¹mi²xa⁴. A³li² to⁴tsjoa³ coan³-le⁴ nca³ coan³cjain¹-le⁴ t⁷a³ts⁷e⁴ Ni³na¹ cao⁴ nca³ts⁷i³ xi³ tjio¹ ni³⁷ya³-le⁴.

35 C⁷ia⁴ nca³ qui³s⁷e³sen¹, je² cho⁴ta⁴xa¹-ve⁴ qui³sca³ni¹ policía. C⁷oi⁴qui³tso²-le⁴: Ca²ta³fi² cho⁴ta⁴ xo⁴cjoan³-ve⁴.

36 Je² xi³ si¹coi²nta⁴ nto⁴ya¹-ve⁴ qui³tso²ya³-le⁴ Pablo: Je² cho⁴ta⁴xa¹ ca²si¹ca³sen¹cjoa⁴ nca³ coi⁴yo³ntai¹-nio³. Nt⁷ai⁴-vi⁴ntai⁴ coan⁴ nca³ coa³nquion¹³. Ta³nquin¹-la²na¹ntao³.

37 C⁷ia⁴ Pablo c⁷oi⁴qui³tso²-le⁴: Ti¹tjon²cjoa²la² tsa³ca¹na³jin⁴ nqui³xcon⁴ na⁴xi⁴na³nta¹, nca³ ni⁴jme³-jin² je¹ tjin¹-na³jin⁴. Jin⁴-jin⁴ cho⁴ta⁴ romanos ⁷mi²-na³jin⁴. Qui³cha³ni²-na³jin⁴ nto⁴ya¹. C⁷oa⁴ nt⁷ai⁴-vi⁴ a³ cha⁴ni²⁷ma³-na³jin⁴. Xi³ cjoa⁴qui²xi⁴, ma³jain². Je² soa³ ca²ta³fa³⁷ai³ c⁷a³sje³-na³jin⁴.

38 Je² policía c⁷oa⁴qui³tso²-le⁴ cho⁴ta⁴xa¹ jo³ qui³tso² Pablo. Qui³tsa³cjon¹ c⁷ia⁴ nca³ qui³nč⁷oe¹ nca³ cho⁴ta⁴ romano.

39 Ja³⁷ai³nč⁷oe²-nca¹ni³ Pablo cao⁴ Silas, tsa³c⁷e¹ts⁷oa³-le⁴. Tsa³c⁷a³sje³, c⁷oi⁴qui³tso²-le⁴:

Ti²tjo⁴-nio³ na⁴xi⁴na³nta¹.

⁴⁰ C⁷ia⁴ nca³ je³ji³tjo³-ni³ nto⁴ya¹, ja³⁷a³s⁷en³ ya⁴ ni³⁷ya³-le⁴ Lidia. Tsa³ve³ nts⁷e⁴, tsa³cja¹cao⁴, c⁷ia⁴ qui³.

17

Qui³s⁷e³ cjoa⁴si³ya⁴ Tesalónica

¹ Ja³⁷a³ Pablo cao⁴ Silas ya⁴ Anfípolis cao⁴ ya⁴ Apolonia. Ji³cho² ya⁴ Tesalónica, jña³ nca³ ti¹jna³ jnco³ nt⁷ia³ sinagoga-le⁴ cho⁴ta⁴ judío.

² Jo³-s⁷in² ma³nca³-le⁴ je² Pablo ja³⁷a³s⁷en³ con³-le⁴ cho⁴ta⁴ judío. Jan² xo³ma²na⁴ tsa³cja¹cao⁴ cjoa⁴ xi³ tji¹t⁷a³ xon⁴ Escritura.

³ C⁷oa⁴-s⁷in² qui³tso²ya³, c⁷oa⁴ qui³si³qui²xi⁴ya³ cjoa⁴ nca³ coan³chjen¹ nca³ Cristo tsa³cja³⁷a¹ cjoa⁴ñ⁷ain³, c⁷oa⁴ nca³ ja³⁷a³ya²jⁱⁿ³-le⁴ c⁷en³. Je² Jesús, je²-vi⁴ je² Cristo. (Je² xi³ an³ c⁷oa⁴ti²xin³-no³, qui³tso² Pablo.)

⁴ Coan³cjain¹c⁷a³-le⁴, qui³t⁷a³-le⁴ Pablo cao⁴ Silas. C⁷oa⁴ li² to⁴ncjin² cho⁴ta⁴ griego xi³ ve³xcon¹ Ni³na¹, c⁷oa⁴ li² tsa² choa³-jin² ya¹nchjin¹ti¹tjon².

⁵ C⁷ia⁴ je² cho⁴ta⁴ judío xi³ tsi² tsa³ coan³cjain¹-le⁴, n⁷ion¹ coan³chi⁴ni⁴. Qui³sco¹ c⁷a³ cho⁴ta⁴ts⁷e² xi³ ch⁷ao³ cjoan³. Tsa³c⁷e¹xco¹ xi¹ncjin¹. Tsa³c⁷e¹jna³ cjoa⁴si³ ya⁴ na⁴xi⁴na³nta¹. Ji³cho² ni³⁷ya³-le⁴ Jasón. Me³-le⁴ nca³ tsa³c⁷a³sje³jⁱⁿ³ va³sen³-le⁴ cho⁴ta⁴ na⁴xi⁴na³nta¹ Pablo cao⁴ Silas.

⁶ To⁴nca³ li²coi³ coan³sjai³-le⁴. To⁴je² Jasón cao⁴ jnco³jao² nts⁷e⁴ xi³ ja³⁷ai³cao⁴-le⁴ cho⁴ta⁴xa¹ xi³ ts⁷e⁴

na⁴xi⁴na³nta¹. N⁷ion¹ qui³nchja⁴: Je² xo⁴cjoan³-ve⁴ xi³ cjoa⁴si³ tjio¹v⁷e¹jna³ nca³qui³jnta² son³nte³, c⁷oa⁴-ti⁴ i⁴ ca²fa³ai³.

7 Je² Jasón ca²tsjoa¹-le⁴nte³. Je² nca³ts⁷i³ co²ntran⁴ qui³-le⁴ cjoa⁴te¹xo³ma³-le⁴ César. C⁷oa⁴tjio¹tso² nca³tjin¹ nqui²jnc³ cho⁴ta⁴ti¹tjon² xi³ Jesús.

8 C⁷oa⁴-s⁷in² qui³s⁷e³-le⁴ cjoa⁴jcon³ cho⁴ta⁴na⁴xi⁴na³nta¹ cao⁴ je² cho⁴ta⁴xa¹-le⁴ na⁴xi⁴na³nta¹, nca³ qui³nch⁷oe¹ je² cjoa⁴-vi⁴.

9 Cho⁴ta⁴xa¹ qui³scoe¹ en¹-le⁴ Jasón cao⁴xi³c⁷a³ nca³ taon⁴ c⁷oe⁴2jna³nqui³ yao³-le⁴. C⁷ia⁴ qui³cha³ni²ntai¹.

Ya⁴ Berea tsa³ca³tio² pa²stro⁴

10 C⁷ia⁴ nca³ njion² je² nts⁷e⁴ qui³sca³ni¹ nti⁴ton⁴ Pablo cao⁴ Silas ya⁴ Berea. C⁷ia⁴ nca³ ji³cho², ja³a³s⁷en³ nt⁷ia³ sinagoga xi³ ts⁷e⁴ cho⁴ta⁴ judío.

11 Nqui²sa⁴ nta³ cho⁴ta⁴ je²-vi⁴ cao⁴ xi³ tjio¹ ya⁴ Tesalónica. Je²-vi⁴ cjai¹nca³ to⁴nti⁴ton⁴ qui³scoe¹ je² en¹-le⁴ Ni³na¹ cao⁴ tse³ cjoa⁴tsjoa³. Nchaon³nchaon³ qui³sco²t⁷a³ je² xon⁴ Escritura, tsa² cjoa⁴qui²xi⁴ nca³ c⁷oa⁴tjin¹ je² cjoa⁴-vi⁴.

12 Ncjin² cho⁴ta⁴-vi⁴ xi³ c⁷oa⁴-s⁷in² coan³cjain¹-le⁴, cao⁴ ya¹nchjin¹ griega xi³ ya¹nchjin¹ti¹tjon², c⁷oa⁴a³li² tsa² choa³-jin² cho⁴ta⁴x⁷in⁴.

13 To⁴nca³ qui³nch⁷oe¹ je² cho⁴ta⁴ judío xi³ Tesalónica ts⁷e⁴, nca³ c⁷oa⁴-ti⁴ ya⁴ Berea Pablo qui³nchja⁴ya³ je² en¹-le⁴ Ni³na¹. Ya⁴ qui³ cho⁴ta⁴-ve⁴. C⁷oa⁴-ti⁴ ya⁴ tsa³c⁷e¹jna³-le⁴ cjoa⁴si³ cho⁴ta⁴na⁴xi⁴na³nta¹-ve⁴.

14 To⁴nca³ je² nts⁷e⁴ qui³sca³ni¹ nti⁴ton⁴ Pablo ntai³ nta¹chi³con³. Silas cao⁴ Timoteo ya⁴ tsa³ca³tio² ya⁴ Berea.

15 Je² xi³ qui³cao⁴ya³ntia³ nca³ qui³si³coi²nta⁴ Pablo, qui³cao⁴ ya⁴ sa³⁷nta³ Atenas. C⁷oa⁴ ya⁴-ve⁴ Pablo qui³si³ca³sen¹cjoa⁴-le⁴ Silas cao⁴ Timoteo nca³ nti⁴ton⁴ ca²ta³n³choa³con³-le⁴. C⁷oa⁴ cho⁴ta⁴-ve⁴ qui³.

Atenas tsa³c⁷e²jna³ Pablo

16 C⁷ia⁴ nca³ Pablo ti¹co³ya³-le⁴ ya⁴ Atenas, a³li² to⁴c⁷oa⁴cji³ xi³ ma³-le⁴ ni⁴ma⁴-le⁴ nca³ tsa³ve³ nca³ je² na⁴xi⁴na³nta¹-ve⁴ cjai¹nca³ to⁴tjin¹-le⁴ xco¹son².

17 Ña³qui³ c⁷oa⁴-s⁷in² ya⁴³ nt⁷ia³ sinagoga tsa³cja¹cao⁴ cho⁴ta⁴ judío, cao⁴ je² xi³ ve³xcon¹. C⁷oa⁴ ya⁴ nti⁴tsin⁴-ve⁴ nchaon³nchaon³ tsa³cja¹cao⁴ je² xi³ to⁴coi³ ni⁴čhjin³ ya⁴ tjio¹.

18 Tjin¹ c⁷a³ cho⁴ta⁴chji⁴ne⁴ xi³ ts⁷e⁴ cho⁴ta⁴ epicúreos, cao⁴ xi³ ts⁷e⁴ cho⁴ta⁴ estoicos, xi³ tsa³cjao¹ya³-ni³ cao⁴ Pablo. Tjin¹ c⁷a³ xi³ qui³tso²: Jo¹-s⁷in² tso²-ni³ je² cho⁴ta⁴ xi³ c⁷oi⁴-s⁷in² to⁴ma³-le⁴ nchja⁴. Je² xi³c⁷a³: Je²-la⁴ nchja⁴ya³ xi³ t⁷a³ts⁷e⁴ Ni³na¹ xi³ cja⁴⁷ai¹, coi³ qui³tso² nca⁴ Pablo qui³nchja⁴ya³ xi³ t⁷a³ts⁷e⁴ Jesús c⁷oa⁴ xi³ t⁷a³ts⁷e⁴ cjoa⁴fa³⁷a¹ya³.

19 C⁷ia⁴ qui³cao⁴ Pablo. Ja³⁷ai³cao⁴ ya⁴ nti⁴tsin⁴ Areópago, c⁷oi⁴qui³tso²: A³ coan⁴ nca³ jchai⁴-jin⁴ je² cjoa⁴fa³⁷ai³tsjen³ cho⁴tse⁴ xi³ s⁷a⁴ti³⁷mi²yai³.

20 Cjai¹nca³ no²⁷yai²⁴-jin⁴ cjoa⁴ cho⁴tse⁴ xi³ ⁷mi²ya³-na³jin⁴. Me³-na³jin⁴ nca³ jchai⁴-jin⁴ jo³ tso²-ni³le⁴ je²-vi⁴.

21 (Je² nca³ts⁷i³ cho⁴ta⁴ atenienses, cao⁴ cho⁴ta⁴ xi³ ya⁴ tsa³ca³tio² xi³ xin² ⁷nte³-le⁴, to⁴coi³ xi³

ma³-le⁴, nca³ nchja⁴, c⁷oa⁴ nca³ nch⁷oe¹, cjoa⁴ xi³ nqui²sa⁴ cho⁴tse⁴.)

22 C⁷ia⁴ nca³ ti¹jna³ Pablo ya⁴ nca³va³sen³-le⁴ nti⁴tsin⁴ Areópago, c⁷oi⁴qui³tso²: Nca³ts⁷io³ cho⁴ta⁴ atenienses, ña³qui³ ⁷ve³-no³ nca³ cjai¹nca³ to⁴nta³ ⁷ya³xcon¹³ xco¹son².

23 C⁷ia⁴ nca³ ja²⁷a⁴, cjai¹nca³ nta³ tsa³⁷ve³ xco¹son²-no³. C⁷oa⁴-ti⁴ qui³sa³co³-na³ jnco³ son²xta² jña³ tji¹t⁷a³ xi³ c⁷oa⁴tso²: Je² Ni³na¹ xi³ tsi² tsa² ⁷ya³-le⁴. Je² xi³ ⁷ya³xcon¹³ nca³ tsi² tsa² ⁷yao³, je²-vi⁴ xi³ an³ nchja²ya³jn³-no³.

24 Je² Ni³na¹ xi³ qui³si³nta³ son³⁷nte³, cao⁴ nca³yi³je³ tso³jmi² xi³ tjin¹ son³⁷nte³-vi⁴, je² ni¹ xi³ Nai³-le⁴ nc⁷a³jmi³, c⁷oa⁴ Nai³-le⁴ son³⁷nte³. Je² a³li²coi³ ya⁴ ti¹jna³ ya⁴³ yo⁴nco⁴ xi³ ntsa⁴² qui³s⁷e³nta³-ni³.

25 A³li²coi³ je² ntsja³ cho⁴ta⁴son³⁷nte³ xi³ si¹sin³-le⁴ Ni³na¹ jo³-ni³ tsa² tjin¹ xi³ ma³chjen¹-le⁴ nca³ je². Je² tsjoa¹-na¹ cjoa⁴vi³jna³chon³-na¹, c⁷oa⁴ nca³ chjen³jta³², c⁷oa⁴ cao⁴ nca³yi³je³ tso³jmi².

26 To⁴jnco³ njin¹ qui³si³nta³-ni³ nca³ts⁷i³ jco⁴ya³ cho⁴ta⁴ nca³ coa⁴tio⁴ nca³qui³jnta² son³⁷nte³. To⁴nqui³-ni³ tsa³c⁷e¹nta³ ni⁴čhjin³-le⁴, c⁷oa⁴ jña³ sa³⁷nta³ cjoe⁴t⁷a³ ⁷nte³-le⁴,

27 jme¹-ni³ nca³ coa⁴²sjai³-ni³ Ni³na¹, tsa² coan⁴-le⁴, jo³-s⁷in² nca³ so⁴co²-le⁴ jo³-ni³ tsa² xi³ xca⁴ cji³ xi³ sca¹njon³⁷nte³ nca³ coa⁴²sjai³. To⁴nca³ cjoa⁴qui²xi⁴ nca³ tsi² tsa² cjin³ ti¹jna³-na¹ nca³ jnco¹jnco¹.

28 To⁴t⁷a³ts⁷e⁴-ni¹ nca³ ti³yoa³², ni²cjan³², c⁷oa⁴ ti³yo³choan³², jo³-s⁷in² nca³ c⁷oa⁴-ti⁴ qui³tso² c⁷a³

cho⁴ta⁴chji⁴ne⁴-no³: C⁷oa⁴-ti⁴ ña¹ ntje⁴-le⁴ Ni³na¹ nia¹.

29 Tsa² ntje⁴-le⁴ Ni³na¹ nia¹, li²coi³ nta³ tsa² ni²cja³⁷ai³tsjen³ nca³ je² Ni³na¹ c⁷oa⁴cji³ jo³ cji³ taon⁴si³ne², a³xo⁴ jo³-ni³ taon⁴čhoa³, a³xo⁴ jo³-ni³ la⁴jao⁴, je² xi³ xa¹ coan³nta³-ni³ nca³ to⁴jco⁴ ts⁷a³sje³-ni³ cho⁴ta⁴.

30 To⁴nca³ Ni³na¹ li²coi³ qui³si³sin³ je² ni⁴čhjin³ xi³ ts⁷e⁴ je² cjoa⁴njon²-vi⁴. To⁴nca³ nt⁷ai⁴-vi⁴ntai⁴ Ni³na¹ v⁷e¹ne²-le⁴ nca³ts⁷i³ cho⁴ta⁴ nca³qui³jnta² son³⁷n³te³ nca³ ca²ta³si¹c⁷a³ntjai²ya³ cjoa⁴fa³⁷ai³tsjen³-le⁴.

31 Nca⁴ Ni³na¹ tsa³c⁷e¹jna³ jnco³ ni⁴čhjin³ c⁷ia⁴ nca³ c⁷oe⁴²nta³j³in³ son³⁷n³te³ cao⁴ xi³ cjoa⁴qui²xi⁴, to⁴t⁷a³ts⁷e⁴ je² cho⁴ta⁴x⁷in⁴ xi³ tsa³ca³sen¹. C⁷oa⁴-s⁷in² Ni³na¹ qui³tsj³oa³-le⁴ cjoa⁴qui²xi⁴ nca³ts⁷i³ nca³ qui³si³cja³⁷a¹ya³j³in³-le⁴ c⁷en³ Jesús.

32 C⁷ia⁴ nca³ qui³nč⁷oe¹ nca³ fa³⁷a²ya³-ni³le⁴ xi³ m⁷en³, tj³in¹ c⁷a³ xi³ to⁴tsa³qui³jno²que³, c⁷oa⁴ xi³c⁷a³ qui³tso²: Coi⁴no¹⁷ya²-lai²⁴j³in⁴ jo³ tj³in¹-ni³ je²-vi⁴ nqui²j³nco³ ni⁴čhjin³.

33 C⁷oa⁴-s⁷in² Pablo ji³tjo³j³in³ va³sen³-le⁴.

34 To⁴nca³ tj³in¹ c⁷a³ xi³ coan³cjain¹-le⁴, xi³ qui³t⁷a³-le⁴ Pablo. Ti⁴je²-ni³ Dionisio, je² xi³ ts⁷e⁴ nti⁴tsin⁴ Areópago, cao⁴ jnco³ chjon⁴² xi³ Dámaris ⁷mi², cao⁴ ncjin²-sa³ xi³c⁷a³ xi³ qui³t⁷a³-le⁴.

18

Pablo si¹xa¹ ya⁴ Corinto

1-2 C⁷ia⁴ nca³ je³ja³⁷a³to³ je² cjoa⁴-vi⁴, Pablo ji³tjo³ ya⁴ Atenas, ji³cho² ya⁴ Corinto.

Qui³sa³te³j³in³ j³nco³ cho⁴ta⁴ judío xi³ Aquila [?]mi², xi³ ya⁴ na³nqui³ Ponto qui³tsin³. To⁴s⁷a⁴ choa³ ni⁴čhjin³ tjin¹ nca³ ja³⁷ai³-ni³ Italia cao⁴ Priscila chjon⁴²-le⁴ (nca⁴ je² Claudio tsa³ca³te¹xo³ma³ nca³ nca³ts[?]i³ cho⁴ta⁴ judío coi⁴tjo³sje³j³in³ ya⁴ Roma). Pablo ji³cho²con²-le⁴.

³ Coi³ nca³ ti⁴je²-ni³ xa¹ tjin¹-le⁴ tsa³c⁷e²jna³cao⁴ nca³ je², qui³si³xa¹cao⁴. Coi³ xa¹ tjin¹-le⁴ nca³ v⁷e¹nta³ carpa.

⁴ Ya⁴³ nt⁷ia³ sinagoga ña³qui³ c⁷oa⁴-s⁷in² tsa³cja¹cao⁴ nca³ntsjai² ni⁴čhjin³ ni²cja¹ya³. C⁷oa⁴-s⁷in² coan³me³-le⁴ nca³ si^{42?}i³nta³j³in³ cho⁴ta⁴ judío cao⁴ cho⁴ta⁴ griego.

⁵ C⁷ia⁴ nca³ ja³⁷ai³jen³-ni³ Macedonia, Silas cao⁴ Timoteo, Pablo ña³qui³ tsa³c⁷e¹ne²-le⁴ yao³-le⁴ nca³ qui³nchja⁴ya³ je² en¹-le⁴ Ni³na¹. Qui³tsjoa³-le⁴ en¹ cho⁴ta⁴ judío, nca³ je² Jesús xi³ ti⁴je²-ni³ Cristo.

⁶ To⁴nca³ je² cho⁴ta⁴-ve⁴ to⁴tsa³ca³te¹cjao³⁷a² Pablo, c⁷oa⁴ qui³nchja⁴⁷aon³-le⁴. C⁷ia⁴ Pablo tsa³c⁷e¹tsao³jne³ na³jño³-le⁴, c⁷oi⁴qui³tso²-le⁴: Cao⁴ njin¹-no³ t⁷e²chji¹-nio³, tsje³ nia¹³ nca³ an³. Nt⁷ai⁴-vi⁴ cjo¹con³-le⁴ cho⁴ta⁴ xi³ li² judío-jin².

⁷ Ji³tjo³-ni³ ya⁴-ve⁴. Ja³⁷a³s⁷en³ ni³⁷ya³-le⁴ j³nco³ xi³ Justo [?]mi², xi³ ve³xcon¹ Ni³na¹. Ni³⁷ya³-le⁴ ya⁴ cjo³cja³ cao⁴ nt⁷ia³ sinagoga.

⁸ Crispo, je² xi³ cho⁴ta⁴ti¹tjon²-le⁴ nt⁷ia³ sinagoga, cao⁴ nca³ts[?]i³ xi³ tjio¹ ni³⁷ya³-le⁴, coan³cjain¹-le⁴ xi³ t⁷a³ts⁷e⁴ Nai³-na¹. Ncj²in² cho⁴ta⁴ corintios xi³ qui³nč⁷oe¹, coan³cjain¹-le⁴, c⁷oa⁴ qui³sa³te³nta¹.

⁹ C⁷oa⁴ nca³ ni⁴tjen⁴ qui³ts⁷ai²-le⁴ ni³jña¹ Pablo. Je² Nai³-na¹ tsa³cja¹cao⁴: A³li² jcon³-jin²³,

ti⁴no²cjoai⁴, a³li²jyo¹-jin² vi³jnai³.

10 An³ ti²jna⁴cao⁴-le²³. Ni⁴⁷ya³-jin² xi³ cja⁴⁷ai¹³nca¹ si⁴²cao⁴-li². An³ cjai¹nca³ tjin¹-na³ cho⁴ta⁴ i⁴ ?nte³-vi⁴.

11 Jnco³ no¹va³sen³ tsa³c⁷e²jna³ ya⁴-ve⁴. Tsa³ca³co¹ya³-le⁴ en¹-le⁴ Ni³na¹.

12 C⁷ia⁴ nca³ Galión coan³ cho⁴ta⁴ti¹tjon² ya⁴ ?nte³ Acaya, je² cho⁴ta⁴ judío tsa³qui³so¹tjen⁴ co²ntran⁴-le⁴ Pablo, nca³ to⁴jnc³ tsa³c⁷e¹ yao³-le⁴. Qui³cao⁴ nt⁷ia³va³sen³.

13 C⁷oi⁴qui³tso²: Je² Pablo ti¹vi³ncha¹⁷a³ cho⁴ta⁴ nca⁴ cja⁴⁷ai¹-s⁷in² scoe⁴xcon¹ Ni³na¹, nca³ tsi² tsa² c⁷oa⁴tjin¹ jo³ tso² cjoa⁴te¹xo³ma³.

14 C⁷ia⁴ nca³ me³coi⁴nchja⁴ Pablo tsa²cai³, je² Galión c⁷oa⁴qui³tso²-le⁴ cho⁴ta⁴ judío: Tsa² jnc³ cjoa⁴ts⁷en⁴, a³xo⁴ jnc³ je¹ xi³ tse³ tjin¹, cjoa⁴qui²xi⁴ ni¹ nca³ coi³nch⁷oe³ en¹-no³,

15 to⁴nca³ tsa² je² cjoa⁴ je²-vi⁴ to⁴⁷en¹-ni³, tsa² to⁴jan³⁷ain¹-ni³, c⁷oa⁴ tsa² to⁴t⁷a³ts⁷e⁴ cjoa⁴te¹xo³ma³-no³, to⁴j^{on}² t⁷e²nta³jion³. A³li²coi³ me³-na³ nca³ an³ c⁷oe³nta³jian³ je² cjoa⁴ xo⁴tjin¹-ve⁴.

16 Tsa³c⁷aon³sje³ nt⁷ia³va³sen³.

17 C⁷ia⁴ nca³ts⁷i³ cho⁴ta⁴ griego qui³scoe¹ Sóstenes, je² cho⁴ta⁴ti¹tjon²-le⁴ nt⁷ia³ sinagoga. Tsa³ca¹-le⁴ ya⁴ nqui³xcon⁴ nt⁷ia³va³sen³. Galión li²coi³ qui³si³sin³-le⁴ je² cjoa⁴-vi⁴.

18 Ncjin² ni⁴chjin³ tsa³c⁷e²jna³ Pablo nca³ ya⁴. C⁷ia⁴ qui³si³xa³t⁷a³ je² nts⁷e⁴. Cao⁴ Priscila cao⁴ Aquila qui³son²nta¹ sa³⁷nta³ ya⁴ na³nqui³ Siria. Tsa³c⁷e¹j^{on}³ ntsja⁴jco⁴ ya⁴ Cencrea, nca⁴ c⁷oa⁴-sin² qui³tsjoa³-le⁴ choa⁴ nca³ qui³tsjoa³-le⁴ ts⁷oa³ Ni³na¹.

19 Ja³⁷ai³ ya⁴ Efeso, ya⁴ qui³si³ca³tio¹ Priscila

cao⁴ Aquila. Je² ja³⁷a³s⁷en³ ya⁴³ nt⁷ia³ sinagoga. Tsa³cja¹cao⁴ cho⁴ta⁴ judío.

20 Je² cho⁴ta⁴ judío tsa³c⁷e¹ts⁷oa³-le⁴ Pablo nca³ ncjin²-sa³ ni⁴čjin³ ca²ta³v⁷e²jna³cao⁴ nca³ je². To⁴nca³ je² coan³cai³-le⁴.

21 Qui³si³xa³t⁷a³ je² cho⁴ta⁴-ve⁴, c⁷oi⁴qui³tso²: Cjai¹nca³ ma³chjen¹ nca³ ya⁴ ti²jna⁴ je² s⁷oi¹ xi³ nčhoa¹ ya⁴ Jerusalén. To⁴nca³ cjoa²⁷ai⁴con³ nqui²jnc³c⁷a²-nca¹ni³no³, tsa² c⁷oa⁴-s⁷in² me³-le⁴ Ni³na¹. Ji³tjo³-ni³ ya⁴ Efeso.

Pablo qui³-nca¹ni³ Antioquía

22 Ji³cho² ya⁴ Cesarea, ji³tjo³-ni³ barco, qui³mi³ ya⁴ Jerusalén. C⁷ia⁴ nca³ je³ qui³si³xa³t⁷a³ na⁴xi⁴na³nta¹-le⁴ Cristo, qui³jen³ ya⁴ Antioquía.

23 Ya⁴ tsa³c⁷e²jna³ jo³ tjin¹ ni⁴čjin³. C⁷ia⁴ ji³tjo³. Qui³ xqui⁴ na⁴xi⁴na³nta¹ ya⁴ nte³ Galacia, ya⁴ nte³ Frigia. Qui³tsj³oa³-le⁴ nca³n⁷ion¹ nca³ts⁷i³ cho⁴ta⁴-le⁴ Cristo.

Apolos ti¹nchja⁴ya³ya⁴ Efeso

24 C⁷ia⁴ ji³cho² ya⁴ Efeso jnc³ cho⁴ta⁴ judío xi³ Apolos n⁷mi², xi³ qui³tsin³ ya⁴ Alejandría, jnc³ cho⁴ta⁴x⁷in⁴ xi³ ña³qui³ n⁷ion¹ nta³ ma³-le⁴ nchja⁴ya³. Cjai¹nca³ nta³ ma³-le⁴ xon⁴ Escritura.

25 Je²-vi⁴ xa¹ qui³sco²t⁷a³ya³-ni³ ntia⁴²-le⁴ Nai³-na¹. N⁷ion¹ xa¹ti¹ya³ yao³-le⁴. A³li² to⁴c⁷oa⁴cji³ nta³ qui³nchja⁴ya³, a³li² to⁴c⁷oa⁴cji³ nta³ tsa³ca³co¹ya³ nca³yi³je³ cjoa⁴ xi³ t⁷a³ts⁷e⁴ Nai³-na¹, nta³ tsa² to⁴je² cjoa⁴sa³te¹nta¹-le⁴ Juan xi³ je² tsa³ve³.

26 Coan³n⁷ion¹con³, tsa³c⁷e¹ts⁷ia⁴ nca³ qui³nchja⁴ya³ ya³ nt⁷ia³ sinagoga. C⁷ia⁴ nca³

Priscila cao⁴ Aquila qui³nch⁷oe¹-le⁴, qui³scoe¹ Apolos, nqui²sa⁴ nta³ qui³tso²ya³tsen³-le⁴ je² ntia⁴²-le⁴ Ni³na¹.

²⁷ Apolos coan³me³-le⁴ nca³ coai⁴ ya⁴ Acaya. Tsa³c⁷e¹ne²-le⁴ je² nts⁷e⁴ nca³ qui³squi³-le⁴ je² cho⁴ta⁴-le⁴ Cristo nca³ scoe¹tjao². C⁷ia⁴ nca³ ji³cho², cjai¹nca³ nta³ tsa³ca³sen¹cao⁴ je² xi³ coan³cjain¹-le⁴ xi³ to⁴t⁷a³ts⁷e⁴ cjoa⁴nta³.

²⁸ A³li² to⁴c⁷oa⁴cji³ nca³n⁷ion¹ qui³s⁷e³-le⁴ nca³ qui³si³⁷i³nta³jin³ cho⁴ta⁴ judío nqui³xcon⁴ nca³ts⁷i³. Tsa³ca³co¹-le⁴ cao⁴ xon⁴ Escritura nca³ je² Jesús xi³ ti⁴je²-ni³ Cristo.

19

Pablo ya⁴ Efeso

¹ C⁷oa⁴coan³ c⁷ia⁴ nca³ ti¹jna³ Apolos ya⁴ Corinto, Pablo ja³⁷ai³ ya⁴ Efeso. Je³ts⁷a³mjen³ nca³qui³jnta² ja⁴⁷nte³ ja⁴⁷ain³-ni³. Qui³sa³te³jin³ c⁷a³ cho⁴ta⁴-le⁴ Cristo.

² I⁴ qui³tso²-le⁴: A³ qui³tjoe¹-no³ je² Espiritu Santo c⁷ia⁴ nca³ coan³cjain¹-no³. C⁷oa⁴ je² cho⁴ta⁴-ve⁴⁷ni³ c⁷oa⁴qui³tso²-le⁴: Ma³jain², ni⁴sa³⁷nta³ li²coi³ qui³no²⁷yai²⁴-jin⁴ tsa² tjin¹ Espiritu Santo.

³ C⁷ia⁴ Pablo qui³tso²: ⁷ya¹-ni³ xi³ t⁷a³ts⁷e⁴ qui³sa³te³ntao¹³-⁷ni³. Cho⁴ta⁴-ve⁴ c⁷oa⁴qui³tso²: T⁷a³ts⁷e⁴ Juan.

⁴ C⁷oi⁴qui³tso² Pablo: Je² Juan tsa³ca³te¹nta¹-ni³ c⁷ia⁴ nca³ je³qui³si³c⁷a³ntjai²ya³ cjoa⁴fa³⁷ai³tsjen³-le⁴ cho⁴ta⁴. C⁷oi⁴qui³tso²-le⁴ cho⁴ta⁴ nca³ ca²ta³ma³cjain¹-le⁴ xi³ t⁷a³ts⁷e⁴ je² xi³

cjoa⁴ai¹tjen⁴nqui³-le⁴, xi³ tso²-ni³ xi³ t'a³ts'e⁴ je² Jesús xi³ Cristo.

⁵ C'ia⁴ nca³ qui³nch'oe¹ je²-vi⁴, qui³sa³te³nta¹ xi³ t'a³ts'e⁴ jan³ain¹-le⁴ Nai³-na¹ Jesús.

⁶ C'ia⁴ Pablo tsa³ca¹jna³son²-le⁴ ntsja³, ja³ai³j³in³ ni⁴ma⁴-le⁴ je² Espíritu Santo. Qui³nchja⁴cao⁴ xi³ cja⁴ai¹ en¹, qui³nchja⁴ya³.

⁷ Nca³ts'i³ ma³-la⁴ tsa² te³jao² cho⁴ta⁴.

⁸ Pablo ja³a³s'en³ ya⁴ya³ nt'ia³ sinagoga. Coan³n'ion¹-con³, jan²-la⁴ sa¹ qui³nchja⁴. Tsa³cja¹cao⁴ tsa³c'e¹ne²-le⁴ xi³ t'a³ts'e⁴ je² cjoa⁴te¹xo³ma³-le⁴ Ni³na¹.

⁹ To⁴nca³ ta²ja³ tsa³ca³tio² c'a³. Li²coi³ coan³cjain¹-le⁴. Ch'ao³ qui³tso² xi³ t'a³ts'e⁴ ntia⁴2-le⁴ Nai³-na¹ nqui³xcon⁴ nca³ts'i³ cho⁴ta⁴. Pablo tsa³ca³sen²xin²-le⁴, c'oa⁴ tsa³c'a³sje³j³in³-le⁴ cho⁴ta⁴-le⁴ Cristo. Nchaon³nchaon³ tsa³cja¹cao⁴ ya⁴3 nt'ia³ scoe²la⁴-le⁴ jnco³ cho⁴ta⁴ xi³ Tirano 'mi².

¹⁰ Jao² no¹ nca³ c'oa⁴coan³. C'oa⁴-s'in² nca³ nca³ts'i³ xi³ tjio¹ ya⁴ Asia, cho⁴ta⁴ judío cao⁴ cho⁴ta⁴ griego, qui³nch'oe¹ en¹-le⁴ xi³ t'a³ts'e⁴ Nai³-na¹ Jesús.

¹¹ C'oa⁴-s'in² nca³ n'ion¹ tse³ cjoa⁴xcon¹ xi³ qui³s'in³ Ni³na¹ cao⁴ ntsja³ Pablo.

¹² Sa³nta³ c'oa⁴-ti⁴ fi² ca³ni¹-le⁴ cho⁴ta⁴ xi³ tjio¹m'en³ na³jño³ pa³ne²to⁴ cao⁴ na³jño³fa³t'a³ xi³ je³tsa³ca¹t'a³ yao³-le⁴ Pablo. Ji³tjo³-ni³le⁴ nca³yi³je³ ch'in³-le⁴, cao⁴ je² ntjao⁴ xi³ nta³j³in³ xi³ tj³in¹j³in³ ni⁴ma⁴-le⁴.

¹³ C'oa⁴-ti⁴ tj³in¹ c'a³ cho⁴ta⁴ judío xi³ ma³-le⁴ ch'a²sje³ suerte xi³ to⁴ya⁴ ntia⁴2 si¹ma³. Je²

coan³me³-le⁴ nca³ qui³nchja⁴-le⁴ je² jan³⁷ain¹-le⁴ Nai³-na¹ Jesús xi³ t'a³ts'e⁴ je² xi³ ntjao⁴ xi³ nta³jin³ tjio¹jin³ ni⁴ma⁴-le⁴. C'o⁴qui³tso²-le⁴: An³ va³te³xo³ma³-no³ xi³ to⁴t'a³ts'e⁴ Jesús, je² xi³ Pablo tso²ya³.

14 Ña³to³ ma³-ni³ xti³-le⁴ jnco³ cho⁴ta⁴ judío xi³ Sceva [?]mi², xi³ na⁴⁷mi³ti¹tjon², xi³ c'o⁴qui³s'in³.

15 C'ia⁴ qui³nchja⁴ je² ntjao⁴ xi³ nta³jin³, c'o⁴qui³tso²: Je² Jesús [?]ve³-nia¹³ [?]ya³-ni³ve⁴, c'o⁴-ti⁴ [?]ve³-nia¹³ [?]ya³ cjoan³ Pablo, to⁴nca³ jon² [?]ya¹ nio¹³.

16 Je² cho⁴ta⁴x'in⁴ xi³ ntjao⁴ xi³ nta³jin³ ti¹jna³jin³ ni⁴ma⁴-le⁴ qui³squi²⁴ne²-le⁴, qui³si³qui³njen³-le⁴ xti³-ve⁴. Nqui²sa⁴ coan³-le⁴ nca³ je² cao⁴-ni³ tsa² xti³-ve⁴. C'o⁴-s'in² nca³ to⁴tsa³nca³ ya⁴ ni³⁷ya³-ve⁴, nca³ cjo³jt², nca³ qui³tsin²⁷aon³.

17 Je²-vi⁴ tsa³⁷ya³-le⁴ t'a³ts'e⁴ nca³ts'i³ xi³ tjio¹ ya⁴ Efeso, cho⁴ta⁴ judío cao⁴ cho⁴ta⁴ griego. Ña³qui³ qui³tso³cjon¹ nca³ts'i³. A³li² to⁴c'o⁴cji³ qui³tsin³nc'a³ jan³⁷ain¹-le⁴ Nai³-na¹ Jesús.

18 Cjai¹nca³ to⁴ncjin² xi³ coan³cjain¹-le⁴ xi³ ja³⁷ai³ tso²ya³nta³, c'o⁴ qui³tso² jo³ ch'ao³ qui³s'in³ xa¹-le⁴.

19 C'o⁴-ti⁴ ncjin² xi³ c'o⁴-s'in² coan³-le⁴ je² cjoa⁴ch'a²-na⁴cha⁴ ja³⁷ai³cao⁴ libro-le⁴ tjio¹va³ca¹ nqui³xcon⁴ nca³ts'i³. Tsa³c'a³sje³ cuenta jo³ tjin¹ chji¹-le⁴ xon⁴ xi³ tsa³ca³ca¹. Coan³sjai³-le⁴ nca³ ña³chan²te³ jmi³ chji¹-le⁴ nca³yi³je³.

20 C'o⁴-s'in² nca³ n'ion¹ nta³ tsa³nca³son² je² en¹-le⁴ Nai³-na¹, c'o⁴ n'ion¹ qui³s'e³-le⁴ nca³n'ion¹.

21 C'ia⁴ nca³ je³je³t'a³ je² cjoa⁴-vi⁴, c'o⁴-s'in² coan³me³-le⁴ ni⁴ma⁴-le⁴ Pablo nca³ qui³ ya⁴

Jerusalén, c'ia⁴ nca³ je³ja³a³to³ ya⁴ Macedonia cao⁴ Acaya. C'oi⁴qui³tso²: C'ia⁴ nca³ je³ti²jna⁴ ya⁴-ve⁴, c'oa⁴-la²ti⁴ ma³chjen¹ nca³ cjoia¹³ ya⁴ Roma.

22 C'ia⁴ Pablo qui³sca³ni¹ Timoteo cao⁴ Erasto ya⁴ Macedonia. Je² jao²-ve⁴ xi³ tjio¹vi³ncha¹cao⁴. To⁴nca³ Pablo tsa³c'e²jna³ jo³ tjin¹ ni⁴čhjin³ ya⁴ Asia.

Cjoa⁴si³ xi³ qui³s'e³ ya⁴ Efeso

23 C'ia⁴ a³li² to⁴jo³ xi³ cji³tse³ cjoa⁴si³ xi³ t'a³ts'e⁴ ntia⁴²-le⁴ Nai³-na¹.

24 Jnco³ cho⁴ta⁴ xi³ si¹xa¹cao⁴ taon⁴čhoa³ xi³ Demetrio 'mi², xi³ si¹nta³-ni³ taon⁴čhoa³ xco¹son²-le⁴ Diana. Cjai¹nca³ to⁴tse³ cjoa⁴ma⁴ qui³si³qui³njen³-ni³le⁴ je² xi³ ma³-le⁴ xa¹-vi⁴.

25 Tsa³c'e¹xco¹ xi¹ncjin¹ xi³ je² va¹-vi⁴ ma³-le⁴, cao⁴ xi³c'a³ xi³ ti⁴coi³-ni³ cjoa⁴ma⁴ tjin¹-le⁴. Je² Demetrio c'oi⁴qui³tso²-le⁴: Nca³ts'io³ 'ya³-nio¹³ nca³ je² xa¹-na¹vi⁴ cjai¹nca³ to⁴tse³ taon⁴ si¹qui³njen³-na¹.

26 'ya³-nio¹³, c'oa⁴ no²'ya²-nio¹³ nca³ je² Pablo c'oa⁴-s'in² qui³si³'i³nta³j³in³ ncjin² cho⁴ta⁴ nca⁴ xin² ntia⁴² qui³, a³li² tsa² to⁴'i⁴-jin² Efeso-vi⁴, to⁴nca³ me³-la⁴ tsa² nca³qui³jnta² Asia. C'oa⁴tso²-le⁴: A³li² Ni³na¹-jin² je² xi³ ntsa⁴² ma³nta³-ni³.

27 A³li² tsa² to⁴coi³-jin² cjoa⁴jcon³ xi³ tjin¹ nca³ to⁴coi³ je² cjoa⁴ma⁴ je²-vi⁴ si⁴²soa³-ni³na¹, to⁴nca³ sa³'nta³ je² yo⁴nc⁴-le⁴ na⁴-na¹ Diana taon³ jcha⁴, c'oa⁴ cjoa⁴je³ya³-le⁴ je² xco¹son²-ve⁴ xi³ ve³xcon¹ nca³ts'i³ nca³qui³jnta² Asia, c'oa⁴ nca³qui³jnta² son³'nte³, coi⁴xo⁴ya³.

28 C'ia⁴ nca³ qui³nč'oe¹ je² en¹ xo⁴ tso²-ve⁴, a³li² to⁴c'oa⁴cji³ coan³jti³-le⁴ cho⁴ta⁴-ve⁴.

Qui³squi³⁷ntia¹xa¹ c²oi⁴qui³tso²: A³li² to⁴nc²a³ ti¹jna³ je² Diana xi³ ts⁷e⁴ cho⁴ta⁴ efesios.

29 A³li² to⁴c²oa⁴cji³ cjoa⁴si³ qui³s⁷e³ ya⁴ na⁴xi⁴na³nta¹-ve⁴. To⁴jnc³ ja³⁷a³s⁷en³jtin¹ ya⁴ ⁷nte³j³in³sen¹ jña³ ma³ña³ cho⁴ta⁴. Qui³tsoa³, c²oa⁴ qui³cao⁴ Gayo cao⁴ Aristarco, cho⁴ta⁴ macedonios xi³ mi²yo⁴-le⁴.

30 Coan³me³-le⁴ Pablo nca³ cjoa⁴⁷a³s⁷en³con³-le⁴ cho⁴ta⁴ na⁴xi⁴na³nta¹, to⁴nca³ je² cho⁴ta⁴-le⁴ Cristo li²coi³ qui³tsjoa³⁷nte²-le⁴.

31 C²oa⁴-ti⁴ tjin¹ c²a³ je² xi³ ma³xtoan²ti¹tjon² ya⁴ Asia, xi³ mi²yo⁴-le⁴ Pablo, xi³ qui³si³ca³sen¹cjoa⁴-le⁴. Tsa³c²e¹ts⁷oa³-le⁴ nca³ tsi² ya⁴ coai⁴ ya⁴ ⁷nte³-ve⁴.

32 Qui³squi³⁷ntia¹ nca³ jnc¹jnc¹ c²a³ cja⁴⁷ai¹ cja⁴⁷ai¹ qui³tso². Je² junta to⁴qui³s⁷in³ jo³ qui³s⁷in³, c²oa⁴ je² xi³ nqui²sa⁴ ncjin² li²coi³ ve³ a³-ni³ve⁴ nca³ coan³ña³-ni³.

33 Tsa³c²a³sje³j³in³-le⁴ cho⁴ta⁴ncjin²-ve⁴ je² Alejandro. Je² cho⁴ta⁴ judío qui³tson²ntsja¹. C²ia⁴ Alejandro qui³sco²mi³ ntsja³, jyo¹-la² ti⁴yo³ c²oi⁴qui³tso². Me³-le⁴ nca³ tsjoa¹-le⁴ cjoa⁴qui²xi⁴ cho⁴ta⁴ na⁴xi⁴na³nta¹-ve.

34 To⁴nca³ tsa³ve³ nca³ je² ni¹ cho⁴ta⁴ judío. Ña³qui³ to⁴jnc³ jta³ qui³ nca³ts⁷i³. Jao² hora-la⁴ c²oa⁴-s⁷in² tsa³c²e¹jta³: A³li² to⁴nc²a³ ti¹jna³ je² Diana xi³ ts⁷e⁴ cho⁴ta⁴ efesio.

35 C²ia⁴ nca³ je² cho⁴ta⁴ scribano qui³si³c²e¹jyo² cho⁴ta⁴, c²oi⁴qui³tso²: Nca³ts⁷io³ cho⁴ta⁴ efesio, ⁷ya¹-ni³ cho⁴ta⁴ xi³ tjin¹ xi³ tsi²coi³ ve³ nca³ je² na⁴xi⁴na³nta¹-le⁴ cho⁴ta⁴ efesio nta³ si¹coi²nta⁴ je² xco¹son² ni³na¹ Diana, je² xco¹son² xi³ je² Júpiter

qui³sca³jen³-ni³.

³⁶ C⁷oa⁴-s⁷in²⁷ni³ ni⁴⁷ya³-jin² xi³ coan⁴ nca³ c⁷oe⁴²⁷ma³ je²-vi⁴. Cjai¹nca³ ma³chjen¹ nca³ coi⁴yo³jyo¹³, nca³ tsi² tsa³ jme³ xi³ to⁴xquia⁴ s⁷iaon⁴³.

³⁷ Jon² ca²fa²⁷ai⁴cao⁴³ je² cho⁴ta⁴-ve⁴, nca³ tsi²jme³ xi³ qui³si³che¹ ya⁴³ yo⁴nc⁴-no³, ni⁴qui³nchja⁴⁷aon³-jin²le⁴ je² ni³na¹-no³.

³⁸ Tsa² je² Demetrio cao⁴ cho⁴ta⁴ xi³ si¹xa¹cao⁴ tjin¹cao⁴-le⁴ cjoa⁴, tjin¹ cjoa⁴te¹xo³ma³, tjin¹ cho⁴ta⁴ti¹tjon². Ca²ta³va¹nqui³ xi¹ncjin¹.

³⁹ C⁷oa⁴ tsa² me³-no³ nca³ fa³nquio³ xi³ cja⁴⁷ai¹ cjoa⁴, ca²ta³s⁷e³jna³ junta jo³ tso² cjoa⁴te¹xo³ma³. C⁷oa⁴ ca²ta³s⁷e³nta³ xi³ cjoa⁴qui²xi⁴.

⁴⁰ Jo³-la²ni³ tsa² tjin¹ xi³ coa⁴²nqui³-na¹, nca³ ca²v⁷e²jna³² cjoa⁴si³ nt⁷ai⁴. A³li²coi³ coan⁴² c⁷oe⁴² en¹ a³-ni³ nca³ c⁷oa⁴-s⁷in² ca²ma³ña³-nia¹ nca⁴ tsi²jme³ cjoa⁴ xi³ tjin¹.

⁴¹ C⁷ia⁴ nca³ je³c⁷oa⁴qui³tso², tsa³c⁷e¹ne²-le⁴ nca³ts⁷i³ nca³ qui³-ni³.

20

Pablo qui³ya⁴ Macedonia cao⁴ya⁴ Grecia

¹ C⁷ia⁴ nca³ je³qui³s⁷e³ña¹ cjoa⁴si³, Pablo qui³nchja⁴-le⁴ cho⁴ta⁴-le⁴ Cristo. Tsa³c⁷e¹ne²-le⁴, qui³tsoa³cja¹, qui³-si³xa³t⁷a³, qui³ ya⁴ Macedonia.

² C⁷ia⁴ nca³ je³tsa³c⁷a³mjen³ nca³ ya⁴, a³li² to⁴c⁷oa⁴cji³ ncjin² en¹ qui³tso²ya³-le⁴, ja³⁷ai³ ya⁴ Grecia.

³ C⁷ia⁴ nca³ je³tsa³c⁷e²jna³ ya⁴-ve⁴ jan² sa¹, me³ coai⁴son²-ni³ na³nta¹ ya⁴ Siria. To⁴nca³ tsa³ca³tio²chjoa²-le⁴ je² cho⁴ta⁴ judío. C⁷ia⁴

qui³si³cja³⁷ai³tsjen³ nca³ ti⁴coai⁴to³-nca¹ni³ ya⁴ Macedonia.

⁴ Qui³cao⁴ sa³⁷nta³ Asia je² Sópater cho⁴ta⁴ xi³ ts⁷e⁴ Berea, c⁷oa⁴ je² cho⁴ta⁴ xi³ ts⁷e⁴ Tesalónica, Aristarco, Segundo, c⁷oa⁴-ti⁴ Gayo xi³ Derbe ts⁷e⁴, c⁷oa⁴ Timoteo, c⁷oa⁴ Tíquico, cao⁴ Trófimo xi ts⁷e⁴ Asia.

⁵ Je² nca³ts⁷i³ cho⁴ta⁴-vi⁴ qui³ti¹tjon². Ya⁴ qui³sco³ya²-na³jin⁴ ya⁴ Troas.

⁶ C⁷ia⁴ nca³ je³ja³⁷a³to³ ni⁴čhjin³-le⁴ je² nio⁴xti²la⁴ xi³ tsin²-le⁴ na⁴⁷yo⁴san³-jin², tsa³nquin¹-ni³jin⁴ ya⁴ Filipino. Tsa³nquin¹son²ntai¹⁴-jin⁴ cao⁴ barco. Xi³ coan³ aon²-ni³ ni⁴čhjin³, ji³cho³nč⁷oai²⁴-jin⁴ nca³ je² xi³ je³tjio¹ ya⁴ Troas. Ya⁴ tsa³qui³yoi³⁴-jin⁴ ña³to³ ni⁴čhjin³.

Tse³ qui³nchja⁴ya³ Pablo ya⁴ Troas

⁷ Ni⁴čhjin³ tai²nc⁴ coan³ña³ cho⁴ta⁴-le⁴ Cristo nca³ qui³si³xco⁴ nio⁴xti²la⁴. Pablo tsa³cja¹cao⁴ nca³ coi⁴tjo³ nca³ nchaon³-ni³. A³li² to⁴tse³ qui³nchja⁴ya³-ni³ sa³⁷nta³ va³sen³ni⁴tjen⁴.

⁸ Cjai¹nca³ to⁴ncjin² lámpara tjin¹ ja⁴ya³ cuarto ña³ nca³ tsa³ca³tio²jtin¹.

⁹ Jnc³ cho⁴ta⁴xti³ xi³ Eutico ⁷mi² ya⁴ ti¹jna³jčho³ ventana. N⁷ion¹ coan³ni³jña¹-le⁴ nca³ c⁷oa⁴-s⁷in² to⁴tse³ qui³nchja⁴ Pablo. Ya⁴ tsa³ca¹jna³fe². Qui³sca³nqui³ xi³ ma³jan²-ni³ piso. Je³qui³jna³c⁷en³ nca³ qui³sco²mi³tjen⁴.

¹⁰ C⁷ia⁴ ji³tjo³jen³ Pablo, tsa³ca¹jna³son²-le⁴ qui³tsoa³cja¹ c⁷oi⁴qui³tso²: A³li² c⁷oa⁴-jin² ma³-no³, nca⁴ ti¹jna³con³ ni⁴ma⁴-le⁴.

11 C'ia⁴ nca³ qui³mi³ nqui²ntia³-ni³ Pablo, qui³si³xcoa⁴ nio⁴xti²la⁴, tsa³cjen². A³li² to⁴c'oa⁴cji³ qui³nchja⁴ nqui²ntia³ sa³nta³ qui³s'e³-le⁴ sen¹. C'ia⁴ qui³-ni³.

12 Cho⁴ta⁴ ja³ai³cao⁴ je² cho⁴ta⁴xti³-ve⁴ nca³ ti¹jna³con³. Cjai¹nca³ to⁴tsa³c'e¹ya³tsjoa³-ni³con³ cho⁴ta⁴.

Ja³ai³ya⁴ Mitilene

13 C'oa⁴ jin⁴-jin⁴ tsa³nquin¹ti¹tjoin²⁴-jin⁴ jña³ ti¹qui³jna³ barco. Tsa³nquin¹son²ntai¹⁴-jin⁴ sa³nta³ ya⁴ Asón jña³ nca³ coan³jnco³-ni³jin⁴ cao⁴ Pablo. Je² c'oa⁴-s'in² coan³me³-le⁴ nca³ ntia⁴² ntso⁴co⁴ coai⁴-ni³.

14 C'ia⁴ nca³ coan³jncoi³⁴-jin⁴ ya⁴ Asón, qui³chjoai¹⁴-jin⁴ Pablo ja⁴ya³ chi³tso³, ja²ai⁴-jin⁴ ya⁴ Mitilene.

15 Nqui²jnco³ c'a² tsa³nquin¹son²ntai¹⁴-jin⁴ cao⁴ barco. Xi³ coan³nchaon³-ni³ ji³choi³⁴-jin⁴ ya⁴ nqui³xcon⁴ Quío. C'ia⁴ nca³ ti⁴coan³nchaon³-nca¹ni³ ya⁴ tsa³qui³yoi³⁴-jin⁴ puerto Samos. Tsa³qui³yo³cja¹yai³⁴-jin⁴ ya⁴ Trogilio. Xi³ coan³nchaon³-ni³ ji³choi²⁴-jin⁴ ya⁴ Mileto.

16 Pablo qui³si³cja³ai³tsjen³ nca³ coai⁴son²nta¹, to⁴cjoa⁴⁷a³to³qui²xi⁴ Efeso. Cai³-le⁴ nca³ si⁴²tse³ya²-le⁴ yao³-le⁴ ya⁴ Asia. Qui³si³xa¹ti¹ya³ tsa² coi³ ni⁴čhjin³ coi⁴cho³nč'oe² s'oi¹ Pentecostés ya⁴ Jerusalén.

*Pablo c'oi⁴qui³tso²-le⁴ cho⁴ta⁴jchi¹nca³-le⁴
na⁴xi⁴na³nta¹-le⁴ Cristo*

17 C'ia⁴ nca³ ti¹jna³-sa³ ya⁴ Mileto, qui³si³ca³sen¹cjoa⁴ ya⁴ Efeso. Qui³nchja⁴-le⁴ cho⁴ta⁴jchi¹nca³-le⁴ je² na⁴xi⁴na³nta¹-le⁴ Cristo.

18 C'ia⁴ nca³ ja³⁷ai³con²-le⁴ c'oi⁴qui³tso²-le⁴: Na¹nta³ tjin¹jⁱⁿ³-no³ jo³-s'in² nca³ qui³coa⁴ yao³-na⁴ c'ia⁴ nca³ tsa³ca²te⁴jna³cao⁴-no³ nca³ntsjai² sa³⁷nta³ nca³ ja²⁷a⁴s'en³ti¹tjoan² i⁴ Asia.

19 I³nta³na³nqui³ qui³si³xa¹-le⁴ je² Nai³-na¹, cjai¹nca³ to⁴tse³ nta¹xcoan³ tsa³c'e³jten³. A³li² to⁴c'oa⁴cji³ cjoa⁴ xi³ coan³t'en³ nca³ c'oa⁴-s'in² tsa³ca³tio²chjoa²-na³ je² cho⁴ta⁴ judío.

20 Ni⁴to⁴jme³-jin² xi³ coan³cai³-na³ nca³ qui³nchja²ya³jⁱⁿ³-no³ xi³ coan³chjen¹-no³, nca³ qui³xin²ya³-no³ nqui³xcon³ nca³ts'io³, c'oa⁴ xqui⁴ ni³⁷ya³-no³.

21 Qui³tsj^{oa}³-le⁴ en¹ je² cho⁴ta⁴ judío cao⁴ cho⁴ta⁴ xi³ li² judío-jin² nca³ ca²ta³si¹c' a³ntjai²ya³ cjoa⁴fa³⁷ai³tsjen³-le⁴ xi³ t'a³ts'e⁴ Ni³na¹ c'oa⁴ ca²ta³ma³cjain¹-le⁴ xi³ t'a³ts'e⁴ Nai³-na¹ Jesucristo.

22 Nt'a⁴-vi⁴ntai⁴ tsen³ ma³-na³ nca³ je² ni⁴ma⁴-na⁴ ti¹ca³ni¹-na³, ti²fi³-nia¹³ ya⁴ Jerusalén. A³li²coi³ ve³ jme³ xi³ coan⁴t'en³ ya⁴-ve⁴.

23 To⁴nca³ je³ Espíritu Santo nca³qui³jnta² na⁴xi⁴na³nta¹ tsj^{oa}¹-na³ cjoa⁴qui²xi⁴ nca³ ya⁴-xo¹ coa²te⁴jna³ nto⁴ya¹, c'oa⁴ ya⁴ cjoa³⁷a³ cjoa⁴ñ'ain³.

24 To⁴nca³ ni⁴jme³-jin² coi²nta⁴-na³. A³li²coi³ ni⁴ma⁴-na⁴ scon³-le⁴ xi³ to⁴t'a³ts'an⁴. To⁴coi³ xi³ me³-na³ nca³ nta³ si³cje³t'a³ ntia⁴²-na⁴ cao⁴ cjoa⁴tsj^{oa}³, c'oa⁴ nca³ nta³ si³cje³t'a³ je² xa¹ xi³ qui³tsj^{oa}³-na³ je² Nai³-na¹ Jesús, nca³ tsj^{oa}³ je² en¹nta³ xi³ t'a³ts'e⁴ cjoa⁴nta³-le⁴ Ni³na¹.

25 C⁷oa⁴ nt⁷ai⁴-vi⁴ tsen³ ma³-na³ nca³ li²coi³
 ti⁴cho¹⁷a³-ni³nao¹³ nca³ts⁷io³ jon²-vi⁴ xi³
 tsa³c⁷a³mjen³j³in³-no³ xi³ qui³nchja²ya³j³in³-no³ xi³
 t⁷a³ts⁷e⁴ je² cjoa⁴te¹xo³ma³-le⁴ Ni³na¹.

26 Coi³ c⁷oa⁴xin¹-no³ nt⁷ai⁴-vi⁴ nca³ tsi² tsa² an³
 v⁷a³cao⁴-na³ xi³ t⁷a³ts⁷e⁴ njin¹-no³.

27 Li²coi³ coan³cai³-na³ nca³ c⁷oa⁴-s⁷in²
 qui³nchja²ya³j³in³-no³ nca³yi³je³ jo³ tso² Ni³na¹.

28 Jon² xi³ je² Espíritu Santo tsa³qui³ncha¹nta³-no³
 nca³ si⁴coi²ntao⁴³. Jo³-ni³ tsa² va³rre² xi³ tjio¹jtin¹,
 c⁷oa⁴-s⁷in² ti⁴coi²ntao⁴³ na⁴xi⁴na³nta¹-le⁴ Nai³-na¹
 xi³ je² Nai³-na¹ qui³njen²-le⁴ xi³ ti⁴t⁷a³ts⁷e⁴-ni³ cao⁴
 njin¹-le⁴.

29 ⁷ve³-nia¹³ nca³ an³ nca³ coan⁴scan³-ni³ nca³
 cjoia¹³, cjoa⁴⁷a³s⁷en³j³in³-no³ jo³-ni³ tsa² tsen⁴² xi³
 n⁷ion¹ toan¹, xi³ li²coi³ si⁴²cha³t⁷a³-le⁴ cho⁴ta⁴-le⁴
 Cristo xi³ jo³-ni³ tsa² va³rre² tjio¹jtin¹.

30 Xi³ ti⁴jon²-nio³ coi⁴so¹tjen⁴j³in³-no³ cho⁴ta⁴ xi³
 coi⁴nchja⁴ en¹ xi³ ch⁷ao³ tj³in¹. Coan⁴me³-le⁴
 coai⁴cao⁴ cho⁴ta⁴ xi³ je² coai⁴t⁷a³-le⁴.

31 Cjia⁴to³con²³ ti⁴yo³, ca²ta³fa³⁷ai³tsjen³-no³
 nca³ jan² no¹ nca³ ni⁴čjin³ nca³ ni⁴tjen⁴ li²coi³
 tsa³ca²te⁴jna³jyoa¹³. Cao⁴ nta¹xcoan³ qui³xin²ya³-no³
 nca³ jnco¹jnco¹³ jon².

32 Nt⁷ai⁴-vi⁴ntai⁴ nca³ts⁷io³ ⁷nti¹nts⁷e³,
 si³ca³tio²cao⁴-no³ Ni³na¹ cao⁴ je² en¹ xi³ t⁷a³ts⁷e⁴
 cjoa⁴nta³-le⁴. Je² en¹ coan⁴-le⁴ tsjoa¹-no³
 nca³n⁷ion¹, tsjoa¹-no³ cjoa⁴tjao² cao⁴ nca³ts⁷i³
 cho⁴ta⁴ xi³ je³coan³tsje³.

33 Ni⁴ya³-j³in² xi³ an³ coan³xin²con³que⁴
 taon⁴čhoa³-le⁴, a³xo⁴ taon⁴si³ne²-le⁴, a³xo⁴ na³ñño³-
 le⁴.

34 Na¹nta³ ʔyao³ nca³ je² ntsa⁴ qui³si³xa¹ xi³ tʔa³tsʔe⁴ xi³ coan³chjen¹-na³, cʔoa⁴ xi³ tʔa³tsʔe⁴ xi³ tjio¹cao⁴-na³.

35 Ña³qui³ cʔoa⁴-sʔin² tsa³ca³co³-no³ nca³ cjai¹nca³ to⁴ma³chjen¹ nca³ cʔoa⁴-sʔin² ni²xa¹ nca³ coi⁴ncha³coa⁴² xi³ tjio¹mʔen³, nca³ si⁴cja³⁷ai³tsjen³² je² en¹-le⁴ Nai³-na¹ Jesús xi³ qui³tso²: To⁴nqui²sa⁴ nta³-ni¹ nca³ cʔoe⁴² cao⁴-ni³ tsa² nca³ chjoe¹.

36 Cʔia⁴ nca³ je³cʔoa⁴qui³tso² tsa³ca³sen²xco¹nchʔin³ tsa³cʔe¹tsʔoa³ cao⁴ nca³tsʔi³.

37 Cʔia⁴ ña³qui³ qui³squi³⁷ntia¹-ni³ nca³tsʔi³, qui³tsoa³cja¹ Pablo, tsa³cʔe¹tʔa³tsʔoa²-le⁴.

38 A³li² to⁴⁷aon³ coan³-le⁴ je² en¹ xi³ qui³tso² nca³ tsi² ti⁴sco¹⁷a³-ni³ je² Pablo. Qui³ ca³ni¹ ya⁴³ ntia⁴² sa³⁷nta³ jña³ qui³jna³ barco.

21

Pablo qui³ ya⁴ Jerusalén

1 Cʔia⁴ nca³ je³tsa³nquin¹tʔa³-ni³lai⁴jin⁴ tsa³nquin¹son²ntai¹⁴-jin⁴ tsa³nquin¹qui²xi⁴-ni³jin⁴ sa³⁷nta³ Cos. Xi³ coan³nchaon³-ni³ ji³choi³⁴-jin⁴ ya⁴ Rodas. Cʔia⁴ tsa³nquin¹son²ntai¹⁴-jin⁴ ya⁴ Pátara.

2 Ya⁴ qui³sa³co³jnco³-na³jin⁴ barco xi³ coai⁴ ya⁴ Fenicia, tsa³qui³yo³yai³⁴-jin⁴ tsa³nquin¹son²ntai¹⁴-jin⁴.

3 Qui³cho²tsen³tʔai³-jin⁴ ya⁴ Chipre. I⁴-sʔin² nt-sai⁴-jin⁴ nca³scoi¹⁴-jin⁴ ti¹jna³. To⁴jo³ cʔoa⁴-sʔin² tsa³nquin¹son²ntai¹⁴-jin⁴. Ji³choi³⁴-jin⁴ ya⁴ Siria, ji³choi³-nca¹ni³jin⁴ ya⁴ Tiro nca³ je² chʔa¹ xi³ yʔa³ barco-ve⁴ ya⁴ tsʔa³jen⁴.

4 Ña³to³ ni⁴čjin³ tsa³qui³yoi³⁴-jin⁴ ya⁴-ve⁴ nca³ qui³sa³co³-na³jin⁴ je² cho⁴ta⁴-le⁴ Cristo. Cho⁴ta⁴ c⁷oi⁴qui³tso²-le⁴ Pablo nca³ je² Espiritu Santo tsa³cja¹cao⁴, a³li² ʔmi³-jin²xoi¹³ ya⁴ Jerusalén.

5 C⁷ia⁴ nca³ je³ja^{3ʔ}a³to³ je² ni⁴čjin³-ve⁴ ji²tjoi⁴-jin⁴. Qui³ ca³ni¹ya³ntia³-na³jin⁴ nca³ts^ʔi³ cao⁴ ya¹nchjin¹-le⁴ cao⁴ xti³-le⁴ jña³ sa³⁷nta³ nca³ fe³t^ʔa³-ni³ na⁴xi⁴na³nta¹. Tsa³qui³ncha³xco¹nch^ʔin³⁴-jin⁴ ya⁴ ntai³na³nta¹ tsa³c⁷e²ts^ʔoai³⁴-jin⁴.

6 Qui³ni²xa³t^ʔai³⁴-jin⁴ xi²nqui⁴-jin⁴. C⁷ia⁴ tsa³nquin¹quin³⁴-jin⁴ barco. C⁷oa⁴ je² cho⁴ta⁴-ve⁴ qui³-ni³ ni³⁷ya³-le⁴.

Ji³tja³s^ʔain³-jin⁴ nt^ʔia³-le⁴ Felipe

7 C⁷oa⁴ jin⁴-jin⁴⁷ni³, ji³nčhoa³-ni³jin⁴ ya⁴ Tiro, c⁷ia⁴ nca³ je³ji³tja³to³ntai¹⁴-jin⁴, ji³choi³⁴-jin⁴ ya⁴ Tolemaida. Qui³ni²ti²⁷ntai³⁴-jin⁴ je² nts^ʔe³². Jnco³ ni⁴čjin³ tsa³qui³yo³coai⁴-jin⁴.

8 Xi³ coan³nchaon³-ni³, ji²tjoi⁴-jin⁴ Pablo cao⁴ jin⁴-jin⁴ xi³ ti³yo³coai⁴-jin⁴, ja²⁷ai⁴-jin⁴ ya⁴ Cesarea. Ya⁴ ji³tja³s^ʔain³-jin⁴ nt^ʔia³-le⁴ Felipe, je² xi³ qui³nchja⁴ya³-ni³ xi³ t^ʔa³ts^ʔe⁴ Ni³na¹. Je² ni¹ Jnco³ xi³ ña³to³ ma³-ni³. Ya⁴ tsa³qui³yo³coai⁴-jin⁴.

9 Ño³ ma³ xti³ya¹nchjin¹ xo⁴nco¹ xi³ tjin¹-le⁴ Felipe, c⁷oa⁴ xi³ qui³nchja⁴ya³-ni³ xi³ t^ʔa³ts^ʔe⁴ Ni³na¹.

10 Ncjin² ni⁴čjin³ ya⁴ tsa³qui³yo³coai⁴-jin⁴. Jnco³ xi³ qui³nchja⁴ya³ t^ʔa³ts^ʔe⁴ Ni³na¹ xi³ Agabo ʔmi² ji³nčhoa³jen³-ni³ ya⁴ Judea.

11 Ji³cho²con³-na³jin⁴. Qui³scoe¹ je² n^ʔo¹ xi³ v²e¹cja¹ Pablo. Ti⁴je²-ni³ Agabo tsa³c⁷e¹t^ʔa³n^ʔion¹ ntso⁴co⁴ cao⁴ ntsja³, c⁷oa⁴qui³tso²: Je²-vi⁴ xi³ tso² je² Espiritu

Santo. Je² cho⁴ta⁴ judío ya⁴ Jerusalén c⁷oi⁴-s⁷in² c⁷oe⁴t⁷a³n⁷ion¹ je² cho⁴ta⁴x⁷in⁴ xi³ ts⁷e⁴ n⁷o¹-vi⁴. C⁷oa⁴ si¹⁴ntsja³ cho⁴ta⁴ xi³ li² judío-jin².

12 C⁷ia⁴ nca³ qui³no²⁷yai²⁴-jin⁴ je²-vi⁴, jin⁴-jin⁴ cao⁴ je² xi³ ya⁴ n⁷te³-le⁴ tsa³c⁷e²ts⁷oa³-lai⁴jin⁴ Pablo, nca³ tsi² coai⁴mi³ ya⁴ Jerusalén.

13 C⁷ia⁴ qui³nchja⁴ Pablo: Jme¹-ni³ xi³ n⁷iaon²³ nca³ chi¹⁷nta¹-si¹nio³, to⁴ni²va³-lao⁴³ ni⁴ma⁴-na⁴. A³li² tsa² to⁴c⁷oa⁴-jin²s⁷in² ti²jna⁴nta³-nia¹³ nca³ s⁷e⁴t⁷a³n⁷ion¹-na³, c⁷oa⁴-ti⁴ ti²jna⁴nta³-nia¹³ nta³ tsa² coi⁴ya¹³-nia¹³ ya⁴ Jerusalén, xi³ to⁴t⁷a³ts⁷e⁴ je² jan³⁷ain¹-le⁴ Nai³-na¹ Jesús.

14 A³li²coi³ coan³ qui³chja³⁷a²xin²-lai⁴jin⁴, to⁴c⁷oa⁴-s⁷in² tsa³qui³yo³jyoi¹⁴-jin⁴. C⁷oa⁴tsa³c⁷in²-lai⁴jin⁴: Ca²ta³vi³tjo³son² jo³-s⁷in² me³-le⁴ Nai³-na¹.

15 C⁷ia⁴ nca³ je³ja³⁷a³to³ ni⁴čhjin³-vi⁴, tsa³c⁷e²xcoi¹⁴-jin⁴ tso³jmi²-na⁴jin⁴, tsa³nquin¹mi³-jin⁴ ya⁴ Jerusalén.

16 C⁷oa⁴-ti⁴ ji³nčhoa³cao⁴ c⁷a³-na³jin⁴ je² cho⁴ta⁴-le⁴ Cristo xi³ ya⁴ Cesarea ts⁷e⁴. Qui³cao⁴-na³jin⁴ ya⁴ ni³⁷ya³-le⁴ je² xi³ Mnasón n⁷mi², xi³ Chipre ts⁷e⁴, xi³ coa²tse³ cho⁴ta⁴-le⁴ Cristo. Je² coi⁴yo³coai⁴-jin⁴.

Qui³ts⁷oa³ Pablo ya⁴yo⁴nco⁴

17 C⁷ia⁴ nca³ ji³choi³⁴-jin⁴ ya⁴ Jerusalén, je² nts⁷e³² cjai¹nca³ to⁴nta³ qui³scoe¹tjao²-na³jin⁴ cao⁴ cjoa⁴tsjoa³-le⁴.

18 Xi³ coan³nchaon³-ni³ Pablo cao⁴ nca³ts⁷i³⁴-jin⁴ ji³tja³s⁷en³chon³-lai⁴jin⁴ Jacobo. Nca³ts⁷i³ cho⁴ta⁴jchi¹nca³ tjio¹xco¹.

19 C⁷ia⁴ nca³ je³qui³si³ti²⁷nta³, Pablo c⁷oa⁴-s⁷in² tsa³c⁷e¹tsje³ tsje³ na⁴jmi¹ jo³ tjin¹ cjoa⁴ xi³ Ni³na¹

tʰa³cʰe¹nta³jin³-le⁴ cho⁴ta⁴ xi³ li² judío-jin² xi³ tʰa³tsʰe⁴ xa¹-le⁴ Pablo.

20 Cʰia⁴ nca³ qui³nčʰoe¹ cho⁴ta⁴-ve⁴ tsʰa³sje³je³ya³ Ni³na¹. Cʰoi⁴qui³tso²-le⁴: Coe⁴-ni³ na¹nta³ ʰyai³, ʰnti¹ntsʰe³, a³li² to⁴ncjin² jmi³ cho⁴ta⁴ judío xi³ tjjin¹ xi³ je³coan³cjain¹-le⁴. Nca³tsʰi³ cjai¹nca³ nta³ si¹cji³tjo³son² cjoa⁴te¹xo³ma³.

21 To⁴nca³ qui³nčʰoe¹ xi³ tʰa³tsi⁴, nca³ cʰoa⁴-sʰin² va³co²ya³-lai⁴ nca³tsʰi³ cho⁴ta⁴ judío xi³ tjio¹cao⁴ cho⁴ta⁴ xi³ li² judío-jin² nca³ cjoa⁴a²xin²-le⁴ yao³-le⁴ en¹-le⁴ Moisés. Cʰoi⁴mi²-lai⁴ nca³ tsi² tsa² cjoa⁴circuncisión tsjoa¹-le⁴ ʰnti¹xti³-le⁴, nca³ tsi² tsa² ti⁴cʰoa¹mjen³-ni³ jo³ tjjin¹ costumbre-na¹.

22 Jme¹-ni³ xi³ ma³chjen¹-ʰni³. Cjoa⁴qui²xi⁴-jin²ni³ nca³ coan⁴xco¹ cho⁴ta⁴, nca³ cjoia⁴nčʰoe¹ nca³ ji³ ja²ʰai⁴.

23 Cʰoa⁴-la² tʰiain⁴-ʰni³, jo³ ti³ʰmi²-lai²jin⁴. Ño³ ma³-ni³ cho⁴ta⁴ xi³ tjio¹jin³-na³jin⁴ xi³ qui³tsjoa³-le⁴ tsʰoa³ Ni³na¹.

24 Tʰin³coai⁴ je²-vi⁴, ti⁴tsjai³ yao³-li⁴ cao⁴ je². Cʰoa⁴ tʰe²chji¹³ xi³ tʰa³tsʰe⁴, jme¹-ni³ nca³ cʰoe⁴²jon³-si¹ni³ ntsja⁴jco⁴. Cʰoa⁴-sʰin² ca²ta³ve³ nca³tsʰi³ nca³ tsi² tsa² cjoa⁴qui²xi⁴ jña³-le⁴ xi³ qui³nčʰoe¹ tʰa³tsi⁴, nca³ cʰoa⁴-ti⁴ ji³ cʰoa⁴-sʰin² ʰmi³coai⁴ yao³-li⁴ nca³ ni²tjo³soin²³ je² cjoa⁴te¹xo³ma³.

25 To⁴nca³ xi³ tʰa³tsʰe⁴ je² cho⁴ta⁴ xi³ li² judío-jin² xi³ je³coan³cjain¹-le⁴, cʰoa⁴-sʰin² qui³chji³-lai⁴jin⁴ nca³ cʰoa⁴-sʰin² qui³cho³son²-ni³lai⁴jin⁴ nca³ tsi² tsa² jme³ cjoa⁴ xi³ si⁴²tjo³son²-le⁴. To⁴je² xi³ ca²ta³fa³ʰa¹xin²-le⁴ yao³-le⁴ je² tso³-jmi² xi³ vʰai²tʰa³-le⁴ xco¹son², cao⁴ xi³ njin¹, cao⁴ yao³-le⁴ cho⁴ xi³

qui³cho³nto¹sin³, cao⁴xi³cjoa⁴cha³jnqui³.

26 C⁷ia⁴ Pablo qui³scoe¹ cho⁴ta⁴-ve⁴. Xi³ coan³nchaon³-ni³ qui³si³tsje³ yao³-le⁴ nca³ je². Ja³a³s⁷en³ yo⁴nco⁴ nca³ c⁷oa⁴coi⁴tso⁴ jo³ tj¹in¹ ni⁴čhjin³ coan⁴tsje³-ni³, sa³nta³ tsjoa¹t⁷a³ cjoa⁴tjao² xi³ t⁷a³ts⁷e⁴ nca³ jnco¹jnco¹.

27 C⁷ia⁴ nca³ me³ti¹fe³ nca³ ña³to³ ni⁴čhjin³, c⁷a³ cho⁴ta⁴ judío xi³ Asia ts⁷e⁴ tsa³ve³ Pablo ya⁴ yo⁴nco⁴. Tsa³c⁷e¹jna³ cjoa⁴si³ nca³ts⁷i³ cho⁴ta⁴ na⁴xi⁴na³nta¹, qui³tsoa³ Pablo.

28 C⁷oa⁴-s⁷in² qui³squi³ntia¹xa¹: Nca³ts⁷io³ n⁷ai³ israelitas ti⁴ncha³cao⁴-na³j¹in⁴. Je²-vi⁴ cho⁴ta⁴x⁷in⁴ xi³ tso²va³ ca³co¹ya³-le⁴ nca³ts⁷i³ nca³qui³jnta². Je²-vi⁴ xi³ ti¹si¹ca³tio¹ co²ntran⁴-le⁴ na⁴xi⁴na³nta¹-na¹ cho⁴ta⁴, c⁷oa⁴ co²ntran⁴-le⁴ cjoa⁴te¹xo³ma³, c⁷oa⁴ co²ntran⁴-le⁴ je² nte³-vi⁴. A³li² to⁴coi³ je²-vi⁴, sa³nta³ ja³ai³cao⁴ cho⁴ta⁴ griegos i⁴ yo⁴ncoa⁴. C⁷oa⁴-s⁷in² qui³si³jnti¹ je² nte³tsje³-vi⁴.

29 Coi³ qui³tso² nca⁴ ya⁴ na⁴xi⁴na³nta¹-ve⁴ nca³s⁷a⁴ tsa³ya³xcon³-le⁴ cao⁴ Pablo je² Trófimo xi³ Efeso ts⁷e⁴. Qui³si³cja³ai³tsjen³ nca³ je² Pablo ja³ai³cao⁴s⁷en³ yo⁴nco⁴.

30 C⁷oa⁴-s⁷in² nca³qui³jnta² na⁴xi⁴na³nta¹ qui³sa³co³ cjoa⁴si³, coan³ña³ cho⁴ta⁴. Qui³tsoa³ Pablo, tsa³c⁷a³sje³ nti³tsin³-le⁴ yo⁴nco⁴. Nti⁴ton⁴ tsa³c⁷e¹chjoa² xo⁴ntjao⁴-le⁴.

31 Coan³me³-le³ cho⁴ta⁴ nca³ si⁴c⁷en³ Pablo. Qui³tsjoa³-le⁴ cjoa⁴qui²xi⁴ je² xi³ nca³jco⁴-le⁴ so³nta²do⁴, nca³ tj¹in¹ cjoa⁴si³ nca³qui³jnta² ya⁴ na⁴xi⁴na³nta¹ Jerusalén.

32 Je²-vi⁴ni³ qui³scoe¹ nti⁴ton⁴ je² so³nta²do⁴

cao⁴ nai³-le⁴, qui³to²ca³jen³nch⁷oe² cho⁴ta⁴-ve⁴. C⁷oa⁴ cho⁴ta⁴-ve⁴ tsa³ca³tio²jyo¹-ni¹, c⁷ia⁴ nca³ tsa³ve³ je² xi³ nca³jco⁴-le⁴ cao⁴ so³nta²do⁴. Li²coi³ ti⁴qui³si³qui²aon³-ni³ Pablo.

33 C⁷ia⁴ ja³ai³ je² xi³ nca³jco⁴-le⁴ so³nta²do⁴, qui³tsoa³ Pablo. Tsa³ca³te¹xo³ma³ nca³ jao² cadena c⁷oe⁴n⁷ion¹t⁷a³. Qui³sco²na³nqui³ ⁷ya¹-la⁴ni³, c⁷oa⁴ jme¹-ni³ xi³ qui³s⁷in³.

34 Ya⁴jin³ cho⁴ta⁴ ncjin², nca³ i⁴ nca³ jan¹ qui³nchja⁴ xi³ cja⁴ai¹ qui³tso². C⁷ia⁴ nca³ li²coi³ coan³cho⁴ya³-le⁴ jña³-le⁴ xi³ cjoa⁴qui²xi⁴, nca³ c⁷oa⁴-s⁷in² to⁴tjio¹v⁷e¹jta³ncjin²ya³, tsa³ca³te¹xo³ma³-le⁴ so³nta²do⁴-le⁴ nca³ coai⁴cao⁴ ya⁴ cuartel.

35 C⁷ia⁴ nca³ ji³cho² ya⁴ escalón, je² so³nta²do⁴ tsa³c⁷a³nc⁷a³ Pablo nca³ c⁷oa⁴-s⁷in² to⁴xcon¹ tjio¹ma³s⁷in¹ cho⁴ta⁴-ve⁴.

36 A³li² to⁴c⁷oa⁴cji³ cho⁴ta⁴ ncjin² xi³ ji³nchoa³tjen⁴nqui³-le⁴, qui³squi³ntia¹xa¹: Ti⁴c⁷aon³.

Pablo nchja⁴ntjai² yao³-le⁴

37 C⁷ia⁴ nca³ je³ti¹si¹c⁷a³s⁷en³ ya⁴3 cuartel, Pablo c⁷oi⁴qui³tso²-le⁴ je² xi³ nca³jco⁴-le⁴ so³nta²do⁴: A³ c⁷oi⁴nte³-nai¹³ nca³ cjoa²cao⁴ i⁴tse¹-le²³. C⁷oa⁴ je² qui³tso²: A³ ma³-li² en¹ griego?

38 A³ tsi² tsa² ji³ je² cho⁴ta⁴ egipcio xi³ qui³cho²mi³tjain⁴ cjoa⁴si³ nca³s⁷a⁴, c⁷oa⁴ ya⁴ ⁷nte³t⁷a³xin²t⁷a³ c⁷in³coai⁴ ño³ jmi³ cho⁴ta⁴ xi³ si¹c⁷en³ c⁷en³.

39 C⁷ia⁴ c⁷oi⁴qui³tso² Pablo: An³-vi⁴ cjoa⁴qui²xi⁴ ni¹ nca³ cho⁴ta⁴ judío ⁷mi²-na³. Ya⁴ ts⁷an⁴ Tarso, jnco³ na⁴xi⁴na³nta¹ xi³ n⁷ion¹ ti¹tjon² ya⁴ na³nqui³

Cilicia. To⁴nca³ si³je¹-le²³ cjoa⁴nta³ nca³ c²oai⁴nte³-nai¹³ nca³ coi³nchja²coa⁴ cho⁴ta⁴ na⁴xi⁴na³nta¹.

40 C²ia⁴ nca³ je³qui³tsjoa³⁷nte²-le⁴, Pablo tsa³ca³sen²nto³ ya⁴ escalón, qui³sco²mi³-le⁴ ntsja³ cho⁴ta⁴ na⁴xi⁴na³nta¹. C²ia⁴ nca³ je³jyo¹ tsa³ca³tio², qui³nchja⁴cao⁴ en¹ hebrea, i⁴ qui³tso².

22

1 Nca³ts²io³ ²nti¹nts²e³, cao⁴ xi³ n²ao³ ²mi²-no³, ti⁴no¹⁷yao²³ je² cjoa⁴qui²xi⁴ xi³ tsjoa³-no³.

2 C²ia⁴ nca³ qui³nch²oe¹ nca³ en¹ hebrea qui³nchja⁴cao⁴ nqui²sa⁴ tsa³ca³tio²jyo¹. Pablo qui³tso²-le⁴:

3 An³-vi⁴ ña³qui³ cjoa⁴qui²xi⁴ ni¹ cho⁴ta⁴ judío ²mi²-na³. Ya⁴ Tarso qui³tsian³, ts²e⁴ na³nqui³ Cilicia. I⁴ coan³jcha¹ na⁴xi⁴na³nta¹-vi⁴. Je² Gamaliel qui³tso²ya³-na³ jña³-le⁴ xi³ ña³qui³ cjoa⁴qui²xi⁴ xi³ t²a³ts²e⁴ cjoa⁴te¹xo³ma³-le⁴ n²ai³jcha¹cjin³-na¹. Cjai¹nca³ nta³ qui³t²a³-le⁴ Ni³na¹ nca³ an³, jo³-ni³ nca³ jon² nca³ts²io³ nt²ai⁴-vi⁴.

4 An³-vi⁴ c²oa⁴-s²in² qui³tjen⁴nqui³ co²ntran⁴-le⁴ je² ntia⁴²-vi⁴ sa³⁷nta³ nca³ qui³si³c²en³. Tsa³c²e³t²a³n²ioan¹³, c²oa⁴ qui³sca³ni³-nia¹³ nto⁴ya¹ cho⁴ta⁴x²in⁴ cao⁴ ya¹nchjin¹.

5 Sa³⁷nta³ je² xi³ nca³jco⁴-le⁴ na⁴⁷mi³ testigo-na⁴ cao⁴ nca³ts²i³ cho⁴ta⁴jchi¹nca³. Qui³si³je¹-le⁴ xon⁴nca³n²ion¹, je² qui³squi³-le⁴ je² nts²e³²-ve⁴. Quia³ ya⁴ Damasco, nca³ cjo⁴i⁴nchoa³coa⁴ preso i⁴ Jerusalén je² xi³ ya⁴ tjio¹, jme¹-ni³ nca³ c²oa⁴-s²in² c²oai⁴-ni³le⁴ cjoa⁴ñ²ain³.

*Pablo c'oa⁴qui³tso² jo³-s'in² nca³
qui³si³c'a³ntjai²ya³cjoa⁴fa³⁷ai³tsjen³-le⁴
(Hechos 9:1-19; 26:12-18)*

6 To⁴nca³ xi³ coan³⁻⁷ni³ nca³ ti²fia³.
Je³ji³cho³chian³ ya⁴ Damasco, jo³-ni³ tsa² nchi³sen³;
to⁴ña³cjoan¹ ja³⁷a³ nca³ coan³⁷i³sen³ntai³-na³ jnco³
l'i¹ xi³ tse³ xi³ nc'a³jmi³ ji³nchoa³-ni³.

7 C'oa⁴ qui³sca³t'a³ na³nqui³, qui³nch'oe³ jnco³
xi³ qui³nchja⁴-na³: Saulo, Saulo, a¹-ni³ nca³ an³
7mi³tjen⁴nqui³ co²ntran⁴-si¹ni³nai¹³.

8 C'ia⁴ qui³nchja²-le⁴: 7ya¹-ni³ ji³-vi⁴, Señor.
C'oi⁴qui³tso²-na³: An³-nia¹³ Jesús xi³ Nazaret ts'e⁴,
xi³ ji³ ti³⁷mi³tjen⁴nqui³ co²ntran⁴-nai¹³.

9 Je² nca³ts'i³ xi³ tjen⁴coa⁴ ña³qui³ tsa³ve³ xi³
cjoa⁴qui²xi⁴ l'i¹-ve⁴, qui³tsa³cjon¹-ni¹. To⁴nca³ li²coi³
qui³nch'oe¹jta³-le⁴ je² xi³ an³ tsa³cja¹cao⁴-na³.

10 C'oi⁴qui³xian³: Jme¹-ni³ xi³ s'ian³, Señor.
C'oa⁴ je² Nai³-na¹ c'oi⁴qui³tso²-na³: Ti⁴so¹tjain⁴,
t'in³ ya⁴ Damasco, ya⁴ c'oa⁴c'oin¹-li² jña³-le⁴ xi³
ti¹s'e³jna³choa⁴-li² nca³ c'oa⁴s'ian⁴.

11 C'oa⁴ an³⁻⁷ni³, a³li²coi³ ti⁴coan³tsen³-ni³na³,
nca⁴ c'oa⁴-s'in² to⁴coan³fa³te³ l'i¹-ve⁴. To⁴qui³tsoa³
ntsa⁴ je² xi³ tjen⁴cao⁴-na³. C'oa⁴-s'in² ji³choa³ ya⁴
Damasco.

12 C'ia⁴jnco³ Ananías xi³ cho⁴ta⁴nta³, xi³ ve³xcon¹
Ni³na¹ jo³ tso² cjoa⁴te¹xo³ma³, xi³ cho⁴ta⁴nta³ tso²-
le⁴ nca³ts'i³ cho⁴ta⁴ judíos xi³ ya⁴ tjio¹,

13 ja³⁷ai³con²-na³, ja³⁷ai³ca³sen²t'a³-na³,
c'oi⁴qui³tso²-na³: Ji³ nts'e³ Saulo, ca²ta³ma³tsen³-
ni³li². C'oa⁴ an³⁻⁷ni³ nti⁴ton⁴ qui³sco³tsen³-le⁴.

14 C'oa⁴ je² Ananías c'oi⁴qui³tso²: Je² Ni³na¹-
le⁴ n'ai³jcha¹cjin³-na¹ tsa³ca³sen¹-li², jme¹-ni³ nca³

jcha⁴-si¹ni³jo³tso²nca³je², jme¹-ni³nca³cho¹tse³-
si¹ni³lai⁴je²xi³tjin¹-le⁴cjoa⁴qui²xi⁴, jme¹-ni³nca³
coi⁴no¹ya²-si¹ni³lai⁴je²en¹-le⁴ts⁷oa³.

15 Ji³ni¹³xi³testigo coain⁴xi³t⁷a³ts⁷e⁴, nca³
c⁷oi⁴-lai⁴en¹nca³ts⁷i³cho⁴ta⁴, jña³-le⁴xi³t³sa³ya³
cao⁴xi³qui³no²ya²i²³.

16 Nt⁷ai⁴-vi⁴tso²c⁷oa⁴a¹-ni³nca³vi³sen²jna³jyo¹-
si¹ni³. Ti⁴so¹tjain⁴, ca²ta³sa³te¹ntai¹³, ti⁴tsjai³je¹-li⁴
nca³no²cjoai⁴jan³ain¹-le⁴.

Pablo qui³cha³ni²-le⁴cho⁴ta⁴xi³li²judío-jin²

17 C⁷oa⁴coan³-na³c⁷ia⁴nca³ji³choa³ya⁴Jerusalén,
c⁷ia⁴nca³ti²v⁷e³ts⁷oa²³ya⁴³yo⁴nco⁴, tsa³c⁷ai²-na³
ni³jña¹.

18 Tsa³ve³-nia¹³Nai³-na¹, c⁷oi⁴qui³tso²-na³.
Ti⁴xi¹ti¹ya³, ti²tjo⁴j³in³nti⁴ton⁴Jerusalén. Ni⁴ya³-
jin²xi³i⁴scoe¹en¹-li⁴xi³t⁷a³ts⁷an⁴.

19 C⁷oi⁴qui³xin³-le⁴: Señor, ti⁴je²-ni³ve³nca³
xqui⁴nt⁷ia³sinagoga an³qui³sca³nia³nto⁴ya¹, c⁷oa⁴
qui³si³qui²oan³je²xi³coan³cjain¹-le⁴xi³t⁷a³tsi⁴.

20 C⁷ia⁴nca³qui³xi²jten⁴njin¹-le⁴Esteban, je²
testigo-li⁴, c⁷oa⁴-ti⁴an³ya⁴ti²jna⁴-je⁴. C⁷oa⁴-ti⁴
tjin¹jnc³coan³nca³qui³ni²c⁷en³. Sa³nta³an³xi³
qui³si³coi²nta⁴na³jño³-le⁴xi³qui³si³c⁷en³Esteban.

21 C⁷oi⁴qui³tso²-na³Nai³-na¹: T⁷in³nca³cjai¹nca³
cjin³sca³ni³-le²³, ya⁴jña³nca³tjio¹cho⁴ta⁴xi³li²
judío-jin².

22 Cho⁴ta⁴-ve⁴qui³nch⁷oe¹-le⁴Pablo sa³nta³je²
en¹je²-vi⁴. C⁷ia⁴n⁷ion¹qui³nchja⁴, c⁷oi⁴qui³tso²:
Chja⁴a²xin²³i⁴son³nte³-vi⁴je²cho⁴ta⁴xo⁴cji³-ve⁴.
A³li²coi³nta³nca³c⁷oe¹jna³con³.

23 C⁷oa⁴ cho⁴ta⁴-ve⁴ qui³squi³⁷ntia¹xa¹.
Qui³si³c⁷a³tsao³ na³jño³-le⁴. Qui³scoe¹ chao³,
tsa³c⁷e¹tsao³nc⁷a¹.

24 C⁷ia⁴ je² xi³ nca³jco⁴-le⁴ so³nta²do⁴
tsa³ca³te¹xo³ma³ nca³ coai⁴s⁷en³cao⁴ Pablo ya⁴³
cuartel. C⁷oa⁴ tsa³ca³te¹xo³ma³ nca³ ca²ta³ni²jtso²⁷a³
nca³ s⁷e⁴-le⁴ čhjoa⁴xin¹, jme¹-ni³ nca³ jcha⁴-si¹ni³le⁴
a³-ni³ nca³ c⁷oa⁴-s⁷in² to⁴cji³⁷ntia¹-ni³ co²ntran⁴
ts⁷e⁴.

25 C⁷ia⁴ nca³ tsa³c⁷e¹t⁷a³n⁷ion¹-ni³ cao⁴
n⁷o¹čhjoa⁴xin¹, Pablo c⁷oi⁴qui³tso²-le⁴ je² nai³-
le⁴ so³nta²do⁴ xi³ ya⁴ ti¹jna³: A³ tsjoa¹⁷nte³-no³
nca³ c⁷oa⁴-s⁷in² v⁷e²-lao⁴³ čhjoa⁴xin¹ jnco³ cho⁴ta⁴
romano xi³ cje³⁷ya³-jin²le⁴ je¹-le⁴.

26 C⁷ia⁴ nca³ je² nai³-le⁴ so³nta²do⁴ qui³nč⁷oe¹
en¹-vi⁴, qui³ c⁷e¹-le⁴ na⁴jmi¹ je² xi³ nca³jco⁴-le⁴
so³nta²do⁴, c⁷oi⁴qui³tso²: Jo¹ s⁷iain⁴, nca⁴ je² cho⁴ta⁴-
ve⁴ cho⁴ta⁴ romano ni¹.

27 C⁷oa⁴ ji³nčho³con³-le⁴ Pablo je² xi³ nca³jco⁴-
le⁴ so³nta²do⁴, c⁷oi⁴qui³tso²-le⁴: C⁷oa⁴t⁷in²-nai¹³ a³
cho⁴ta⁴ romano ni¹ nca³ ji³. C⁷oa⁴ Pablo qui³tso²:
Jaon³-na¹.

28 C⁷oa⁴ je² xi³ nca³jco⁴-le⁴ so³nta²do⁴ qui³nchja⁴:
An³ cjai¹nca³ tse³ taon⁴ qui³s⁷e³nqui³-na³ nca³
cho⁴ta⁴ romano coan³. C⁷ia⁴ Pablo qui³tso²:
To⁴nca³ an³ c⁷oa⁴-s⁷in² qui³tsian³.

29 C⁷oa⁴-s⁷in² nca³ tsa³qui³ncha³xin² nti⁴ton⁴-le⁴
je² xi³ si¹jtso²⁷a³ Pablo. C⁷ia⁴ nca³ tjin¹jⁱⁿ³-le⁴
nca³ cho⁴ta⁴ romano ni¹, sa³⁷nta³ je² xi³ nca³jco⁴-
le⁴ so³nta²do⁴ qui³tso³cjon¹ nca³ tsa³c⁷e¹t⁷a³n⁷ion¹
Pablo.

Pablo ti¹jna³ nqui³xcon⁴ junta-le⁴ cho⁴ta⁴xa¹

30 Xi³ coan³nchaon³-ni³ coan³me³-le⁴ nca³ scoe⁴ xi³ cjoa⁴qui²xi⁴ a³-ni³ nca³ cho⁴ta⁴ judío c⁷oa⁴-s⁷in² tsa³ca¹nqui³ Pablo. Qui³sco³jnta¹⁷ño¹ Pablo. Qui³nchja⁴-le⁴ je² cho⁴ta⁴ti¹tjon²-le⁴ na⁴⁷mi³ cao⁴ nca³ts⁷i³ junta-le⁴ cho⁴ta⁴xa¹. Tsa³c⁷a³sje³ Pablo. Qui³si³ca³sen²jna³ va³sen³-le⁴ nqui³xcon⁴ nca³ je².

23

1 C⁷ia⁴ Pablo qui³sco³⁷a² je² cho⁴ta⁴junta-ve⁴, c⁷oi⁴qui³tso²: Nca³ts⁷io³ ?nti¹nts⁷e³, an³ ña³qui³ nta³ ti¹jna³ ni⁴ma⁴-na⁴, jo³-s⁷in² qui³coa⁴ yao³-na⁴ nqui³xcon⁴ Ni³na¹ sa³⁷nta³ nt⁷ai⁴-vi⁴.

2 C⁷ia⁴ je² xi³ na⁴⁷mi³ti¹tjon², je² Ananías, tsa³ca³te¹xo³ma³-le⁴ je² xi³ ncha³t⁷a³-le⁴ nca³ si⁴²jtsin³⁷a³ xo⁴ ti¹tso²-ve⁴.

3 C⁷ia⁴ qui³tso²-le⁴ Pablo: Ji³ xi³ si⁴²jtsin³⁷a³-li² Ni³na¹ xjao¹ xi³ to⁴coan³ čhoai³. A³ ji³ xi³ ti³jna³-ni³ nca³ c⁷oe¹nta³jⁱⁿ³-nai¹³ jo³ tso² cjoa⁴te¹xo³ma³, c⁷oa⁴co²ntran⁴-le⁴ cjoa⁴te¹xo³ma³ va³te²xo³mai³ nca³ ni²jtsin³⁷a³-na³.

4 Je² cho⁴ta⁴ xi³ ncha³t⁷a³-le⁴ c⁷oi⁴qui³tso²: A³ c⁷oa⁴-s⁷in² to⁴ch⁷ao³ ?mi²-lai⁴ je² xi³ na⁴⁷mi³ti¹tjon²-le⁴ Ni³na¹.

5 C⁷ia⁴ je² Pablo qui³tso²: Li²coi³ tjⁱⁿ¹jⁱⁿ³-na³, nts⁷e³, tsa² je² xi³ na⁴⁷mi³ti¹tjon², nca³ c⁷oa⁴-s⁷in² tji¹t⁷a³: Je² xi³ nca³jco⁴-le⁴ na⁴xi⁴na³nta¹-li⁴, li²coi³ ch⁷ao³ c⁷oin¹-lai⁴.

6 C⁷ia⁴ nca³ Pablo ve³ nca³ jnco³ c⁷a³ cho⁴ta⁴-ve⁴ xi³ cho⁴ta⁴ saduceo, c⁷oa⁴ xi³jnco³ c⁷a³ xi³ cho⁴ta⁴ fariseo, n⁷ion¹ qui³nchja⁴ ya⁴ junta-ve⁴: Nca³ts⁷io³ ?nti¹nts⁷e³, an³ nia¹³ cho⁴ta⁴ fariseo, c⁷oa⁴ ?nti¹-le⁴ cho⁴ta⁴ fariseo. Xi³ t⁷a³ts⁷e⁴ je² cjoa⁴nta³ xi³

ti²co³ya³-le⁴ nca³ cjoa⁴⁷a¹ya³-ni³le⁴ xi³ c'en³, coi³ cjoa⁴ nca³ c'oa⁴-s'in² ti¹s'e³nta³j³in³-ni³na³ nt'ai⁴.

7 C'ia⁴ nca³ je³c'oa⁴qui³tso² qui³scan³tse³-ni¹ cho⁴ta⁴ fariseo cao⁴ cho⁴ta⁴ saduceo. Coan³jao²ya³-ni³ xi³ cho⁴ta⁴ ncjin².

8 Je² cho⁴ta⁴ saduceo c'oa⁴tso² nca³ tsin² cjoa⁴fa³⁷a¹ya³, ni⁴ts'e⁴ a²ncje⁴-jin², ni⁴ts'e⁴ espíritu-jin². To⁴nca³ je² cho⁴ta⁴ fariseo si¹qui²xi⁴ya³ nca³ jao² c'a³ cjoa⁴.

9 A³li² to⁴c'oa⁴cji³ tsa³c'e¹jta³ cho⁴ta⁴-ve⁴. Tsa³qui³so¹tjen⁴j³in³ je² cho⁴ta⁴ scribano xi³ ts'e⁴ cho⁴ta⁴ fariseo, tsa³cjao¹ti³ qui³tso²: Ni⁴to⁴jme³-jin² xi³ ch'ao³ tjin¹ ma³sjai³-na³j³in⁴ xi³ t'a³ts'e⁴ je² cho⁴ta⁴-vi⁴. Tsa² espíritu xi³ qui³nchja⁴cao⁴, a³xo⁴ tsa² a²ncje⁴, li² c'oa⁴-jin²s'in² coi⁴yo³n'ion¹-le⁴² Ni³na¹.

10 C'ia⁴ nca³ je² cjoa⁴si³-ve⁴ n'ion¹ coan³tse³, je² xi³ nca³jco⁴-le⁴ so³nta²do⁴ qui³tso³cjon¹ tsa² cho⁴ta⁴-ve⁴ si⁴²xco⁴ Pablo. Qui³nchja⁴-le⁴ so³nta²do⁴, tsa³ca³te¹xo³ma³-le⁴ nca³ cjoa⁴⁷a²xin² cjoa⁴n'ion¹ Pablo ja⁴j³in³-le⁴ cho⁴ta⁴-ve⁴, c'oa⁴ nca³ coai⁴cao⁴ ya⁴ cuartel.

11 Xi³ coan³nchaon³-ni³, c'ia⁴ nca³ coan³ njion², je² Nai³-na¹ tsa³ca³sen²t'a³-le⁴ Pablo, c'oi⁴qui³tso²-le⁴: A³li² c'oa⁴-jin² ma³-li² Pablo. Jo³-s'in² nca³ qui³ts'ai² en¹-li⁴ xi³ t'a³ts'an⁴ i⁴ Jerusalén, c'oa⁴-s'in² ma³chjen¹ nca³ c'oai⁴ en¹-li⁴ c'oa⁴-ti⁴ ya⁴ Roma.

Tsa³c'e¹nta³ne² cjoa⁴ts'en⁴ cho⁴ta⁴ judío

12 C'ia⁴ nca³ qui³s'e³sen¹, tsa³c'e¹nta³ne² cjoa⁴ts'en⁴ cho⁴ta⁴ judío. C'oa⁴-s'in² qui³tsjoa³ ts'oa³, c'oa⁴ Ni³na¹ ca²ta³tsjoa¹-na³j³in⁴ cjoa⁴ñ'ain³

qui³tso², nca³ li²coi³ coa⁴cjen⁴ ni⁴sc⁷oi¹-jin², jo³ sa³⁷nta³ nca³ si⁴²c⁷en³ Pablo.

13 Ts⁷a³to³-le⁴ ña³chan² ma³-ni³ xi³ c⁷oa⁴-s⁷in² qui³tsjoa³ ts⁷oa³.

14 Je² cho⁴ta⁴-vi⁴ qui³con³-le⁴ je² cho⁴ta⁴ti¹tjon²-le⁴ na⁴⁷mi³ cao⁴ cho⁴ta⁴jchi¹nca³, c⁷oi⁴qui³tso²: Jin⁴-jin⁴ c⁷oa⁴-s⁷in² ca²v⁷ai²⁴-jin⁴ ntso⁴⁷vai³⁴-jin⁴ nca³ Ni³na¹ ca²ta³tsjoa¹-na³jin⁴ cjoa⁴ñ⁷ain³ nca³ tsi²jme³ xi³ coi⁴chi³⁴-jin⁴ ni⁴s⁷io⁴-jin²⁴jin⁴, jo³ sa³⁷nta³ nca³ si⁴c⁷ain³⁴-jin⁴ Pablo.

15 Nt⁷ai⁴-vi⁴ tso²c⁷oa⁴, jon² cao⁴ cho⁴ta⁴xa¹junta, ti⁴cji³nch⁷oao¹³ je² xi³ nca³jco⁴-le⁴ so³nta²do⁴ nca³ ca²tji³nchoa¹jen³cao⁴ je² Pablo nchaon³-li⁴, jo³-ni³ tsa² me³-no³ nca³ nqui²sa⁴ nta³ cho¹t⁷ao³ je² cjoa⁴ xi³ t⁷a³ts⁷e⁴. C⁷oa⁴ jin⁴-jin⁴ coi⁴yo³ntai³⁴-jin⁴, jme¹-ni³ nca³ coan⁴ si⁴c⁷en³-ni³jin⁴ to⁴nqui³-ni³ nca³ je² cjo⁴cho³.

Ti³-le⁴ nti³chja³ Pablo tsa³c⁷e¹-le⁴ na⁴jmi¹

16 C⁷ia⁴ jnco³ ti³-le⁴ nti³chja³ Pablo qui³nch⁷oe¹ nca³ coai⁴ca³tio²chjoa²-le⁴. Qui³ qui³s⁷en³ ya⁴³ cuartel, tsa³c⁷e¹-le⁴ na⁴jmi¹ Pablo.

17 C⁷ia⁴ Pablo qui³nchja⁴-le⁴ jnco³ nai³-le⁴ so³nta²do⁴, c⁷oi⁴qui³tso²: T⁷in³coai⁴ ti³-vi⁴ ya⁴ ñña³ nca³ ti¹jna³ je² xi³ nca³jco⁴-le⁴ so³nta²do⁴. Tjin¹ en¹ xi³ ya⁴ c⁷oe⁴²-le⁴ na⁴jmi¹.

18 C⁷ia⁴ je² nai³-le⁴ so³nta²do⁴ qui³scoe¹ ti³-ve⁴, qui³cao⁴-le⁴ je² xi³ nca³jco⁴-le⁴ so³nta²do⁴, c⁷oi⁴qui³tso²: Je² Pablo xi³ ti¹jna³ preso ca²nchja⁴-na³, ca²v⁷e¹ts⁷oa³-na³ nca³ ca²nchoa³cao⁴-le²³ je² ti³xo⁴cji³-vi⁴. Tjin¹-xo¹ en¹ xi³ c⁷oe⁴²-li² na⁴jmi¹.

19 Je² xi³ nca³jco⁴-le⁴ so³nta²do⁴ qui³scoe¹ ntsja³ ti³-ve⁴, c⁷oa⁴ qui³cao⁴ t⁷a³xin², qui³sco²na³nqui³-le⁴: Jme¹ ni¹³ xi³ c⁷oe¹-nai¹³ na⁴jmi¹.

20 C⁷ia⁴ ti³-ve⁴ qui³nchja⁴: Je² cho⁴ta⁴ judío c⁷oa⁴-s⁷in² tjio¹jnc³con³ nca³ si⁴²je¹-li² cjoa⁴nta³, jme¹-ni³ nca³ nchaon³-li⁴ ch⁷a⁴sjai³ c⁷oin¹jen⁴cao⁴-si¹ni³ je² Pablo ya⁴ ts⁷e⁴ cho⁴ta⁴xa¹junta, jo³-ni³ tsa² nca³ nqui²sa⁴ nta³ scoi⁴na³nqui³-xo¹le⁴ jña³-le⁴ xi³ cjoa⁴qui²xi⁴.

21 C⁷oa⁴ ji³, a³li² ma³cjain¹-jin²li², nca⁴ ts⁷a³to³-la⁴ ña³chan² cho⁴ta⁴x²in⁴ xi³ ts⁷e⁴ xi³ c⁷oa⁴-s⁷in² va³tio²chjoa²-le⁴ Pablo. Je² cho⁴ta⁴ xi³ qui³tsjoa³ ts⁷oa³ nca³ Ni³na¹ ca²ta³tsjoa¹-le⁴ cjoa⁴ñ³ain³ nca³ tsi² tsa² coa⁴cjen⁴ ni⁴sc⁷oi¹-jin², jo³ sa³nta³ nca³ si⁴²c⁷en³ Pablo. C⁷oa⁴ nt⁷ai⁴-vi⁴ je³tjio¹nta³, tjio¹co³ya³-le⁴ tsi⁴ en¹.

22 C⁷ia⁴ je² xi³ nca³jco⁴-le⁴ so³nta²do⁴ qui³si³xa³t⁷a³ ti³-ve⁴. C⁷oa⁴-s⁷in² tsa³c⁷e¹ne²-le⁴, nca³ li²ya³ xi³ c⁷oa⁴coi⁴tso⁴-le⁴ nca³ c⁷oa⁴-s⁷in² je³ja³ai³c⁷e¹ na⁴jmi¹.

Pablo qui³cha³ni²t⁷a³-le⁴ Félix

23 C⁷oa⁴ qui³no²cjoa⁴-le⁴ jao² cho⁴ta⁴ xi³ nai³-le⁴ so³nta²do⁴. Je² xi³ nca³jco⁴-le⁴ so³nta²do⁴ c⁷oa⁴-s⁷in² tsa³c⁷e¹t⁷ain³-le⁴ nca³ las nueve nca³ njion² ca²ta³va³tio²nta³ jao² ciento so³nta²do⁴ xi³ coai⁴ ya⁴ sa³nta³ Cesarea, c⁷oa⁴ jan²can³ cao⁴ te³ xi³ na⁴xin¹ coa⁴tio⁴son², c⁷oa⁴ jao² ciento xi³ lanza c⁷oa⁴.

24 C⁷oa⁴-ti⁴ tsa³c⁷e¹t⁷ain³ nca³ ca²ta³sa³sen¹nta³ na⁴xin¹ cao⁴ xi²le⁴ je² xi³ Pablo c⁷oe¹jna³son², jme¹-ni³ nca³ nta³ coai⁴cao⁴-si¹ni³le⁴ je² Félix cho⁴ta⁴xa¹ti¹tjon².

25 Jnco³ xon⁴carta qui³squi³ xi³ coi³ tsa³c²e¹.

26 An³ Claudio Lisias si³ti²nta³-le²³ Félix xi³ c²oa⁴-s⁷in² to⁴nc⁷a³ gobernador:

27 Je² cho⁴ta⁴ je²-vi⁴ xi³ qui³tsoa³ je² cho⁴ta⁴ judío. Ja⁴me³ qui³si³c²en³. An³ tsa³c²a³sje³ntje²³ nca³ji³cho³coa⁴ so³nta²do⁴, nca⁴ qui³s⁷e³jin³-na³ nca³ cho⁴ta⁴ romano.

28 Coan³me³-na³ nca³ scoe³ jme³ je¹ xi³ tjin¹-le⁴, nca³ c²oa⁴-s⁷in² tsa³ca¹nqui³. Qui³cao⁴-nia¹³ ya⁴ ts⁷e⁴ cho⁴ta⁴xa¹junta xi³ ts⁷e⁴.

29 C⁷ia⁴ coan³sjai³-na³ nca³ tsa³ca¹nqui³ to⁴je² t⁷a³ts⁷e⁴ cjoa⁴te¹xo³ma³-le⁴ xi³ ts⁷e⁴. Ni⁴jnco³-jin² je¹ tjin¹-le⁴ xi³ va³quin²-le⁴ nca³ coi⁴ya¹ntjai², a³xo⁴ nca³ nto⁴ya¹ c⁷oe¹jna³.

30 To⁴nca³ tsa³c²e¹-na³ na⁴jmi¹ nca³ me³-le⁴ coa⁴tio⁴chjoa²-le⁴. C⁷oa⁴-s⁷in² tsa³ca³tio²nta³ je² cho⁴ta⁴ judío. Coi³ ji³ qui³sca³ni³ nti⁴ton⁴-ni³le²³. C⁷oa⁴-ti⁴ tsa³c²e³ne²-le⁴ je² xi³ tjio¹va¹nqui³ Pablo, nca³ ya⁴ nqui³xcoin³ c²oa⁴ca²ta³tso²-li² jme¹ ni¹³ xi³ tjin¹-le⁴ xi³ co²ntran⁴ ts⁷e⁴. Nta³ ca²ta³fi²-li² ni⁴čhjin³.

31 C⁷ia⁴ je² so³nta²do⁴ qui³scoe¹ Pablo jo³-s⁷in² nca³ qui³s⁷e³ne²-le⁴. Qui³cao⁴ nca³ njion² ya⁴ Antípatris.

32 Xi³ coan³nchaon³-ni³ ya⁴ qui³si³ca³tio¹cao⁴ xi³ na⁴xin¹ tjio¹son², nca³ je² xi³ coai⁴cao⁴. C⁷oa⁴ je² xi³c²a³ qui³si³c²o¹fa³ya³-ni³ ya⁴ cuartel.

33 C⁷ia⁴ nca³ji³cho² ya⁴ Cesarea, qui³tsjoa³-le⁴ gobernador xi³ ya⁴ ti¹jna³ je² xon⁴carta-ve⁴. C⁷oa⁴-ti⁴ qui³si³ca³sen²jna³va³sen³ Pablo nqui³xcon⁴.

34 Je² gobernador tsa³c²e¹xquia⁴ xon⁴carta-ve⁴, qui³sco²na³nqui³ jña¹ ni¹³ nte³-le⁴. Coan³jin³-le⁴

nca³ ya⁴ Cilicia ts⁷e⁴.

³⁵ Cjoi³nč⁷oe³-le²³ c⁷ia⁴ nca³ cjoa⁴⁷ai¹ je² xi³ ji³ va¹nqui³-li², qui³tso². C⁷ia⁴ tsa³ca³te¹xo³ma³ nca³ c⁷oe¹jna³ co³ya³ ya⁴ palacio-le⁴ Herodes.

24

Pablo nchja⁴ntjai² yao³-le⁴ nqui³xcon⁴ Félix

¹ C⁷ia⁴ nca³ coan³⁷aon²-ni³ ni²čhjin³, ji³cho² je² na⁴⁷mi³ti¹tjon², je² Ananías. Tjen⁴cao⁴ c⁷a³ cho⁴ta⁴jchi¹nca³, c⁷oa⁴ jnco³ xi³ ma³-le⁴ nchja⁴ya³ xi³ Tértulo ⁷mi². Ña³qui³ qui³tso²ya³-le⁴ gobernador cjoa⁴co²ntran⁴ t⁷a³ts⁷e⁴ Pablo.

² C⁷ia⁴ qui³no²cjoa⁴-le⁴. Tértulo tsa³c⁷e¹ts⁷ia⁴cao⁴ nca³ tsa³ca¹nqui³, c⁷oi⁴qui³tso²-le⁴: To^{4t}a³tsi⁴-sa³ nca³ c⁷oa⁴-s⁷in² n⁷ion¹ nch⁷an¹ ti³yoa³². A³li² to⁴ncjin² cjoa⁴ xi³ ji³ nta³ v⁷e²ntai³ xi³ t⁷a³ts⁷e⁴ cjoa⁴nta³-le⁴ je² na⁴xi⁴na³nta¹-vi⁴, xi³ to^{4t}a³tsi⁴ cjoa⁴chji⁴ne⁴.

³ Nca³ntsjai² ni⁴čhjin³ c⁷oa⁴ nca³qui³jnta²-ni¹ c⁷oa⁴-s⁷in² chjoai¹³-jin⁴ je² cjoa⁴-vi⁴. Can³ c⁷a³ c⁷oa⁴-s⁷in² v⁷ai²-lai²⁴jin⁴ cjoa⁴nta³, ji³ ⁷nti¹n⁷ai³ Félix.

⁴ To⁴nca³ cai³-na³jin⁴ nca³ to⁴sin³ to⁴nta³ ni²si³-lai²⁴jin⁴. Tjin¹-li² cjoa⁴nta³, c⁷oa⁴-s⁷in² v⁷e³ts⁷oa²-le²³ nca³ ti⁴no¹⁷ya² i⁴tse¹-na³jin⁴ jo³-s⁷in² nca³ tjin¹-li² cjoa⁴ma⁴ta³con².

⁵ C⁷oa⁴-s⁷in² tsa³⁷yai³⁴-jin⁴ je² cho⁴ta⁴-vi⁴ nca³ n⁷ion¹ ch⁷ao³ cjoan³. Je² xi³ cjo³mi³tjen⁴ cjoa⁴si³ jin³-le⁴ nca³ts⁷i³ cho⁴ta⁴ judío nca³qui³jnta² son³⁷nte³. C⁷oa⁴ je² ni¹ cho⁴ta⁴ti¹tjon²-le⁴ je² cho⁴ta⁴ nazarenos xi³ ntia⁴²t⁷a³xin²-le⁴ Ni³na¹ fi²t⁷a³-le⁴.

6 Je² xi³ c⁷oa⁴-ti⁴ coan³me³-le⁴ nca³ qui³si³jnti¹ je² yo⁴nco⁴-na⁴j⁴in⁴. Qui³nto³vai³4-jin⁴, me³-na³j⁴in⁴ nca³ cho¹t⁷a³-le⁴, jo³ tso² cjoa⁴te¹xo³ma³-na⁴j⁴in⁴.

7 To⁴nca³ je² Lisias xi³ nca³jco⁴-le⁴ so³nta²do tsa³cja³-jin³. Ña³qui³ tsa³cja¹7a³-na³j⁴in⁴ Pablo ya⁴3 ntsai⁴-jin⁴.

8 C⁷oa⁴-s⁷in² tsa³ca³te¹xo³ma³-le⁴ je² cho⁴ta⁴ xi³ va¹nqui³ nca³ ca²ta³fa³7ai³con³-li². Je² xi³ ji³ c⁷oa⁴-s⁷in² coi⁴no¹7ya²-lai⁴ c⁷oa⁴-s⁷in² cho¹son²-ni³lai⁴. C⁷oa⁴-s⁷in² jcha⁴-ni³ jme¹ cjoa⁴-ni³ nca³ fa³nqui³-ni³j⁴in⁴.

9 C⁷oa⁴-ti⁴ qui³tsjoa³ en¹ cho⁴ta⁴ judío nca³ c⁷oa⁴tjin¹ je² cjoa⁴-vi⁴.

10 C⁷ia⁴ gobernador qui³sco²mi³-le⁴ ntsja³ nca³ ca²ta³nchja⁴ Pablo. Pablo c⁷oi⁴qui³tso²: An³-vi⁴ 7ve³-nia¹3 nca³ coan³ ncjin² no¹ ji³ ti³jna³coai⁴ cjoa⁴te¹xo³ma³ i⁴ 7nte³-vi⁴. C⁷oa⁴-s⁷in² ti⁴7an³ coi³nchja²ntjai²-nia³ yao³-na⁴ cao⁴ cjoa⁴tsjoa³.

11 Ji³ jcha⁴-ni³ nca³ to⁴s⁷a⁴ te³jao² ni⁴čhjin³ nca³ qui³mia³. Qui³c⁷e³ts⁷oa²3 ya⁴ Jerusalén.

12 Ni⁴sa³jnc³ c⁷a²-jin² ti¹7ya³-na³ ya⁴ yo⁴nco⁴ nca³ cho⁴ta⁴ fa²coa⁴, ni⁴cho⁴ta⁴ncjin²-jin² v⁷e³xcoa¹3, ni⁴ ya⁴-jin² nt⁷ia³ sinagoga, ni⁴ ya⁴-jin² na⁴xi⁴na³nta¹.

13 Li²coi³ coan⁴-le⁴ si⁴2qui²xi⁴ya³-li² je² cjoa⁴, je² xi³ nt⁷ai⁴ ti¹va¹nqui³-na³.

14 To⁴nca³ je²-vi⁴ ña³qui³ c⁷oa⁴2tjin¹ coan³ nca³ c⁷oa⁴xin³-le²3, jo³-s⁷in² ntia⁴2t⁷a³xin²-le⁴ Ni³na¹ tso²-le⁴, c⁷oa⁴-s⁷in² ma³chjen¹-le⁴ an³ je² Ni³na¹-le⁴ n⁷ai³jcha¹cjin³-na⁴, c⁷oa⁴-s⁷in² ma³cjain¹-na³ nca³yi³je³ jo³-s⁷in² tji¹t⁷a³ ya⁴ cjoa⁴te¹xo³ma³, c⁷oa⁴ ya⁴ xon⁴-le⁴ je² xi³ qui³nchja⁴ya³ t⁷a³ts⁷e⁴ Ni³na¹.

15 C⁷oa⁴-s⁷in² ti²co³ya³-le⁴ xi³ t⁷a³ts⁷e⁴ Ni³na¹ nca³ cjoa⁴a¹ya³-le⁴ xi³ c⁷en³, nta³ tsa² cao⁴ cho⁴ta⁴ xi³ tjin¹-le⁴ cjoa⁴qui²xi⁴, cao⁴ cho⁴ta⁴ts⁷en⁴. C⁷oa⁴-ti⁴s⁷in²ni³ je² cho⁴ta⁴ judío co³ya³-le⁴ xi³ t⁷a³ts⁷e⁴ Ni³na¹ xi³ ti⁴coi³-ni³.

16 Coi³ nca³ ña³qui³ v⁷e³ne²-le⁴ yao³-na⁴, jme¹-ni³ nca³ nta³ ti¹jna³-si¹ni³ ni⁴ma⁴-na⁴ nca³ntsjai², nca³ tsi²jme³ je¹ xi³ tjin¹-le⁴ xi³ t⁷a³ts⁷e⁴ Ni³na¹, c⁷oa⁴ xi³ t⁷a³ts⁷e⁴ cho⁴ta⁴son³⁷nte³.

17 Ja⁴scan³-ni³ nca³ ncjin² no¹ ja³⁷a³to³, ja²⁷ai⁴ca³nia³ limosna cao⁴ cjoa⁴tjao² na⁴xi⁴na³nta¹-na⁴.

18 C⁷ia⁴ c⁷a³ cho⁴ta⁴ judío xi³ ts⁷e⁴ Asia tsa³ve³-na³ ya⁴ya³ yo⁴nco⁴, nca³ coan³tsje³ nca³ an³. Ni⁴ cao⁴ cho⁴ta⁴ncjin²-jin², ni⁴ cao⁴ cjoa⁴si³-jin² tsa³ve³-na³.

19 Je²-jin² tsa²cai³ xi³ ca²ta³fa³⁷ai³ nqui³xcoin³. C⁷oa⁴-s⁷in² ca²ta³va¹nqui³-na³ tsa² jme³-ve⁴ xi³ tjin¹-le⁴ xi³ co²ntran⁴ ts⁷an⁴.

20 Ti⁴je²-ni³ je²-vi⁴ c⁷oa⁴ca²ta³tso² tsa² qui³sa³co³sjai³-le⁴ jme³-ve⁴ xi³ qui³s⁷ian³ xi³ tsi²coi³ tsa² nta³ tjin¹, c⁷ia⁴ nca³ tsa³ca²te⁴jna³ ya⁴ nqui³xcon⁴ cho⁴ta⁴xa¹junta.

21 To⁴jnc³-jin² cjoa⁴ xi³ tjin¹-le⁴ xi³ qui³nchja²³ c⁷ia⁴ nca³ ya⁴ ti²jna⁴j³-le⁴ xi³ coi³ jo³-s⁷in² nca³ cjoa⁴a¹ya³-le⁴ nca³ts⁷i³ c⁷en³. Coi³ cjoa⁴ xi³ cji³ma³t⁷en³ nt⁷ai⁴-vi⁴.

22 Je² Félix cjai¹nca³ nta³ tjin¹j³-le⁴ jo³-s⁷in² ma³cjain¹-le⁴ je² cho⁴ta⁴-vi⁴ xi³ ntia⁴²t⁷a³xin²-le⁴ Ni³na¹ fi²t⁷a³-le⁴. Coi³ cjoa⁴ qui³sco³ya³cao⁴cjoa⁴ je² cjoa⁴-ve⁴ c⁷ia⁴ nca³ je³qui³nč⁷oe¹ nca³yi³je³ je² en¹-vi⁴ c⁷oi⁴qui³tso²: C⁷ia⁴ nca³ cjoa⁴ai¹jen³ je² Lisias xi³ nca³jco⁴-le⁴ so³nta²do⁴, c⁷ia⁴ cjoe⁴scoe³ je² cjoa⁴

xo⁴tjin¹-no³vi⁴.

23 C⁷ia⁴ Félix tsa³ca³te¹xo³ma³-le⁴ nai³-le⁴ so³nta²do⁴ nca³ si⁴²c⁷e¹jna³tjao² Pablo, nca³ si⁴²xan⁴-le⁴ cjoa⁴ñ⁷ain³. Li²coi³ qui³s⁷e³chjoa²-le⁴ je² xi¹ncjin¹ xi³ me³-le⁴ nca³ si⁴²sin³-le⁴, nca³ cjoa⁴ai¹con³-le⁴.

24 C⁷ia⁴ nca³ je³ja³a³to³ jo³ tjin¹ ni⁴čhjin³, ja³ai³ Félix cao⁴ Drusila chjon⁴²-le⁴ xi³ cho⁴ta⁴ judía ni¹. Qui³nchja⁴-le⁴ Pablo, c⁷oa⁴ qui³nč⁷oe¹-le⁴ xi³ cjoa⁴qui²xi⁴ jo³-s⁷in² ma³cjain¹-na¹ xi³ t⁷a³ts⁷e⁴ Jesu-cristo.

25 Pablo tsa³cja¹cao⁴ jo³-s⁷in² s⁷e³ne²-na¹ nca³ s⁷ian⁴² xi³ cjoa⁴qui²xi⁴, nca³ c⁷oe¹chjoa²-le⁴² yao³-na¹ xi³ t⁷a³ts⁷e⁴ cjoa⁴chi⁴con¹. C⁷oa⁴ tsa³cja¹cao⁴ jo³-s⁷in² s⁷a⁴ cjoa⁴ai¹ ni⁴čhjin³ xi³ s⁷e⁴nta³j³in³ cjoa⁴. To⁴qui³tsa³cjon¹ Félix, c⁷oi⁴qui³tso²: Nt⁷ai⁴-vi⁴ntai⁴ t⁷in-ni¹³. C⁷ia⁴ nca³ coan⁴a³-na³, coi³nchja²-le²³.

26 Félix qui³sco³ya²-le⁴ nca³ Pablo taon⁴ tsjoa¹ntjai² yao³-le⁴, jme¹-ni³ nca³ si⁴²c⁷e¹jna³ntai¹-si¹ni³. Coi³ nca³ ncjin² c⁷a³ qui³nchja⁴-le⁴, nca³ tsa³cja¹cao⁴ nca³ je².

27 C⁷ia⁴ nca³ coan³jao²-ni³ no¹, ts⁷a³ntjai²ya³ Félix. Je² qui³sa³sen³ xa¹ Porcio Festo. Coan³me³-le⁴ Félix nca³ si⁴²nt⁷e¹t⁷a³-le⁴ je² cho⁴ta⁴ judío. C⁷oa⁴-s⁷in² qui³si³c⁷e¹jna³ cjoa⁴ñ⁷ain³ Pablo.

25

Pablo qui³si³je¹-ni¹ nca³n⁷ion¹-le⁴ t⁷a³ts⁷e⁴ César

1 Je² cho⁴ta⁴xa¹ cho⁴tse⁴ Festo ja³a³s⁷en³ ya⁴nte³-le⁴. Xi³ coan³jan²-ni³ ni⁴čhjin³, qui³mi³-ni³ Cesarea, ji³cho² ya⁴ Jerusalén. Jerusalén.

2 Ya⁴ ja³⁷ai³con²-le⁴ je² cho⁴ta⁴ti¹tjon²-le⁴ na⁴⁷mi², cao⁴ cho⁴ta⁴ti¹tjon²-le⁴ cho⁴ta⁴ judío xi³ qui³tso²ya³-le⁴ cjoa⁴co²ntran⁴ t⁷a³ts⁷e⁴ Pablo. C⁷oa⁴-s⁷in² tsa³c⁷e¹ts⁷oa³-le⁴:

3 Qui³si³je¹-le⁴ cjoa⁴nta³ nca³ ca²ta³n³choa¹cao⁴ Pablo ya⁴ Jerusalén. Je² cho⁴ta⁴-ve⁴ coa⁴tio⁴chjoa²-le⁴ jme¹-ni³ nca³ si⁴²c⁷en³che¹-si¹ni³ ya⁴³ ntia⁴².

4 To⁴nca³ je² Festo c⁷oa⁴-s⁷in² qui³nchja⁴ nca³ je² Pablo ya⁴ ca²ta³v⁷e²jna³tjao² ya⁴ Cesarea. Je² soa³ ya⁴ coai⁴ nti⁴ton⁴.

5 C⁷oa⁴qui³tso²-le⁴: To⁴⁷ya³-ni³ xi³ jon²-vi⁴ xi³ tj¹in¹-no³ xa¹, ta³nquin¹jen³cao⁴-nao¹³, tsa² cjoa⁴qui²xi⁴ nca³ je¹ qui³tjen⁴-le⁴ Pablo, c⁷oa⁴ ya⁴ tja³nquio³ nca³ je².

6 To⁴j³in³-la⁴ to⁴te³-la⁴ ni⁴čhjin³ coan³tse³ya²-le⁴ Festo nca³ ya⁴ tsa³c⁷e²jna³cao⁴. C⁷ia⁴ qui³jen³ ya⁴ Cesarea. Xi³ coan³nchaon³-ni³ ji³cho²c⁷e²jna³ne² ya¹xi²le⁴-le⁴. C⁷ia⁴ qui³nchja⁴-le⁴ Pablo nca³ ca²ta³n³choa³cao⁴.

7 C⁷ia⁴ nca³ ja³⁷ai³cao⁴, jo³ coan³ma³jtin¹ntai³-le⁴ cho⁴ta⁴ judío xi³ ja³⁷ai³-ni³ ya⁴ Jerusalén. A³li² c⁷oa⁴cji³ cjoa⁴ xi³ tsa³ca¹nqui³ Pablo, cjoa⁴ xi³ li²coi³ coan³-le⁴ qui³si³qui²xi⁴ya³t⁷ain³.

8 C⁷ia⁴ qui³nchja⁴ntjai² yao³-le⁴ je² Pablo: Ni⁴jme³-jin² je¹ xi³ tsa³jnquia³, ni⁴co²ntran⁴ ts⁷e⁴ cjoa⁴te¹xo³ma³ xi³ ts⁷e⁴ cho⁴ta⁴ judío-jin², ni⁴co²ntran⁴ ts⁷e⁴ yo⁴nc⁴-jin², ni⁴co²ntran⁴ ts⁷e⁴ César-jin².

9 To⁴nca³ Festo coan³me³-le⁴ nca³ si⁴²nt⁷e¹t⁷a³-le⁴ je² cho⁴ta⁴ judío, tsa³cja¹cao⁴ Pablo, c⁷oi⁴qui³tso²: A³ me³-li² nca³ c⁷oin¹mi³ ya⁴ Jerusalén, c⁷oa⁴ ya⁴ c⁷oe¹nta³jin³-li² nca³yi³-je³ cjoa⁴-vi⁴ nqui³xcoan³

nca³ an³.

10 C⁷ia⁴ Pablo qui³tso²: I⁴ ti²jna⁴t⁷a³-le⁴ cjoa⁴te¹xo³ma³-le⁴ César, jña³ nca³ ma³chjen¹ nca³ s⁷e³nta³j³in³-na³, ni⁴jme³-j³in² cjoa⁴taon³ xi³ qui³s⁷in³-le⁴ je² cho⁴ta⁴ judío, jo³-s⁷in² nca³ cjai¹nca³ nta³ ⁷yai³ nca³ ji³.

11 Tsa² tj³in¹-na³ je¹, c⁷oa⁴ tsa² jme³ cjoa⁴ xi³ va³quin²-le⁴ nca³ coi⁴ya¹ntje²³, li²coi³ c⁷oe³ts⁷oa³ntje²³ cjoa⁴vi³ya³-na⁴. To⁴nca³ tsa² tsi² tsa² jme³ cjoa⁴ xi³ tj³in¹-ni³, jme³ xi³ va¹nqui³-ni³na³ je² cho⁴ta⁴-vi⁴, ni⁴ya³-j³in² xi³ ti⁴x⁷a⁴⁷nte³-le⁴ nca³ ya⁴ sca⁴ni²-na³ cao⁴ je² cho⁴ta⁴-vi⁴. Si³je¹-nia¹³ nca³n⁷ion¹-na⁴ t⁷a³ts⁷e⁴ César.

12 C⁷ia⁴ Festo tsa³cja¹cao⁴ cho⁴ta⁴ junta-le⁴, c⁷oi⁴qui³tso²: A³ je² César qui³ni²je¹-lai⁴ nca³n⁷ion¹. Ya⁴ c⁷oin¹chon³-lai⁴⁷ni³.

Pablo nqui³xcon⁴ Agripa cao⁴ Berenice

13 C⁷ia⁴ nca³ je³ja³⁷a³to³ jo³ tj³in¹ ni⁴čhjin³, je² cho⁴ta⁴ti¹-tjon² Agripa cao⁴ Berenice ja³⁷ai³ ya⁴ Cesa⁷rea, ja³⁷ai³ si¹xa³⁷t⁷a³ je² Festo.

14 C⁷oa⁴ ncjin² ni⁴čhjin³ ya⁴ tsa³ca³tio². Je² Festo tsa³c⁷e¹-le⁴ na⁴jmi¹ cho⁴ta⁴ti¹tjon² je² cjoa⁴-le⁴ Pablo, c⁷oi⁴qui³tso²: Je² Festo qui³si³c⁷e¹jna³ preso jnco³ cho⁴ta⁴.

15 C⁷ia⁴ nca³ quia³ ya⁴ Jerusalén, je² cho⁴ta⁴ti¹tjon²-le⁴ na⁴⁷mi³, cao⁴ je² cho⁴ta⁴jchi¹nca³-le⁴ cho⁴ta⁴ judío qui³tso²ya³-na³ cjoa⁴co²ntran⁴ xi³ t⁷a³ts⁷e⁴ Pablo. Qui³si³je¹ jnco³ cjoa⁴ñ⁷ain³ xi³ t⁷a³ts⁷e⁴ cho⁴ta⁴-ve⁴.

16 C⁷oa⁴qui³xin³-le⁴ an³, nca³ tsi² tsa³ c⁷oa⁴-s⁷in² ve³ cho⁴ta⁴ romano nca³ to⁴xquia⁴

ni²c²en³-le⁴ cho⁴ta⁴. Je²-cjoa²la² xi³ va¹nqui³, ca²ta³vi³ncha³va³sen³ cao⁴ je² xi³ fa³nqui³, jme¹-ni³ c⁷oa⁴-s⁷in² tjo¹nte³-si¹ni³le⁴ nca³ coi⁴nchja⁴ntjai² yao³-le⁴ xi³ t⁷a³ts⁷e⁴ cjoa⁴ xi³ cji³ma³t⁷ain³.

17 C⁷oa⁴-s⁷in² li²coi³ qui³si³tse³ya²³ nca³ an³, c⁷ia⁴ nca³ ja³ai³ts⁷i³ i⁴-vi⁴. Xi³ coan³nchaon³-ni³ nca³ ti²jna⁴ ya⁴ nt⁷ia³va³sen³ tsa³ca³te³xo³ma³ nca³ ca²ta³fa³ai³cao⁴ cho⁴ta⁴-ve⁴.

18 C⁷ia⁴ nca³ ncha³va³sen³ je² xi³ va¹nqui³, ni⁴jme³-jin² cjoa⁴ xi³ qui³si³c⁷a³tsen³ jo³-s⁷in² nca³ co³ya³-le⁴ tsa²cai³.

19 To⁴coi³ qui³co²ntran⁴-ni³le⁴ je² cjoa⁴ xi³ t⁷a³ts⁷e⁴ jo³-s⁷in² nca³ ve³xcon¹ Ni³na¹, c⁷oa⁴ xi³ t⁷a³ts⁷e⁴ jnco³ xi³ Jesús tsa³c⁷in² xi³ je³c⁷en³. Je² Pablo-ve⁴ c⁷oa⁴-s⁷in² qui³tso² nca³ ti¹jna³con³.

20 C⁷oa⁴ an³-ni³ to⁴jao² tjin¹-na³ je² cjoa⁴-vi⁴. C⁷oa⁴qui³xin³-le⁴ Pablo tsa² me³-le⁴ nca³ coai⁴ ya⁴ Jerusalén, c⁷oa⁴ ya⁴ s⁷e⁴nta³jjin³-le⁴ nca³yi³je³ cjoa⁴ xo⁴tjin¹-vi⁴.

21 To⁴nca³ Pablo qui³si³je¹ nca³ si⁴c⁷e¹jna³tjao²-le⁴ sa³nta³ je² Augusto cjo¹nch⁷oe¹-le⁴. C⁷ia⁴ tsa³ca³te³xo³ma³ nca³ ca²ta³ni²c⁷e¹jna³tjao² jo³ sa³nta³ nca³ sca³ni³-le⁴ je² César.

22 C⁷ia⁴ Agripa c⁷oi⁴qui³tso²-le⁴ Festo: C⁷oa⁴-ti⁴ me³-na³ nca³ cjo¹nch⁷oe³-le⁴ je² cho⁴ta⁴. Festo qui³tso²-le⁴: Nchaon³-li⁴ coi⁴noi⁷ya²-lai⁴.

Tsa³c⁷a³sje³-le⁴ cho⁴ta⁴ti¹tjon² je² Pablo

23 Xi³ coan³nchaon³-ni³ ja³ai³ Agripa cao⁴ Berenice. A³li² to⁴jo³ xi³ coan³ nca³ ja³ai³. Ja³a³s⁷en³ ya⁴ nt⁷ia³va³sen³, cao⁴ je² xi³ nca³jco⁴-le⁴

so³nta²do⁴, cao⁴ cho⁴ta⁴ti¹tjon²-le⁴ ya⁴ na⁴xi⁴na³nta¹-ve⁴. Festo tsa³ca³te¹xo³ma³ nca³ qui³chja³⁷a²-le⁴ Pablo.

²⁴ C⁷ia⁴ Festo c⁷oi⁴qui³tso²: Ji³ ni¹³ cho⁴ta⁴ti¹tjon² Agripa, cao⁴ nca³ts⁷io³ xi³ x⁷ion⁴³ xi³ i⁴ ti³yo³cao⁴-na³jin⁴, cho¹tsen³-lao⁴³ je² cho⁴ta⁴-vi⁴. Je²-vi⁴ xi³ nca³ts⁷i³ cho⁴ta⁴ judío tsa³c⁷e¹ts⁷oa³-na³ co²ntran⁴ xi³ t⁷a³ts⁷e⁴ ya⁴ Jerusalén cao⁴ i⁴-vi⁴. C⁷oa⁴-s⁷in² qui³squi³⁷ntia¹ nca³ tsi² tsa² va³quin²-le⁴ nca³ c⁷oe¹jna³con³-sa³.

²⁵ To⁴nca³ an³-vi⁴⁷ni³ c⁷oa⁴-s⁷in² tsa³⁷ve³ nca³ ni⁴jme³-jin² je¹ xi³ qui³tjen⁴-le⁴, xi³ va³quin²-le⁴ nca³ coi⁴ya²ntjai². C⁷oa⁴ je² soa³ c⁷oa⁴-s⁷in² qui³si³je¹ t⁷a³ts⁷e⁴ Augusto nca³n⁷ion¹-le⁴. Qui³sco³son²-ni³le⁴ nca³ an³ nca³ to⁴sa³ ya⁴ sca³ni³nch⁷oe²³.

²⁶ To⁴nca³ ni⁴jme³-jin² cjoa⁴qui²xi⁴ xi³ coan³sjai³-na³ xi³ squi³-ni³le⁴ je² César xi³ t⁷a³ts⁷e⁴. Coi³ xa¹-ni³ nca³ ca²v⁷a³sje³-no³ nca³ jon² je² Pablo. Ña³qui³ ji³ ni¹³ xi³ ca²v⁷a³sje³-le²³, cho⁴ta⁴ti¹tjon² Agripa. C⁷oa⁴-s⁷in² s⁷e⁴-na³ cjoa⁴qui²xi⁴ xi³ squi³ni³-le⁴ César, c⁷ia⁴ nca³ je³qui³cho²na³nqui³-le⁴² Pablo.

²⁷ C⁷oa⁴²ma³-na³ nca³ li²coi³ nta³ tjin¹ tsa² sca³nia³ jnco³ preso, tsa² tsi² jo³ xian³ jme³ cjoa⁴ xi³ tjin¹ co²ntran⁴-le⁴ nca³ je².

26

Pablo qui³nchja⁴ntjai² yao³-le⁴ nqui³xcon⁴ Agripa

¹ C⁷ia⁴ je² Agripa c⁷oi⁴qui³tso²-le⁴ Pablo: V⁷ai²⁷nte³-li² nca³ coi⁴no²cjoa⁴ntjai²³ yao³-li⁴. C⁷ia⁴ Pablo qui³sco²mi³ ntsja³ tsa³c⁷e¹ts⁷ia⁴ nca³ qui³nchja⁴ntjai² yao³-le⁴:

2 Ji³ cho⁴ta⁴ti¹tjon² Agripa jo³ to⁴ma³tsjoa³-na³ nca³ nt⁷ai⁴-vi⁴ coi³nchja²ntje²³ yao³-na⁴ nqui³xcoi³, xi³ t⁷a³ts⁷e⁴ je² nca³yi³je³ cjoa⁴ xi³ va¹nqui³-ni³na³ cho⁴ta⁴ judío.

3 Nca⁴ ji³ xi³ nqui²sa⁴ nta³ ʔyai³ nca³yi³je³ jo³-s⁷in² ve³-ni³ cho⁴ta⁴ judío, c⁷oa⁴ nca³yi³je³ cjoa⁴ xi³ fao¹ya³-ni³. C⁷oa⁴-s⁷in² t⁷ian⁴-nai¹³ cjoa⁴nta³ nca³ ti⁴no¹⁷ya²-nai¹³ nca³ sin³ nca³ nta³.

4 Nca³ts⁷i³ cho⁴ta⁴ judío tj¹jin³-le⁴ jo³-s⁷in² qui³coa⁴ yao³-na⁴ sa³⁷nta³ nca³ xtia³, jo³-s⁷in² sa³⁷nta³ nca³ ti¹tjon² tsa³ca²te⁴jna³ jin³-le⁴ na⁴xi⁴na³nta¹-na⁴ ya⁴ Jerusalén.

5 Tsa² me³-le⁴ nca³ tsjoa¹ en¹-le⁴ je² cho⁴ta⁴ judío coa²tse³ ve³-na³, nca³ an³ qui³coa⁴ yao³-na⁴ sa³⁷nta³ ti¹tjon² jo³-s⁷in² ve³-ni³ je² cho⁴ta⁴ fariseo, je² xi³ nqui²sa⁴ v⁷e¹ne²-le⁴ yao³-le⁴ nca³ ve³xcon¹ Ni³na¹.

6 Nt⁷ai⁴-vi⁴ i⁴ ti²jna⁴t⁷a³-le⁴ cjoa⁴te¹xo³ma³ xi³ t⁷a³ts⁷e⁴ je² cjoa⁴nta³ xi³ ti²co³ya³-le⁴, xi³ Ni³na¹ qui³tsjoa³-le⁴ ts⁷oa³ je² n⁷ai³jcha¹cjin³-na¹.

7 Coi³ cjoa⁴nta³ xi³ tjio¹co³ya³-le⁴ xi³ te³jao² jco⁴ya³ ntje⁴-le⁴ n⁷ai⁴jcha¹cjin³-na¹. C⁷oa⁴-s⁷in² tjio¹si¹xa¹-le⁴ Ni³na¹ nca³ntsjai² nca³ ni⁴čhjin³ nca³ ni⁴tjen⁴, nca³ tjio¹co³ya³-le⁴ nca³ s⁷e⁴-le⁴ je² cjoa⁴nta³-ve⁴. C⁷oa⁴xin³-le²³ ji³ cho⁴ta⁴ti¹tjon² Agripa nca³ to⁴t⁷a³ts⁷e⁴ je² cjoa⁴nta³ xi³ ti²co³ya³-le⁴, to⁴coi³² cjoa⁴ tjio¹va¹nqui³-ni³na³ cho⁴ta⁴ judío.

8 C⁷oa⁴ jon², a¹-ni³ nca³ tsi² ma³cjain¹-si¹ni³no³ nca³ Ni³na¹ si¹cja³⁷a¹ya³-ni³le⁴ c⁷en³.

Pablo qui³tjen⁴nqui³ co²ntran⁴-le⁴ cho⁴ta⁴-le⁴ Cristo

9 C⁷oa⁴ cjoa⁴qui²xi⁴ ni¹ nca³ an³ c⁷oa⁴-s⁷in² qui³si³cja³⁷ai³tsjen³ nca³ coan³chjen¹-na³ nca³ c⁷oa⁴qui³s⁷ian³ ncjin² cjoa⁴ co²ntran⁴-le⁴ jan³⁷ain¹-le⁴ Jesús xi³ Nazaret ts⁷e⁴.

10 C⁷oa⁴qui³s⁷ian³ ya⁴ Jerusalén. A³li² to⁴c⁷oa⁴cji³ cho⁴ta⁴-le⁴ Cristo qui³sca³nia³ ya⁴³ nto⁴ya¹. C⁷oa⁴-s⁷in² qui³tsjjoa³⁷nte²-na³ je² cho⁴ta⁴ti¹tjon²-le⁴ na⁴⁷mi³. C⁷ia⁴ nca³ qui³ni²c⁷en³, c⁷oa⁴-s⁷in² qui³tsjjoa³ en¹-na⁴ co²ntran⁴-le⁴ nca³ je².

11 Cjai¹nca³ to⁴ncjin² c⁷a³ tsa³ca¹-le⁴ nca³qui³jnta² ja⁴ya³ nt⁷ia³ sinagoga, sa³⁷nta³ cjoa⁴n⁷ion¹ qui³s⁷in³-le⁴ nca³ nchja⁴⁷aon³-le⁴ Ni³na¹. A³li² to⁴c⁷oa⁴cji³ jti³ coan³-na³ xi³ co²ntran⁴ ts⁷e⁴. Ña³qui³ c⁷oa⁴-s⁷in² qui³ co²ntran⁴-le⁴ nta³ tsa² sa³⁷nta³ jña³ nca³ xin² na⁴xi⁴na³nta¹.

*Pablo tsa³ve³ jnco³ l'i¹ ya⁴³ ntia⁴²
(Hechos 9:1-19; 22:6-16)*

12 C⁷ia⁴ nca³ c⁷oa⁴-s⁷in² qui³tjen⁴nqui³ co²ntran⁴-le⁴, quia³ ya⁴ Damasco. Y⁷a³ orden jña³ nca³ tsa³c⁷e¹ne²-na³ je² cho⁴ta⁴ti¹tjon²-le⁴ na⁴⁷mi³.

13 Ji³-lai²³ cho⁴ta⁴ti¹tjon², c⁷ia⁴ nca³ nchi³sen³, tsa³⁷ve³ ya⁴³ ntia⁴² jnco³ l'i¹ xi³ nc⁷a³jmi³ ji³nchoa³-ni³ xi³ nqui²sa⁴ to⁴fa³te³ ma³tsen³ cao⁴-ni³ tsa² ts⁷oi¹. Ña³qui³ coan³⁷i³sen³ntai³-na³ cao⁴ je² xi³ tjen⁴coa⁴.

14 Qui³tsao³tsa³cjan¹-ni³jin⁴ nca³ts⁷i³-jin⁴. Qui³nch⁷oe³-le⁴ jnco³ xi³ qui³nchja⁴-na³ nca³ en¹ hebrea: Saulo, Saulo, a¹-ni³ nca³ an³ ⁷mi³tjen⁴nqui³ co²ntran⁴-si¹ni³nai¹³. To⁴si⁴qui²oain³ yao³-li⁴, tsa² coi⁴njon¹-lai⁴ ya¹ xi³ yao³xcon¹ cji³.

15 C'ia⁴ c'oa⁴qui³xin³-le⁴: ?ya¹ ni¹³ ji³, Señor. C'oa⁴ je² Nai³-na¹ qui³tso²: An³-nia¹³ Jesús xi³ ti³⁷mi³tjen⁴nqui³ co²ntran⁴-nai¹³.

16 To⁴nca³ ti⁴so¹tjain⁴, ti⁴sen⁴ntoi³. To⁴coi³ xa¹-ni³ nca³ an³ ti²si³c'a³tsen³-le²³ yao³-na⁴, nca³ tsjoa³-le²³ xa¹ nca³ ji³ si⁴xa¹-nai¹³, c'oa⁴ testigo-na⁴ coain⁴ xi³ t'a³ts'e⁴je² cjoa⁴ xi³ ca²⁷yai³, c'oa⁴-ti⁴ testigo-na⁴ coain⁴ xi³ t'a³ts'e⁴je² cjoa⁴ xi³ s'a⁴ si³c'a³tsen³-le²³ yao³-na⁴.

17 C'oa⁴-s'in² c'oa³sje³ntjai²-le²³ xi³ t'a³ts'e⁴ cho⁴ta⁴ na⁴xi⁴na³nta¹, c'oa⁴ xi³ t'a³ts'e⁴ cho⁴ta⁴ xi³ li² judío-jin², je² xi³ sca³ni³jín³-le²³ nt'ai⁴-vi⁴,

18 jme¹-ni³ nca³ c'oa⁴-s'in² cho¹⁷ai²nqui³-si¹ni³ xcon⁴. Ca²ta³vi³tjo³-ni³ cjoa⁴njion²-le⁴, ca²ta³ma³⁷i³sen³-le⁴, ca²ta³vi³ncha³xin²-le⁴ je² nca³n'ion¹-le⁴ Satanás, ca²ta³n'choa¹t'a³-le⁴ Ni³na¹, jme¹-ni³ nca³ c'oa⁴-s'in² cha⁴t'a³-si¹ni³le⁴ je¹-le⁴, c'oa⁴ s'e⁴cjoa⁴tjao²-si¹ni³le⁴ ja⁴jín³-le⁴ je² xi³ je³coan³tsje³ nca³ ma³cjain¹-le⁴ xi³ t'a³ts'e⁴.

19 Coi³ cjoa⁴, ji³ cho⁴ta⁴ti¹tjon² Agripa, li²coi³ qui³si³ta²ja³-le⁴ yao³-na⁴ je² xi³ tsa³⁷ve³, xi³ nc'a¹ ja³⁷ai³-ni³na³.

20 To⁴sa³ nca³ ti¹tjon² qui³nchja²ya³jín³-le⁴ je² xi³ tjio¹ ya⁴ Damasco, c'ia⁴ je² xi³ tjio¹ ya⁴ Jerusalén, c'oa⁴ nca³qui³jnta² na³nqui³ Judea, cao⁴ nca³ts'i³ cho⁴ta⁴ xi³ li² judío-jin², nca³ ca²ta³si¹c'a³ntjai²ya³ cjoa⁴fa³⁷ai³tsjen³-le⁴, ca²ta³n'choa¹t'a³-le⁴ Ni³na¹. C'oa⁴ ca²ta³s'in¹ je² xi³ cjoa⁴nta³ ?mi²-le⁴², xi³ va³quin²-le⁴ je² xi³ je³qui³si³c'a³ntjai²ya³ cjoa⁴fa³⁷ai³tsjen³-le⁴.

21 To⁴t'a³ts'e⁴ je² cjoa⁴ xo⁴tjin¹-vi⁴ je² cho⁴ta⁴

judío qui³tsoa³-na³ ya⁴³ yo⁴nco⁴. Coan³me³-le⁴ nca³ si⁴²c⁷en³-na³.

22 To⁴nca³ Ni³na¹ tsa³ca³sen¹cao⁴-na³. To⁴jo³ c⁷oa⁴ti²s⁷ian³ sa³⁷nta³ nt⁷ai⁴-vi⁴. C⁷oa⁴-s⁷in² ti²tsjoa³-le⁴ en¹-na⁴, nta³ tsa³ cho⁴ta⁴ xi³ tjen⁴nqui³, nta³ tsa² cho⁴ta⁴ti¹tjon². A³li²jme³-sa³ xi³ cja⁴⁷ai¹ xi³ xian³, to⁴je² nca³yi³je³ cjoa⁴ xi³ je² cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹ cao⁴ Moisés c⁷oa⁴qui³tso² nca³ c⁷oa⁴coan⁴.

23 Je² c⁷oa⁴qui³tso² nca³ je² Cristo cjoa⁴⁷a³ cjoa⁴ñ⁷ain³, c⁷oa⁴ nca³ je² ti¹tjon² cjoa⁴⁷a¹ya³jⁱⁿ³-ni³le⁴ c⁷en³. C⁷oa⁴-s⁷in² coa⁴co²-le⁴ cjoa⁴⁷i³sen³ cho⁴ta⁴ na⁴xi⁴na³nta¹ cao⁴ cho⁴ta⁴ xi³ li² judío-jin².

24 C⁷ia⁴ nca³ Pablo c⁷oa⁴-s⁷in² qui³nchja⁴ntjai² yao³-le⁴, je² Festo n⁷ion¹ qui³nchja⁴: Sca¹-la⁴li² Pablo, to⁴coi³-la⁴ cjoa⁴chji⁴ne⁴-li⁴ si¹sca¹ya³-ni³li².

25 To⁴nca³ Pablo qui³tso²: A³li² sca¹-jin²na³, ji³-lai²³ Festo, xi³ c⁷oa⁴-s⁷in² to⁴nc⁷a³ ti³jnai³. Ña³qui³ en¹qui²xi⁴ xi³ nchja²³, c⁷oa⁴ nta³ tjin¹coan³.

26 Je² cho⁴ta⁴ti¹tjon² ve³ nca³yi³je³ cjoa⁴-vi⁴. C⁷oa⁴-ti⁴ ma³n⁷ion¹coan³ nca³ fa²coa⁴ nca³ je². Li²coi³ si³cja³⁷ai³tsjen³ nca³ tji¹⁷ma³-le⁴ nca³yi³je³ je²-vi⁴, nca³ tsi² tsa² to⁴jña³-jin² ncho²ño³ c⁷oa⁴coan³.

27 A³ ma³cjain¹-li² cho⁴ta⁴ti¹tjon² Agripa, t⁷a³ts⁷e⁴ je² xi³ qui³tso² je² cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹. ve³-nia¹³ nca³ ma³cjain¹-li².

28 C⁷ia⁴ Agripa c⁷oa⁴qui³tso²-le⁴ Pablo: Ji³ to⁴choa³tse³-ni¹ ni²⁷i³nta³jⁱⁿ³-nai¹³ nca³ cho⁴ta⁴-le⁴ Cristo coan⁴.

29 C⁷ia⁴ qui³nchja⁴ Pablo: Jo¹ to⁴nta³ tsa² to⁴jo³-s⁷in²ni³ tsjoa¹-no³ Ni³na¹ nca³ to⁴choa³tse³-ni¹ a³xo⁴

n⁷ion¹ tse³ c⁷oa⁴ca²ta³mao³ jo³-ni³ an³. A³li² to⁴ji³-jin², c⁷oa⁴ nca³ts⁷i³ nio¹³ xi³ i⁴ ti³no²⁷ya²-nao¹³vi⁴ nt⁷ai⁴-vi⁴. To⁴je² xi³ ti¹t⁷a³n⁷ion¹-na³ xi³ mai³.

30 C⁷ia⁴ nca³ je³c⁷oa⁴qui³tso² nca³yi³je³ en¹-vi⁴, tsa³qui³so¹tjen⁴ je² cho⁴ta⁴ti¹tjon² cao⁴ je² gobernador cao⁴ Berenice cao⁴ je² nca³ts⁷i³ xi³ ya⁴ tsa³ca³tio²cao⁴.

31 Tsa³cjao¹t⁷a³xin², c⁷oi⁴qui³tso²-le⁴ xi¹ncjin¹: Ni⁴to⁴jme³-jin² cjoa⁴ xi³ s⁷in¹ je² cho⁴ta⁴-vi⁴ xi³ va³quin²-le⁴ nca³ coi⁴ya¹ntjai², ni⁴nto⁴ya¹-jin².

32 Je² Agripa c⁷oi⁴qui³tso²-le⁴ Festo: Coan⁴-ni¹ tsa²cai³ nca³ cha⁴ni²ntai¹ cho⁴ta⁴-vi⁴, tsa² tsi² tsa² c⁷oa⁴-s⁷in² qui³si³je¹ nca³n⁷ion¹-le⁴ xi³t⁷a³ts⁷e⁴ César.

27

Pablo qui³son² na³nta¹ cao⁴ barco sa³⁷nta³ Roma

1 Je³c⁷oa⁴-s⁷in² qui³s⁷e³nta³ cjoa⁴ nca³ coa⁴nquin¹soin²⁴-jin⁴ na³nta¹ cao⁴ chi³tso³ sa³⁷nta³ Italia. Je² Pablo cao⁴ xi³c⁷a³ preso qui³cha³ni²t⁷a³-le⁴ jnco³ nai³-le⁴ so³nta²do⁴ xi³ Julio ⁷mi². Je² Julio ts⁷e⁴ so³nta²do⁴ xi³ y⁷a³ jan³⁷ain¹-le⁴ Augusta.

2 C⁷ia⁴ tsa³nquin¹yai³⁴-jin⁴ jnco³ barco xi³ ya⁴ Adramitio ts⁷e⁴, xi³ cjoa⁴⁷a³to³ je² na⁴xi⁴na³nta¹-le⁴ Asia xi³ tjio¹ntai³-le⁴ nta¹chi³con³. C⁷oa⁴-ti⁴ je² Aristarco, jnco³ cho⁴ta⁴ macedonio xi³ Tesalónica ts⁷e⁴, qui³cao⁴-na³jin⁴.

3 Xi³ coan³nchaon³-ni³, ji³choi³⁴-jin⁴ ya⁴ Sidón. Je² Julio cjai¹nca³ to⁴nta³ tsa³ve³con³ Pablo. C⁷oa⁴-s⁷in² qui³tsjao³⁷nte²-le⁴ nca³ coai⁴con³-le⁴ mi²yo⁴-le⁴, jme¹-ni³ nca³ si⁴²sin³-ni³le⁴.

4 C[?]ia⁴ c[?]oa⁴-s[?]in² tsa³nquin¹⁴-jin⁴, jo³-s[?]in² v[?]e¹ ntjao⁴. C[?]oa⁴-s[?]in² tsa³nquin¹son²ntai¹⁴-jin⁴ xi³ncoa³-ni³ ya⁴ [?]nte³ Chipre, nca⁴ je² ntjao⁴-ve⁴ xi³ cja⁴?ai¹-s[?]in² qui³.

5 Ya⁴ tsa³qui³ma³toi³⁴-jin⁴ nta¹chi³con³ ya⁴ Cilicia cao⁴ ya⁴ Panfilia. Ya⁴ qui³ni²ca³sen²jnai³⁴-jin⁴ barco ya⁴ Mira, na⁴xi⁴na³nta¹ ya⁴?nte³ Licia.

6 Je² nai³-le⁴ so³nta²do⁴ qui³so³co³-le⁴ jnco³ barco xi³ ts[?]e⁴ Alejandria xi³ ti¹fi²son²nta¹ ya⁴ Italia. Ya⁴ qui³si³ca³tio¹ya³-na³jin⁴.

7 A³li² to⁴ncjin² ni⁴čhjin³ qui³n[?]iain²⁴-jin⁴ nca³ toi⁴² tsa³nquin¹son²ntai¹⁴-jin⁴. To⁴s[?]a⁴ ya⁴ Gnido ji³choi³⁴-jin⁴ to⁴coi³ nca³ li²coi³ qui³tsjoa³⁷nte²-na³jin⁴ je² ntjao⁴. To⁴ji³tja³cja¹nqui³-lai⁴jin⁴ ya⁴ [?]nte³ Creta, xi³ qui³jna³t[?]a³-le⁴ [?]nte³ Salmón.

8 A³li² to⁴ñ[?]ain³ ji³tja³toi³⁴-jin⁴, ji³choi³⁴-jin⁴ jnco³ [?]nte³ jña³ nca³ Buenos Puertos [?]mi², čhian³-ni³le⁴ jña³-ni³ ti¹jna³ je² na⁴xi⁴na³nta¹ Lasea.

9 Je³ja³⁷a³to³ ncjin² ni⁴čhjin³. Je³xcon¹ chon³ nca³ tsa³nquin¹son²ntai¹⁴-jin⁴, nca⁴ je³ja³⁷a³to³ ni⁴čhjin³ c[?]ia⁴ nca³ tsa³ca³tio²nchjan³ s[?]oi¹. Pablo c[?]oa⁴-s[?]in² tsa³c[?]e¹ne²-le⁴,

10 c[?]oi⁴qui³tso²-le⁴: Nca³ts[?]io³ [?]ve³-nia¹³ nca³ cjai¹nca³ to⁴ñ[?]ain³ cjoian¹, c[?]oa⁴ tse³ si⁴cha¹, li² tsa² to⁴je² ch[?]a¹-ve⁴, li² tsa² to⁴je² barco-vi⁴, to⁴nca³ c[?]oa⁴-ti⁴ ña¹-vi⁴ si⁴cha³² yao³-na¹ tsa² cjoian¹.

11 To⁴nca³ je² nai³-le⁴ so³nta²do⁴ nqui²sa⁴ coan³cjain¹-le⁴ xi³ qui³tso² je² xi³ ti¹ca³ni¹ barco, c[?]oa⁴ xi³ qui³tso² je² nai³-le⁴ barco, cao⁴-ni³ tsa² je² xi³ qui³tso² Pablo.

12 C[?]oa⁴ je² [?]nte³-ve⁴ li²coi³ nta³ chon³, li²coi³

coan⁴ nca³ coi⁴yoi³⁴-jin⁴ je² chan⁴nch⁷an¹. Je² xi³
nqui²sa⁴ ncjin² ma³-ni³ c⁷oa⁴-s⁷in² tsa³cjao¹⁷a³ nca³
ya⁴ cjoa³⁷a³, tsa² coan⁴ nca³ coi⁴cho³ ya⁴ Fenice,
nca³ ya⁴ cjoa³⁷a³to³-le⁴ je² chan⁴nch⁷an¹. Ya⁴ Fenice
jnco³ puerto xi³ ts⁷e⁴ Creta, xi³ co³tsen³t⁷a³ jña³
nca³ ca³ntjai²-ni³ ts⁷oi¹.

Ja³⁷ai³ne²-le⁴ jtsi¹ntjao⁴

13 C⁷ia⁴ nca³ to⁴jvi³ ti¹fa³⁷a³ je² ntjao⁴ xi³ sur
fa³⁷ai³-ni³, qui³si³cja³⁷ai³tsjen³ nca³ts⁷i³ nca³
je³ja³⁷ai³-le⁴ xi³ me³-le⁴. Qui³son²nta¹-ni³, qui³
čhian³-ni³le⁴ ya⁴ ntai³-le⁴ ?nte³ Creta.

14 To⁴nca³ ti⁴a³ ja³⁷ai³-ni³ jnco³ ntjao⁴ xi³ n⁷ion¹
tjen⁴, xi³ Euroclidón ?mi².

15 Ntjao⁴-ve⁴ qui³scoe¹-le⁴ barco-ve⁴.
Li²coi³ ti⁴qui³jcho¹cjoa⁴-ni³le⁴. To⁴c⁷oa⁴-s⁷in²
qui³ts⁷ai²⁷nte³-lai⁴jin⁴ jo³-s⁷in² v⁷e¹ ntjao⁴. C⁷oa⁴-
s⁷in² je² ntjao⁴-ve⁴ qui³cao⁴-na³jin⁴.

16 To⁴ña³qui³ qui³-ni¹ ji³cho²ca³t⁷a³ jnco³
na³nqui³⁷nti¹ xi³ isla ?mi², jan³⁷ain¹-le⁴ Claudia
?mi². To⁴ya³ qui³chjoai¹⁴-jin⁴ chi³tso³.

17 C⁷ia⁴ nca³ qui³scoe¹ chi³tso³, qui³s⁷e³t⁷a³n⁷o¹.
Tsa³c⁷e¹t⁷a³n⁷ion¹ je² barco-ve⁴. Cjai¹nca³
to⁴qui³tso³cjon¹-le⁴, tsa² ya⁴ sca⁴jin³ je² tso⁴mi¹
xi³ Sirte ?mi². Tsa³c⁷a³jen³ je² na³jño³ xi³ qui³tjen⁴,
to⁴c⁷oa⁴-s⁷in² ntjao⁴-ve⁴ qui³cao⁴.

18 N⁷ion¹ ñ³ain³ ti¹s⁷in¹ nca³ ña³qui³ ja³⁷ai³
jtsi¹ntjao⁴. Cjai¹nca³ ch⁷ao³ qui³si³cao⁴. Xi³
coan³nchaon³-ni³ qui³si³c⁷a³tsao³ ch⁷a¹-le⁴.

19 Xi³ coan³jan²-ni³ ni⁴čhjin³ cao⁴ ntsai⁴-jin⁴
ña³qui³ qui³ni²c⁷a³tsoai³⁴-jin⁴ je² tso³jmi²-le⁴ barco-
ve⁴.

20 Ncjin² ni⁴čhjin³ li²coi³ coan³tsen³ ni⁴ts⁷oi¹-jin², ni⁴ni³ño³-jin². Ti⁴c⁷oa⁴-s⁷in² ja³⁷ai³ne²-nca¹ni³na³jin⁴ jtsi¹ntjao⁴, li² to⁴jo³ xi³ coan³. Li²coi³ qui³cho³ya²-lai⁴jin⁴ nca³ coi²tjo⁴ntjai²⁴-jin⁴.

21 Je³coan³ ncjin² ni⁴čhjin³ nca³ tsa³qui³yo³nchjain³⁴-jin⁴. C⁷ia⁴ je² Pablo tsa³ca³sen²nto³ nca³va³sen³-le⁴, c⁷oi⁴qui³tso²: Nqui²sa⁴-la² nta³ tsa²cai³ n⁷ai³, tsa² c⁷oa⁴-s⁷in² qui³no²⁷ya²-nao¹³. Li²coi³-ni³ ji²tjo⁴-nia³² Creta tsa²cai³. Li²coi³ c⁷oa⁴-s⁷in² cji³ma³t⁷en³² tsa²cai³.

22 To⁴nca³ nt⁷ai⁴-vi⁴ntai⁴ v⁷e³ts⁷oa²³-no³ ti⁴n⁷ion¹ta³con²³. Ni⁴to⁴jnc³-jin²la² xi³ ña¹ coi⁴ya¹. To⁴je² barco-ve⁴ xi³ si⁴cha³².

23 Nt⁷ai⁴ je² ni⁴tjen⁴-vi⁴ tsa³ca³sen²t⁷a³-na³ je² a²ncje⁴-le⁴ Ni³na¹, je² xi³ an³ c⁷oa⁴-s⁷in² fi³t⁷a³-le⁴, c⁷oa⁴ je² xi³ an³ si³xa¹-le⁴.

24 C⁷oa⁴qui³tso²-na³: Pablo, a³li² jcon³-jin²³. Cjai¹nca³ to⁴ma³chjen¹ nca³ ya⁴ coi⁴choi³ nqui³xcon⁴ César. Coe⁴-ni³ Ni³na¹ c⁷oa⁴-s⁷in² qui³tsjoa³-li² nca³ts⁷i³ xi³ ji³ tjio¹fi²cao⁴-li².

25 Coi³ n⁷ai³, c⁷oa⁴-s⁷in² ti⁴n⁷ion¹ta³con²³ nca³ jon². An³ c⁷oa⁴-s⁷in² n⁷ion¹t⁷a³coan³ Ni³na¹ nca³ c⁷oa⁴-s⁷in² si³cji³tjo³son² jo³ qui³tso²-na³.

26 To⁴nca³ ma³chjen¹ nca³ coi⁴cho³ca³t⁷a³-le⁴² jnc³ isla, jnc³ na³nqui³⁷nti¹.

27 Xi³ je³coan³ te³ño³ ni⁴tjen⁴. C⁷ia⁴ qui³cao⁴ ya⁴jin³ na³nta¹ xi³ Adriático ⁷mi². C⁷ia⁴ nca³ coan³ va³sen³ni⁴tjen⁴, je² cho⁴ta⁴ xi³ si¹xa¹ ya⁴ barco c⁷oa⁴qui³tso² nca³ je³cji³ma³čhian³t⁷a³-le⁴ na³nqui³.

28 Qui³si³c⁷a³tjen⁴jin³ je² xi³ v⁷e¹cho⁴ya³ jo³ cji³ na⁴nca⁴ na³nta¹. Tsa³c⁷e¹choa⁴. Can³-la⁴ na³nca³

qui³jna³ na³nta¹. C⁷ia⁴ qui³ nqui²i⁴tse¹-nca¹ni³,
ti⁴nqui²jnc³ c⁷a² ti⁴qui³si³c⁷a³tjen⁴j³in³-nca¹ni³ je²
xi³ v⁷e¹cho⁴ya³; čhja³aon² na³nca³ ji³cho².

29 Cjai¹nca³ to⁴qui³t³sa³cjon¹ tsa² ya⁴
coi⁴cho³ca³t⁷a³ ⁷nte³ jña³ c⁷oa⁴ to⁴tjin¹ la⁴jao⁴. Ño³
qui⁴cha⁴ xi³ jo³-ni³ tsa² ya¹nčhji⁴ qui³si³c⁷a³tjen⁴j³in³
ya⁴ to²ts⁷in³ barco, jme¹-ni³ nca³ tsi² ya⁴ s⁷e⁴t⁷a³-
ni³ la⁴jao⁴. Jo³ coan³ me³-le⁴ nca³ nt⁷ai⁴cjoan¹
ca²ta³s⁷e³sen¹.

30 Je² nca³ts⁷i³ xi³ ya⁴ si¹xa¹ ya⁴3 barco-ve⁴ me³-
le⁴ nca³ to⁴coai⁴che¹. Qui³sca³ni¹j³in³ na³nta¹ je²
chi³tso³. To⁴c⁷oa⁴qui³s⁷in³ jo³-ni³ tsa² me³-le⁴ nca³
sca⁴ni¹nto³-sa³ je² qui⁴-cha⁴nčhji⁴ ya⁴jco⁴ barco-ve⁴.

31 Je² Pablo c⁷oi⁴qui³tso²-le⁴ je² nai³-le⁴ so³nta²do⁴
cao⁴ so³nta²do⁴. Tsa² je² nca³ts⁷i³ cho⁴ta⁴-vi⁴ li²coi³
coa⁴tio⁴ i⁴ barco-vi⁴, jon² li²coi³ coi²tjo⁴ntjao²³.

32 C⁷ia⁴ je² so³nta²do⁴ tsa³ca³te³ je² n⁷o¹ xi³
tjio¹t⁷a³n⁷ion¹-ni³ je² chi³tso³. To⁴c⁷oa⁴-s⁷in²
qui³sca³ni¹ nca³ to⁴je².

33 C⁷ia⁴ nca³ je³qui³s⁷e³sen¹, Pablo tsa³c⁷e¹ts⁷oa³-
le⁴ nca³ts⁷i³ nca³ ca²ta³cjen², c⁷oi⁴qui³tso²-le⁴: Nt⁷ai⁴-
vi⁴ te³ño³-ni³ ni⁴čhjin³ nca³ c⁷oi⁴-s⁷in² ti³cho³yao²³
ti³yo³nchjaon³, nca³ ni⁴to⁴jme³-jin² xi³ qui³chi³nao³.

34 Coi³ nca³ v⁷e³ts⁷oa²³-no³ nca³ ti⁴cho³, jme¹-
ni³ nca³ s⁷e⁴-si¹ni³no³ nca³n⁷ion¹. Ni⁴jnc³-jin²la²
ntsja⁴jco³ nca³ts⁷io³-vi⁴ xi³ cha⁴.

35 C⁷ia⁴ nca³ je³c⁷oa⁴qui³tso², qui³scoe¹ nio⁴xti²la⁴,
qui³tsjoa³-le⁴ cjoa⁴nta³ Ni³na¹ nqui³xcon⁴ nca³ts⁷i³.
Qui³si³xcoa⁴ tsa³cjen².

36 C⁷ia⁴ qui³sa³tio²nta³-ni³con³ nca³ts⁷i³. C⁷oa⁴-ti⁴
tsa³cjen² nca³ je².

37 Jao² ciento cao⁴-ni³ jan²can³ cao⁴-ni³ čhja³⁷aon²jnc³ mai³⁴-jin⁴ xi³ ya⁴ ti³yo³yai³⁴-jin⁴ barco-ve⁴.

38 C⁷ia⁴ nca³ je³coan³squi³, qui³si³tja⁴-sa³ barco-ve⁴, ya⁴ qui³si³c⁷a³tjen⁴jin³ nta¹chi³con³ je² ch⁷a¹ trigo.

Coan³xcoa⁴ barco-ve⁴

39 C⁷ia⁴ nca³ je³qui³s⁷e³sen¹, li²coi³ ve³ je² na³nqui³. To⁴nca³ tsa³ve³ jnc³ nte³ jña³ tji¹tin³ xi³ to⁴ya⁴ntai³-le⁴ ña³qui³ tso⁴mi¹ ncha³. C⁷oa⁴-s⁷in² qui³si³cja³⁷ai³tsjen³ nca³ ya⁴ si⁴²ca³sen¹jna³ barco tsa² coan⁴.

40 C⁷ia⁴ tsa³c⁷a³sje³ca³⁷a³ je² qui⁴cha⁴nčhji⁴, ya⁴ tsa³c⁷e¹jna³jin³-le⁴ nta¹chi³con³. C⁷oa⁴-ti⁴ qui³sca³ni¹nto³ je² n⁷o¹ xi³ tjio¹t⁷a³ ya⁴ to²ts⁷in³-le⁴ barco, xi³ c⁷oa⁴-s⁷in² tsjoa¹ coi²nta⁴ jo³-s⁷in² fi² barco. Qui³sca³ni¹mi³nc⁷a³ je² na³jño³ xi³ ti¹tjon² tjen⁴nc⁷a³ jo³-s⁷in² fi²-ni³ ntjao⁴. Qui³ sa³⁷nta³ jña³ nca³ na³nqui³ tjin¹.

41 C⁷ia⁴ nca³ ji³cho² jnc³ nte³ jña³ nca³ jao² na³nta¹ sa³te¹cjao³, ya⁴ qui³si³ca¹jna³ barco-ve⁴. Ya⁴ jco⁴ qui³sca³t⁷a³n⁷ion¹, li²coi³ ti⁴coan³ qui³si³cjan³-ni³. C⁷oa⁴ ya⁴ to²ts⁷in³ qui³tjo³cjao³ nca³ to⁴je² nca³n⁷ion¹-le⁴ na³nta¹.

42 C⁷ia⁴ tsa³cjao¹ya³-ni³ so³nta²do⁴. Coan³me³-le⁴ nca³ si⁴²c⁷en³ je² preso, jme¹-ni³ nca³ tsi² ya³ xi³ coan⁴nca³-ni³ nca³ coai⁴jin³nta¹.

43 To⁴nca³ je² nai³-le⁴ so³nta²do⁴ coan³me³-le⁴ nca³ c⁷oa⁴sje³ntjai² Pablo. To⁴tsa³c⁷e¹chjoa²-le⁴ je² cjoa⁴fa³⁷ai³tsjen³-le⁴. C⁷oa⁴-s⁷in² tsa³ca³te¹xo³ma³

ʔya³ xi³ ma³-le⁴ cjen³nta¹, ca²ta³fi²ti¹tjon²,
ca²ta³fi³cho¹ jña³ nca³ na³nqui³ tjin¹.

44 C⁷oa⁴ je² xi³c⁷a³ ca²ta³fi²son², tsa² ya¹te³, tsa²
to⁴jña³-ni³le⁴ tso³jmi² xi³ ts⁷e⁴ barco. C⁷oa⁴coan³
ji³tjo³ntjai² ña³qui³ nca³ts⁷i³. Ji³cho² jña³ nca³
qui³jna³ na³nqui³.

28

Pablo ya⁴ Malta

1 C⁷ia⁴ nca³ je³ji²tjo⁴ntjai²⁴-jin⁴, c⁷ia⁴ tsa³⁷yai³⁴-jin⁴
nca³ je² ʔnte³-ve⁴ Malta ʔmi².

2 Je² cho⁴ta⁴yo⁴ma⁴ xi³ ya⁴ tjio¹ cjai¹nca³ to⁴nta³
tsa³ve³-na³jin⁴. Tsa³c⁷e¹tse³ l^ʔi¹. Qui³tsjoa³⁷nte²-
na³jin⁴ nca³ts⁷i³⁴-jin⁴ nca³ cji³v⁷a³ jtsi¹. A³li²
to⁴nch⁷an¹ coan³.

3 Pablo tsa³c⁷e¹xco¹ ya¹xi⁴, tsa³qui³ncha¹jin³ l^ʔi¹.
Jnco³ ye⁴ qui³to²ca³-le⁴ l^ʔi¹ nca³ coan³sjoe²-le⁴.
Qui³ts⁷on¹jon³ ya⁴ ntsja³ Pablo.

4 C⁷ia⁴ nca³ je² cho⁴ta⁴yo⁴ma⁴ tsa³ve³ je² ye⁴, nca³
c⁷oa⁴-s⁷in² qui³tjen⁴v⁷a³nqui³-ni³ ntsja³ Pablo, nca³
i⁴ nca³ jan¹ qui³tso²-le⁴ xi¹ncjin¹: Cjoa⁴qui²xi⁴²-la⁴
je² cho⁴ta⁴-vi⁴ xi³ si¹c⁷en³ c⁷en³. Ji³tjo³ntjai²-ni³
nta¹chi³con³, to⁴nca³ xi³ tjin¹-le⁴ cjoa⁴qui²xi⁴ li²coi³
si¹c⁷e¹jna³con³.

5 To⁴nca³ Pablo tsa³c⁷e¹tsao³jne³jin³ l^ʔi¹ je² ye⁴-ve⁴.
Ni⁴jme³-jin² xi³ coan³-le⁴.

6 Nca³ts⁷i³ tjio¹co³ya³-le⁴, c⁷ia⁴ tsa² coi⁴tjo³ya³,
c⁷oa⁴ tsa² sca⁴ts⁷o¹tjen⁴, nca³ coi⁴ya² nti⁴ton⁴. Tse³
qui³sco³ya³-le⁴. Tsa³ve³ nca³ ni⁴jme³-jin² xi³ coan³-
le⁴. Tsa³ca³tio²jyo¹. Ni³na¹-la⁴vi⁴, c⁷oi⁴qui³tso².

7 Ya⁴ ʔnte³-ve⁴ cjai¹nca³ to⁴tjin¹-le⁴ na³nqui³ je² cho⁴ta⁴ti¹tjon² xi³ Publio ʔmi². Je²-vi⁴ xi³ qui³tsjoa³ʔnte²-na³jín⁴, jan² ni⁴čhjin³ nta³ tsa³qui³yo³coai⁴-jin⁴.

8 Xi³ coan³ je² nʔai³-le⁴ Publio ti¹qui³jna³son² na⁴chan³, ti¹mʔen³. Ntʔai⁴ tjin¹-le⁴ cao⁴ chʔin³njin¹. Pablo ja³a³sʔen³con³-le⁴. Cʔia⁴ nca³ je³tsa³cʔe¹tsʔoa³, ntsja³ tsa³ca¹jna³son², ña³qui³ coan³nta³-ni¹.

9 Cʔia⁴ nca³ cʔoa⁴coan³, cʔoa⁴-ti⁴ je² xi³cʔa³ xi³ tjio¹mʔen³-ve⁴ ya⁴ ʔnte³-ve⁴, ji³cho²nčʔoe². Ña³qui³ coan³nta³-ni¹.

10 A³li² to⁴cʔoa⁴cji³ tso³jmi² cjoa⁴tjao² qui³tsjoa³-na³jín⁴. Cʔia⁴ nca³ tsa³nquin¹⁴-jin⁴, ncjin² jco⁴ya³ tso³jmi² xi³ coan⁴chjen¹-na³jín⁴ ya⁴ ntia⁴², qui³tsjoa³-na³jín⁴.

Pablo ji³cho²ya⁴ Roma

11 Cʔoa⁴-sʔin² xi³ coan³ jan² sa¹ tsa³nquin¹yai³⁴-jin⁴ jnco³ barco xi³ tsʔe⁴ Alejandria. Ya⁴ ʔnte³-ve⁴ tsa³cʔe²jna³ je² chan⁴nchʔan¹ xi³ je³ja³a³to³. Tji¹choa⁴-le⁴ barco-ve⁴ je² ni³ño³ xi³ Cástor cao⁴ Pólux ʔmi².

12 Cʔia⁴ nca³ ji³choi³⁴-jin⁴ ya⁴ Siracusa, jan² ni⁴čhjin³ tsa³qui³yoi³⁴-jin⁴ nca³ ya⁴.

13 Nca³ ya⁴ tsa³cʔe²tin³soin²⁴-jin⁴, sa³ʔnta³ ji³choi³⁴-jin⁴ ya⁴ Regio. Xi³ coan³nchaon³-ni³ je² ntjao⁴ ji³tjo³mi³-ni³ nca³ qui²xi⁴-le⁴ son³ʔnte³. Cʔoa⁴-sʔin² xi³ coan³ jao²-ni³ ni⁴čhjin³ ji³choi³⁴-jin⁴ ya⁴ Puteoli,

14 jña³ qui³sa³te³jin³-jin⁴ cho⁴ta⁴-le⁴ Cristo. Tsa³c⁷e¹ts⁷oa³-na³jin⁴ nca³ coi⁴yo³coi⁴-jin⁴ ña³to³ ni⁴čhjin³. C⁷ia⁴ ya⁴ ji³nčhoa³-ni³jin⁴ sa³nta³ Roma.

15 Ya⁴ qui³nčh⁷oe¹ je² nts⁷e³², ji³cho² cja³a¹ya³ntia³-na³jin⁴ ya⁴ sa³nta³ nti⁴tsin⁴-le⁴ Apio, c⁷oa⁴-ti⁴ jña³ Jan² Hotel ⁷mi². C⁷ia⁴ nca³ je² Pablo tsa³ve³ cho⁴ta⁴-ve⁴, qui³tsjoa³-le⁴ cjoa⁴nta³ Ni³na¹, se¹coan³je³con³.

16 C⁷ia⁴ nca³ ji³choi³⁴-jin⁴ ya⁴ Roma, je² nai³-le⁴ so³nta²do⁴ qui³tsjoa³-le⁴ je² xi³ nca³jco⁴-le⁴ so³nta²do⁴ nca³ts⁷i³ preso. To⁴nca³ je² Pablo tsa³c⁷ai²⁷nte³-le⁴ nca³ c⁷oe¹jna³ nca³ to⁴je², cao⁴ jnco³ so³nta²do⁴ xi³ si⁴²coi²nta⁴.

Pablo nchja⁴ya³ya⁴ Roma

17 C⁷ia⁴ nca³ je³coan³ jan² ni⁴čhjin³, Pablo qui³nchja⁴-le⁴ je² cho⁴ta⁴ti¹tjon²-le⁴ cho⁴ta⁴ judío. C⁷ia⁴ nca³ je³coan³xco¹, c⁷oi⁴qui³tso²-le⁴: Nca³ts⁷io³ ⁷nti¹nts⁷e³, ni⁴to⁴jme³-jin² xi³ qui³s⁷ian³ co²ntran⁴-le⁴ na⁴xi⁴na³nta¹, c⁷oa⁴ co²ntran⁴-le⁴ costumbre-le⁴ cho⁴ta⁴jchi¹nca³-na¹. Ya⁴ qui³si²⁴ntsja³-na³ preso ya⁴ Jerusalén ya⁴ ntsja³ cho⁴ta⁴ romano.

18 C⁷ia⁴ nca³ je³qui³cho²t⁷a³-na³, coan³me³-le⁴ qui³sca³ni¹ntai¹-na³, nca³ tsi² tsa² jme³ je¹ tjin¹-na³ xi³ va³quin²-le⁴ nca³ coi⁴ya¹ntje²³.

19 To⁴nca³ cja⁴⁷ai¹ qui³tso² je² cho⁴ta⁴ judío. Cjoa⁴n⁷ion¹ qui³si³je¹-nia¹³ nca³n⁷ion¹-na⁴ t⁷a³ts⁷e⁴ César. An³-vi⁴ ni⁴jme³-jin² xi³ tjin¹-na³ nca³ na³nqui³-na³ coa³nqui³-nia³.

20 To⁴je² cjoa⁴-vi⁴ nca³ ca²nchja²-ni³no³, nca³ scoe³-no³ nca³ cjoa²cao⁴-no³. To⁴t⁷a³ts⁷e⁴ je²

cjoa⁴nta³ xi³ ti¹co³ya³-le⁴ cho⁴ta⁴ judío nca³ c⁷oa⁴-s⁷in² tji¹t⁷a³n⁷ion¹-nia³.

21 C⁷ia⁴ c⁷oi⁴qui³tso²-le⁴: To⁴nca³ jin⁴-jin⁴ ni⁴jme³-jin² xon⁴ ja³⁷ai³-ni³na³jin⁴ xi³ t⁷a³tsi⁴ ya⁴ Judea. Ni⁴jnc³-jin² nts⁷e³² xi³ ja³⁷ai³ ca¹nqui³-li², xi³ ja³⁷ai³ nchja⁴ xi³ ch⁷ao³ tjin¹ xi³ t⁷a³tsi⁴.

22 To⁴nca³ jin⁴-jin⁴ me³-na³jin⁴ coi⁴no¹⁷ya²-lai²⁴jin⁴ jo³ si³ nca³ ji³. Je³⁷yai³⁴-jin⁴, nca³qui³jnta² nte³ tjin¹ xi³ cja⁴⁷ai¹ tso² xi³ ntia⁴² t⁷a³xin² Ni³na¹ tso²-le⁴.

23 Cho⁴ta⁴-ve⁴ tsa³c⁷e¹jna³choa⁴-le⁴ jnc³ ni⁴čhjin³ c⁷ia⁴ nca³ ncjin² xi³ ja³⁷ai³con²-le⁴ Pablo ya⁴ nt⁷ia³ jña³ nca³ tsa³c⁷e²jna³. Pablo ña³qui³ qui³tso²ya³-le⁴ nca³ ta⁴njon² jo³ sa³⁷nta³ nca³ coan³xon², qui³tsjoa³-le⁴ en¹ xi³ t⁷a³ts⁷e⁴ je² cjoa⁴te¹xo³ma³-le⁴ Ni³na¹. Qui³si³⁷i³nta³jin³ cho⁴ta⁴-ve⁴ xi³ t⁷a³ts⁷e⁴ Jesús jo³ tso² cjoa⁴te¹xo³ma³-le⁴ Moisés cao⁴ xon⁴-le⁴ je² xi³ qui³nchja⁴ya³ t⁷a³ts⁷e⁴ Ni³na¹.

24 Tjin¹ c⁷a³ xi³ coan³cjain¹-le⁴ je² cjoa⁴ xi³ qui³tso²ya³ Pablo. To⁴nca³ tjin¹ c⁷a³ xi³ tsi² coan³cjain¹-le⁴.

25 Ti⁴ya⁴ qui³scan³cao⁴-ni³ xi¹ncjin¹, c⁷ia⁴ nca³ tjio¹fi². Pablo c⁷oi⁴qui³tso²-le⁴ je² en¹-vi⁴: Je² Espíritu Santo cjai¹nca³ nta³ tsa³cja¹cao⁴ je² n⁷ai³jcha¹cjin³-na¹ c⁷ia⁴ nca³ c⁷oa⁴-s⁷in² qui³nchja⁴ya³ Isaías.

26 C⁷oa⁴qui³tso²: T⁷in³chon¹-lai⁴ je² na⁴xi⁴na³nta¹-ve⁴, c⁷oa⁴t⁷in²-lai⁴: Coi⁴no¹⁷ya²-nio³ xo⁴ño³, to⁴nca³ li²coi³ coan⁴cho⁴ya³-no³. Cho¹tsen³-nio³ xcon³, to⁴nca³ li²coi³ jchao⁴³.

27 Je² ni⁴ma⁴-le⁴ je² cho⁴ta⁴ na⁴xi⁴na³nta¹-vi⁴

to⁴ña³qui³tjio¹ta²ja³-ni¹. Xo⁴ño³to⁴ya³qui³nch⁷oe¹-ni³. Xcon⁴t³sa³c⁷e¹chjoa²nqui³, jme¹-ni³nca³tsi²ve³-ni³xcon⁴, nca³tsi²nch⁷oe¹-ni³xo⁴ño³, nca³tsi²coan⁴cho⁴ya³-ni³le⁴ni⁴ma⁴-le⁴, nca³tsi²si⁴2c⁷a³ntjai²ya³yao³-le⁴nca³si⁴2c⁷o¹fa³ya³t⁷a³-na³, nca³an³si³xqui³-le⁴.

28 C⁷oa⁴-s⁷in²t⁷e²jⁱⁿ3ta³con²³tso²c⁷oa⁴nca³Ni³na¹qui³si³ca³sen¹-le⁴je²cho⁴ta⁴xi³li²judío-jin²je²cjoa⁴nta³-ve⁴, jo³-s⁷in²v⁷a³sje³ntjai²-na¹Ni³na¹. Je²cho⁴ta⁴xi³li²judío-jin²cjoi⁴nch⁷oe¹-ni¹.

29 C⁷ia⁴nca³je³c⁷oa⁴qui³tso², je²cho⁴ta⁴judíoji³tjo³. Ña³qui³to⁴t³sa³cjao¹ya³tse³-ni³nca³ts⁷i³.

30 Je²Pablojao²no¹t³sa³c⁷e²jna³jnc³ni³ya³xi³to⁴t³sa³c⁷e¹chji¹. Cao⁴cjoa⁴tsjao³qui³scoe¹tjao²nca³ts⁷i³xi³ja³ai³con²-le⁴.

31 C⁷oa⁴-s⁷in²qui³nchja⁴ya³xi³t⁷a³ts⁷e⁴cjoa⁴te¹xo³ma³-le⁴Ni³na¹. Qui³tso²ya³je²cjoa⁴xi³t⁷a³ts⁷e⁴Nai³-na¹Jesucristo. Ña³qui³qui³tjo³nte³-le⁴nca³qui³tso²ya³, li²ya³xi³t³sa³ca³te¹chjoa²-le⁴.

Xon⁴-le⁴ ni³na¹ xi³ tʔa³tsʔe⁴ Jesucristo
New Testament in Mazatec, Huautla
(MX:mau:Mazatec, Huautla)

copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

69c7ee6e-d3c3-563f-a672-6ad58122d8ed